




John Carter Brown.


FREDERIK MULLER.


Librairie Ancienne


AMSTERDAM,


HEERENGRACHT KK No. 130.














CASPARIS BARLÆI

Antverpiani

POEMATVM

PARS II,

ELEGIARVM

ET

MISCELLANEORVM

CARMINVM.



AMSTELODAMI,

Apud IOANNEM BLAEV,

MDC LV,

P.B

NOBILISSIMO

A C

MAGNIFICO VIRO

D. DANIELI
SCHONCKIO,

Poelgeestæ Minoris Domino.



Accipe, Nobilissime Vir, Poë-
matum meorum Partem alte-
ram, quorum priorem credi-
di tutelæ N. Zulechemii. æ-
quum putavi vos jungi meis
studiis & chartis, quos jun-
git cognatio. Quoties præ-
dium istud tuum illustre ac peramanum,
quod ad Rheni ripam surgit, cogito, quo
me agrum, quo incolumem excepisti sapius,
in Tusculo mihi videor aut Formis tecum vi-
xisse. Hic non semel barbitum tetendi, & in-
ter avium matutinos cantus cantillavi non se-
gniter, veluti in Delo sua Phœbus, in Tibure
Flaccus, in Avenionis ad Rhodanum monti-
bus Petrarcha. Invitat me eò aëris mira salu-
britas, & ad poëticas commentationes com-
paratus planè loci situs. qui inter arborum do-
ctos ordines & hortorum spatia ac pulvillos,
sub salicis vel tilia umbra, eas elicit medita-
tiones, quas à litterarum & philosophiæ cultore
minimè alienas censes. Placent sua singulis stu-
dia, & uti vitæ aliquod genus quisque sibi eli-
git, vel χρηματιστικὸν, vel ἀπολαυστικὸν, vel πολι-
τικὸν, vel θεωρητικὸν, ita in postremo hoc gene-
re,

re, contemplationum artiumque delectu gaudemus. Mihi duæ maximè arrisere: Philosophia & Poësis. illa seria & ad vitæ hujus usum faciens, hæc magis ad delectationem. Illa ἔργον meum, hæc πάρεργον. Ea ferè hominum conditio est, ut quotidianam sapientiæ professionem, suaviore otio diffindere ament, & postquam ferii fuere, cupiant in amœniora secedere. Huic in deliciis exotica sunt, & ex alio orbe allatus simius, psittacus, bacilla, capsulæ. illi testacea, conchæ, turbines, cochleæ, rombi diem trahunt. alios veterum Græcorum vel Romanorum utensilia occupant, lychni, fibulæ, pelves, secures, urnæ. sunt qui felicitatis suæ summam putant canibus imperare & felibus. Quare non agrè à Te veniam impetravero, si furore poëtico plusculum commotior, hanc insaniam pergam insanire, quæ prima veterum philosophia fuit & sapientia. Nec enim fero illos, qui accerrimis impetiti convitiis, nullo offendentur magis, quam poëtæ nomine. quod aded venerabile arbitror, ut omnium dignitatum & appellationum titulos transcendat. Sane quanta fuerit horum æstimatio, Augusti Cæsaris exemplo constat, qui à reip. negotiis feriatus, duorum poëtarum gaudebat contubernio, Maronis & Flacci. licet alter lachrymis & oculis lippis, alter suspiriis & tussi Imperatori gravis esset. Fas est artifici suam artem prædicare, sine aliorum inspectione. Poëtices laudes nemo capit, nisi poeta. Nemo propius ad Deos accedit, nemo cum iis familiarius agit, nemo indolem divinam magis refert. Invocamus Apollinem, Musas, modo omnes, modo singulas, etiam Minervam, & ad nutum adsunt. licet invita interdum

terdum accedat Minerva. Ioves , Martes,
Veneres , Mercurios loqui nobiscum faci-
mus , quod nec Iurifconsulto , nec Medico,
nec Philosopho concessum. Non minus ubi-
que sumus , quam Superi. & licet habite-
mus in terris , in intermundiis Epicuri , cum
libet , scribimus. Est Deorum omnia nosse,
& supra vulgus sapere. nec minus per uni-
versa oculos mentemque circumfert poeta.
quam ob causam poësin Plato τὸ ὄλον voca-
bat. Commendat Superos justitia. etiam va-
tem , qui versibus numeros , dictionem , de-
corum suum magna religione distribuit. tu-
multuamur cum tragicis , cum comicis in-
cedimus lenius. . jocamur cum Venere , cum
Iovē supercilium tollimus , crudeles sumus
cum Marte , cum canimus *Bella per Æma-
thios plus quam civilia campos.* Et quàm illud
excellens. cum mechanicorum vix ullus , ni-
si ad Solem & lucis beneficio suum munus
obeat , poëta spissis in tenebris & intempesta
nocte Musis vacat , similis aviculis istis , quæ
desfoculæ melius canunt. Cum novem virgi-
nibus nobis res est sub stragulis , remotis ar-
bitris. iis in locis , quæ nunquam adspexit
Sol , lineas poëticas ducimus. Vti Minos in
inferiorum sedibus vitas hominum & crimi-
na discit , nos nocturna caligine circumfu-
si eadem discimus & dicimus. Non impe-
diunt Plutonis officia Furiarum flagella & la-
trans Cerberus. nec meditantem me turbant
nocturni & horarii Stentores. Majoribus quo-
que fruimur indultis , quam mortalium cete-
ri. Cum mentitur civis & maledicit , vapu-
lat presbyteris. cum idem facimus poëtæ , &
Omne vaser vitium ridenti Flaccus amico di-

cit, lauream meremur. Apud Ethicos plus dicere, quam res est, in vitio positum, apud nos in virtute. Platonicas ideas, humanitates, animalitates, bovinitates ridet & explodit Alexandri præceptor. Nos cum ideis aulicis turgemus, & Regalitates, Cardinalitates, Principatus, Ducatus, Comitatus somniamus, à Regibus, Cardinalibus, Principibus unguimur. Solus post Deos miracula facit Poëta. mortuis vitam reddit, & immortalitate donat Achillem, Æneam, Scipionem. Cæcis visum dat, claudis gressum, paralyticis robur, macilentis toros musculosque cum mediocriter doctos, probosque superlativis donat. Cum vellera aurea, mala Hesperidum, Chymæras, Geryones, fabricat, cum ex fumo fulgorem dat, ex musca elephantum facit, Nioben in saxum vertit, Daphnen in laurum, creanti similis est. Nec abest à miraculo, grandem cœli machinam in Epigrammatis punctum contrahere, quod fecit Claudianus; numerosos Græcorum & Phrygum exercitus classesque terras omnes & insulas paucis pagellis complecti, quod fecit in Iliade Homerus; Romanorum res gestas jam inde à nutrice lupa ad Augustæa tempora, uni scuto insculpere, quod fecit Maro. Qui sacarias artes excutiunt, fallunt spectatorem. Etiam poëtæ, cum Trojam equus capit, Æneas Carthaginem appellit, Augustus Divum genus est; Iliæ ex Marte gravis est, fallunt nostram credulitatem. Pictores cum Pergamorum incendium, raptam Proserpinam, aut Deianiram pingunt, omnium in se oculos convertunt. at præivere pictores poëtæ. Musicis & cantoribus præbemus aures attentissimas,

tiffimas , at poëtis Orphæo , Amphioni , ipsi
leones & lapides. Mercator merces suos con-
ditoriis asservat , quæ magno precio condu-
cit. nos saburræ omnem nostram nobiscum
absque impensis portamus. Agricola ætheris
favore , statim temporibus , fruuntur. nec sem-
per sementem faciunt aut messim. nobis nul-
lo non tempore vacat vatibus esse. Miles non
nisi hostem suum exercet. Nos hostes & a-
micos. Medici minus jucundè sanant ægros
catapotis ad fastidium ingratis. At nos *με-
λοποία* & carminum concentu furiosos ad se
revocamus , quod noverat Asclepiades medi-
cus. Philosophi in sectas abeunt. poetarum
sectas nescio , quia ab eodem Numine agi-
tantur omnes. Huius ordinis cum sim , no-
li averfari , Vir præstantissime , hospitem &
hospites Musas. Fuere huius scholæ , quos
Scipiones , Lælii , Polliones amavere. Si Lu-
canum non tulit Nero , ab invidia carminum
fuit. Nulli graves sumus. delectamus & pro-
fumus , dum benè factorum memoriam ser-
vamus. Amicitias bonorum magni facimus ;
loquuntur Elegiæ ad amicos. Sacra venera-
mur ; loquuntur Sacræ. Principum vultus su-
spicimus , prout se res dant prosperæ vel ad-
versæ , prout nascitur hic , denascitur ille ,
procantur Phyllides , nubunt Hecubæ , In-
strantur urbes , prædia , agri , Epigrammata
fundimus. Hæc amicitia veteris & nunquam
intermoritura novam tesseram habe. Plurima
apud te , in tuis ædibus & agris nata sunt.
quædam de te & tuis loquuntur. Ipse , cum
serenus esse vis , spiritum per poetica com-
menta feliciter præcipitas. Me ea comitate ,
benevolentia , ac animi propensione ample-
cter

eteris , ut ignorare hoc Batavos meos nolim,
quorum uti plurimum consuetudine fruor , ita
tuâ respiro liberius. Vale. è Museo nostro Am-
stel. xx, Oct. cId Id cXLV.

Nob. Tuae addictissimus,


C. BARLÆVS.



C. B A R L Æ I
E L E G I A R V M
L I B E R I.

Qui sacras habet.

a
E L E



DE CREATIONE MUNDI.



*S*idera cum terris digestaque corpora
mundi,

Claraque ter magni Numinis orsa
canam.

Sat patriæ Batavisque datum; subli-
mior ausis

Accin ut auctori nostra Camæna suo.

Quæque levis toties cecinit præconia famæ.

Expendat fidei grandis verba mea.

Magne Deus, dum cuncta creas, creor ipse poeta;

Quodque creor vates, muneris omne tui est.

Tu me igitur tanto pressum sub pondere rerum

Erige, & immensum pande creator opus.

Da mihi te facilem, timidæque illabere menti.

Ingenium nutu statque caditque tuo.

Non caneris sine te; nec fas sine numine numen

Dicere: quæque Deum vox sonat, illa Dei est.

Principio totum tenebris immerberat orbem,

Et poterat sibi met displicuisse chaos.

Nullus in orbe decor, non fulgens ignibus æther,

Aut spatius dirimens sæcla die que suis.

Non sua fraternis opponens vultibus ora,

Signiferi medium Luna secabat iter.

Non Helice pavidis fluctus signabat Achi vis,

Visaque tum populis Parrhasis Arctos erat.

Imbiberat terram pelagus, nec flamma, nec ær

Seque suumque decus conspicienda dabant.

Semina natura nox intempesta premebat,

Officio nondum tunc patefacta suo.

Condiderat tanta genitor primordia molis,

Atque aliqua saltem parte creator erat.

a 2

Solaque

Solaque materies, faciesque informis abyssi,
 Nec distincta rudis Thetys Vesta fuit.
 Quis mihi perpetuo currentia secula motu
 Suggestat? & nullâ corpora facta manu?
 Cur numeros atomisque crepat delira vetustas?
 Aut placitis turgent docta Lyceâ suis?
 Cedant Parmenidæ veterisque oracula Melissi,
 Cedat Anaxagoræ Democritique furor.
 Cæca stupet ratio: nec, quæ nihil antè fuisse
 Credimus, hæc fieri; nescia, posse putat.
 Tota stupet Natura Deum, robustaque quamvis,
 Viribus in nihilo deficit agra suis.
 Ars stupet, & tanta spectans molimina dextræ
 Hæret, & ipsa suas damnat egenâ manus.
 Vna per immensum virtus diffunditur orbem.
 Orditurque suum dextrâ creantis opus.
 Namque ubi primâ diem mundo concesserat Eos,
 Emicuit vultu lux speciosa novo.
 Non tenebræ mersere chaos, sed clara diei
 Fax fuit, & nocti dissociata sua.
 Altera suspensum spatioso fornice cælum
 Vidit, & æthereas, corpora vasta, domos.
 Volvitur, & magno moles libratur inani,
 Et distincta suis orbibus alta ruit.
 Quo colitur rectore domus, fulcitur ab illo.
 Quosque sibi format, possidet ipse lares.
 Et licet occiduis omnes mergantur in undis,
 Tardius occiduis quilibet exit aquis.
 Non subit alternas cœlestis machina mortes,
 Nec varia veris sunt ista theatra vices.
 Vna manet cunctis facies, decor omnibus idem;
 Et stabili pulchrum fœdere perstat opus.
 Tertia spumantis diffusa palatia Nerei
 Adspicit, & vasti regna profunda maris.
 Adspicit è medio nascentes aquore terras,
 Quaque prius latuit mersa, resurgit humus.

Ipse suas, magno quas non comprehenderat alveo
 Oceanus, vario gurgite clausit aquas.
 Pars Gades Calpenque subit. pars Caspia pulsat
 Littora. pars Gothici verberat arva soli.
 Nacet Ægeos fluctus absorpserat Helle,
 Et Tanai propior mixta Propontis erat.
 Pars hæsit concreta gelu, supposita Bootæ:
 Forsitan ut Batavis sola negaret iter.
 Pars Arabum terras, calidos pars alluit Indos,
 Pars subit ingenti Persica regna sinu.
 Nec tamen ignotos fluctus sulcaverat Argo,
 Aut fragili Tiphys puppe magister erat.
 Nec primæva truci vivebat sanguine tellus,
 Aut spatiis stabant regna dirempta suis.
 Sponte sua fruges, nullis vexata colonis,
 Nesciaque attriti vomeris arva dabant.
 Iam Coryli, & nondum feralia signa, cupressi,
 Et salices petulans exeruerent caput.
 Floraque purpureos pratis expandit honores,
 Luxuriansque novo gramine risit ager.
 Creverunt virides ventura in premia lauri,
 Palmaque Olympiacis præcipienda rotis.
 Aurea per laxos radiabant lilia campos,
 Nondum virginea lilia carpta manu,
 Et violæ, & regum signandi nomine flores;
 Iamque recens facta plus rubuere rosa.
 Quarta coruscanti flammæ insparsit Olympo,
 Et tremula radiis emicnere faces.
 Explicuit roseos lampas Phœbeia vultus,
 Et vaga spumantes exit & intrat aquas.
 Per duodena suos impellens sidera currus,
 Metitur spatiis tempora fluxa suis.
 Quæque per obscura tranquilla silentia noctis
 Cornigero niteas lumine, Luna venis.
 Subdidit ipse suos Veneri Cyllenius ignes,
 Cessit & ingenti Martia stella Iovi.

Hunc Saturne praeis, & terris dira minatus
 Ingredieris lento per tua regna gradu.
 Nec minus innumeris illuxit ab ignibus aether,
 Cœpit & obliqua signifer ire via.
 Hic pluvias fundebas Hyas; spirabat Orion,
 Parte aliâ rabido torruit igne Canis.
 Altera Hyperboreas spectabant sidera terras,
 Altera in Australes versa fuere plagas.
 Cuncta creatoris conformi i legibus ibant,
 Et sibi præscriptis quæque steterè locis.
 Quinta luce vagi verrebant aquora pisces,
 Et Venus in gelidis fervere cœpit aquis.
 Grandia terribiles agitarunt corpora phœcæ,
 Et pistrinx spinis horruit ipsa suis.
 At medium aligeræ sulcabant æra turmæ,
 Argutaque loquax voce strepebat avis.
 Sed, nondum humanas edoctus reddere voces,
 Psittacus indocili gutture cantor erat.
 Sexta dies totum fœtis animalibus orbem
 Donat, & innumerâ pascia prole beat.
 Hic quadrupes lascivit equus, spirasque retorquens
 Gramineo fallax delitet hydra thoro.
 Lanigerique greges ibant custode remoto,
 Nec Corydon timidas pastor agebat oves.
 Non lupus imbelli ferus insidiatus ovili est:
 Ambulat innocuo tigris & agna gradu.
 Tunc mundi sublimis apex, & cura laborum
 Ultima, totque operum gloria factus Homo est,
 Oceani terræque potens moderator, & hæres;
 Cui data nascentis sceptrâ stupenda soli.
 Cujus ad imperium placidi tremuere leones,
 Et posuere suas horrida monstra minas.
 Nulla venenato nocuit cui vipera morsu,
 Et scelerum nondum pœnæ cicutâ fuit.
 Quæque ferax thalamos numerosa prole bearet,
 Ipsa thori consors portio facta viri est.

Fecit.

ELEGIA R. LIB. I.

7

Fecerat ista Deus, perfecta quoque machina mundi est.
 Et placuit vasta nobile molis opus.
 Iamque opifex magno dedit intervalla labori,
 Et lux inceptis septima finis erat.

ELEGIA II.

ADAMVS PECCANS.

Cernite me, me degenerem spectate nepotes.
 Principium miserae posteritatis ero.
 Sanguinis haeredes, pariter quoque criminis estis,
 Atque reum quia me, vos quoque causa facit.
 Cum ruerem, mecum ruitis, me stante stetistis;
 Vnus ego vestrum morsque salusque fui.
 Viximus infantes, & vos: peccavimus, & vos:
 Nec sine patre boni, nec sine patre mali.
 Sic placuit pepigisse Deo, lex prima parentem
 Et sobolem simili conditione ligat.
 Et potui peccare miser; voluique; quod unum
 Fas erat arbitrio me potuisse meo.
 Et potui non esse miser; nec velle; quod unum
 Dum volui, potui qui miser esse, fui.
 Libertas facit ista reum. si cogerer, essent
 Tut a patrocinio crimina tanta suo.
 Quid malus obtendam sceleri? tua, maxime rector,
 Nota fuit menti lex veneranda mea.
 Novimus & Superum poenas, & labile coelum
 Exemplum spreta religionis erat.
 Quem peccasse pudet, didicit peccasse priores;
 Debuit & tantis cautior esse malis.
 Sprevimus audaces magni mandata parentis,
 Et potuit vetitum plus placuisse nefas:
 Nec mihi simplicitas, nec causa proderit error:
 Mens sapiens major simplicitate fuit.
 Credulitas scelerata mea est: & crimine in isto
 Livor, in hoc species impietatis erat.

C. B A R L Æ I

Quin mihi divina sortis speratur imago,
 Et vanâ superos ambitione sequor.
 Ingrato peccare libet. cui vasta patebat
 Machina, prælatum non tulit ille Deum.
 Stultitia cœlum petiit, magnique Tonantis
 Progenies cœlo noluit esse minor.
 Mille modi scelerum factio sociantur in uno,
 Et miser haud unâ sum ratione nocens.
 Femina seduxit miserum decepta maritum,
 Et mulier tanti criminis orsa facit.
 Auscultasse meum scelus est, thalamoque Deoque
 Debitor, illius falsus amore fui.
 Suaserat Eva malum; cur non dissuaserat Adam?
 Cur conjux facti facta magistra mei est?
 Cur magis illa dedit? cur tu minus abnuis Adam?
 Aut minus hoc vetui, quod magis illa jubet?
 Illa prior Ditis monitis: ego credulus illi
 Obsequor, & titulo deteriore cado.
 Ordine peccatur; concessaque femina vita,
 Prima mihi mortis facta ministra fuit.
 An tanti pomum fuit, & præbata voluptas?
 Et potuit pomo vilior esse Deus?
 Cur frugum rerumque ferax mihi sorduit hortus?
 Et gula mandenti luxuriosa fuit?
 Quæ concessa mihi est, vitam produxerat arbor;
 Accelerant vetita funera certa dapés.
 Me natura reum poscit, cœlumque, Deusque,
 Et furit in nostrum conscia terra caput.
 Quæ placido nuper ridebant sidera vultu,
 Intentant rigidas, jam truculenta, minas.
 Quæ tot sponte prius fundebat munera tellus,
 Vix eadem assiduo fracta labore dabit.
 Incolumis qui nuper eram, jam languidus erro,
 Extremumque vehet pigra senectâ diem.
 Quæ mihi mansuetæ domino parere solebant,
 Turba ruunt in me, sed nocitura, fera.

Mergor

Mergor aquis, uror flammis, sublimia terrent,
 Nasctur ad poenam qualibet herba meam.
 Ipsa quoque emoritur decoris cœlestis imago,
 Et melior nostri pars scelerata nocet.
 Me tenebræ; mentemque frequens obnubilat error.
 Et periit priscus religionis amor.
 Exulat & pietas, candor, probitasque, fidesque,
 Et subeunt animum crimina mille meum.
 Peccati vexilla sequor, sum verna malorum:
 Totus & imperio sordidiore regor.
 Heu pudet, & tanti sceleris mihi conscia mens est,
 Dumque pudet, membris tegmina quaro meis.
 Quin Deus ultor adest, Nemesisque fatigat euntem,
 Dum fugio, tacito me pede poena premit.
 Quæ latebras mihi tesquæ dabunt? quò noxia ver-
 tam
 Lumina? quæ vultus nox teget atra meos?
 Cor tremit, occultusque quatit præcordia lictor,
 Et meæ perpetuus pectora tortor habet.
 Antè oculos Styx ipsa subit, manesque profundi,
 Quasque nocens potui promeruisse neces.
 Pracipitat mors sæva gradum: gladioque coruscans
 Arcet vivifico limine dextra reum.
 Sic perii peccans, & rupto federe mundi
 Irruit in fontes terra polusque duos.
 Ipsaque posteritas fati in nexa parentum
 Flagitio debet velle perire meo.

ELEGIA III.

ORATIO CAINI,
occiso fratre Abele.

Peccavi, Superum rector, primique parentis
 Crimina flagitio deteriore sequor.
 Imbibimus partem sceleris, veniensque propago
 Hos etiam fructus impietatis amat.

Fraternal fontes maduerunt sanguine terra,
 Et nova germanus polluit arva cruor.
 Dextra nocens mea facta mihi est, me me aspice son-
 Hac manus, hac primi sica latronis erat. (tem,
 Nec solum manus ista nocet. peccavit Olympus,
 Et partem culpa tua quoque Numen habes.
 Cur mea spectanti sordent altaria cœlo?
 Primitiæque meis displicuere focus?
 Cur magis hic Superis potuit, minus ille placere?
 Et Deus in partes, arbiter orbis, abis?
 Sors eadem genuit geminos, sors extulit una,
 Debebam simili posse favore frui.
 Hinc subiit gravis ira mihi, nutrixque furoris
 Livor & ultrices invaluere minæ.
 Addita vis sceleri est, & dum furor arma ministrat,
 Ausibus ingemuit conscia terra meis.
 Dicat posteritas, fratrum quoque gratia rara est;
 Hac etiam mundi culpa sequentis erit.
 Sensimus invidiam, venturus sentiet orbis;
 Qui veniet post me, fecerit ista nepos.
 Tunc quoque, qui stricto minuetur vulnera ferro,
 Et madeat diro sanguine, frater erit.
 Alteraque Ausonia mulier subvecta quadriga,
 Per patris attonitos corpora ducet equos.
 Et tenera vitrix occurrens dextra sorori,
 Crudeli Latiam funere tinget humum.
 Tunc quoque terribiles recoquent aconita noverca,
 Et ruet in patrios sæva puella thoros.
 Non hac cade furor, non hac satiabitur umbrâ,
 Horrescent alia sæcla futura nece.
 Culpam æ culpa trahet, crescent secunda malorum
 Semina, mille dabit noxia dextra reos.
 Nunc mihi, quod vitæ superest, sit mortis imago.
 Promittit jugulo vulnera quisque meo;
 Invisusque mihi, superis invisus, & orbi,
 Anxius huc, illuc, & trepidanter eo.

Tolle

Tolle reum, Rex summe, vel hac mihi terra dehi-
Diluat hoc nostrum gratia nulla nefas. (scat;
Non locus est veniæ, nec sperat causa favorem.
Esse nocens credor, tu minus esse bonus.
Vota nec in ventos nil proficientia fundam.
Nil superest, præter posse timere, mihi.
Cum cernuntur aqua, vicinaque flumina, nobis
Flumina cuncta notas insidiantis habent.
Occursant silvæ: silvis nocitura figura est.
Si scopulus: præceps cum ruit ille, tremo.
Iamque truces fremitu terrent immane leones,
Et, mea quæ laniet viscera, tigris adest.
Suspicio cælum. cælo diffidimus ipsi.
Qua repetet fratrem, vox gravis una mihi est.
Fulmina me terrent, me rauca tonitrua terrent,
Conscia terra mei signa pudoris habet.
Nunc pluvia capiti, nunc horrida grando minatur:
Sæpius exanimem vel levis aura facit.
Nunc magis astrorum, nunc sum metuentior undæ,
Cogit & insanus cuncta timere timor.
Omnia subscribunt offensi numinis iræ,
Meque, premente Deo, machina tota premit.
Nuper & ad tremuli trepidabam graminis umbræ,
Quoque jacet frater, crimina dixit ager.
Quos dabat hic gemitus moriens, exasperat Echo:
Clamor adhuc aures personat iste meas.
Inde sub aurora, & surgentis luce diei,
Ora cruore madens est mihi visus Abel.
Lumina cum primo defessa sopore remitto,
Hæc iterum facies, hæc mihi forma subit.
Crudeles somni vigilem tenuistis, & ægrum,
Quem semel æterna nox premet atra die.
Omnia cum timeam, plus hoc fortasse timebo,
Funere lædatur ne manus ulla meo.
Conscia mens tacito præbet fomenta dolori,
Incitat & morsus poena scelusque pares.

Quid facias terror? torquet sua culpa Cainum,
 Et Nemesis celeri me pede iusta premit.
 Has fugiam terras? fugiam per saxa, per undas?
 Terra alibi dicet, dicet & unda reum.
 Sic miser & trepidans erro, sceleratus, & exul,
 Et litrocinii signa natosque gero.
 Latro fui fratris, fateor, jam latro Cainus
 Ipse sui, poenas exigit usque suas.
 Illum dextra necat princeps, me lentior atas,
 Suppliciumque mihi vitæ diesque trahunt,
 Dum superesse sinor, sinor huic superesse dolori,
 Longius & vi vo, longius ut moriar.

ELEGIA IV.

ORATIO NOACHI

Ad mundum Diluvio periturum.

I mproba gens, ignara Dei, secunda malorum,
 Et nimium fati nescia turba tui;
 Ad mea, degeneres anima, præcepta venite,
 Quas scelerum ex omni parte cupido tenet.
 Discite sanari, quæ fas est voce moneri;
 Optima virtuti proxima quæque dies.
 Dum licet, insani subeant fastidia seculi,
 Me duce mens aliud vestra sequatur iter.
 Publicus assertor lapsam reparare salutem,
 Et tantis veni pharmaca ferre malis.
 Discite, quæ maneant sceleratas præmia terras,
 Extremumque vehat flebilis hora diem.
 Crimina dum vobis, pariter discrimina surgunt,
 Et socio vadunt poena scelusque gradu.
 Si peccare iuvat, fuerit punire voluptas:
 Iudicis hæ partes, sed tolerantis, erunt.
 Lenta licet properent ad poenam numina, crescet
 Irritata sua numinis ira mora.

Cernite,

Cernite, quæ pando texuntur ventre carinae,
 Ha tabula Superum signa furoris erunt.
 Hac ratis, hac domus est, quæ de super imbribus æther
 Perpluet, hac mediis tuta feretur aquis.
 Hac est diluvio mundi pereuntis imago,
 Hac eadem terra scena natantis erit.
 Nil aliud toto reliquum servabitur orbe,
 Quasque vehet clausas unica puppis opes.
 Qui videt hanc, discat prudens sua fata neceſque,
 Et causam luctus colligat inde sui.
 Dividet hoc cælum vitas & funera ligno,
 Dividet hæc fontes, di videt arca pios.
 Distabit probitas vitiis securæ profanis,
 Quique bibit fraudes, mox bibet æther aquas.
 En Superum laxo pandentur cardine porta,
 Inque caput vestrum dira procella ruet.
 Sideraque & fontes aderunt ultricibus undis,
 Effundent pluvios nubila fœta sinus.
 Nec sibi præscriptis subsistet sinibus æquor,
 Quamque scelus latet, sternet & unda viam.
 Irruet in populos pelagus, camposque subibunt
 Flumina laxatis exspatiata vadis.
 Alteraque Oceani facies erit, altera terre,
 Obruet invisam jam modò pontus humum.
 Tunc aliquis thalamo pavidus properabit amator,
 Obvius & subitis fluitibus ibit amor.
 Dumque volat solitis flammæ exstinguere flammis,
 Exstinguent vetitas æquora tota faces.
 Tunc aliquis celsam mœchus sublatuſ in ulmum,
 Pellicis in mediis corpora cernet aquis:
 Dumque tumescentem circumspicit undique pontum,
 Ingemit exitio cuncta parata suo.
 Quaque ferent oculos mendax, perjuræ, & exlex,
 Præcípites adiget mors inopina gradus.
 Ah, tenebris frustra raptor se condet opacis,
 Non locus, aut timida spes erit ulla fuga.

Quique suas tinxit crudeli vulnere dextras,
 Sanguineum vasto gurgite credet onus.
 Dumque videt fessis se desperare lacertis,
 Occidet, & nullo subveniente natat.
 Tunc, quæ lata suo meretrix porrexit amanti,
 Iactabit liquido brachia lassa mari.
 Æmula quid celso struitis fastigia cælo?
 Hæc spoliis & pelagi præda furentis erunt.
 Cur picturatis fulgent aula columnis?
 Splendidaque è solido marmore tecta nitent?
 Sedibus illa suis rabies convellat aquarum;
 Auferet avulsos ventus & unda lares.
 Tibiis, atque va, i scelerata licentia lecti est,
 Vestraque non unum gaudia crimen habent.
 Cornua cur tollis dives? quid spernis egenum?
 Mox simili dabitur conditione mori.
 Cur lasciva, salax, petulans, improvida, deses,
 Immemor, indocilis, perfida facta gula est?
 Quid jurat infami lucas producere luxu?
 Disentiisque fluunt ebria vina cadis?
 Turgida pampineos transcendent stagna racemos,
 Opplebuntque truces ora bibentis aqua.
 Tunc serò similes vobis optabitis alnos,
 Nec, quæ vestra vehet corpora, puppis erit,
 Votaque discutient, & inania verba procellæ,
 Et levibus tradent diripienda Notis.
 Hæc toties dixi: vitiiis patientia victa est.
 Quæ fecisse pudet, dicere sæpe pudet.
 Languet, & indocili silet auditore magister,
 Et fugit insanum spreta medela virum.
 Scilicet asserui jam me, victorque pericli,
 Tutus in hoc, socia conjuge, lintre vehar.
 Effugient nati, fugient discrimina natæ;
 Rarus & à tanta clade redibit homo.
 His pauci tabulis, tectoque vehemur in isto,
 Parvaque natura portio sospes erit.

Æquore

*Æquore sic facili ventisque ferentibus utar,
 Moxque iterum nobis sicca resurget humus.
 Non mea detrectant placidi mandata leones;
 Hic aper, hic elephas ad mea iussa venit.
 Cernitis, ut lenes conscendant carbasa tauri?
 Et parili vadant femina masque gradu?
 Ipsa fatigantis metuens incommoda mundi,
 Ad monitus properat reptilis hydra meos.
 Quæque sibi patulo diffidit in aëre, compar
 His latebris etiam tutius hæret avis.
 At non illa movent stolidas præfagia mentes,
 Et præfracta suum pectora marmor habent.
 Omnia mox fient, fieri quæ posse negatis,
 Nec mea falsiloqui vox monitoris erit.
 Improba gens, celeri casus circumspice mente,
 Et tua vicinis subtrahæ fata malis.
 Ah propera, nec te venientes differ in horas.
 Dum differs, sceleri das alimenta tuo.
 Sit monuisse satis. nos hanc conscendimus arcem.
 Fallor? an irato Numen ab axe pluit?*

ELEGIA V.

ABRAHAMI è CHALDÆA

abeuntis

O R A T I O.

I Bimus, & quò fata trahunt, retrahuntque, sequemur:

*Nec profugum tellus vel remorantur aquæ.
 Chæra vale Chaldæa, vale mea patria; quicquid
 In patria potuit dulce fuisse, vale.
 Thariades procul exul abit, properamus amici,
 Quò Deus & Superùm iussa verenda vocant.
 Nec via, quæ ducar, nec quas ferar hospes in oras,
 Exilii vel quæ meta futura, scio.*

Hic

Hic pater, hic tribus est, & nomina blanda, nepotes :
 Ludit & ante oculos turba propinqua meos.
 Hic domus, hic veteri congestum cespitem culmen :
 Hic patrios colimus, mœnina prisca, lares.
 Hic mihi vicinâ præceps admurmurat undâ
 Tigris, & Euphratis lene sonantis aqua.
 Hic ager ærii mellis cœlestia dona.
 Sufficit, & multo lacte capella tumet.
 Inquimus hæc, quæ certa domi, non certa sequentes;
 Et tamen hæc eadem spes mihi certa facit.
 Forsitan Assyrias Nilo mutabimus undas,
 Atque alibi Euphrates, Tigris & alter erunt.
 Forsan in Eoo figam tentoria mundo,
 Forsan in occiduo me manet orbe locus.
 Omne solum natale piis, non semper iisdem
 Nubibus hæret avis, piscis inerrat aquis.
 Officii parere mei est : sunt cetera cœli.
 Auspiciis magni Numinis ibit Abram.
 Hoc duce si tutus fuero; non ulla morabor
 Damna, nec inuisum pes mihi sternet iter.
 Ille mihi currus, mecumque erit ille viator,
 Et comes, & tanta duxque reduxque via.
 Quæ mihi vox dixit; Patrius è sedibus exi;
 Hæc eadem dicet, quæ mihi terra vacet.
 Qui jubet, ut chara procul hinc à gente recedam,
 Leniet ignotis barbaræ corda viris.
 Innumerasque inter tollet mea nomina gentes,
 Nec sinet aut cultus, aut sua verba mori.
 Erige me non fracta Fides, da robur eunti;
 Atque animo subeant altera secla meo.
 Hic pereunt anni, pereunt hic regna, domusque;
 Vitaque, quam miseri vivimus, ista vaga est.
 Cessit in hospitium mundus, novus advena veni;
 Vespera cum fati venerit, ibo foras.
 Vita data est utenda, alibi meliore fruemur;
 Patria non hic est; queritur illa mihi.

Non dabit hanc Babylon, non hanc dabit Assur, & Ha-
 Non Canaan semper, non Pharos ipsa placet. (ram,
 Æthereas speramus opes, speramus & arces;
 Et qua non teneo sidera, vota tenent.
 Quam non fessa manus, sed condidit arbiter orbis,
 Ista mihi sedes, ista futura domus.
 Hic vagor incertus, nunc huc, nunc avocor istuc,
 Quæque via, vita circulus ille mea est.
 Nec tamen extorrem crimen facit, aut malus erro
 Indignus patriâ cogor abire meâ.
 Te sequor, ô Superum rector; quod jusseris, ibo.
 Gaudeat hoc tellus hospite, civæ polus.

ELEGIA IV.

A B R A H A M I

filium Isaacum immolaturi Oratio.

Quam mea me variis virtus exercita fatis
 Intrepidâ nixum relligione probat!
 Liquimus Assyrios; Chaldaas liquimus urbes,
 Et procul externo jam lare tutus ago.
 Deserui patriam, nec tot charissima nobis
 Pignora mandatis prævalere Dei.
 Altera nunc cælum fidei documenta reposcit,
 Altera jam pietas imperat ausa mihi.
 Cur Deus hoc mandas? cur non sinis esse parentem!
 Cur dominum vacuâ me cupis esse domo?
 Cur soboles jugulanda placet? cur funere tali,
 Cur his exequiis expedit esse pium?
 Mille mihi patulis errant in montibus agni,
 Multaque per Syria præta vagatur ovis.
 Sunt juga taurorum, sunt victima crebra; capella;
 Et, qui te placet, pinguior hæc edus adest.
 Cur tua non istis fumant altaria donis?
 Nec cadit ante tuos icta juvenca focas?
 Cur potius nostro das argumenta dolori,
 Et repetis vitæ gaudia sola mea?

Cur

Cur lex natura contraria legibus ista est?
 In jugulū nati cur ruet ipse pater?
 An mihi peccanti vindex irascere ather?
 Utque luam culpam criminis, ista jubes?
 An aliquis superos, vel me, malus abstulit error,
 Et vana legis credulitate fruor?
 An Abrahæ tentanda fides, totiesque probatum
 Robur, & obsequiis officiosus amor?
 An, quod velle potest, juste voluisse putabo
 Numen, & hoc facti regula velle mei est?
 An mea vis feri repetant exempla nepotes?
 Et pater invicta religionis ero?
 Quicquid erit, tua, magne Deus, mandata capeſſam.
 Hac est servitio dextra parata tuo.
 Hic puer est, hac ista strues, bustumque, rogusque,
 Hic locus, hoc soboles hostia monte cadet.
 Stringimus, & nati jugulo sic abdimus ensem.
 Heu nimium cur es tarda reperta manus?
 Si pater appellor, mihi cur mactaberis Isaac?
 Et cur, si placeas victima, sospes eris?
 Cum genitrix effocta subit, mihi dextera languet,
 Cum subit obsequii gloria, dextera ferit.
 Si pereas, perit Abramidum sperata propago;
 Ni pereas, fidei laus violata mea est.
 Si jugulem, non te, fili, praesumar amasse.
 Ni jugulem, minus, hic credar amasse Deum.
 Suadet amor, dissuadet amor natique Deique;
 Spes tamen & curas & fugat una metus.
 Spes superat, superat grandis fiducia cæpti,
 Et quæ non cernit, credit adesse fides.
 Tu præstare Deus poteris promissa clienti,
 Tu facies verbis pondus inesse tuis.
 Tu cineres animare pios, tu reddere vitam,
 Secula tu soboli reddere raptâ potes.
 Quin mihi progenies busto nascetur ab ipso,
 Et fuerant vitæ quæ bona, mortis erunt.

Vidimus

Vidimus hanc sobolem, te solum dante, Creator;
 Reddimus hanc iterum, te repetente, tibi.
 Illa tuum munus, tuus est labor; accipe donum,
 Primitiasque mei rursus amoris habe.
 At tu nate, mea vires, mea sola voluptas,
 Delicium patriæ subsidiumque domus,
 Exue sollicitas, num sit mihi victima, curas,
 Autorem solum res habet ista Deum.
 Ille potest longe positum spectare futurum,
 Et certum dubiis casibus urget iter.
 Illius ante oculos, quæ non sunt, esse videntur,
 Ille diem mediis fenerat è tenebris.
 Quam memini, tunc cum reges & castra fugarem,
 Auxiliatrices accelerasse manus!
 Quam memini Pharium mihi conciliasse tyrannum,
 Cum conjunx thalamo reddita Sara meo est!
 Quam memini nostrâ suspensam gente salutem,
 Fœdera que in populos continuanda meos!
 Quare age nostra truces jam nunc manus imbuat a-
 Et pater in fœtus seruiat ipse suos. (ras,
 Aut sua, qui dederat, mandata refinget Olympus,
 Aut iterum, filii, mox redi-vivus eris.

ELEGIA VII.

ORATIO IOSEPHI

ad uxorem Potipharis.

Quid malefana meos princeps exposcis amores
 Femina? quid veritas expetis ægra faces?
 Exigis officium? scelerum mandata retracta.
 Obsequium tanti criminis odit amor.
 Vis famulum? meliora jube. vis esse ministrum?
 Servitii ne sit pars scelerata mei.
 Debetur mens casta Deo, pietasque petitis
 Abnuat, & fœdas respuit illa preces.

Hanc

Hanc dum sector amans, dominam detestor aman-
 Alteriusque faces discutit alter amor. (tem,
 Hospitii sum verna tui: sic credar adulter,
 Nec thalami custos, sed violator ero.
 Non ego, si tellus careat rectore, vel ather;
 Negligat aut tantum terra polusque nefas:
 Tam grandis reus esse mali speremque, velinque,
 Aut fidei violam iura decusque mea.
 Non velit hoc Potiphar: nec fædus improbus ausis,
 Ut placeam domina, displiceam domino.
 Quem premit ille thorum, pudor est conscendere ser-
 Nec patitur socios nupta pudica viros. (vum:
 Tristia si subeant vacui fastidia lecti,
 Quæ mihi Sponsa fidem libera juret, erit.
 Fæta puellarum Pharos est, secundaque Nili
 Ostia, virgineos qua peperere sinus.
 Hic castas adamare licet; tibi crimine jungar,
 Et precium sceleri perfidus addet amor.
 Improba quid juvenem, quid me lasciva laceffis?
 Egelidum prorsus me tua flamma facit.
 Qui te acuit Veneris furor, in me totus hebescit:
 Petraque sum, quo tu mollis ab igne liques.
 Ac velut adversis scopulus non frangitur Euris,
 Surdui ad voces mens generosa tuas.
 Cur aliena meis conjux amplexibus hæres?
 Longius amplexu me facis ire tuo.
 Basia si speras, referam suspiria mæstus,
 Excipiet noster gaudia vestra dolor.
 Brachia tu stringis, mihi virtus brachia solvit:
 Nec mea respondent ausibus ausa tuis.
 Non mihi casaries, non compti lege capilli,
 Collaque, non facies, non placet ille decor.
 Dissuadent hæc ipsa nefas. formosior esse
 Dum cupis, hoc ipso turpis amore mihi es.
 Dum subeunt vultus, vultus subit ecce creator,
 Et timidum tanti numinis horror habet.

Conjugis omne decus solo censetur honesto,
Nec, nisi quæ casta est femina, pulchra nitet.
Rideat, & nostris insultet vocibus aula,
Et domina spreto exprobet illa sinus.
Gens secura Dei scelerum mala nomina spernit,
Et pietas isto iudice victa cadit.
Me Deus, & patrum veneranda exempla meorum,
Invictaque movet religionis amor.
Ite Dionæ legum post sicra catelli,
Cedite Acidaliæ turba profana chori.
Tu quoque, tu nostrum mulier contingere corpus
Desine, nec lachrymas, nec superadde minas.
Non flector lachrymis, nec amantum cedo querelis:
Cur? speciem lachrymæ decipientis habent.
Quin potius restingue feros ploratibus ignes,
Istaque flagitium diluat unda tuum.
Nec promissa moror, nec quæ mihi sæva minaris:
Sis mala, sis facilis, luxuriosa nocens.
Conscia mens proprii nutrit fomenta doloris,
Pœnaque peccatis ita comes illa suis.
Luxuries, præ dulce malum, blanditur & angit:
Quemque joci reficit blanda, severa necat.
Non hoc, non magno narrabis fama Iacobo,
Audiet aut nati facta nefanda sui.
Sufficiat lasciva Thamar, non alter avitæ
Gentis & Isacidum stirpis adulter ero.
Non ego debebo Phariis ludibria terris
Improbis, aut faciet me mea culpa reum.
Te redamem? subeam potius ferale sepulchrum;
Membraque dem rapidis dilaceranda rotis.
Te redamem? tunc cum fontes remeabit ad ipsos
Nilus, ero propria servus amator heræ.
Instat amans mulier, sequitur, trahit, urget, inhæret;
Excipit & longas vis rabiesque preces.
Invitum quid iniqua trahis? cape pallia; non me:
Istaque servati signa pudoris habe.

E L E G I A V I I I .

O R A T I O I O S E P H I

fratres in Ægypto agnoscentis.

Ille ego sum nuper patriis extorris Ioseph
 Sedibus, & nostra portio spreta domus.
 Ille ego sum vestro frater de sanguine, quem rex
 Imperio late vult dare jura suo.
 Cura patris nocuit puero, patrique placere
 Cui nocuit, cura plus fuit ille Deo.
 Extulit hujus amor, quem fratrum presserat ira;
 Una salus vobis displicuisse fuit.
 Quam mea dissimili se judice causa tuetur!
 Quam distant studiis terra Deusque suis!
 Vos mea, vos rigidis strinxistis brachia vinculis;
 Ille meum claro cinxit honore caput.
 Qua Pelusiæ fecistis serva colonis,
 Reddidit illa mihi libera colla Deus.
 Non hic cæca suos jactet Rhamnusia vultus,
 Aut rotet instabiles ficta puella vices.
 Casus abest, nec fors venturi incerta vagatur.
 Aut hominum nullis finibus errat opus.
 Dirigit hæc, totum nutu qui temperat orbem,
 Reflor, & occulto numine corda movet.
 Ac veluti tacitis subterlabentia terris
 Flumina, cæca quidem, sed tamen apta, fluunt:
 Permeat ad fixos Superum sapientia fines,
 Quæque latent, magnâ cum ratione facit.
 Illa nefas, scelerumque vias vestigat, & ortus,
 Quo ruat & quantum possit iniqua manus.
 Iam vitio sapiens laxat, jam stringit habenas:
 Quæque vetat, fieri provida sæpè sinit.
 Impedit, & prohibet: pœnas infligit & aufert:
 Dura malis, precibus flexilis, æqua bonis.

Inclusi

Inclusi spatiis frendent sceleratus & exlex,
 Nec se posse dolent, quæ voluisse queunt.
 Cernite me, varia exemplum memorabile sortis,
 Cernite me, vitæ cernite fata mea.
 Qui modo pauper eram, regum pluvia scando:
 Quem produit fratrem dicere, sceptrâ colunt.
 Quem modo captivum mulier lasciva tenebat,
 Emicat, & decori redditus ille suo est.
 Dum furit improbitas, dum fratrum gratia rara est,
 Nostra per augustum gloriæ tendit iter.
 Me beat exilium, me vestra opprobria tollunt,
 Et meus è turpi carcere crevit honos.
 Heu lachrymor, fratres, & conscia pectora cernens,
 Injici im timidis pectora pectoribus.
 Oscula desigam trepidis, sed blandula, labris:
 Non alius vestri criminis ultor ero.
 Quos gerimus, vobis etiam debentur honores,
 Pars etiam vestra nostra salutis erit.
 Sumite congestis Cerealia munera saccis,
 Isacidumque meo vivat amore domus.
 Ne pereant tanti miseranda morte nepotes,
 Præviis hæc adii regna beata nepos.
 Vos titulos natique vices narrate Iacobo,
 Decrepitumque levent nunciata senem.
 Nos genitor fecit miseros, sed fecit amando:
 Nos rapti miserum fecimus esse patrem.
 Nunc amor ille mihi, nunc sors adversa parenti,
 Nunc vobis in me profuit esse malis.

ELEGIA IX.

ORATIO IEPHTHÆ

filiam immolaturi.

CUr victor mea nata vocor? cur vincitur Am-
 Si tua sunt laudi funera juncta mea. (mon?
 Indylia

Indlyta quæ patrios investit lauræa crines,
 Hæc eadem fati nuncia facta tui est.
 Quos meruit plausus, meruit quos dextra triumphos,
 Dedecorat voti prodiga lingua sui.
 Castra foris sunt salva mihi, milesque, ducesque.
 Vnica non sospes tu mihi nata domi es.
 Quam mihi blanda Duci peperit fortuna salutem,
 Eripuit misero vox malesana patri.
 Nunc hostes periere mei, plus tu hostibus una es :
 Dumque peris, tecum victor & ipse perit.
 Vincimur imbelles ambo, qui vicimus armis :
 Ammonios gladius, te mea vota necant.
 Vota necant, sed stulta; necant improvida. nec cum
 Stulta sient, ausim facta negasse Deo.
 Cur aliquid dixi? cur lumina noxia feci?
 Et victrix titulos polluit hora meos?
 Teque Deumque inter dubius decernere cogor;
 Impius, an cupiam perfidus esse pater.
 Si peragam promissa; meis mactabere iussis.
 Et dilecta mihi victima nata cades.
 Si Domino promissa negem: perjurus habebor.
 Et repetent nostram numina læsa fidem.
 Altera lex sobolem; commendat & altera votum:
 Et geminâ pietas lege, quod odit, amat.
 Te mactasse odii est, te non mactasse favoris;
 Hic illic species religionis inest.
 Lex sobolem mactare vetat: sed vota reposcit:
 Sic premit ambiguus pectora nostra dolor.
 Irrita vis faciam, quæ voti nescius? at me,
 Inconsulta licet, solvere vota decet.
 Irrita vis faciam, quia voti turpia? multò.
 Turpius est Domino vota negasse suo.
 Si natam mactare nefas cur busta rogamque
 Thariades nato conficit ipse suo?
 Iusserat omnipotens: sed me quoque reddere vota
 Iussit, & hæc magno vota probata Deo.

Illius

Illius obsequium sero celebrabitur aro:
 Nunc etiam mundo nostra probanda fides.
 Quod vovi, scelus esse scio: sed vovimus illud;
 Vovimus, & voto nulla medela meo est.
 Dum miser atque orbis vivo, mea vita scelestæ est,
 Dumque scelus præsto, sum magis ipse miser.
 Quod facio, patior facinus: cadensque trucidor:
 Mortua tu, Iephthes hostia viva cadam.
 O utinam, tunc cum bello succumberet Ammon,
 Hostili genitor casus ab ense forem.
 Non jam barbarici spectator funeris essem,
 Ingemeretque meis flebilis ara malis.
 Nec, si me reducem merisissent tartara patrem;
 Stultiæ alueres præmia dira mea.
 Phæbe tuos, vestros abscondite sidera vultus,
 Nec videat fœdas lux speciosa necesse.
 Ite procul famulæ; satis est spectare parentem,
 Solus ego tanti funeris author ero.
 Da veniam ludæa mihi; patriæque, tibi que,
 Hoc etiam constat tuta cruore salus.
 Quid genitrix irata doles? tibi debeat illa,
 Debeat patri plus tamen illa suo.
 Nata tua est? magis illa mea est. ego perdere possum;
 Qui genui; nostri filia juris erit.
 Si renuas, me perjurum amplexare maritum:
 Si renuas, facies me magis esse reum.

ELEGIA X.

EPISTOLA AMMONIS

Ad Thamaram Sororem.

Sæpius hæc scribo, nec sum tibi, femina, tanti,
 Ut mihi rescribas, plæus minus ipsi faves.
 Quo titulo scribas, placeam quo nomine frater,
 Non moror, hoc unum, te redamasse, moror.

Quò germana magis fugis, hoc plus diligit Aminon;
 Accendant vetula pectora nostra faces.
 Vror, at osculto stimulum tu subdis amori.
 Votaque dum spernis, plus vcluisse facis.
 Te facilem simula, potero te segnis amare :
 Difficilis cum sis, cogor amare magis.
 Nam licet infestis percussa bipennibus ilex
 Perstet, ad extremum sapius ista ruit.
 Tu quoque, dura licet, poteris prece dura moveri,
 Et cupies sorti condoluisse mea.
 Non formosa tibi es, nobis decor iste creatur ;
 Forma tua est, soli cernitur illa mihi.
 Pulchra soror fueris, vultus vilescit imago,
 Nil liceat vultu luminibusque frui.
 Alterius dos ista viri est : plus fulget amando,
 Et decus in thalamis exerit illa suum.
 Quos solers natura tibi formavit ocellos,
 Non domina, verum lusus amantis erunt.
 Quaeque tibi frons est, nostro festiva furori
 Annuit, eque tuo corpore vita redit.
 Quae debes aliis, fratri invidisse scelestum,
 Da mihi, da forma gaudia prima tua.
 Elige, si cupias, juvenem de gente tuorum ;
 Non tibi, qui Thamarum sic amet, ullus erit.
 In facie pallor, macies in corpore toto est,
 Inque dies te dum deperco, pereco.
 Genua labant, crebrisque madent ploratibus ora,
 Nec mihi nox vultus subtrahit atra tuos.
 Membra mihi querulo recubant exanguia lecto.
 Hoc unum credor sanus, amare queo.
 Redde precor vitam, vel si mihi reddere non vis,
 Per populos lethi causa ferere mei.
 Tunc tibi, sed serò, tot verba precesque subibunt,
 Et lachryma, & fratris tristia fata tui.
 Tunc aliquis dicet : Iacet hic despectus amator ;
 Causa soror miseri funeris una fuit.

Ante tuos mea tunc oculos versabitur umbra,
 Nec tibi tranquilla noxque diesque fluent.
 Si tibi virginitas cura est; quot sorduit illa
 Matribus? hæc poterit cura nocere tibi.
 Si fratris te terret amor, vetitique hymenæi:
 Non aliter frater, quam peregrinus amat.
 Eripe fraternum mihi nomen, & altera finge
 Nomina. sæpe sibi somnia fingit amor.
 Quos horret natura thoros, invidit amanti.
 Nec tibi quæ genitrix, hæc fuit una mihi.
 Est pater ambobus non alter, at altera mater.
 Hoc ergo poteris non soror esse modo.
 Quæ vetuit nostros lex inviolabilis ignes,
 Dat veniam jussis sæpius illa suis.
 Callida magnanimum quondam Thamar arsit Iu-
 Et tamen hic illi tunc socer, illa nurus. (dam,
 Ipse pater thalamos Vriæ conscendit adulter;
 Cur mea, cur juvenum crimina tanta putas?
 Haud puduit Lothum natarum amplexibus abdi:
 A finis tali non mea culpa malo est.
 Regia res scelus est; levis peccare putatur,
 Augusto quisquis sanguine natus erit.
 Scilicet hæc teneram comitantur fata juventam,
 Nec possum flammis non caluisse meis.
 Cogor in obsequium Veneris, te cogor amare,
 Imperat arbitrio tuque furorque meo.
 Si formosa fores minus, en, minus Ammon amarem,
 Audacem vultus me facit esse tuus.
 Audacem faciunt gressus, & eburnea colla,
 Quæque meo cupiam membra jacere thoro.
 Vidimus Hebræas, sed non placet ulla, puellas.
 Femina præ Thamaræ sordida quæque mihi est.
 Aut mihi te cupiet jungi fortuna, vel artem.
 In vultus frustra contulit illa tuos.
 Da breve sævitæ spatium; lenire furorem.
 Sola potes; nostri sola medela mali es:

Non decet invita fieri, quod dulce volenti est.
 Armatas fugiant oscula blanda preces.
 Si fratrem redamas, pergam te frater amare,
 Si renuas, forsitan peior amator ero.
 Quod nequeo precibus, docto tentabimus astu,
 Crede soror. valde est ingeniosus amor.
 Et licet incuses, fuerisque irata minanti,
 Nil moror, in tanto crimine fructus adest.
 Damna libens patiar. nostras veniemus ad artes,
 Irata satis est posse sorore frui.

ELEGIA XI.

RESPONSIO THAMARÆ

Ad Aminonis epistolam.

HÆc tibi rescribo, quam vis diversa petenti:
 Crimine te nolo demeruisse meo.
 Te possum redamare soror, sed dispare lecto:
 Consortem thalami te redamare nefas.
 Scire cupis causam? titulo tibi denegor uno.
 Sum soror; hoc caream nomine, amare velim.
 Sim tibi difficilis; talem nunc expedit esse.
 Argue morosam; dum tibi casta vocer;
 Si tibi forma placet Thamaræ, si vultus & ora,
 Cur hæc flagitio vis temerare tuo?
 Tolle decus fama; periit vultusque colorque,
 Nulla est amissa forma pudicitie.
 Pulchra tibi videor; quam vellem foeda viderer?
 Quam vellem arbitrii res foret ista mei!
 Pulchra tibi videor; pulchrâ tu disce carere;
 Quæ tanto constant crimine pulchra, nocent.
 Cum subeunt animum temeraria vota petentis,
 Ingenue nobis erubere gena,
 Conjugium, thalamique fidem, non improba posco
 Fœdera; nulla tibi basia lena dabo.

Me pudor absterret timidam, te terreat idem.

Convenit ille mihi, convenit ille tibi.

Heu meminisse pudet, fastique in imagine pecco,

Et rea sit tanti mens memor ipsa mali.

Non mihi tu frater, non crederis amplius Ammon,

Nec mihi qui pater est, debuit esse tibi.

Quæ non Davidicis inferis opprobria tectis?

Quam tua tot proavum crimina sceptrâ luent!

Et tamen hæc creptis præfers exempla profanis,

Ipsaque peccato quaritur ansa tuo.

Qui te morbus habet miserum, febrisque calorque.

Astuti fraudes forsan amantis erunt.

Aut tibi si veri dissolvunt membra dolores,

Iste nocens poterit sic periisse dolor.

Non scelus est, agrum proprio jacuisse cubili,

At scelus est thalamo te jacuisse meo.

Non hic blanda quies fessis inrepat ocellis,

Præbeat aut placidas nox scelerata moras.

Ipsa suos à me vertant ultricia vultus

Sidera, & attonitos Cynthia flestat equos.

Virginitas intacta mihi est, totoque Sione

Illesa colitur virginitate Thamar.

Præstat ut alterius flagres sine crimine flammis,

Quàm ruat infando noster amore pudor.

Sit mea virginitas ignoti præda latronis,

Solabor casu deteriore malum.

Tu rapere innupta cupias, fraterque sorori?

Et scelus incestu conduplicare tuum?

Improbe amor, quo non mortalia pectora cogis!

Nec tamen hæc eadem pectora cogit amor.

Dum tibi vim simulas, dum cogi dicis amantem.

Prætextum vitio quaris, amare cupis.

Ista licet teneras depascat flamma medullas.

Obrueré hanc sola religione potes.

Aut canibus sectare feras, venabula torque,

Aut procul à Thamara rus geniale cole.

Colla doma spumantis equi, frenabis amorem,
 Officiiue tui pars erit iste labor.
 Otia dum captas, scelerata negotia trahas,
 Quodque velis, superest, præter amare, nihil.
 Si tibi non parcis, patri, generique, mihi que,
 Flagitii vindex Absalon unus erit.
 Tu mihi si fraudes, si perfida vincula neſcis,
 Excipiet fraudes forſitan ille tuas.
 Non fallax tu ſolus eris, ſcit fallere & ille,
 Materiemque dolis dat dolus ipſe novis.
 Interea, quam turpis amas, te caſta monebit,
 Ne Thamaram poſthac frater & Ammon amer.

ELEGIA XII.

IOBI QVERELÆ.

Multa diuque tuli: tandem patientia viſta eſt:
 Et labat innumeris mens mea preſſa malis.
 Culpa minor vitio eſt, graviores crimine poena,
 Pluraque, quam potui promeruiſſe, fero.
 Nil mihi jam reliquum tellus facit; omnium egenus
 Mitia quæ fuerant, aſpera ſata queror.
 Cuncta mihi dederat cælum, jam cuncta repoſcit;
 Et dolet hoc, donis tot potuiſſe frui.
 Plus miſer eſt, quiſquis vixit ſine labe beatus,
 Nec, niſi quæ fluxit proſpera, vita mala eſt.
 Hac mercede Deo longos ſervi vimus annos?
 Eſſet ut exitii cauſa, fuiſſe piū?
 Et mihi ſimplicitas nocuit, candor que, fideſque?
 An ſcelus audenti gratia major erit?
 Proderit eſſe malis, quam ſic coluiſſe Tonantem.
 Ah, piget intactas cadibus eſſe manus.
 Si latro, ſi raptor fuerim, placabitur æther.
 Integra ſi fuerit mens mihi, poena ſubit.
 Et potius mendax, potius laudabor adulter,
 Si minus à culta religione probor.

Cur toties sacras humilis prosternor ad aras ?
 Inque meis fumat pinguior agna focis ?
 Si pietas gravis ista mihi est : peccemus inulti ;
 Impietas cælo iudice tuta viget.
 Bella gerunt Arabes, & gens inimica, Sabæ,
 Et spoliū de me quilibet hostis habet.
 Assur adest, raptorque meos populare penates
 Venit, & immisso milite vastat agros.
 Mille mihi nuper tondebant prata capelle,
 Plenaque tardigradis pascua bobus erant.
 Ingemuere meo centum sub vomere tauri,
 Lanigerique gregis copia magna fuit.
 Undique triticea complebant horrea messes,
 Et latices tellus officiosa dabat.
 Ad mea veloces properabant iussa ministri,
 Hic agili dextra promptior, ille pede.
 Sidonioque mihi redolebant murice vestes,
 Tinxerat & nostras purpura rara togas.
 Turba salutantium foribus fervebat in ipsis,
 Ibat in Eoas didita fama plagas.
 Omnia qui tenui, non hoc superesse fatebor,
 Ut possim sanus dicere : dives eram.
 Non bos in stabulis, non taurus mugit in agris,
 Nulla mihi tremulo gutture balat ovis.
 Et pariter pueri, pariter periire puella,
 Et superest tanta è posteritate nihil.
 Despiciunt dominum famuli, famulaque, miserque
 Tot careo, potui quot satur esse, bonis.
 Afflictum fugiunt omnes, nec noscor ab illis,
 Tempore qui fuerant candidiore mei.
 Nudus inopsque vagor, sine nomine, tegmine, cultu;
 Et scabies toto corpore fœda riget.
 Membraque liventi sordent languentia tabo,
 Nec satis est uno me periisse modo.
 Deferor amissis opibus, soboleque, domoque,
 Coniuge. quæ nobis omnia sola fuit.

Conspirant in me tellus, Acheronque, polusque ;
 Viscera nostra, mea diripiuntur opes.
 Improba nunc Eliphas loquitur, nunc frendet Elix,
 Et Baldad fatis asperat ora meis.
 Ipsa thori conjunx, & nomina blanda, nepotes
 Ultimus accedunt ad mea damna dolor.
 Numen ubi est ? ubi sunt Superi ? contendere possum.
 Ingentis speciem sors mea juris habet.
 Vive pius, patiere tamen ; colo sacra, colentem
 Sors tamen in lachrymas invidiosa trahit.
 Quod si fata bonos vexant, magis aqua profanis,
 Penè loquar, nullum dicere jura Deum.
 Ista manus poenas, hac ponderet altera culpas,
 Dissimilis culpa pœna futura mea est.
 Et loquar hoc : Tant ane animis cœlestibus ira ?
 Ut cupiant uni bella parare viro ?
 Egregiam verò laudem & spolia ampla reportent,
 Si luteas sternant fulmina celsa domos.
 Stringitur in teneras gravior censura columbas,
 Et facile innocuum vastat ovile lupus.
 Perdere me facile est, si sit nocuisse voluptas,
 Et quæ me fecit, tollere dextra potest.
 Ut stipulæ Boreas, foliis irascitur Euris,
 Irruit in nostrum numinis ira caput.
 At facies, at dextra tua est, quæ sanguine livet :
 Dedecoris partem, magne Creator, habes.
 Sunt tua quæ fœdâ sordent mihi corpora crustâ :
 Aut mihi dic, quamam sim tibi lege reus.
 Crimina dic. dic quæso mea deliria vita.
 Quod scelus est, vel quo sum tibi teste nocens ?
 Cur premis insontem ? cur non placaris amico ?
 Cur tua sint nostris lumina clausa malis ?
 Tu scelerum formas, numerosq; expendis ad unguem,
 Et potis es gressus & numerare pedes.
 Cur mihi perpetuâ in volvis caligine lucas ?
 Et Stygios vivum cogis adire lacus ?

Vita vices morientis habet, tumultoque superstes
 Claudor, & exstincti sum levis umbra rogi.
 Quo pede per terras, gradior Phlegethonta per ipsum,
 Deficit ad funus praefica sola meum.
 Cruda renascentes praebent alimenta quarela,
 Et reliquum vita nox tegit una diem.
 Hec si non merui, mihi cur succenset Olympus?
 Si merui, causam vindicet ille suam.
 Heu coeli terraeque pudor! vixisse perisse est.
 Totaque supplicio vita parata meo est.
 Quis mea praeteritis expunget tempora fastis?
 Atque istum poterit surripuisse diem,
 Quo me fatales genitrix produxit in auras,
 Primaque principium funeris hora fuit.
 Non erat, ut tanta lux hac praenuncia cladis,
 Flammiferis populos irradiaret equis.
 Hanc chaos antiquum caecis meruisse tenebris
 Debuit, & sedum detinuisse Nihil.
 Cur quajum genitus, non sum detentus in alvo?
 Quaque domus, tumultus non fuit illa mihi?
 Cur me lata sinu mater, cur fovit in ulnis?
 Hoc ipso poteram tunc perisse sinu.
 Brachia quae toties puero supposita fuere,
 Hae artus poterant dilacerasse meos.
 Oscula cur fixit? cur lumina blandula dixit?
 Lumina tot lachrymis, tot miseranda malis.
 O utinam tunc cum tenera per colla parentis
 Reptabam, collo pondera lapsa forent!
 Non ego jam longo traherem suspiria luctu,
 Nec quererer miseros lentius ire dies.
 Nec mihi quarenti facilis solatia somni,
 Turbaret noctes cura dolorque graves.
 Saepe dolens inopes atque ora famelica pavi.
 Pauperiesque mea saepe levata manu est.
 Me vidui coluere lares, ego promior illos
 Solatus studiis alloquioque fui.

Non amor argenti, nec habendi seua cupido
 Subdidit infami pectora nostra jugo.
 Hoc studui: sacros opibus non tradere mores,
 Totque Dci donis auctior, esse bonus.
 Ad mea cum fessus properaret tecta viator,
 Hospitis officiis obsequiosus eram.
 Objice, qui poteris, falsa perjuriam lingua,
 Nostra fuit laudis lingua ministra tua.
 Exige, qui poteris, servilis premia dextra,
 Iratum credam justius esse Deum.
 Tu quoque lase pudor, si laseimus, exige pœnas,
 Fœdera si thalami nos soluisse putas.
 Has Iobum meruisse vices dixistis amici.
 Dicitis: in culpas area lata patet.
 Causa mea est melior: nec enim tam dira peregi,
 Aut par delicto est numinis ira meo.

ELEGIA XIII.

ORATIO DANIELIS

in lacum leonum detrusi.

M Agne maris cœlique Deus, dum vota super-
 sunt,
 Excipe, quos querulo fundimus ore sonos.
 Neve precor tanti regis subscribe furori;
 Sit satis Assyriis Principis ira mihi.
 Tu Deus Isacidum toties pro gente stetisti,
 Cum Pharios ultrix mergeret unda duces.
 Tot a tibi patuit Canaan, concessit Idume,
 Quotque aderant, hostes tot cecidere tui.
 Sape ferox petiit Iesseum Saulus alumnum,
 Sapius ille tuo numine tutus erat.
 Ingreditur medios pietas secunda per ignes,
 Nec poterant flamma vel nocuisse faces.

Te cecinere viri : rabidâque intacta favillâ,
Tunc fuit in laudes lingua diserta tuas.
Respice me, famulique tui miserere creator :
Subveniant fatis altera fata meis.
Quam ferus est Assur, tam sis mihi mitior illo.
Perdere quem vellet, ne periisse velis.
Orat opem Daniel, vastum demissus in antrum,
Et media veluti de Styge verba facit.
Vndique me Libyci terrent immane leones,
Et tot Marmarici monstra stupenda soli.
Iam timeo rictus, & murmura sæva ferarum.
Lumina sunt oculis ista tremenda meis.
Terribilesque jubas, atque ora famelica cerno,
Quaque rigent toto spuma cruorque specu.
Iam metuo villos, & tenta verbera cauda,
Quaque meo recubant barbara membra thoro.
Hic mihi terrificis aliquis rugitibus instat,
Hic alius tunicâ contegit ora meâ.
Ille truces capiti dentes, hic admovent ungues.
Lambit & imbelles horrida lingua manus.
Cum subeant pugna, cum bella immania surgunt.
Quam metuo, ne mox dilacerandus agar !
Nec mihi tuta quies : omnes vigilamus in horas.
Et placidus tenero corpore somnus abest.
Atque ego dum nequeo, letor dormire leones,
Et recreat miserum, tunc timuisse minus.
Vivimus hos inter comites : hac vivimus aula :
Istaque supplicio scena parata meo est.
Sanguine cuncta madent : & squallent limina tabo.
Quaque famem nequeant ossa domare, jacent.
Tu Deus indomitis compesce leonibus iras.
Ingentesque tuo numine frange minas.
Tu loquere : & rabies stomachi sedata fatiscet.
Induet & mores bellua jussa novos.
Non fortuna reum, non sors facit illa nocentem.
Ista tui fidei premia cultor habet.

Non ego fallacis colui ludibria Beli,
 Nec stolidi supplex cum Babylone fusi.
 Sprevi ligna Deos, & inania nomina mystas,
 Nec reor in saxis numen inesse tuum.
 Omnia qui condis, non es pars condita rerum,
 Artificique suo tam rude distat opus.
 Quem nec terra patens, nec machina claudit Olym-
 Non faber angusto claudat in are Deum. (pi,
 Lumina cur venerer cæcis damnata tenebris?
 Exanimisque pedes, & sine mente caput?
 Cur aures venerer? non est vigor auribus ullus:
 Nec capit humanas machina tanta preces.
 Os vidi, sed voce carens: sine rore ore nervos,
 Nec rigida motus dant documenta manus.
 Stat super excelsum moles erecta colossus,
 Stat lapis, & cultus non capit ipse suos.
 Hunc gentes populique furor maleficus adorat,
 Et demens tangi credit amore sui.
 Regia majestas vetitis advolvitur aris,
 Et scelus exemplo splendidior probat.
 Gensque sacerdotum paribus se polluit ausis,
 Hosque habet auctores fabula ficta suos.
 At non ista mea placuit vesania menti,
 Nec lapidi dixi: Tu mihi numen eris.
 Frangere quod possum, vel sævis urere flammis,
 Cur ego, cur pietas officiosa colas?
 Nec coluisse libet squamosi colla Draconis:
 Cur? potuit nostris occubuisse dolis.
 Et jam strata jacent mediis immania templis
 Corpora, disrupto bellua ventre patet.
 Sic gemini periere Dei. jam ringitur Assur,
 Et veteri excussus religione dolet.
 Et dolet insana vacuus mercede sacerdos,
 Solamenque mali funera nostra putat.
 At tu praesidium misero es, tu sola salutis
 Anchora, promissi tu. memor usque tui es.

Sunt

Sunt mihi jam faciles, sed te mandante, leones,
 Ludit & antè meos effera turba pedes.
 Africa terribiles mansuetior exiit iras,
 Et soboles terræ degener ista sua est.
 Sic ubi se nondum vitis involverat orbis,
 Credibile est astus detumuisse feros.
 Et mihi nescio quis peregrè pulmenta ministrat,
 Et recreant subita corpora fracta dapes.
 Ite procul cura. vati famulatur Olympus,
 Nec, qui non possunt non nocuisse, nocent.

ELEGIA XIV.

Iuditha è castris Assyriorum redux, inter-
 fecto Holoferne.

Vicimus, atque uno patriam defendimus ictu,
 Istaque Iuditha gloria, nulla viri est.
 Vidimus, & tanti, Cives, dux femina facti,
 Materies docta posteritatis ero.
 En caput, en dira vultus cervice recisos;
 Hæc sunt militia prima trophæa mea.
 Hæc mihi victrici pars cessit, at altera castris:
 Dividit Assyrium dextera nostra ducem,
 Hoc munus ferale damus. cape patria sacrum:
 Plus tibi, quam cæsi Principis ora, damus.
 Hoc precio vietas iterum mercabimur urbes,
 Hoc spoliū trepidis hostibus horror erit.
 Ite viri, properate duces, cape tela juventus,
 Excipiant ausus prælia vestra meos.
 Nec jam terribilis faciem spectate tyranni;
 Non poterunt veteres plus nocuisse minæ.
 Cernitis, ut tumeant hesternis inflata Lyæo
 Lumina? adhuc tepido Bacchus in ore natat.
 Cernitis adpersos nocturnâ eade capillos?
 His mihi correptus Barbarus iste fuit.

Quis fuit nostrum rabies vesana cruorem,
 Pocula suo moriens sanguine plena bibit.
 Callida me volui capiti promittere diro,
 Pollicuiisque meis ingeniosa fui.
 Basia dum querit, stricto persolvimus ense.
 Quam sunt concubitus aspera fata mei!
 Quot miser à nostris speraverat oscula labris,
 Vulnere tot valida certa dedere manus.
 Quique meo caluit modo vespertinus amore,
 Iam calet, atque suo membra cruore foveat.
 Arsit amans, nos flagrantem restinximus ignem,
 Quaeque caput, pariter sustulit ira facies.
 Dum mihi philtro parat, mihi dum propinat amara-
 Funus amatori sermone serena paro. (tor,
 Esset ut officii merces celeberrima tanti,
 Et veniens, abiens, hospes & hostis eram.
 Quemque thorum mecum Princeps pressisset iniquus,
 Solus, & infelix, exanimisque premit.
 Ἀχέφαλ' & mediis Venerem jam quærat in umbris,
 Atque aliquam ex imis manibus Assur amet.
 Non mihi Manaassis subiere oblivia chari;
 Dum putor Eunuchos sordida, casta fui.
 Nec precio venalis eram, nec veste, nec auro:—
 Et tamen hac probitas dissimulanda fuit.
 Integra fama mihi est, vici sine crimine Medum,
 Nec lesi titulos ille pudoris habet.
 Peccassem fateor, si delinita fuisset;
 Nunc volui verbis pondus abesse meis.
 At corpus scelere intactum, pectusque pudicum
 Cum mihi servarim, perdere verba leve est.
 Peccavi mentita? fui mentita tyranno:
 Hoc dudum Pharia me docuere natus.
 Cui nocui mentita? Duci. sic vicimus hostem.
 Hac bona sunt dubiis anteferenda malis.
 Patria salva mihi est: tota est Bethulia sospes;
 Discedent maris impia castra meis.

Hæc dixi mercede aliquid, quod dicere nollem
 Libera : sic culpâ lingua carere potest.
 Causa subest factô, causâ mentimur honestâ,
 Invidiam noxæ detrahet illa mea.
 Isacida laudate Deum, puerique, senesque,
 Et celebrent ausus secula sera meos.
 Clara fuit Deboræ virtus, plus fortis Iael,
 Accedam tantis ultima nominibus.
 Vos illud librate caput, procul horreat hostis :
 Et discant dominum castra timere suum.
 Inveniet reliquam, partem dum spectat ademptam
 Barbarus, & lacero Principe terga dabit. -

ELEGIA XV.

O R A T I O

Matris Iudaicæ, crudeli supplicio una cum
 filiis septem sub ANTIOCHO
 extinctæ.

S Tabat, & excoctas mater Iudæa favillas
 Dum videt, & natis busta parata suis,
 Talibus immitem dictis fuit ulta Tyrannum,
 Suppliciumque suum leniit ore dolor.
 Quid furis ? & nostris acuis cruciatibus ignes ?
 Barbaricasque ferâ protrahis arte neces ?
 Hæc patiar pro lege libens. non flamma, nec ensis,
 Me poterunt Domino surripuisse meo.
 Vre ; pium flammæ rabies accendit amorem.
 Vre ; Deum noster fortius ignis amat.
 Vre ; sacrosanctas subdunt incendia flammæ.
 Vre : sacer diro crescit ab igne calor.
 Iam miseræ licet esse mihi, licet esse beata ;
 Et subeunt animo morsque salusque meo.
 Huc tua jussa vocant ; aliò mandata Tonantis ;
 Et dispar voto rexque Deusque suo est.

Obse-

Obsequor Antiocho : flammæ minitabitur æther.
 Obsequor huic : flammæ rex truculente paras.
 Obsequor Antiocho ; patriæ sum transfuga legis.
 Obsequor huic : miserè dilacerata trahor.
 Libera si reddar : Iudæis perfida credar.
 Libera si non sum, jam reæ facta secor.
 Suadet amor vitæ vitium : dissuadet honesti.
 Ira Ducis terret, sed magis ira Dei.
 Plus Superum potuere minæ. cape, magne Creator,
 Obsequio tantum dedita membra tuo.
 Corpora quæ lacerat licitor, tu tota creasti;
 Reddimus hæc eadem jam mutilata tibi.
 Cum nihil ipsa forem, fecit tua dextra quod essem;
 Colliget hæc artus post mea fata meos.
 Impietas, discinde manum : mihi secula reddent
 Altera ; nec flammis desinet esse tuis.
 Scinde pedes : citius cunctos penetrabimus orbes,
 Dum miseram prohibes ire, volare facis.
 Exime, quæ Superum cecinit præconia, linguam,
 Accinet auctori mox rediviva suo.
 Exue me proprio nudatam tergo matrem :
 Hac iterum cœli filia pelle tegar.
 Frustatim laniasse juvat : sed tota resurgam,
 Tota loquar sceleri verba severa tuo.
 Hos mihi relligio reddet servata triumphos,
 Et vitam pietas intemerata dabit.
 Vos quoque, vos septem nostro de sanguine nati,
 Respuite invisas, pignora chara, dapes.
 Displiceant epulæ, quæ displicuere Tonanti,
 Nec violet patrum iussa pricra nepos.
 Non ego peccantes, infartaque viscera porcæ,
 Aut rea flagitii nomina mater amem.
 Plus ego discriptos mater venerabor ; & ille,
 Regia qui fugit crimina, natus erit.
 Ah, miseros jam flamma coquit. miserere tyranne,
 Redde meos, sobolem rex mihi redde meam.

Red-

Reddere Rex noli; rursum mea vota retracto.

Et pia quod genitrix nolo, miserta volo.

Ambiguus lustratur amor pietasque querelis,

Ille dolens sobolem diligit, illa Deum.

Ite mei partus, medios descendite in ignes,

Septemplex Domino victima cesi cadet.

Sic decet Isacidum veros perisse nepotes,

Qui renuet, stirpi degener ille suus est.

Vos mea, vos eadem nascentes edidit alvus,

Et mater vitæ munera primæ dedi.

Nunc eadem cunctis facta est sartago sepulchrum;

Vnaque victuros concoquit urna viros.

Vna dies iterum cælo vos reddet, & astris.

Et decor eximiis fratribus unus erit.

Non lachrymor: majora malis quia gaudia restant;

Elidunt gemitus spesque fidesque meos.

Non lachrymor: quia vestra sequar vestigia mater.

Me quoque sors poscit, quæ modo vestra fuit.

Quæ patiar, scindar, coquar, urar, sola super sum.

Heu quàm martyrii sera corona mei est!

ELEGIA XVI.

R A C H E L

Plorans Infanticidium Herodis.

Crudeles Solymæ, (quid enim, nisi dira, precabor)
Accipite hæc luctus conscia verba mei.

Et veniam nostris concedite questibus; isto,

Non alio, possum l. si nocere modo.

Vliscar gemitu facinus, ploratibus enses,

Nec fuerit soboli condoluisse nefas.

Quam tua jussa necant, luget, Rex improbe, mater;

Materiamque meis dant tua sceptræ malis.

En lachrymnis funesta rigor, præcordia planctu

Verbero, & extinctum brachia pondus habent.

Oscula

Oscula vulneribus, jam basia figo labellis,
 Effigies miseri cernitur una rogi.
 Abluitur sanies, & quod latus hauserat ensis,
 Occupat officiis obsequiosa manus.
 Hac est Abramidos natum plorantis imago,
 Sic ira videor posse placere tua.
 O utinam tanti sceleris spectator adesses,
 Herodisque oculis conspiceretur opus!
 Induerem furibunda virum, jamque ora tyranno
 Feminæ posset dilacerare furor.
 Et quererer coram, propiusque irata minarer,
 Quaque ferat secum frustra cruenta darem.
 Et qui Sidonio totus discumbit in ostro,
 Impia sanguineis tingeret ora notis.
 Purpuraque hunc ipsum biberet vesana cruorem,
 Signaque sævitia cerneret ista sua.
 Improbe, (sic loquerer) tibi non mansuescere docta
 Mater, at immam tigride nata fuit.
 Vberaque admorunt Hircanæ dira leonæ,
 Aut si quid sitiens Africa pejus habet.
 Latrantesque inter scopulos & saxa Charybdæ,
 Edocuit mores horrida Scylla suos.
 Sævior Antiocho es, dominoque ferocior illo,
 Qui rabido sacros torruit igne viros.
 Quid puer hic meruit, tam paucis editus horis?
 Qui potuit sceptris noxius esse tuis?
 Prima dies vita, mortis sit prima cruenta,
 Et moritur lucis nescius ipse sua.
 Nec te vagitus, nec femine ululatus
 Flectere, non lachryma, non potuere preces.
 Non teneri infantis risus, sine fraudibus atas,
 Membraque non ullo contemnerata malo.
 Quin meus arrisit missis latronibus infans.
 Autoresque sua nesciit esse necis.
 Risit, & ut gladios vidit fulgere coruscòs,
 Credidit ista sibi gaudia posse dari.

Cur miserum genitricis? vel cur improvida nupsit?
Cur steriles cælum non dedit esse sinus?
Non hos te, fili, in casus, & fata tulissem;
Esset ut exitio vita parata tuo.
Triste patris nomen, nomen miserabile matris,
Flebile plus nostro nomine, nate, tuum.
Nec tamen aut genitrix ultra genitorque supersunt;
Nomina tu nobis, dum cadis, ista rapis.
Nubite Iudææ meliori sorte puella,
Sideraque in vestros sint magis æqua thoros.
Vnica crudeles Bethlemlia sentiat enses,
Solaque regales eximat illa metus.
Scilicet hunc potuit regi suasse furorem
Sceptorum rabies, imperiique furor.
Quique suis latè populis, non imperat ira.
Et pueri metuit sceptrum verenda Dei.
Ille tamen Phariis vivit securus in oris,
Exitioque Deum vindicat ipse Deus.
Nec fera barbarici manus huic nocitura tyranni est;
Aut fodiet sacrum dextera iussa latius.
Insentes perimur, nec regnis nata juvenis
Clara Redemptoris nomina morte luit.
Ah infelices cunas nascentis Iesu,
Tot quibus & matres & doluere patres!
Felices iterum cunas, obitusque beatos!
Hæc est martyrii gloria prima mei.
Illa per æthereos soboles spatiabitur hortos,
Et referet moris præmia clara sua.
Illa salutiferos Christi spectabit ocellos,
Angelisque ibit consociata choris.
At mihi nunc orba subeunt mala plurima matri,
Pluraque, dum nequeo mæsta silere, queror.
Cur hæc fatidicis oracula prodita chartis,
Esset ut his nostris rex oriturus agris?
Parvula cur laudes Bethlem servaris in istas?
Et simul una meis crederis apta malis?

Cur

Cur finit hoc cœlum, cur non fera militis ora
 Inter terrificas obriguere neces?
 Cur non fulmineum stringentia brachia ferrum
 Illicet ad plagas obstupere suas?
 Fulmina cur servat vitiis levioribus ather?
 Nec furit in tantum numinis ira scelus?
 Cum subit illius facies tristiſſima lucis,
 Qua ferus in nostros irruit ille lares,
 Cum subeunt planctus, & tot lamenta parentum,
 Sparsaque per cunctas membra tenella domos:
 Has ipsas inter mortes, & funera verſor,
 Atque iterum ante oculos miles & ensis adest.
 Iamque loquor: ſine me Deus hanc effundere vitam,
 Aut mihi tu vitæ ſtamina rumpe mea.
 Vivere qui cupiam mater, ſine prole ſuperſtes,
 Aut miſeros optem ſapere redire dies.
 Parve puer, quoties hoc noſtro corpore corpus
 Teximus, atque iſta ſregimus arma manu.
 Occului gremio, gremio tu raptus ab ipſo es,
 Biſque mihi victo milite raptus eras.
 Ipſa cruentatos decuſſi fortior enſes,
 Maſculaque iratus roborâ ſumſit amor.
 Tunc animus fuit ire mihi tela omnia contra,
 Et nocui, potui quot nocuiſſe modis.
 Sanguine permixta lachrymæ per tecta fluebant,
 Et duplex gladios tinxerat unda feros.
 Vidi ego, quæ fugiens per inacceſſas ambages
 Præcipui mulier ſederat alta domo.
 Vidi ego, quæ puteos ſobolem demiſit in ipſos,
 Immunem hunc gaudens cadibus eſſe locum.
 Vidi ego, quæ ſylvis latebrisque recepta ferarum,
 Plus faciles illic ſenſerat eſſe feras.
 Atque aliqua, ut potuit palmarum frondibus abdi:
 Arboreis textit pignora chara comis.
 Saviit in reliquam crudelis dextera turbam,
 Et meus, heu, periit caſus ab enſe puer.

Hunc

Hunc adigas, dixi, mea per praeordia, miles,
 At soboli clemens obsecro parce mea.
 Me ferias matrem, minus hic crudelis haberis,
 Istaque mors nobis muneris instar erit.
 Ille tamen teneris atrox aruicibus instat,
 Ceu rabidus pavidum vastat ovile lupus.
 Quosque ego mox fovi, furibundus dissecat artus,
 Ferrea nec poterant corda movere preces.
 Sic mihi posteritas, venturorumque nepotum
 Spes ruit atque animo damna futura sequor.
 Hoc fuit, hunc dixit mihi nox praesaga dolorem,
 Signaque tristitia praevia multa dedit.
 Somnia turbabant placidam funesta quietem,
 Visaque, ceu vigili, trux Libitina fuit.
 Funereos audire sonos, lessosque videbar,
 Ingemuitque meo praefica moesta thoro.
 Hic vidi tumulos, illic sine veste cadaver,
 Et supposita suis fulcra cadaveribus.
 Incubuit querulo mulier non una feretro,
 Quaque oculos flexi, mortis imago fuit.
 Non ultra vanas immittere Morpheae curas
 Crediderim; somni fabula vera mei est.
 Quem vidi tumultum, nati fuit ille cadentis;
 Illius hi gemitus, ille cadaver erat.
 Nuper & in cinis (nunc omnia laeva recordor)
 Visa est sanguineis culcitra tincta notis.
 Nec, velut ante, leves placidis vagitibus auras
 Traxit, at hos subito corripuere metus.
 Tollite me Superi, cupio comes ire sepulto,
 Forsitan adventum sentiet umbra meum,
 Afficietque pios matris praesentia manes,
 Et mala sic levius, vel mala nulla feram.

ELEGIA

In Nativitatem Salvatoris nostri

IESV CHRISTI,

Ad

D. EWALDVM SCREVELIVM,

Medicinæ Professore.

Non tibi Bilbilicæ vilissima munera chartæ;
Et, quamvis multum lemnata docta,
dabo.

Tessera, turriculæ, graphiaria, theca, coronæ
Vilia sunt; sordent scrinia, pecten, acus.

Mattiacæque pilæ, venabula, fistula, folliis,
Corvus, pica loquax, psittacus, accipiter.

In precio fuerint tunica, manicæque, togaque
Et cervical oleus, strataque pluma thoris.

Omnibus his præsepe tuum plus præstat Iesu;
Plus precii Cuna nos redimentis habent.

ELEGIA XVII.

I Te procul veteres, Parnassia numina, Musa:
Ite procul studiis turba profana meis.
Sola salutiferum destillent pectora Christum,
Et latices sacro nunc Helicone fluant.

Cyrrha vale, Phœbique domus, non Castalis amnis,
Non levat ipsa meam Phocidos unda sitim.

Tu mihi virgineos aperi sanctissima partus
Calliope, & pueri tempora prima Dei.

Dic mihi Musa virum, celsò qui missus Olympo;
Isacidumque satus sanguine, factus homo est.

Mutatur jam terra polo, & venerabile cœli
Depositum mundi machina vilis habet.

Quas

Quas aether servabat opes, sibi servat Idume :
 Accipit authorem gens malesana suum.
 Ne pereas peccator homo, sunt numina praeſto :
 Laeſaque pars culpa ſubvenit ipſa tui.
 Ecce patris magni ſoboles, conſorſque Tonanti
 Filius, humana conditione meret.
 Ipſe hominem, noſtroſque Deus ſuperinduit artus,
 Et duplici clarum nomine nomen habet.
 Caelo terra coit, nec pars aeterna caducam,
 Aut ſociam Superam gloria ſpernit humum.
 Quique Deus fuerat, Deus eſt, nec deſinit eſſe :
 Aut decori geſtat noxia membra ſuo.
 Et caro qui nunquam fuerat, veſtitur ab illa :
 Nec Deus huic, ipſi nec gravis illa Deo eſt.
 Una Redemptoris facies, rex unicus orbi eſt ;
 Quemque hominem, pariter dixeris eſſe Deum.
 Occulitur ſub carne Deus, diumque adſpicias illam,
 Regia majeſtas diſſimulat a latet.
 Magne Puer, tibi vitales gratamur, & ortum,
 Et canimus cunis carmina fauſta tuis.
 Ingredere auſpiciis noſtrum felicibus orbem,
 Et redeat tanto vindice parſa Salus.
 Qua Deus es, patrium potis eſſe lenire furorem,
 At caro mortales ſentiet agra vices.
 Crux hominem, Diisſque Deum certamina poſcunt :
 Vt quibus ille malis ſuccubat, ille levet.
 Mors hominem, mortemque Deus calcabis, & illi
 Eripies ſpolium funeris ipſe tui.
 Sunt diuiſa Dei, diuiſaque munia carnis,
 Nec ſocias renunt ille vel illa manus.
 Sic terris promiſſus ades, ſic tota vetuſtas
 Emicat, & legis clarior umbra tu eſt.
 Haec Patribus ſperata dies, haec ſecula vidit
 Eminus, & multum tunc oculata fides.
 Tu, quod Tartarei diſfringet colla colubri,
 Magnaque fatorum robor a, ſemen eris.

Tharria

Thariades te vidit orans : tu virgula Iessa,
 Tu leo, Iudææ spes redi viva tribus.
 Virginei tu ventris onus, tu stella Iacobi,
 Davidicaque puer progenerate domo.
 Te dominum supplex, te regem nata Sionis
 Nuncupat, & prisco non sine teste venis.
 Cum sua morigerus portaret busta puellus,
 Illa tui species busta fuere rogi.
 Sanguineis cum lata Pharos sua limina guttis
 Tingeret, illa tua mortis imago fuit.
 Crebra Palestino cecidisti vittima templo,
 Et typus effusi sanguinis unus eras.
 Tu sanctum penetrale subis; tu vota sacerdos
 Excipis, & populi tristia verba tui.
 Quique dator vitæ serpens trabe tollitur altæ,
 Prævia venturæ tollitur umbra crucis.
 Sancte puer, non te genitoris conscia mater
 Edidit, aut patrio sanguine facta parens.
 Non Mariæ thalamum adpersit fecunda voluptas;
 Qui genuit, cæli Spiritus ille fuit.
 Sic tibi natales alii sine matre supersunt;
 Hos tibi natales dat sine patre pater.
 Nasceris intactâ melior de virgine proles.
 Abluat ut canas rex sine labe meas.
 Nasceris, & Latiæ gustas longa ociæ Romæ.
 Auspiciis pacis pax fuit ista tue.
 Altera bella silent, Sathana dum bella resurgunt:
 Et domito Stygius vincitur orbe Deus.
 Nasceris, & tuguri congestum cespitem culmen
 Servitii pandit limina prima tui.
 Hac calum tibi fata parat, sed, maxime Iesu,
 Paupertas alias spondet egenæ vices.
 Sic Patri placuisse cupis; dumque atrix spernis
 Splendida, cælestes Christe mereris opes.
 Respice peccantem, frater sine crimine, fratrem:
 Nec pigeat sorti condoluisse meæ.

Respi-

*Respice, meque tui consortem sanguinis audi,
Nec pudeat carni condoluisse tua.*

*Quas tibi tendo manus, quæ supplex lingua precatur,
Quod tibi flecto genu, sanguinis omne tui est.
Sic tibi quæ vitam, mihi lux feret ista salutem,
Mixtaque erunt cunis gaudia tanta meis.*

ELEGIA

ad CHRISTVM in Cruce pendentem :

Ad

ARNOLDVM BVCHELIVM,
Iurisconsultum, Ultrajectinum.

Docte senex, quæ sacra fero, cape federis
arrham;

Quam meus è casto pectore mittit amor.
Non scopulo fixam Andromedam, poenasque
Promethei,

Hippolytiq; obitus, raptaque membra leges.
Non Tityi jecur, aut rapidos Ixionis orbes,
Titanunque graves, Enceladique vices.

Illa meis aberunt varum mendacia chartis,
Exhibet afflictum pagina nostra Deum.

Si qua tibi tulerint humiles solatia Cunæ,
Discutiet cunctos Crux veneranda metus.

ELEGIA XVIII.

Nunc, ô Christe, tuas humilis prosternor ad aras,
Et veneror mortis celsa theatra tue.

Tu pateris, sed culpa mea est: tu criminis expers
Supplicii pendis tristia fata mei.

Se peragit natura ream, tu victima luges;
Alterius scelus est, alteriusque dolor.

Nomina debemus, sed tu vadimonia prestas,
 Nostraque sat facilis debita sponsor habes.
 Dextra tibi perfossa riget; mea sola scelestæ est;
 Nec sentit poenam noxia dextra suam.
 Innocuum qui mucro latus transfigit, aberrat.
 Debentur lateri vulnus & hasta meo.
 Improbus immiti linguam tibi lavit aceto
 Miles; at hac nostram proluat unda sitim.
 Spinea regalem tibi cingit adorea frontem.
 At pudor humani nominis illa fuit.
 Cur secat inmerita tergus vibice flagellum?
 Et cruor è sacro corpore fusus abit?
 Hoc tergus Iudæ feri. mea perfida vita est,
 Perfida mens, studiis perfida lingua suis.
 Exspuit in sacros vultus sceleratus Apella.
 Conspue me: frontis gloria nulla mea est.
 Heu, strinxere tuas adamantinæ vincula palmas,
 Brachia erant vinculis nostra liganda tuis.
 Quid captive gemis? damnati carceris umbra
 Me tegat, & fraudes abdat opaca meas.
 Latro datur socius, mihi lupo assidet agno,
 Et numerum impietas cum pietate facit.
 Iste latro collega mihi, consorsque malorum est.
 Talis ego merui parte sedere chori.
 Iudicis ipse tui toties absolveris ore.
 Sum sceleris iudex, testis & ipse mei.
 Heu miser, infamis libras mala pondera ligni,
 Et proprii portas busta futura rogi.
 Me grave lassat onus; vitiis succumbere doctus
 Debebam merita succubuisse cruci.
 Christe, quid exanimi ducis suspiria planctu?
 Verberat & patrios mœsta querela lares?
 Ma me, adsum, qui feci, in me converte furoris
 Fulmina, me media desere morte Pater.
 Quid pia, quid moriens claudis tua lumina Iesu?
 Sola fuit fonti hac delicta pœna mihi.

Crux salve veneranda, mei medicina doloris,
 Spes mea, peccantium portus, & ara precum.
 Praesidium miseris, fidei tutela labantis,
 Unica Christi adum gloria, vita, salus.
 Hoc ligno nos Christe beas, altare, sacerdos.
 Victima: cuncta unus jam minor ipse Deo es.
 Ora tibi prono pendent proclivia vultu:
 Oscula vis populo figere blanda tuo.
 Sunt expansa tibi totum amplexantia mundum
 Brachia; & hic speciem gestus amantis habet.
 Dextera Iudaeos invitat, at altera gentes:
 Sic moriens cunctos vivere posse cupis.
 Destillat madidis lachrymarum flumen ocellis,
 Abluat ut lachrymas flebilis unda meas.
 Et qui foeda lavat peccantis crimina mundi,
 Sanguinis ex isto corpore rivus abit.
 Gaudia nostra dolor, peperitque infamia famam,
 Et mea capti vus libera colla facis.
 Qua te flagra premunt, flagris me absolvere possunt.
 Et ne cedere homo, caderis ipse Deus.
 Cingit spina caput, sed qua marcescere nescit,
 Facta meo capiti spina corona fuit.
 Gestat arundineum regalis dextera sceptrum,
 Ne desint titulis sceptrum futura meis.
 Defereris, ne me pereuntem deserat aether;
 Et tua sit questus meta querela mei.
 Mors tua vita mihi est, atque isto funere nascor,
 Quemque tibi rapiunt, dant mihi fata diem.
 Cur timeam? fidei una mea fiducia Crux est.
 Cur timeam? rigidas crux fugat una minas.
 Cur peccem? tanti Sponsoris morte redemptus?
 Cur peccem? gemius cum subit hora tui.
 Haec facies, haec mæsta Dei pendens imago
 Nec me peccantem, nec finit esse reum.

ELEGIA XIX.

O R A T I O

Indæ Iscariotæ suspendium sibi parantis.

Quisquis in hac cernes infelix arbore pondus,
 Me fuge, nec propius flecte, Viator, iter.
 Forsitan & poterit dirum nocuisse cadaver,
 Solaque te faciet corporis aura reum.
 Ite procul scelerum ignari, neque conscia fraudum
 Pectora, nec sacram fallere docta fidem.
 Cedite matrona, castosque averte vultus,
 Ne fontis videant ora nefanda viri.
 Hoc virtus pietasque loco candorque faceffe,
 Et quicquid laudem religionis habet.
 Non una sum lege nocens; Dominumque Deumque
 Prodidit, & factio perfida lingua suo est.
 Quique mihi vultus fuit, & qui gestus amantis,
 Cuncta nota famuli decipientis erant.
 Ipse dedi summis multum per amica labellis
 Oscula, sed tacitis insidiosa dolis.
 Auxinus ingenio facinus, doctæque fefelli,
 Ne crimen levius simplicitate foret.
 Vendidimusque Deum precio, servique redemptor
 Ipse sui factus merx scelerata fuit.
 Traditur infami mercabilis ære creator,
 Et cedunt lucro nomina tanta meo.
 Polluit una meos obscœna pecunia mores,
 Et sacer argenti suasit iniqua furor.
 Tristis avaritia rabies dum colligit aurum,
 Hunc quoque cum posset vendere, vendit herum.
 Dicite Pontifices, sacrisque operate sacerdos,
 Flagitio semper turba pudenda meo:
 Cur placuit vobis cœlum venale, Deusque?
 Quæque rem faciant, annumerastis opes?

Si volui peccare prior, quoque culpa probantum est;
Et precio facinus qui fovet, ille facit.
Heu quid agam? durum est sortis meminisse prioris:
Hinc timor, hinc sceleris me premit ipse dolor.
Iamque animo dulces monitus reminiscor lisi;
Actaque cum domino vita diesque subit.
Nunc fora, nunc ades, nunc publica templa revolve,
Omnia quæ sacris personare sonis.
Nunc in gramineis pendente oracula campis,
Et pia littoreis verba recordor agris.
Hæc audire mihi fuit & didicisse voluptas;
Vocibus his licuit colloquiisque frui.
O quoties dixi, vox hæc placidissima cæli est;
Vive, nec extremum dent tibi fata diem.
Heu scelus, ista silet nostra facundia culpa,
Illa meo solum crimine muta stupet.
Vosque mei quondam, charissimæ turba, sodales,
Non ultra vestri cernitis ora ducis.
Hactenus esse pius licuit: nunc cede magistri,
Et dispar titulo proditiōis ero.
En caput, en Dominum vinculis ac compede strinxi,
Indicioque meo proditus ille latet.
Tinximus innocuo sceleratas sanguine dextras,
Nec sine me Solymæ miles ad arma ruit.
Squallida nunc illum tenebroso carceris aula
Abdit, & immensum vilior umbra Deum.
Iam gemit, & patrius infert suspiria tectis.
Et famuli queritur facta nefanda sui.
Tuque parens dilecta tui crudelia nati
Funera nequitis pignora crede mea.
Sit funesta dies, quæ me dignatus amicum est;
Et voluit sociis annumerare suis.
Ah graviter cecidi: quid enim mirabile, si quis
Tactus avaritia vulnus amoris habet.
At mea nunc ultor commercia devovet æther.
E! vales sollicitum numinis ira premit.

Desperasse iuvat : nec enim placabile coelum est,
 Ignoscique meum cor mihi posse negat.
 Non Styx una mihi, Phlegethon non sufficit omnis,
 Nec satis ad poenam est tota gehenna meam.
 Mitior est Acheron, nec crimina nostra piabunt
 Tartara, nec flagris sava Megara suis :
 Nec quæ perpetuis Nemesis cruciatibus instat,
 Flammarumque dolor, precipitesque rota.
 Hac ego cum timeam, potui maiora mereri,
 Quodque malum fingat mens mea, majus habet.
 Sævit in proprium quondam fera dextera fratrem,
 Et sceleris poenas pertulit illa sui.
 Qui toties puero fuit insidiatus Iesse,
 Vincitur, atque suo casus ab ense cadit.
 Sævit in patrem sceleratus Absalon ausis,
 At miser è quercu triste pependit onus.
 His quoque jam Nemesis miserum suspendit Iudam
 Frondibus ; hæc testis criminis arbor erit.
 Adsum lictor, & ipse mei libitina sepulchri,
 Exequiasque mihi præfica nulla canet.
 Non nova me circum protrudet gramina tellus,
 Nullaque purpurei gloria veris erit.
 Non stillant mei madefient rore capilli,
 Ipse meum fugient ventus & aura caput.
 Umbra loco feralis erit, frigusque tremorque.
 Hinc radios Phæbus, Cynthia flectet equos.
 Aëre librabor, terris secretus & astris,
 Fabulaque & lusus prætereuntis ero.
 Quæque reum occulto tellus irata fatigat
 Verbere, suspensio non erit illa gravis.
 Cur ultra vitæ custos invisus amara,
 Contineam pronas in mea fata manus ?
 Cur doleam ? pudor est Superam sperare favorem,
 Aut numen precibus flectere velle meis.
 Cur doleam ? cerno præsens hac arbore funus,
 Istaque ius fati fasciæ vilis habet.

Culpa

*Culpa mea est : in me commissi poena redundet :
Sint capitis damno damna soluta mei.*

Clarissimo Viro

D. ARNOLDO BVCHELIO,

Iurisconsulto apud Vltrajectinos.

Prima tibi magni scripsit cunabula Christi,
Nascentemque Deum, & reparantem federa
mundo

Calliope perculsa virum. stupuere superba
Pauperiem cunasque nurus, & conscia fastus
Terra sui solito timuit splendescere cultu.
Alteram languidulis Christi morientis ocellis
Indoluit lachrymans, & chari luxit Iesu
Funera, fatalemque trabem, & violabile letho
Terrarum sublime caput. nos crimen in illo
Quisque suum, & veteris mæsti vestigia culpa
Flevimus, infandosque gula ploravimus ausus.
Nunc idem plorare vetat, quem flevimus. atros
Discussit lux ista dies, quâ tartara victor,
Et Phlegethontæ acies, ipsosque profunda
Perdomuit mortis thalamos, & sidera scandit
Induperator ovans. magno cœlestia plausu
Templa sonant, aliumque Deus subvectus in orbem
Aërios supra tractus, & nubila cœli,
Peccantem fastidit humum. tibi conscia rerum
Ilustres repetit, Bucheli venerande, triumphos
Mens afflata Deo, & languenti leta reponit
Verba seni, vastique fores jam pandit Olympi.
Quaque per æthereos tandem defessa quiescant
Membra domos, animaque tuæ sincera bonorum.
Sors erit, aternique fluent in secula menses,
Fatidica monstrant, Christo præeunte, Camœnæ.

ELEGIA XX.

I

Ascensum CHRISTI in cœlum.

M Agne triumphator Stygis, & pallētis Averni,
 Qui novus extincto victor ab hoste redis;
 Maxime fatorum domitor, quem Tartara, manes,
 Et Phlegethontæi pertremunt aula Dei:
 Scande redux Superumque domos, patriosq; penates,
 Et repete imperii pristina jura tui.
 Exue languentes crudeli funere vultus,
 Exue flagitio membra cruenta meo.
 Exue, queis frontem spinis redimivuit Apella,
 Exue purpureæ ludicra spectra togæ.
 Iam tibi cœlestis circumdat laurea crines,
 Et turgent titulis regna paterna novis.
 Iam tibi promissos Genitor largitur honores,
 Sceptraque dat sceptris subjicienda suis.
 Talis, ubi invisifugeret consortia mundi,
 Primævus petiit tecta beata pater.
 Talis siderei flammantia mœnia templi
 Thesbius, humanis sedibus exul, adit.
 Quique Palæstinum subiit penetrabile sacerdos,
 Clara salutiferi principis umbra fuit.
 Quid mihi prisca tuos objectas Roma, triumphos?
 Quem canimus, cœlo iudice, victor ovat.
 Tu facilem vinci Cimbrum, Persenque superbum,
 Et subigis frameis barbara castra tuis.
 Hic truci exuvias Erebi, noctisque profunda,
 Et spoliū victo de Phlegethonte refert.
 Tu currus tumidasque paras generosa curules:
 Hunc dominum nubes officiosa vehit.
 Illa leves tantum recreant spectacula Quirites:
 Hic sua Christigenū gaudia mundus habet.

Illis

Illic captivi plorant sua vincula reges :
 Hic captiva gemunt Crimina, Mors, Phlegethon.
 Immoriturque suis fati violentia bustis,
 Et proprios ridet mors superata rogos.
 Tunc sua gavisus fremuit praeconia miles :
 Nunc strepit Angelicis turba beata sonis.
 Excepere Duces prono Capitolia vultu :
 Excipit hic reducem clarior aula Deum.
 Succubere truci veterum tot nomina letho,
 Et tumulus magnos condidit Æmilios,
 Scipiadasque duos, & Martia fulmina, Druſos,
 Tantaque victorum corpora terra tegit.
 Hic ubi calcati damnavit jura sepulchri,
 Sub pedibus terras, & sua busta videt.
 Larga triumphator diffundit munera Cæſar :
 Munera sed brevior sustulit ista dies.
 Hic mihi divitias, totumque reclusit Olympum,
 Et, quæ cuncta ferant secula, fundit opes.
 Sic abiens, Salvator, ades. sic magne redemptor,
 Non moritura tibi gloria sternit iter.
 Viderat obsequium, jam confert præmia coelum.
 Metaque servitii lux fuit ista tui.
 Mox humilis, jam clarus ovas, contemptaq; pridem,
 Alta supergressus sidera, colla levas.
 Arripis imperium, toties parere paratus ;
 Dividit officium terra potiusque tuum.
 Sic servus, dominusque places : magnique parentis
 Iussa jubes major, quæ minor ipse facis.
 Maeste anime : hac etiam tibi per vestigia curret,
 Et fidei constans permeet astra labor.
 Maeste anime : & vilis spernens proscenia mundi,
 Æthereas toto pectore scande domos.
 Hac penetra : quæque ille tuus palatia sponsor
 Occupat, hac eadem lumina mente subi.
 Indivisa colit sponsa penetralia sponsus,
 Et pudor est membris dissociasse caput.

De Iudicio extremo.

Vix tuba terribili sonitu dispersa cœgit
 Agmina, & ingentes perstrepuere plage,
 Christe redis, tandemque tuos visurus amicos,
 Clara triumphantis iudicis ora refers.
 Scilicet hæc abiens dederas promissa redemptor,
 Solatus reditu tempora nostra tuo.
 Nec jam vilis ades, vel iniqui victima mundi,
 Abramidumque odiis dilacerande venis.
 Quin trepidi adspicient clavo transfixa trabali
 Brachia, & invidia tot documenta sue,
 Transfixumque latus, quod militis hauserat hasta,
 Ultoremque tremet gens scelerata Deum,
 Quam facies mutata fori est! quem fecerat antè
 Terra reum, partes iudicis ille tenet:
 Fitque reus iudex; testesque coarguit ipsos,
 Qui modò mendaci pressus ab hoste silet.
 Occupat augustum cum maiestate tribunal,
 Quaque prius latuit regia forma, patet.
 Stat Caiphas, tantosque stupet percussus honores.
 Iamque suas discit nil valuisse minas.
 Pontius Ausonii postponat Caesaris iram,
 Et serò innocuum vult abiisse caput.
 Cum subit illius tristissima noctis imago,
 Somnia, sollicita conjuge, spreta dolet.
 Omnis in aduersas secessit machina partes,
 Totaque stat fælo terra dirempta suo.
 Opposita est virtus sceleri, gens turpis honesta,
 Et lateri pietas impietatis abest.
 Quos regit una nocens, hos latior altera vultus
 Explicat; hæc cœlos suspicit, illa timet.
 Conscia mens ut cuique sua est, & el præmia gaudens
 Concipit, aut taciti signa doloris habet.

Una dies facta est : sed non tamen omnibus una.
 Dissociat trepidos flebilis hora viros.
 Non reges sua sceptrâ juvant , milesque, ducesque,
 Et, quæ terruerant nomina, victa pavent.
 Hic sua crudeles deplorant fata Neronēs,
 Et queritur fraudes trax Catilina suas.
 Ille memor pavida versans incendia Romæ,
 Illa sum foedo cernit ab igne Deum.
 Hic patriis dum dira focis arisque minatur,
 Iam dolet infandos plus patuisse dolos.
 Non Marium jam Sylla timet, reus adstat uterque;
 Nec genero indicit perfida bella socer.
 Tarquinii Brutique silent : ultrixque pudoris
 Femina flagitio tristior ipsa suo est.
 Et qui tela Iovis flammâque imitatur Olympi,
 Iam nimis insana despicit ausa manus.
 Quisque dies Latium Caesar digessit in animum,
 Longius hunc fastis optet abesse diem.
 Hic quoque cui domitus regi non sufficit orbis,
 Iam miser in toto possidet orbe nihil.
 Spernit opes pauper Crassus, Capitolia Paulus,
 Nec Cato se solitâ jam gravitate tegit.
 Respicit, & spatius aquilas desiderat amplis,
 Nec, quæ succurrant, agmina Drusus habet.
 Spreta prius, sero metuit jam numina Pœnus,
 Torvaque contempti ludicis ora videt.
 Stant dites inopesque simul, doctique rudesque,
 Miscentur tituli sordibus, arma togis.
 Stant Struma, juxtaque Solon; cum consule fullo,
 Nec fors ingentes disgregat ulla Duces.
 Non hæc audaces perturbent rostra tribuni,
 Aut rigidum flectat lingua diserta forum.
 Non hic fallaci iudex subvertitur ære,
 Aut poterit causâ plus valuisse favor.
 Tros Italusque Deo nullo discrimine habetur,
 Nec titulo pauper deteriore venit.

Qui vitas scelerumque modos & crimina discit,

Nec prece, nec precio conveniendus erit.

Felices anima, quas fratrum flexit egestas.

Pauperies totum scenerat illa Deum.

Felices animæ, captis miserescit ultro.

Istaque jam pietas æthere tuta manet.

Quæ sitiens quondam petiit sibi pocula Christus,

Præbuit illa libens pocula vester amor.

Præbuit ille dapes, nudosque investit artus,

Primæque laus, agris condoluisse, fuit.

Nunc vos turba domos Superum, sedesque beatas

Scandite, & Angelicis vivite mixta choris.

Profuit esse bonis. ista mercede laborat,

Hoc precium facti religiosus habet.

At vos immites, agrestia pectora, turba,


Qui miserum surda spernitis aure preces,

Ite procul: vos Tartarei domus atra profundi,

Vos manet inferni tristior aula Dei.

Sic fuit, & totus meritis discernitur orbis,

Quosque capit fines, hos sine fine capit.



C. BARLÆI
ELEGIARVM
LIBER II.

Ad Amicos.


E L E G I A

Ad Nobilissimum Virum,

D. G O D E F R I D V M

H A E S T R E C H T,

quâ causas dat auctor, cur ob grassantem
Leydæ pestilentiam, Ultrajectum
non concedat.



*Vem toties docto vatem sermone sa-
lutas,
Cogitur ad plausus esse poëta tuos.
Excitat ignavas virtus laudata Ca-
mænas,
Atque animos tanto praside Musa
Sic, ubi Myrmidonum bellator classibus instat, (capit.
Acrior Iliadum laudibus Hæctor erat.
Sæpe Venusino sonuerunt barbita pleetro,
Cum facilis magni Caesaris æura foret.
Altior in pugnâs, hoc ipso Principe, surgit,
Romano Phrygium qui canit ore ducem.
Tu quoque cum Zephyris adflâs mea carmina blan-
Erigis Aonias, numina lenta, Deas. (dis,
Vera loquar, neque enim fas sacros fallere vates.
Me tua, quod possum, gratia posse facit.
Ne tibi dispiceam, merear vel nullus haberi,
Pieris conor reddere verba sonis.
Et licet hanc fugiant doctorum insignia frontem,
Ambiat aut nostras laurea nulla comas:
Non tamen aversis hac fallimus ociâ Musis.
Atque aliquis nobis proluet ora Deus.
Quin tibi cum placeant sterilis commenta poëta,
Auctori poterunt forte placere suo.*

Sed

Sed vatem cur postis amans, Bataulūque relictis
 Sedibus ad sedes vis properare tuas?
 Fortius absentem constans amor optat amicum,
 Quoque frui semper non datur, acer amat.
 Cur Ithacum toties coniunx poscebat Vlyssē?
 Scriptaque cur toties littera? lentus erat.
 Sestus Abydenos non sic arsisset amores,
 Ni geminos Helle dissociasset aquis.
 An metuis, ne pestifera malè ladar ab aura?
 Et tibi dilectum vis superesse caput?
 Incidat in Scyllam, cupiens vitare Carybdim.
 Hic mea nos tollunt sidera, vestra necant.
 Vis fugiam pedibus? pedibus mors ocius instat.
 Vis fugiam penna remige? Et illa volat.
 Vis abeam rapidis in moenia tuta quadrigis?
 Precipites adigunt fata severa rotas.
 Vis mea lethais subduci carbasa stagnis?
 Ipse Charon celeri carbasa lintre premet.
 Qui fugit, hunc sequitur. timidos furiosius urget;
 Ipse timor certus funeris autor erit.
 Spreverit hanc quī quis, fugiet securior, auram.
 Sed parido fugiet qui pede, laesus abit.
 Nec quam tuta sient istis habitacula terris,
 Quin potius, quam non sint ea tuta, scio.
 Hic Batavas conscendo frequens auditor Athenas;
 Et percussa meā pulpita voce premo.
 Hic spectare libet docta certamina turba,
 Verbaque in alternas iussa redire vices.
 Non illic placida fixere palatia Musæ.
 Non Helicon isto Cyrrhaque sacra loco est.
 Hic mea purgatis figo vestigia plantis,
 Nullaque quò vadant dant documenta pedes.
 Tu nisi magnanimas circumdes tergore suras,
 Cruraque terribili mascula pelle tegas;
 Iam tua viscoso librabis pondera cæno,
 Occiduoque illic Sole lutosus eris.

Illic in vacuo traherem suspiria lecto,
 Hic recreat fessum Barbara nostra latus.
 Tu trahis, illa trahit. sed quæ me pertrahit, illa est;
 Obsequio servans proximior virum.
 Tu calamo, trahit illa manu; tu serius, illa
 Risibus, & madidis, quum volet ipsa, genis.
 Æsonidem Medea suum, Briseïs Achillem,
 Andromache Phrygium sic remorata virum est.
 Hic, quæ sola meas laxant solatia curas,
 Ante meos ludit parvula turba pedes.
 Hi veneranda mei trepidant ad sceptrâ Quirites.
 Hic aries tanti dux gregis agmen ago.
 Huic leges, huic jura damus. sic Casaris umbram,
 Sic speciem augusti cernimus imperii.
 Tu doctos illic versas industrius enses,
 Certa que venturis hostibus arma paras.
 Nil mihi cum gladiis, vel acuti fulmine ferri,
 Horret ad armatas mens studiosa manus.
 Musa meos, Bellona tuos proleat amores.
 Hac tibi, sed genio convenit illa meo.
 Cum Musa placuere, rotat tibi circinus orbes,
 Et toties scissum littera signat opus.
 Aut super æthereos raperis sublimior axes,
 Et propior summo crederis esse Iovi.
 Aut numeros statione locas: vel mœnia pingis,
 Quæ valeant Marti dicere bella suo.
 Non mea tam grandi fulta est doctrina cothurno.
 Nec meus ad curas surgit Apollo tuas.
 Carmen amor meus est, elegi labor, ensis iâmbus,
 Pes numerus, campus laus tua, mucro stylus.
 Cur veniam? pudor est docta concedere menti.
 Cur veniam? scelus est obstrepuisse tibi.
 Vis veniam? cedant pluvia, mala frigora, pestes.
 Verna mihi reddas tempora, jam veniam.

Nobilissimo Viro, ac Domino,

IACOBO DYCKIO,
Civitatis Gottenburgicæ in Suecia
Præfecto.

B Attavia dilecte mea, dilecte Batavum
Vatibus, & Regi, vir generose, tuo,
Cujus Hyperboreis loquitur facundia terris,
Et procul externo poscitur orbe labor:
Si tibi, qui quondam, placeant, gens sacra, poëta,
Atque aliquod precium carminis esse putas,
Nec tibi Parrhasio sordent sub frigore Musæ,
Queque mari, genio non nocet aura tuo:
Hos lege Barlai numeros, clarissime Dycki,
Paucaque Battavici carmina vatis habe.
Mittimus hæc Chaucos ultra, Cimbrosque, Getaſq̃s,
Balthica quæ Gothicum verberat unda solum,
Altaque veliferos adſpectant culmina portus,
Et nova regalis mœnia lambit honos.
Nec mora longa via, fluctusque vel æquora terrent;
Quò magis hinc diſtas, quò magis urget amor.
Dumque ſilent veteres, jam turba clinguis, amici:
Obſtrepit officio noſtra Thalia ſuo.
Forſitan & poterit gelidum tranſmiſſa ſub axem.
Littera porticibus gratior eſſe tuis.
Et quæ rara venit, potius tibi Muſa placebit:
Scriptoris novitas non leve pondus habet.
Non tua Grotiades exul, non limina pulſat
Heinſius. ingentes conticuere tuba.
Hic fama laudumque ſatur, ſatur ille malorum.
Quàm diſpar vates cauſa ſilere facit!
Sic dum thura negant illi, laticesque Sabæos,
Vile tuis cogor far adolere focis.
Quin & parva placent Superis, modò caſta; nec illis
Semper inauratâ victima fronte cadit.

Et

Et licet ingenium vatis vel sordeat auctor,
 Respice, quos cecini, nomina magna, Duces.
 Bella leges totum latè cantata per orbem,
 Clara per Eoas Occiduasque plagas :
 Auriacos cineres, & magni Principis umbram,
 Et mœsta ad celebres verba ululata rogos.
 Altera magnanimo debetur pagina Fratri,
 Et patrio crescens cingit honore caput.
 Nasso vios canimus : praeceptaque laurea fato
 Rursus in alterius vertice ludit ovans.
 Imus, & immensum audaces transcendimus aquor.
 Atque alibi Musis personae aula meis.
 Nec pudor est nobis Regi dixisse salutem,
 Et mea sunt Caroli carmina tacta manu.
 Materies augusta mihi est : involvimus ostrum
 Versibus, & Regum sceptris superba cano.
 Sic mihi, sic plausum potuit meruisse poetæ,
 Et facit ad laudes purpura dicta meas.
 Haud aliter Procerum vultus, & lumina regum
 Ac Latios sculptor fingit in ære Deos.
 Scilicet illa rudes commendant nomina merces,
 Et precium nugis Caesaris ora dabunt.
 Dum faber efformat preciosi dona metalli,
 Sapius indoctum spernitur artis opus.
 Nec tamen hac rutilo prorsus vilescit in auro :
 Perplacet augustæ frontis amicus honos.
 Dum canimus vili Heroum præconia cantu,
 Musa rudis titulo splendidiore placet.
 At tu, qui geminam spes has vicinior Arcton,
 Accipe Battavico carmina nata solo.
 Dumque procul vasto jactatas aquore puppes
 Adspicis, & Gothicâ fallis in arce diem ;
 Nassovios mirare duos ; fascesque Britannos,
 Quosque colis, chartis jam venerare meis.
 Forsitan & trepidos exarmans dextra Borussos
 Materies nostri digna laboris erit.

Ad

GREGORIVM PLASSIVM,

Medicum Harlemensem, qua Heemstedii
amicenitates describuntur.

SI vacat à morbis nostras audire Camænas,
Nec nimius medicam postulat ager opem,
Accipe, quæ faciles scribunt tibi carmina Divæ,
Nec mihi quæ levis est, sit tibi Musa gravis.
Scilicet hoc precio doctos mercamur amicos,
Et dilecta mihi nomina jungit amor.
Tu quoque Niliacæ domitor fortissime gentis,
Nunc etiam in leges & mea jura venis.
Fervidus arentes dum torret Sirius agros,
Et sociam Phœbo gaudet inire viam,
Te duce vicinas, animi solatia, villas
Vidimus, & vestri gaudia rara soli.
Arc ubi sublimes aperit validissima portas,
Lataque Romanum fossa laceffit opus.
Mirabar celsas expanso culmine fagos,
Grataque populei tegminis umbra fuit.
Mirabar secunda suis pomaria donis,
Septaque quæ docta flexerat arte manus.
Hic ager innocuos pascebat fertilis agnos,
Illic Spara suis lene fluebat aquis.
Inde frequens sparsis exurgens collis arenis
Præbebat timidis subdola tecta feris.
Parte aliâ nigros sulcabat navita fluctus,
Et patrum streperâ voce canebat epos.
Najades hic, illic ducebant agmina Fauni.
Hic Corydon, illic Thyrsis agebat oves.
Lata Pales herbas pecori, læc Thestylis agnis,
Agricolis Ægon pocula plena dabat.

Flx.

Flauentes à Sole Ceres stringebat aristas,
 Triptolemusque suo munere dives erat.
 Crede mihi, Baxis locus hic pralucet amœnis,
 Nec meliore jacet Thessala terra situ.
 Terra famem, leuat unda sitim, fugat umbra calorē,
 Currus agros, vitreas cymba pererrat aquas.
 Si iuvat in viridi vestigia ponere prato,
 Est via, quæ faciles ducat ab urbe pedes.
 Si iuvat audacis rabiem frenare caballi,
 Huc quadrupes cursu liberiore ruat.
 Si iuvat infestis leporem mactare molossis,
 Hic quoque, quæ campos transeat, Argus habet.
 Si iuvat aligeræ voces audire cateruæ,
 Hic vaga dulcisono gutture vernat avis.
 Si iuvat expansis Nymphas lassare lacertis,
 Hic, quæ docta regat brachia, Naja erit.
 Si iuvat aut nassâ, vel arundine fallere pisces,
 Hic reficit tetricas spes opulenta moras.
 Adspicis è tumultis, mediis ut Tiphys in undis
 Solerti fragilem dirigat arte ratem.
 Vt modo pacatis subsidant stagna procellis,
 Præbeat & placidus tergora plana lacus.
 Hic aliquis sociâ vadens cum Phyllide pastor,
 Audeat amotâ matre suaue nefas.
 Hic aliquis Clariâ vates se proluat undâ,
 Et procul à strepera concinat urbe melos.
 Hoc Helicon, hoc Cyrrha situ, Parnasia rupes
 Non alio certè debuit esse loco.
 Iuppiter ipse suos hic tutò celet amores,
 Nec Veneris rutilans detegat ausa Deus.
 Hic Ledaæ Parin soboles, hac seriùs umbra
 Detineat Phrygium mollis Elisa ducem.
 Huc Cytherea suum secura inuitet Adonin,
 Nec ferus infesto dente nocebit aper.
 Pyramus hic fugiens Thisben exoptet amantem,
 Non dabit hic tristes visa leana neces.

Elysios mendax miretur Græcia campos,
 Oenotrios tellus Itala jactet agros.
 Nil ista regione prius. quæ diuitem cornu
 Præbet Amalthææ dona benigna capra.
 Non ego crediderim morbos hac sede morari,
 Membraque quæ frangant feruidiora faces.
 Nescio num medica poscat solatia dextra,
 Audiat aut Coæ tristitia iussa scholæ.
 Ipse sibi medicina locus. quin fata moratur,
 Pocula cum pressi lactis Alexis habet.
 Pharmaca sunt molles offenso abdomine malva,
 Betaque, vel proprius mella coacta favis.
 Non hic ventosa tulerint fastidia senna,
 Vel procul ignoto semina nata solo.
 Pocula contemnit centum decocta maniplis,
 Et mixtum aduersis viribus odii olus.
 Simplicitas in rure placet. nimis anxius mundum
 Cunctaque terrarum gramina cura bibit.
 His ego tunc tecum, Plasti, spaciabar in oris,
 Dum calidi fallo tempora longa Canis.
 Ocia nostra comes docto sermone levabas,
 Signaque amicitia non temerata dabas.
 Quid referam? cape sinceri leve pignus amoris,
 Atque aliquod precium carminis esse puta.
 Si placeant elegi, vates tibi iure placebit.
 Displiceant, non tu displicuisse potes.

Ad

IACOBVM vander BV RCH,

ET

IOANNEM BROSTERHVYSIVM,

quos à Belgicæ Poësis studiis ad Latinam
 & Græcam hortatur author.

P Alladii Iuvenes, gratissima pectora Phæbo,
 Quos toties scripti junxit amoris amor:

PAr,

Par socium, sine felle probum, sine lite modestum,
 Et nunquam rupti biga sodalitiū;
 Dicite, cur Batavis tantum placet esse Pœtis,
 Nec nisi Teutonica pleetra movere lyra?
 Cur nimium tritas loquitur Venus aurea voces,
 Ludit & in nostris vester Apollo sonis?
 Credite, non nostro genita est Cytherea sub axe,
 Fervida nec gelido sidere nata Dex est.
 Orta alibi Venus est, multum cantata Pelasgis
 Vatribus, & Grajâ nobilitata chely.
 Hanc cecinit Latæ celebris facundia linguæ:
 Hoc etiam nobis gestiat ore loqui.
 Quis calidos olim Leandri dixit amores?
 Invida quis scripsit flumina? Grajus erat.
 Quis Venerem Anchisæ, Æneâm quis miscet Elisa?
 Quis Paridis cecinit furtâ? Latinus erat.
 Quis canit iratum raptâ Briseide Achillem?
 Quis canit Andromaches vota? Pelasgus erat.
 Quis tragico narrat crudelia fercla cothurno,
 Hippolytique docet fata? Latinus erat.
 Quis magicas doctis donavit versibus artes,
 Quas docuit Colchis femina? Græcus erat.
 Quæ cæli thalamos, superæque exordia gentis,
 Totque Deum stirpes expedit, Ascræ fuit.
 Palladium clara desponder Musæ Serena,
 Attamen hæc variis Musæ Latina fuit.
 Flaminius Strozæque suos cecinere furores,
 Sed fuit Ausoniis dicta puella modis.
 Battavico petulans cantata est Iulia vati,
 Et sua quæ laudet colla Secundus habet.
 Lernutius blandos Hyados commendat ocellos,
 Nec tamen hæc eadem carmina scivit Hyas.
 Heinsius argute transcribit basia Rossæ,
 Nec tamen hæc eadem basia Rossa leget.
 Non decet indoctam vatium sapientia turbam,
 Et nimium vestro vulgus ab ore sapit.

Cernitis, ut viles scandant Heliconæ puella?

Femineumque riget Castalis unda chorum?

Anna facit versus, & quos facit Anna, probamus;

Quodque viris proprium credimus, Anna facit.

Vos decus Aonidum, Laiaque arcana Camæna

Panditis, & quicquid Roma vel Hellas habet.

Gloria nulla viri est: feriunt quoque barbata matres.

Simplicibusque datur laurea virginibus.

Mittat amans lepidæ modulamina docta puella,

Reddet amatori nostra puella suo.

Hæc, scelus est omnes Charitum patuisse lepores,

Tot sine dente sales, tot sine fraude jocos.

Est aliquid, solos quod vult scrivisse Poetas,

Est aliquid, rarum quod cupit esse Venus.

Nempe nurus Batavas facere hoc, non dicere, præstat;

Quod vates præstat dicere, vel facere.

Quod si digna nova captatis præmia fama,

Vestraque succrescens nomina poscit honos:

Major ab Ausonio consurgit gloria cantu,

Clarius Oenotrio nascitur orbe decus.

Sic Verona suum jactat facunda Catullum,

Non alia fari voce Tibullus amat.

Vivit, & æterno Flaccus memorabitur ævo,

Lydia Romano cui pede juncta fuit.

Quid loquimur Belgæ? peregrina verba loquere.

Edita Cattorum semine turba sumus.

Nescio quæ profugos sors has perduxit in oras,

Rhenus ubi aquoreis flumina juxxit aquis.

Quin potius placeat veterum vox sacra Quiritum,

Diisæque, quæ præsto perplacuisse Numa.

Sic hic Romulidæ posuerunt castra potentes,

Et toties Latio carmine miles ovans.

Aricesque aquilas, fidibusque aptata Latinis,

Hoc nostro voluit signa sub axe legi.

Quæ canitis Batavi, Latius sunt debita Musis;

Quæ canitis, Graja sunt documenta scholæ.

Tithonæ

Tithoni sociam rythmis includitis arctis,
 Et fessos longo tramite Solis equos :
 Neptuni spatia, & vasti vada coerula ponti,
 Vndi vagasque rates; Naiadumque domos :
 Vt sua jam sumat, jam ponat cornua Phœbe,
 Pictaque fecundas imbibat Iris aquas.
 Nunc calamos inflat Corydon, nunc Phyllis amica est,
 Nunc teneras aliquis pascit amator oves.
 Nunc canitis Faunos, & agrestia numina, Panes,
 Semivirosque capros, semicaprosque viros.
 Illa sed Andinam sapiunt commenta Poësin;
 Omnia sunt Latii docta reperta soli.
 Quare agite, & patrios tandem dediscite cantus,
 Et numeris currat vestra Thalia meis.
 Scribite foemineis aliquid sublimius ausis;
 Pangite, quod virgo non queat ulla, melos.
 Agnoscat precium Romana Belgica lingua,
 Quæ Roma dominos est venerata suos.

Ad doctissimum Iuvenem,

D. I O A N. de T O N C H E R E,

De Publicis Iudiciis disputantem.

A Vrea cum primis flueret mortalibus atas,
 Lataque Saturno secula rege forent :
 Candida simplicitas teneris eluxit in annis,
 Nec sceleri Iudex aut gravis ultor erat.
 Ignorare suas voluit facundia laudes,
 Nec fuit in trepidos lingua diserta reos.
 Curia tunc strepitu, tunc aures liæ vacabant,
 Et nondum cupidus senferat aula manus.
 Non Tabula scripsere minas, pœnasve Decemvir,
 Vinxerat aut fontes sæva numella pedes.
 Mox ubi sub duro mores riguere metallo,
 Cœpit & ad versa crescere lege nefas :

Curia.

Curia, rostra, forum, carcer, vadimonia, licitor,
Nomina temporibus nata fuere malis.
Ilicet irata Metium rapuere quadriga,
Subditaque infami colla fuere jugo.
Iura dedit populis posito vix prator aratro,
Et poterant lapides & placuisse fabæ.
Signantur presso miseranda stigmatæ frontes,
Bestiaque in pœnas sæpè vocata fuit.
Aut damnata truces expectant corpora Scale,
Clauditur aut Gyaro femina virque brevi.
Hunc celeres torsere rota, & crudelibus uncis
Rapta fuit medio purpura sbreta foro.
Vibravit rigidas Manli censura secures,
Fasciaque in jugulo stricta Cethege tuo est.
Exulat, & pœnas Naso persolvit Amori,
Et potuit vates versibus esse miser.
Atque alibi celebres dictant consulta Lycurgi,
Et vitiis scribit verba severa Solon.
Improbilas irata dolet, legumque catastas
Horret, & ultores credit adesse Deos.
Hæc Batavos, Ionchere, doces, sociosque Sicambros,
Et patria præstas sceptræ tremenda tua.
Nec tamen aut duri laudas Busiridis aras,
Aut sævum Phalarim, Tantalidasque probas.
Temperat Ausonias facilis Clementia leges,
Et tua delicto est credita pœna minor.
Debeat excellens aliis sua præmia virtus:
Per te securis non licet esse malis.

Ornatissimo, Doctissimoque Viro
 D. I A C O B O P E T I T I O,
 I. V. Doctori,
 S P O N S O.

C Vi placuit nullo violata Cupidine Pallas,
 Et potior casta Pallade diva Themis :
 Cur jam virgineos, cœlestia numina, coetus
 Despicis, & possunt displicuisse Deæ ?
 Cur Phœbo præfers thalamos, cur basia chartis,
 Et vitrix dete præmia sponsa capit ?
 Scilicet æriæ nuper subvectus in Alpes,
 In Paphio recreas corpora fessa sinu.
 Qui calidos perfers Rhætorum in monitiis æstus,
 Nunc quoque, sed flamma fervidiore, cales.
 Qui miranda stupes veteris vestigia Roma,
 Soli stupes domina lumina blanda tue.
 Non juvat ingentes ultra spectare colossos,
 Nec spolia invisi temporis exul amas.
 Laocœon docto torsit tibi brachia flexu :
 Jam, tua quò flestas brachia, dicet Amor.
 Dicet Amor, Dircen simul atque Amphionæ sperne,
 Et varium Rhodiæ sordeat artis opus,
 Hic, tibi quam format solers natura figuram,
 Adspice, & Amstelæ candida colla Deæ.
 Adspice Romanis aliquid præstantius ausis,
 Mobile quod toto corpore pondus habet.
 Fortia quid spectas domitoris membra ferarum ?
 Herculeas damnant jam tua bella manus.
 Perfacilis labor est agram domuisse puellam :
 Lenior hoc monstrum subdere cura potest,
 Exuvias quoq; Cypris amat, clavamq; manumque;
 Blanda sed obsequiis commodat arma suis.

Maxi-

Maxime lustrator terra, cœlique marisque,
 Adspice, quæ possint perplacuisse domi.
 Iam peregre vixisse satis. solatia tandem
 Sufficiat gremio sponsa Batava suo.
 Vasta nimis mundi jam contrahere regna, tuamque
 Includas circo, sed brevior, viam.
 Sic, ubi ab Hesperiiis rediit Tirynthius oris,
 Hæsit in amplexu Deianira tuo.

Ad

BALDVINVM HAMÆVM,

Medicum, Britanniam repetentem.

DVm procul opposito divisos orbe Britannos,
 Regnaque jam Carolo rege beata petis:
 Accipe, quæ medicis subscribo carmina chartis;
 Carmina Barlæi signa futura tui.
 Forsitan Oceani, forsan fastidia terra
 Discutiet vatis charta notata manu.
 Aut placidos inter relegens hæc disticha fluctus,
 Adspicies fama scripta trophæa tua.
 Quin etiam, veteris si fas meminisse magistri;
 Hos elegos mediis pignus habebis aquis.
 At vos Æolii fremitus compefcite fratres,
 Ne violet charum dira procella caput.
 Qua vehitur meus ille rati, servatur Apollo;
 Depositumque poli nobile puppis habet.
 Cui suæ Phillyrides, Amythaoniusque Melampus,
 Cui suæ Pergameus credidit ausa senex.
 Sacraque præclarus prændit consulta Machaon,
 Et veteres Grajùm terra reclusit opes.
 Parcite bellaces Morini, dum transeat hospes,
 Nuncupet & patriis debita vota focis.
 Innocuæ repetunt Brittonum littora Musæ,
 Nec manus Hesperii sanguinis ista rex est.

Cur noceant placido belli solenniæ Phœbo,
 Martiaque imbelles exigat ira viros?
 Non onerant nostras Eoa menilia dextras,
 Fulva nec aurifero pondera raptæ Tago.
 Doctorum fatale malum sat parvula dos est,
 Pauperiesque bonæ mentis iniqua soror.
 Audiat Austriacus; debentur libera nobis
 Æquora, nec Pallas partibus aqua studet:
 Audiat Auriacus: scelus est vincere Camœnas;
 Hic speciem Mavors impietatis habet.
 At tu læta tuum generosa Britannia civem
 Excipe, Battavica nomina prima scholæ.
 Quales Cecropiis redeuntes Roma salutat
 Sedibus, & placidus commodat ipsa suos.
 Si caruisse dolor fuerit, matura rependet
 Consilia, & celeres protrahet arte colos.
 Opprobrium fatis faciet, nec vindice tanto
 Negliget in leges Atropos ire novas.
 Morborum genus omne potens Medicina fugabit,
 Quos Tamesis refluis in mare mittet aquis.
 Sic ubi Tarpeias serpens Epidaurius arces
 Appulit, afflictâ cessit ab urbe lues.

I N O B I T V M
 T H O M Æ E R P E N I I,
 Linguarum Orientalium in Academia
 Lugdunenſi Profeſſoris eximii.

Q Vi medicos nuper ploravi carmine manes,
 Et magno ſolvi debita juſta ſeni;
 Nunc iterum in lachrymas, iterum in ſuſpiria cogor;
 Nec potuit ſimplex, qui nocet, eſſe dolor.
 Nulla caret mors morte, nec eſt ſine funere funus,
 Plorantesque trahunt ſpiſſa feretra viros.
 Quo ſuperis jam thure miſer placabitur orbis?
 Quæ pia difficilem leniet ara Deum?

Gens vitæ secura sumus, mactamur iniqui,
 Nec rea quod iuste terra queratur habet.
 Lurida terribili latè grassata flagello,
 Pestiferas quassat trux Libitina faces,
 Quæ latius quondam steterat gens Martia castris,
 Æquore isque bibit Rhenus anhelus aquas.
 Nunc ubi Thymbræo fumant altaria vati,
 Et veneranda sibi limina Pallas habet.
 Non flectunt rigidas doctorum nomina Pærcas,
 Nec iuvat in tantis plus sapuisse malis.
 Lugent Pierides, & magnis orba magistris
 Iam tacitos mœrent pulpita muta sonos.
 Occidit Eoi interpretes sacundia mundi,
 Notaque Barbarico lingua sub axe silet.
 Quæ Bataurum populis Arabas confudit, & Indos.
 Atque uno patriam noluit ore loqui,
 Illa Caledonios super exaudita recessus,
 Nesciuit spatiis Belgica stare tuis.
 Illa per Hesperias fundens sua commoda terras,
 Clarius in viso nomen ab hoste tulit.
 Tota renascentes stupuit Germania voces,
 Et decus hoc doluit non peperisse sibi.
 Adspice, quæ geminas jaculatur Cynthius umbræ.
 Cunctaque quæ surgunt sidera, cuncta cadunt.
 Adspice, quæ Cancrichelis supposita Syene
 Sistit Apollineas, ultima meta, rotas.
 Aut ubi Fessanos Numidasque amplectitur Atlas,
 Crebraque Erythræis puppis inerrat aquis.
 Hic potuit vox illa loqui, neglectaque primum
 Scripsit in Occiduo Turcica verba solo.
 Iamque procul positum Rhenus compellat Orontem,
 Et nova miratur nomina factus Arabs.
 Iam sua Sultano transmittit federa Belga,
 Et socias jungunt Punica regna manus.
 Iam Mahumetana prostant deliria sectæ,
 Et male consuta religionis opus.

Quasque vaser fuerat commentus Sergius artes,
 Mixtaque Idumæis dogmata nostra sacris.
 Quæ sapimus reliqui, sapimus vulgaria multi:
 Quæ sapuit mens hæc, rarior illa fuit.
 Illa Palestinis accendit lampada chartis,
 Et docuit punctis verba notata suis.
 Edidit Hollandis recutitum pervigil orbem.
 Atque Syros alio fecit in orbe legi.
 Cur moreris vir magne, tuosque incidis honores?
 Cur leve nos Batarvos deseruisse putas?
 An ferus & jaculis fatalibus acer Apollo
 Hac etiam nobis parte nocere cupit?
 Quod potuit mea Leida nefas? quo numine læso
 Tam grandis culpa credimur esse rei?
 An meliora rapit rigidi inclementia fati?
 Seraque quos optent secula, prima necat?
 Non trahit in levibus pelagi suspiria damnis
 Navita, sed magnas naufragus optat opes.
 Memnona Dardanidum pubes dum plorat adem-
 Incolumi perstans Hectore bella gerit. (ptum
 Tu moreris, pariterque tuo cum funere condis,
 Proh dolor, ingenii pignora rara tui.
 Sed qui tanta no vis jam libret pondera curis,
 Vix aliquem mæsta das superesse scholæ.
 Abstulit Occasus, quas linguas protulit Ortus,
 Et tumulus laudes nunc Orientis habet.
 Scilicet unus Arabs potuit te stante renasci,
 Vnus Arabs voluit te moriente mori.

I N O B I T V M

P E T R I P A V W I I,

A N A T O M I C I.

Prosopopœia Mortis.

Illa ego, quam fari mirabile, vivere falsum,
 Non tamen è tumultu Mors redi viva loquor.
 Credite mortales, fingunt contraria vates,
 Inque caput nostrum jus quoque Phœbus habet.
 Mutarunt en fata vices. loquor ipsa; siletque,
 Cui precium laudis non leve lingua dedit.
 Ille triumphatâ toties de morte disertus,
 Cum spoliū pelles, ossa, cadaver erant,
 Hac dextrâ cadit, & fatalibus occubat umbris,
 Nec potuit nostrâ fallere tela manus.
 Sævus in imbelles toties qui sævit artus,
 Et spectacula meas publica fecit opes,
 Exuvias miserorum, & sicca morie cadentum,
 Iamque semel pœnam corpora passa suam.
 Vidi ego, cum plenis portaret cruda canistris
 Fercula, crudeli dilacerata manu.
 Vidi ego liventes extracto viscere dextras,
 Vique jacens stanti fabula factus homo est.
 Parcite, Dî, dixi, defunctis parcite membris,
 Et pereat solers in mea frustra caput.
 Terra tegat totum; post vitæ damna, cadaver,
 Supplicia à miseris posthuma nulla peto.
 At quoties vivos, licet arte, resolveret artus,
 Raptaque de calidâ matre catella foret,
 Non secus ac placidam tigris Gangetica cervam
 Diripit. aut proprium perfida mater Ityn:
 Indolui tam dura scholis documenta parari,
 Et tam barbaricâ commoda cade peti.

Ipsa ego, quæ toti sum terror maximus orbi,
 Facta viro risus publica causa fui,
 Dum me ridiculi moderantem frena caballi,
 Aut bovis in pigro tergo stare facit.
 Vera loquor, quæ visa sibi testabitur hospes,
 Ossea ubi circis clauditur aula suis.
 Desine mirari. ridet, quæ seria, mundus,
 Ludicraque attonita cum gravitate stupet.
 O utinam tantum nesciret fama magistrum,
 Quæque tenet cineres, clauderet urna virum !
 Nunc super Ausonios, super exauditus Iberos
 Nominis augusta nobilitate viget.
 Effugit fecunda meum Mens sola furorem,
 Et post exequias clara superstes agit.
 Stat decus ingeniis. fateor, cogorque fateri ;
 Non habet in tantum jus Libitina caput.
 Morborum vel mille vices, tot dadala terræ
 Gramina, naturæ luxuriantis opes,
 Quæ Cõi docet arcta senis, quæ fusa Galeni
 Pagina, quæ medicus pharmaca scripsit Arabs,
 Quicquid fatales potuit tardare sorores,
 Lentius & nostrum jussit adesse diem,
 Et quid quæque ferat regio, quid ferre recuset,
 Norat, in exitium cuncta reperta meum.
 Sed quoniam invidia major post fata perennat,
 Vindiſta in solo corpore signa dabo.
 Quique meos toties doctè excoxi vit alumnos,
 Deque cadaueribus raptâ trophæa tulit,
 Hac pœnam mihi parte luit. quæ dextera cades
 Fecit in exuvias ingeniosa meas,
 Rursus Anaxagoras atomos dissolvat in omnes,
 Et secet in similes singula particulas :
 In causas facunda meas quæ lingua locuta est,
 Democritus Plenum findat & in Vacuum.
 At caput, invisas nuribus quod prodidit artes,
 Pythagoras denos dissecet in numeros.

Vosque

*Vosque animæ, quarum luxavit corpora Doctor,
 Infesti vobis cor resecate viri.
 Rarum aliquid, ni fallor, erit. quæ membra super-
 Terrigenum sæctrix excoriabit humus. (sunt,
 Sorte pari pereat. Nemesis justissima vox est:
 Æqua refert, quisquis, quod facit ipse, refert.*

I N

Anum nubere parantem.

E Cquid adhuc tenero petulans illudis amori,
 Et Paphio tentas bella movere Deo?
 Oscula poscis anus, legesque invertis amantum,
 Et cupis exemplo nubere monstra tuo.
 Duceris in mæstum, gressu titubante, cubile,
 Sponsaque fis, nunquam quæ potes esse parens.
 Non præeunt tibi latius Hymen, latæque puella,
 Deserit accensas arida flamma faces;
 Non Lucina tuis aderit placidissima votis,
 Nec gemitus, quales parturientis, erunt.
 Et cur hoc nequeas, possum tibi dicere causam,
 Delassare virum, non redamare potes.
 Te Paris adspiciens laqueo se stringat amator,
 Leander mediis mergier optet aquis.
 Ipse tuis furias flammis præponat Orestes,
 Te nisi spe mortis Protefilaus amet.
 Eligat in rabidum Theseus descendere taurum,
 Quam gremii indignâ parte jacere tui.
 Amphitryoniades Nessi sibi toxica poscat,
 Quam te victori succubuisse sibi.
 Quin ruere Æneas malit per saxa, per ignes,
 Saucia quam telis pectora ferre tuis.
 Si tales fuerint, Briseida spernat Achilles,
 Hippolytus Phadram, Phyllida Demophoon.
 Te Linus adspiciat, mox detestetur amorem,
 Nec sua basiolis polluat ora tuis.

Ridet Amor, ridet stolidos Cytherea labores,
 Et sua prostitui sacra Cupido dolet.
 Miratur calidâ Veneris flagrare favillâ
 Pectora Sirhoniâ frigidiora nive.
 Et stupet obtusas tantum valuisse sagittas.
 Et vulnus nulla cuspide posse dari.
 Nunc arcus periere mei, nunc tædâ laborat,
 Nunc precium nostri sordet honoris, ait.
 Oscula libantur fœdis graveolentia labris,
 Aptaque candidulis basia virginibus.
 Brachia lasciva circumjicienda puella,
 Proh dolor, extinctum penè cadaver habent.
 Prensantur putres, exanguia pondera, mamma,
 Collaque mendaci vix speciosa luto.
 Vivere vult alios de se, quæ proxima morti est,
 Et thalamos optat, debita quæ tumulto est,
 Quam plorare gravi debebat præfica lessu,
 Nunc mea sed moriens carmina cantat anus.
 Non hanc aurifero redimat sibi Iuppiter imbre,
 Heu, nimis ignavos sperneret ille sinus.
 Non illam viridi Daphne commutet Apollo,
 Si fugiat; jam mox arida quæcunque erit.
 Non foliis illam cingit viridantibus ætas,
 Aut tenerum facies ornat honora caput.
 Omnia marcescunt, oculi, frons, colla, lacerti,
 Tempora, pes, gremium, pectora, lingua, genæ.
 Exequias hæc festa puta, Sponsamque cadaver,
 Quoque thoro flammæ expetit, esse rogam.

Ad

CONSTANTINVM
HUGENIVM EQVITEM,

Cum è castris reduci Epithalamium Blyen-
burgianum ipsi offerret.

I Am dudum lituis, bellique immixte periclis.
 Spectasti patria castra Ducesque tuos.
 Et circum horrisono strepuerunt classica cantu,
 Præliaque imbellem detinere virum.
 Sit satis Auriacis oculos donasse triumphis,
 Exigit ad curas te tua nupta novas.
 Quosque legas blandos offert Barlaus amores,
 Carminaque in molles officiosa thoros.
 Bella gerant alii, Veneris nos scribimus ignes,
 Quosque velim ludos dedidicisse, cano.
 Ne tamen hac facili noceat facundia vati,
 Aut toties dictos credat amare jocos:
 Scribimus in-viti Paphia popysmata matris,
 Et canit in thalamis non nisi iussa chelys.
 Cogimur & blandè cupidis parere maritis,
 Iamque petit versus iste vel ista meos.
 Sic oneri mea Musa mihi est. sum verna Diones,
 Et totum imperio mancipat illa suo.
 Adspicit emeritus, quæ quondam exercuit, arma
 Miles, & insolitum narrat & odit opus.
 Sæpè senex cunas puerique crepundia versat,
 Et Veneris tremulâ prælia voce canit.
 Nos quoque languentes in nostro pectore tedas
 Tollimus, & dudum gaudia spreta damus.
 Stat chartis conclusus amor. non urimur ultra.
 Crede, proci non est, garrula Musa mihi est.
 At tu, sanguineo Martis subducte theatro,
 Mascula Barlaæ basia fuge tuæ.

d 6

Quælia

*Qualia in Andromaches defixit basia labris
 Hector, in Aemonio Laodameia viro.
 Forsan & hoc reduci carmen conducet amanti,
 Et stimulos addet pagina nostra tibi.
 Dumque legis rigidi teneros Pratoris amores,
 Officii poteris mox meminisse tui.*

Ad Doctissimum Iuvenem,

HVGONEM BOXELIVM,
 Artium magistrum.

DUm patrios circum frendet Bellona penates,
 Iamque minax etiam Breda nocere potest;
 Dum resonant mediis Mavortia classica portis,
 Et rediens belli pramia jaëtat eques:
 Otia, Boxeli, & Batavi secreta Lycæi,
 Et studium placida nobile pacis amas.
 Phæbus amor tuus est, faciles solatia Musæ,
 Ipsaque dum damnas prælia, docta paras.
 Succubat exutus titulis fallacibus error,
 Et verum specie jam meliore nitet.
 Ingreditur prisco Grajûm sapientia fastu,
 Et sua purgari dogmata Stoa stupet.
 Docta Cleantheam lassat solertia turbam,
 Socraticasque vigil cura reformat opes.
 Sic patria vixisse cupis, sic aspera bellis
 Ingenio fiet mitior Heusda tuo.
 Audiet Odrysius teneræ præcepta Minervæ,
 Nec rigida solum casside tutus erit.
 Audiet indomitus tanti documenta magistri,
 Atque tuâ mores leniet arte suos.
 Illic innocuo si pinges pulvere vallos,
 Fictaque dimensis castra locabis agris:
 Ipse suum perdiscet opus. si mœnia scribas,
 Exstruet auspiciis mœnia scripta tuis.

Præ

*Pralia si timidi fugiant, hortabere diſtis ;
 Feruida ſi tentent pralia, juiſſa dabis.
 Iam patris Ænea laudes, nunc Hecſtoris arma,
 Æmatioque canes bella peracta ſolo :
 Vel quibus Auſonios Cattus ſpolia verit auſis,
 Spreverit & Latios Belgica terra Deos.
 Omnia doctrina flectes ſub legibus. ipſos
 Bellorum fas eſt ſubdere colla duces.
 Formant arma Scholæ : nec Martia Palladis haſta
 Negligit officii diſcere jura ſui.
 Creſcite Battavica tantis virtutibus urbes,
 Et galeas Clario condecorate Deo.
 Si neget æternos belli fortuna triumphos,
 Continuant veſtrum pulpita noſtra decus.*

Ad ampliſſimum virum,
 MATTHIAM OVERBEKIVM,

ruri , ad caſtra Albiniana , viventem , qua
 vitæ urbanæ & ruſticæ diſcrimina
 deſcribuntur.

Accipe, quæ doctâ tibi littera mittitur urbe,
 Rhenus ubi feſſas ſiſtit anhelus aquas.
 Accipe, nec noſtra præcium averſare Camæna,
 Et mea ſint ſtudiis otia grata tuis.
 Urbis ego, tu ruris amans, jam diſpare vita
 Vivimus, atque alium ventilat aura Iovem.
 Illic celfa novo ſurgunt tibi culmina ſaxo :
 Et propius Superûm limina lambit apex.
 Hic mihi vicino domus eſt non æmula tecto,
 Nec meus excelſo vertice fumus abit.
 Illic cœlicolum ſpacioſo fornice templa,
 Hic eadem nobis, ſed magis arctæ, patent.
 Illic demiffam radunt tibi ſidera terram,
 Hic oriens nunquam ſtella, ſed orta micat.

Illic æquoreis citius Sol surgit ab undis,
 Atque Aurora suum deserit alma senem.
 Tardius hic vehit illa diem, lucemque moratur,
 Et tenebras citius vespere mœsta refert.
 Non illic querulas tollit vicina voces,
 Aut hærent lateri garrula tecta tuo.
 Hic anus, invalidis licet enervata lacertis,
 Improba clamosâ jurgia voce ferit.
 Illic innocuâ figis vestigia plantâ,
 Hic Niobe teneros lædit iniqua pedes.
 Illic molle suos tibi ver ostentat honores,
 Hic nova purpurei gloria veris abest.
 Illic flaventes æstas protrudit aristas,
 Hic eadem sterilis munera nescit humus.
 Illic fecundos Autumnus parturit hortos,
 Hic Pomona suas rara ministrat opes.
 Illic bruma nives terris aspergit, & agris,
 Hic eadem vultu sordidior riget.
 Illic tardigradis incedit gressibus Io,
 Flexipedi calcans pascua lata pede.
 Illic lamigeris Corydon irascitur agnis,
 Atque aries tanti dux gregis agmen agit.
 Illic quadrupedum latos ferit ungula campos,
 Et patiens duri vomeris hinnit equus.
 Illic mane diem, & fugientis lumina Phœbi
 Nunciat in medio garrula rana lacu.
 Hic neque balat ovis, nec tristi vacca boatu
 Ingemit, aut placidis rana coaxat aquis.
 Non hic Neptuni tellus percussa tridenti,
 Horrida qui spirent prælia, fundit equos.
 Illic ærui mellis cœlestia dona
 Ingeniosa suis sedibus abdit apis.
 Illic candidulum plenâ lac verberat urnâ
 Thestylis, & mixtas seligit arte dapes.
 Illic grata vocant fessum mulcetraria Mopsus,
 Gramineoque jacet Nyssa petulca thoro.

Hæc loca damnat apis, fastidit Thestylis urbem;
Et quærendæ foris fabrica lactis erit.
Illic sublimi volitans strepit ardea quercu:
Hic petulans celsa passer in æde salit.
Illic prata virent, Zephyrusque tepentibus auris
Florigeros pulchrâ veste coronat agros,
Hic aliquis Tyrio maculavit murice vestes,
Quodque alibi felis rara cecavit, olet.
Ruri garrit anas, limosaque trinsat hirundo,
Mæstaque jam moriens carmina cantat olor.
Undique dulcisonis resonat concentibus æther,
Et modulos docili gutture reddit avis.
Hic sua vocalis vendit jentacula pistor,
Aut merces diro carmine laudat anus.
Tisiphonem simili credam mugire boatu,
Et Stygius latret talia verba canis.
Aut qui Caucasæa damnatus rupe Prometheus
Supplicii queritur tristia fata sui.
Illic gratæ quies, tacitique silentia ruris
Ociæ dant Musis inviolata tuis.
Illic cornipedes, agrestia numina, Faunos,
Et timidas juxta cernis Hamadryadas.
Hic neque Pan calamos inflat, nec gramine fusi
Virginei fugiunt, Pane sequente, chori.
Illic emptæ tuas fugiant opsonia mensas,
Hic varias præbent cara macella dapes.
Illic pestiferam disflat locus amplior auram,
Hic eadem, spatio sed brevior, furit.
Cum tot ruricolis, cum sint tot gaudia vobis,
Cur mea sors dispar cogitur esse tua.
Scilicet Attalico turgent tibi scrinia censu,
Attalici nobis non numerantur opes.
Nulla gravant inopes vatum sestertia cistas,
Quæque natat medio dives arena Tago.
Tu tibi rus geniale facis. si tinniat aurum,
Ipse tibi poterit Caucasus esse domus.

In nomen uxoris B A R B A R Æ.

B Arbara nunc mihi tu, nunc sunt tua nomina
 lusus;
 Hic mihi, sed forsān gratior ille tibi.
 Barbara Pyramidum sileat miracula Memphis,
 Sic tua Bilbicus verba poëta canit.
 Barbara dicta fuit Latia gens nescia lingua;
 Barbara gens, quæ non Græca, vocata fuit.
 Barbara forma potest vero distinguere falsum:
 Barbara perfectæ fit rationis opus.
 Barbara virgineos inter celeberrima cætus,
 Romana meruit religionē colī.
 Sub iuga jam Seres, jam barbarus isset Orontes,
 Æmæthii doctus carminis auctor ait.
 Nec moritura canit divini Musa Tibulli
 Barbara gypsatos stringere vincta pedes.
 Barbara narratur venisse venefica tecum:
 Hyppisyle charum scripsit ad Æsonidem.
 Barbara respersa est puerorum sanguine Colchis,
 Infontem jugulat barbarā mater Ityn.
 Barbarus est Phasis: studiis quoque barbaræ Thrace
 Barbaraque Eoas vinctat Erythra rates. (est.
 Barbarus est Atlas: sunt barbaræ moenia Byrsa,
 Barbarus est Phalaris, barbaricusque Scinis.
 Barbara Barbaria loca sunt, vocisque ferina,
 Totaque barbarie barbaræ terra riget.
 Barbarico viguit Latii facundia bello,
 Barbarus attonita sævit in urbe furor.
 Ausonias audax cum frangeret Hannibal arces,
 Moribus & victu barbarus ille fuit.
 Barbara se peltis pugnans defendit Amazon,
 Barbara Bellona est, Barbarus Antiphates.
 Sunt & Barbaricæ chlamydes, ensesque togæque,
 Barbaraque in Phrygio crine tiara nitet.

Barba-

Barbara Romulidum recreant spectacula mensas,
Barbaraque in Caveis bestia bella parat.
Barbara magnanimum timuit Germania Drusum,
Sensit barbaricos Martia Roma Getas.
Dardanida vincunt, dum restat barbarus Hector.
Sternitur astrictis barbarus Ister aquis.
Est ubi barbaries, & barbarus infremit horror.
Luxuriat latis barbara Persis agris
O quoties doluit Rhenus, qua barbarus ibat!
Ponitur ad patrios barbara praeda Deos.
Est quos sevities accusat barbara; sunt quos
Naufragii damnis barbara Syrtis alit.
Barbara Romana discussit verba loquels,
Reddidit & priscas Valla latinus opes.
Turba, Camœnarum Phœbique perosa lepores,
Nec quibus ingenium mite Minerva dedit,
Crudelis, nullaue ferox placabilis arte,
Barbara Palladii creditur esse viris.
Pannonios crebro populantur barbara fines
Agmina, Casireo gens inimica solo.
Littera frendentis rabiem testata molossi,
Bis mansueta tuum Barbara nomen habet.
Littera quam patulo gens Dorica clamat ore,
Pandit vocali ter tua verba sono.
Barbara regali celebrat convivia luxu
Magnificas jactans Persa superbus opes.
Barbara Idumæas jugularunt agmina cunas,
Barbara dum jussus miles in arma ruit.
Barbarus has segetes & culta novalia miles,
Et Melibœe tuos depopulatur agros.
Barbara crudeli satiuntur viscera pastu,
Barbaraque Indorum funera ventre latent.
Quas sacer ille feras modulando leniit Orpheus,
Cadibus & victu barbara turba fuit.
Barbara Barbariam, & diffusos terminat Afros
Gadibus, & calidâ terra perusta Pharo.

Barbara sic Grajis, sic Barbara nota Latinis.

Barbara, te vates scribit, & historicus.

Barbara, per cunctas resonant tua nomina terras.

Barbara, quàm seua crederis apta rei !

Barbara sed toto quamvis sis nomine, solum

Oscula cum non sint barbara, mitis eris.

Barbaries nihil ista nocet. si blandula frons est,

Blandula si vox est, Barbara nulla mihi est.

EPITHALAMIVM

In nuptias

I O H A N N I S B O R,

Medici.

Quem Batavis nuper medicum formavit Athenis
 Phœbus, & Aonides excoluere Dea,
 Iam proprium sibi Cypris habet. procul ite Camœna;
 Alter in Idalia poscitur arte labor.
 Borriades domina subdit sua colla Diona,
 Atque alia Musas virgine damnat amans.
 Reddita pro Cirrha Paphos est, Helicone Citharon,
 Quemque Claros tenuit, mollior Ida sovet.
 Omnia sordescunt, herba, medicamina, morbi;
 Iamque aliquis Veneris premia morbus habet.
 Vna fugat veteres conjunx lepidissima curas,
 Et facit egregias victa puella vices.
 Gallia Daphneum capiti circumdedit orbem,
 Nunc decorant pexas myrtea ferta comas.
 Scilicet ista manent doctas redimicula frontes;
 His Paris, his petulans cinctus Adonis erat.
 Horrida Pergamei calcantur scripta magistri,
 Et nova, quæ doceat, dogmata dicat Amor.
 Qualia inexpertam docuit Leander amicam,
 Cum tumidis primum sospes abisset aquis.

Qualia

*Qualia in Hypsipyles thalamis recitavit Iason,
 Aut Paris Oenona dixit amica sua.
 Blanda placent, risus, oculi, thorus, oscula, teda,
 Et si quid charum tectius esse solet,
 Expetiturque Deum toties dignata cubili
 Fabrica, & in vultu dispare ludit Hymen.
 Illa, graves quamvis, expugnat forma Catones,
 Illa vel armatos cogit amare deos.
 Illa Panomphæum telso pellexit Olympo,
 Et summum aurifero miscuit imbre Iovem.
 Illa suum tacitos virus diffundit in artus,
 Et placido tetricos fascinat ore viros.
 Pelias Argolicis cantata est vatibus hasta,
 Fabula mendacis sed fuit ista soli.
 Quæ ferit, & læsos eadem persanat amantes,
 Forma puellarum Pelias hasta fuit.
 Hanc petit, hanc circum spaciosus volvitur orbis,
 Non hærent alio pondera nostra loco.
 Hac quoque, Sponse, tuis defixit spicula venis.
 Equæ tuo certam vulnere sperat opem.
 Nec tibi jam prodest veteris sapientia Coi,
 Coctaque millenis pharmaca simplicibus.
 Quid centum misces uno cratere maniplos?
 Imbibet hæc medicum læsa puella suum.
 Quid lenire paras totidem, mala nomina, febres?
 Te quoque jam febris, sed reditura, tenet.
 Cur modo derivas, modo fluxus arte revellis?
 Crede mihi, hæc ipsa sanior arte fores.
 Nunc agrum fodis ense latus, nunc lumina tractas;
 Nuncilli tremulo corde mamilla salit.
 Nunc aliis lento pectus torretur ab igne;
 Et tamen his etiam partibus ipse doles.
 Plurima dum sanas, dum totos porrigis hortos,
 Dic mihi, cur dominum negligit herba suum?
 An quia mollis amor solis sua gaudia saxis
 Invidet, atque hominem vult superesse sibi?*

An

*An quia majorum sequimur vestigia nati,
 Et patrias artes nos quoque scire juvat ?
 An quia cum toto delirent numina cœlo,
 Dedecus est puerum plus sapuisse deum ?
 An quia Acidalia volupe est caluisse favilla,
 Et tibi plus flammæ hæc, quam medicina, placet ?
 An quia cum serus tibi deferet Hesperus Oetam,
 Pharmaca Machtildis non violenta dabit ?
 Sic tua non doctæ transcribis jura marita,
 Hippocratisque tui nescia sanat amans.
 Nec peccare puta ; magni secuta Galeni
 Nupta Machaonium si tua trañet opus.
 Tu titulos ; tu jura dabis, tu pilea confer.
 Hoc quoque Doctorum nomina juris habent.
 Interea medius dum turbat fercula vates,
 Et mea festivus carmina ridet amor,
 Spumantem puerorum aliquis prælibet læchum ;
 Nam posuit siccis omnia dura Deus.
 Tuque animæ pars magna mea, dulcissime Borri,
 Excute Machtildi vela recincta tua.
 Scande thorum, at qualem posita gravitate Catonem
 Conjugis in gremium credimus isse sua.
 Ipsa favens primas nox longius explicet umbras,
 Et veniat rutilo lentus ab axe dies.
 Surgat progenies non inficianda parenti,
 Patricias cingat crebra corona fores.
 Sic quoque languentis reparas dispendia mundi ;
 Incola nec nostri degener orbis eris.
 Fortè aliquem, servum Belgis qui avertat Iberum,
 Deque tua Martis fulmina stirpe dabis.
 Adspicis, ut cunctis annixus viribus hostis,
 Iam patriam summo margine radat humum ?
 Objice, quæ pugnent, animas, nova robora crescant ;
 Ne pereat belli gloria, Cypris amet.
 Pergama quod steterint, armis debetur, & ulnis ;
 Hectoris hic, Hecubæ laus quoque magna fuit.*

Ni toties viduos auxisset Roma penates,
 Victor in hos colles Hannibal isset orans.
 Basia si cessent, secundaque praelia vita,
 Auriacus nullo milite tutus erit.
 Solve fidem, tantus nec subtrahere pignora civis.
 Cum pater es, magni nominis orsa tenes.
 Tolle moras, spondet faciles Machiildis amores,
 Et sua non ultra vota timere cupit.
 Nec tamen ex illa redeas male notus arena:
 Nec nimium timidus, nec nimis acer ama.

EPIGRAMMA

- in eisdem Sponfos.

SI Probitas unquam casto sociata Pudori,
 Iunctaque si Pietas cum Pietate fuit:
 Si Gravitas potuit blandos non spernere vultus,
 Forma que praelura premia mentis amat:
 Si Venus & parili nectuntur federe Pallas,
 Et recubant uno Phœbus Amorque thoro:
 Adspice, quos geminos sociarunt Numina Sponfos,
 Exemplum dicta nobile pacis habes.

Ad Amplifs. Doctissimumque virum,

D. IACOBVM PETITIVM,

I. V. D.

vitreorum munerum datorem.

QUas mittis Venetum, gratissima munera;
 merces,
 Accepit facili Barbara nostra manu.
 Nunc erecta nitent mediis anathemata tectis,
 Et sibi bis genitus sacra Lyæus habet.
 Tu fragiles transmittis opes, & dadala quantum
 Artifici possit pollice dextra doces.

Cernè

Cernimus inflexum sinuosis orbibus anguem,
 Qui totum diro vertice fulcit opus.
 Scilicet hic nimii damnat carchesia Bacchi,
 Vinaque vipereum virus habere monet.
 Ne sapiens mediis cedat prudentia mensis,
 Infanum prudens bajulat hydra Deum.
 Et velut implicitus sua miscet corpora serpens,
 Sic mixto socios agmine Liber amat.
 Lucida dispersi depingunt membra colores,
 Vinaque dissimili sæpè colore placent.
 Sunt hæc mundana fallacia gaudia vitæ,
 Nec nisi, quæ frangant numina, vitra sumus.
 Hæc mecum quoties cernis, dilecte Petiti,
 Natales fragili è pulvere disce tuos.
 Flamma levis, levior genuit tua munera fumus,
 Et levis hæc Itali dextra rotavit opes.
 Flamma eadem, cautusque minus tua disjicit hospes:
 Munera, nec magno nata labore cadunt.
 Sic vitreâ natus pariter de stirpe misellus
 Occidit, & morti se quoque debet homo.
 - Altiùs ad dignas animo consurgere curas
 Nos decet, & superis figere corda locis.
 Te neglecta Themis, spretus te poscit Apollo,
 Et quondam studiis Pallas amica tuis.
 Sat Venetis Gallisque datum. jam Curia supplex
 Atque tuam meritò Patriæ sperat opem.
 Hoc age, & iratis tandem placare Camœnis,
 Et vitæ studeas præmia ferre tuæ.
 Sic tibi perpetuos virtus decernet honores,
 Quosque negat cecus jam favor, illa dabit.
 Sic quæ misisti, sed inania, pocula Bacchi,
 Hæc veniens isto numine plena bibes.

Eximia eruditionis viro,

QVIRINO à CANKEBEER,

I. V. Doctori.

Dum natura suos effœta recolligit arsus,
 Fœssaque nascendo tempora trudit Hyems,
 Iamque suos abiens Autumnus damnat honores,
 Et pudor est nudum veste videre latus,
 Frigora dum gelidâ Boreas invitat ab Arcto,
 Et laxat famulas languida brumæ manus;
 Ecce triumphales agitât Sapiëntia currus,
 Egregiasque vices cum Iove diva facit.
 Ipsa novos animos Pallas capit, ipsa labores
 Explicat, & laudes virgo patrima suas.
 Panduntur curarum ades, panduntur honorum.
 Vtraque, sed socio limine, templâ patent.
 Abditus ingenii gliscit calor, ardor honesti
 Inclÿta magnanimæ pectora pubis agit.
 Vix transit sine vate dies. lux altera, rursum
 Altera Pegaseas lassat honora Deas.
 Æmula Battaricas virtus exercet Athenas.
 Invidiam credo nomina magna pati.
 Qualis Olympiæ miratus præmia palme,
 Instat equus, si, quos occupet, ante videt:
 Hunc alius super, atque alius sequiturque premitque;
 Et rapidis fervent concita plaustro rotis.
 Viderat hæc dudum plaudentis signa Lycei;
 Meque trophæa manent illa, Quirinus ait.
 Ibimus, & si quis meritis locus, ibimus, inquit;
 Materies laudis sit Themis una mea.
 Hac Minos, justasque Solon, hæc arte Lycurgus;
 Nec moritura meus nomina Cæsar habet.
 Hac Decius Paulusque vigent, & maximus Azon
 A serâ titulos posteritate refert.

Inve-

*Invenit mens docta viam. patet omnis eunti
 Iustitia, & vastos explicat illa sinus:
 Innumeras legum facies, & flexile verum,
 Iuraque clamosi liigiosa fori:
 Quid juvet heredem, quid spes eludat habendi,
 Ut trepidi possit causa placere rei:
 Quanta fides tabulis, & quali teste probentur,
 Quidque queat socios dissoluisse thoros:
 Temperet ut juris ratio decreta severi,
 Qua maneat sceleri debita pœna suo:
 Cunctaque Cesareis veneranda volumina sceptris,
 Aptaque bellantum liibus, apta togæ.
 Suspice Laidæ virum, & tanta da debita fronti
 Præmia, ne proprium sit sine teste decus.
 Ad te tota redit plenis spectata theatris
 Gloria; communi semper honore meres.
 Sunt tuæ, quæ defert insignia; quæque coronant
 Tempora, sunt curæ Pileæ signa tuæ.*

In Mausoleum

GVLIELMI AVRANSIORVM

Principis, quod Delphis visitur.

Adspice Nassovii saxum regale sepulchri,
 Quisquis ad Auriaci nomen & arma stupes.
 Hac memor Austriacum patria indignata Philippū,
 Erigit Auriaco posthuma busta suo.
 Surgit in invidiam pulsus hoc marmor Iberis,
 Seraque virtutum præmia Belga parat.
 Lustra oculis spectator opus, vultusque pererræ,
 Quos labor & solers sculpsit in ære manus.
 Incubat Auriaco Auriacus, sed eburneus illi,
 Qui prius Albanum terruit ense Ducem.
 Sic jacuit diræ stratum mercede cadaver,
 Cum manus innocuum sterneret emta caput.
 Cernis,

Cernis, ut insidet lapidi fortissimus heros?
 Illa Patris patria prisca figura fuit.
 Talis erat, cum jura daret, cum vindice ferro
 Solveret Hesperio Belgica colla iugo.
 Suspice Pyramidum surgentes more colossos;
 Hoc aeterna Ducum gloria culmen habet.
 Undique funesta fera Mortis oberrat imago,
 Exuvisque suis imperiosa riget.
 Disce triumphantes Parcis succumbere dextras,
 Armaque, sed satis praeiipienda, geri.
 Stat Pietas, sacrumque manu veneranda volumen
 Gestat, & aethereas diva recludit opes.
 Hoc Pietas Duce tuta fuit, potuitque sub illo
 Non timida exlum religione coli.
 Stat juxta Herculeo circumdata tergo virgo,
 Fortiaque invicto pectora Marte gerit.
 Hesperios sic ille Deos & castra fugavit,
 Et valida fregit Batava sceptrum manu.
 Tuque serenato Libertas aurea vultu,
 Hoc libertatis vindice, pulchra nites.
 Parte alia adversum sceleratis exerit enses
 Iustitia, & leva ponderat ara manu.
 Talis Arausiades media inter praelia ductor
 Afferuit Batavi jura verenda fori.
 Vnaque dum Marti, Themidi manus altera servit;
 Et geminos stricto vindicat ense deos.
 At quae per cunctas fundat praconia terras,
 Belligeras inflat Martia Fama tubas.
 Hinc puer atque illinc lachrymis indulget acerbis,
 Et dolet extinctas, quas gerit ipse, faces.
 Diffuat in lachrymas & acerbos Belgica planctus,
 Dum subit extincti tristis imago Ducis.
 Quis paria Hispano faciet? tu maxime Fili,
 Ne mori re prius, quam moriatur Iber.

Illustrissimo

DOMINICO MOLINO,

Senatori Veneto, cum Hymnum in Christum, & Argo Batavam ipsi mitterem.

Vivis, & externum celebras, Moline, poetam,
 Et tibi dilectum pergis amare caput.
 Nec tua Barlai praeulstris purpura cantus
 Despicit, & Musa dona pusilla meae.
 Prima saluiferum depingit pagina Christum,
 Ingentemque pio personat ore Deum.
 Altera barbaricis oneratas mercibus alnos,
 Hesperique canit grandia damna soli.
 Sic modo me tellus vatem, modo possidet aether:
 Nunc hominum laudes, nunc habet ipse Deus.
 Iamque feror medios acer bellator in hostes;
 Iam caelo tranquilla nobile pacis opus.
 Iam me ficta juvant veterum mendacia vatum;
 Iam modulos adflat sanctior aura meos.
 Artifices distincta petunt. hic incubat auro,
 Et Venetum rutilo sculpit in aere Ducem;
 Ille rates aptat pelago; docet alter amores:
 Eligit ingenio quilibet apta suo.
 Nobis cuncta placent, tellus, Acheronque, polusque;
 Ludicra cum gravibus; tristia cum salibus.
 Omnia sunt vatum, sunt unius omnia Phœbi,
 Militat ad nutum machina tota meum.
 Imperium Veneti, spatius diffunditis amplis;
 At meus in cœlos altius Hymnus abit.
 Terminat Euganeos Rhatusque & Dalmata fines,
 Quaeque jacet medio Candia vestra mari.
 At mare in Occiduis dominatur sinibus Argo,
 Et spolia ex ipso Sole stupenda refert.
 Tu quoque, qui vastam curis prudentibus urbem,
 Cons-

Consiliisque regis transtra, ratesque tuis,
 In carmen Moline venis. tu magne Senator
 Cogaris ad leges arctius ire meas,
 Quæ tibi si placeant, & si ventura placebunt,
 Aonias toto fonte bibemus aquas.
 Et mea, Molini nimium proh sera voluptas,
 Diffluet in laudes ebria Musa tuas.

Ad Doctissimum Virum

BALTHASAREM
 BONIFACIUM,
 Archidiaconum Tarvisiensem.

EVganei Patres, mediis qui scribitis undis
 Carmen, & Adriaco tingitis ora mari;
 Et tu Pegaseâ vates redimite coronâ
 Balthasar, o Musa gloria sera mea:
 Dicite, cur viles pretium meruere libelli?
 Et Veneto nostrum teste probatur opus?
 Laurigeraeque inter fertis mea nomina frontes,
 Et favet applausu purpura vestra suo?
 Ausonii laus ista soli est, donasse poetas.
 Illo Helicon totus, totaque Cirrha loco est.
 Illic Naxgerii faciles in carmina Musas,
 Et faciles in se sensit Hyella Deas.
 Illic Virgilio certasti, Bembe, Latino;
 Et clara Hippalyte Castilione fuit.
 Illic Cotta suam cecinit risitque Lycorim,
 Flaminiique fuit dicta Turunda jocis.
 Ausonios meruit Latio Toscanus honores;
 Et potuit vestro Carga sub axe legi.
 Illic Fracastorios, Zanchos, doctosque Camillos,
 Et geminos Strozas, Capiluposque tulit.
 Quæque Sadoletto, quæ Lascare terra superbit,
 Quæ dedit Ascanios, Itala terra fuit.
 c, Arioste, tuos petulans modularis amores,

Et placido reges carmine Vacca canis.
 Hic per Apollineos Palearius ambulat hortos,
 Inque sua mores virgine Tonsus amat.
 Quos ego si tacetum, Romam spectate canentem,
 Et que Tarpeia carmina rupe fluunt.
 Lauriger Urbanus medica Pater urbe Quirini
 Peiora Phœbo tacta furore quatit.
 Hic hedera, & sacra cœunt in Prasile mitra,
 Quique Dei, vatū prasidet ille gregi;
 Communesque mihi versat mens ardua curas;
 Et studiis dispar non cupit esse meis.
 Vestra est Callipe, Veneti, Tritonia vestra est.
 Numina tot vestris plus viguere locis.
 Desinite in Batavum conferre encomia vatem,
 Qui rude Hyperboreo sub Iove pangit epos.
 Longius Aoniis, quàm vos à fontibus absum,
 Longius à Cirrha, Castaliisque vadis.
 Longius à priscis viro semotus Athenis,
 Mœoniique procul patria vatis abest.
 Sum procul à magni cunis tumuloque Maronis,
 Nec fluis in nostros Salmò disce te lavas.
 Me Vahalis, me Mosâ pater, me Rhenus inundat,
 Flumina Pegaseis non satis apta viris.
 Hinc Permessus abest. vobis vicinior ille est.
 Imminet Ionio Gracia tota mari.
 Phocidos amnis abest. vobis cum deficit ille,
 Totus Castalias Adria fundit aquas.

A D E V N D E M,

Inmodicum Carminum meorum
 Encomiasten.

Non ego cum vestris ausim certare Camœni.
 Balthasar, aut Batavis vatibus ire comes.
 Parce meis claras hederis postponere lauros,
 Aut hominem tantis equiparare Deis.

Parce

Parce precor graciles ad sidera tollere Musas.
Nec studiis dona grandia verba meis.
Accola Tarvisi, sit fas mihi dicere, parce
Invidiam famæ conciliare mea.
Tutius est humiles inter reptare myricas,
Tutius Heroum nomina ponè sequi.
Cymbula, qua tumidis pelagi conïsa procellis
Navigat, has audax mergitur inter aquas.
Non ego in Ægeo pandam mea vela profundo;
Narita, qui littus seligit, ille sapit.
Non ego nubivagas Alpes, non Pelion altum
Scandere, non istâ molior ire viâ.
Præcipites metuo scopulos livoris iniqui;
Ne noceant iterum, cui nocuere semel.
Tutius in tacita gradiar convallibus Ida,
Et mea depressam pagina radet humum.
Me Bavii terrent, spretique opprobria Mævi,
Et levis in tota Marzus Amazonide.
Terreor indoctâ rauci Theseide Codri,
Terrent Mygdonii tristia fata Mida.
Et nunc Icarei subeunt discrimina fastus,
Et male servato lapsus ab axe puer.
Plurima cum timeam, plus hoc fortasse timebo,
Ne ruât in nostrum turba diserta caput.
Turba poëtarum, secli, proh, tacta veneno,
Impatiens ulli cedere, ferre parem.
Si satis ingenti non displicuisse Molino
Carmina, & applausus emeruisse tuos.
Si satis, hoc gemino me dictatore probari,
Sit satis ad laudes gloria vestra meas.
Testibus his poterunt de me dixisse nepotes:
Spreta domi potuit Musa placere foris.
Dicet posteritas: iater Rhenumque Silinque
Aonias blande concinuisse Deas.
Dicet posteritas: facili modulamine Mosam,
Medoacumque suæ perstrepuisse chely.

*Dicet posteritas eadem : Rhenumque Athesinque,
Et Vahalin cantus consociasse suos.*

*At brevius : vicina Pado permixta fuisse
Carminè Battavici flumina fluminibus.*

*Denique dicet & hoc : serò coisse suavi
Barlaam & magnum federe Balthasarem.*

I N S A T Y R A M

quæ inscribitur Hieromastix,

A D

DOMINICVM MOLINVM.

F Allor ? an hoc nostro frendet Lucilius avo ?
Pacuviosque iterum secula sera ferunt ?
Horridulum quiddam dura de nare locutus
Persius, haud alio carmine censor erat.
Quique suis risit scelerum popysmata sannis,
Et tot Romana probra nefanda toga :
Perfudit simili Latium Iuvenalis ætæto,
Nec potuit populi crimina ferre sui.
Mæchus, & obscena ceventes parte Quirites,
Alpheus, indocto cum Labeone Glyco,
Infamesque lupa, & precio nonaria prostans,
Et quæ Socraticus membra cinædus amat,
Pamphilus, Hermogenes, & discunt templa pudere.
Hæc mordax Bavios pagina dente notat.
Hic Superos Divosque gerens in fronte sacerdos,
Hic luit haud nimium Vesta perosa virum.
Ne mirare novum, prudens Moline, poëtam,
Et Satyras vestro posse sub orbe legi.
Difficile est Satyræ non scribere. desipit orbis.
Materies Satyræ plurima quisque sumus.
Pantolabos, Verres, Nomentanosque nepotes
Cantaber, Arsonius, Belgæ, Britannus habent.
Fabula decrepita non luditur altera seculo,
Nec nova stultitiæ est scena, sed actor abit.

IN HISTORIAM

Clarissimi doctissimique viri

ISACII PONTANI,

De rebus Danicis.

Gentis Hyperboreæ dominos, populosq; Trionf.
 Sceptraque per Regum continuata manus:
 Et formidatam Tarpejis sedibus Arcton,
 Et tot Vandalico praelia gesta solo,
 Posteritas, te teste, leget Pontane; nec illud
 Nesciet, Augusto iudice, Cimber opus.
 Ingenio per regna, Duces, urbesque vagaris;
 Totaque jam Thetys, totaque Vesta patent.
 Sic studius diversa placent. nunc atera spes, et
 Et procul errantes contrahis arte Deos.
 Nunc patrios memoras intorto crine Sicambros.
 Et seculum tenebris eruis omne suis.
 Ipse etiam, Occiduis nuper bellator in undis,
 Amstela, tam grandi vindice letus ovat.
 Hac scribis, vir docte, tuis. Iam longius ætius
 Parrhasia celebras litora vasta plage,
 Codanumque sinum solers metiris, et arces,
 Et quondam Batavis noxia rura meis.
 Scilicet hunc Regi iuvat impendisse laborem,
 Oceanique Deos demeruisse tibi.
 Vt si terra neget precium, submurmuret æquor;
 Nec si Belgæ satis, plus tamen Arctos, amet.

In Historiam Belli Belgici

P E T R I B O R.

Quid toties vexata, furens quid Belgica possit.
 Quantum pro patriis audeat illa focis:
 Sustineat quam dura pati mens conscia recti,
 Albano stupuit sub Duce sævus Iber.

Mitius ingenium regalibus addidit armis
 Italus, & docta profuit arte magis.
 Cessimus Hesperie, nostrisque erepta triumphis
 Oppida Cantabricæ succubere manu.
 Et mox percussio Libertas principe mœrens,
 Indoluit populi fata suprema sui:
 Cum nova de patriis soboles augusta favillis
 Surgit, & Ariaci funeris ultor adest.
 Mauritiumque sequi nostra cœpere cohortes,
 Istaque collapsum dextra capeffit opus.
 Gaudet Breda capi. devictas reddidit urbes
 Isala, stant Frisio castra subacta solo.
 Alta triumphanti paret Groninga Leoni,
 Casareaque vetus concidit urbis honos.
 Bruëlerus & Salii nostra sunt nomina partis,
 Et Batavum laxis finibus arma ruunt.
 Iamque prior victis redit in præcordia virtus,
 Austriacasque ferox despicit illa minas.
 Hac venerande tuos, Borri vis scire nepotes,
 Bellaque tam claro plurima teste legi.
 It Ducibus tua dextra comes. tu prælia reddis,
 Pingis & in chartis Pergama nostra tuis.
 Quam cuperem sociis tua currere secula seclis
 Nassovii, & junctis gressibus ire duos,
 Vt victrix quem nulla Ducem Bellona fatigat,
 Tu quoque non cesses, maxime Scriba, loqui.

Eximia probitatis ac eruditionis Iuveni,
 ARNOLDO BEAUMONTIO,
 de Ultima voluntate disputanti.

Vltima, Beaumonti, morientum verba Quiri.
 Tuta patrocinio vidimus esse tuo, (tum
 Et morti mandata dari, legesque sepultis,
 Et dominum dubiis scribere jura bonis.

Scili-

Scilicet haredum dextras frenasse rapaces,
 Et tanta dices expedit arte mori.
 Non hic ad curas homini sua sufficit atas,
 Prospicit in seros anxia cura dies.
 Et jam scire juvat, quæ sit fortuna nepotum,
 Ac nimis ingrata posteritatis opes.
 Venturasque vices tabulis spectamus in illis,
 Quas pater, aut titubans scribere jussit anus.
 Solliciti morimur, quales quoque viximus ante,
 Filia sit quantum, quantum habitura nurus.
 Dumque graves loculos longos partimur in annos,
 Credimur in terris hoc superesse modo.
 Insanire libet. sequimur, quod linquimus, æurum,
 Exanimisque ipso in funere jussa damus.
 Et, ne de raptō dubitet mors corpore, septem
 Testibus æterna mortis adimus iter.
 Nec minus ex ipsis surgunt mox jurgia bustis,
 Et querulos fratres charta relicta facit.
 Et dum certa alibi poscunt oracula stulti,
 Egregios census curia lenta vorat.
 Tu meliora tuo suades, Arnolde, clienti;
 Iuraque non multum litigiosa probas.
 Sed causas ratione regis, pietate tribunal,
 Et fallax socia religione forum.
 Quam colis, illa Dea est. patria est, cui vivis, &
 Ad laudes præeunt nomina tanta tuas. (æther:
 Et super hac animum clari genitoris imago
 Dum subit, hac sobolem fas erit ire via.
 Sapius hos monitus, Beaumonti, in pectore versa:
 Hoc tibi postremum Velle poeta loquor.

Ad Doctissimum Iuvenem

THOMAM HONERDVM,

Licentiatum.

Qui thalamos laudesq; ducum, regumq; tiaras,
 Et numeris cecini busta superba meis,
 Et Tarcessiacis fumantia littora flammis,
 Et tot Belgarum diruta transtra manu:
 Nunc, Honerde, tibi fessis praconia Musis,
 Pauculaque in laudes praecipitata loquor.
 Materies non una mihi est. nunc inferor astris,
 Æthereasque alto vertice rado domos;
 Nunc humilem me terra capit. sic partior orbi
 Carmina. nec solum terra, nec astra placent.
 Vatribus ingenium est in multas flexile partes,
 Nec sacer hic una stat regione furor.
 Nunc nova transactis. nunc miscert sacra profanis.
 Nunc homines gudent, nunc celebrare Deos.
 Castra, duces, litui, fasces, diademata, reges,
 Busta, rogi, cineres, federa, sponsus, amor,
 Religio, pietas, & tot cantantur amici,
 Et venit in modulos femina virque suos.
 Ipsa etiam heroo jam nunc mihi fulta cothurno
 Depugnat pedibus Martia Sylva meis.
 Nec Schola, nec nostris abeunt indicta Camœnis
 Nomina, quæ Themidi, quæ placuere mihi.
 Tu quoque jam pulchro, Iuvenis, spectande theatro,
 Ingenii lusus cogeris esse mei.
 Dumque per egregias legum diffunderis artes,
 Consiliumque gravis praecipis omne fori:
 Pilea cum titulis, cum maiestate triumphos,
 Et non invito carmina vate refers.
 Quæ tibi si placeant patriis virtutibus aucto,
 Non poterunt docto non placuisse patri.

In

In disputationem

D E

H Y D R O P E.

Belgica, quæ mediis vivis tranquillior undis,
 Belgica, quæ solis regna tueris aquis;
 Belgica, quæ Vaholim, & bellacis pocula Mosæ,
 Et latices Rhæni prætereuntis amas;
 Adspice Battavia juvenem. cui docta papyrus
 Acræ funestis prælia dicit aquis,
 Fatalesque obitus occultis imputat undis.
 Quasque probas, dicit displicuisse sibi.
 Dissidet à domina soboles, à matre propago,
 Nec loquitur votis congrua verba tuis.
 Scilicet objectis hosti servamur in undis,
 Tantaque sed fluxis regna tuemur aquis.
 At qui nostra premunt immoti corpora fluctus.
 Materiem lenta perditionis habent.
 Mille modis morimur. bibimus feræ aliæ vivi
 Pocula, nec lethi longius autor abest.
 Funereas haurimus aquas, immergimur undis.
 Fataque distento proxima ventre latent.
 Et pariter nobis urna sumus atque cadaver.
 Quique tumet, funus bajulat ipse suum.
 Hæc, vir docte, doces, & quæ tibi tanta paratur
 Gloria, damnatis tota paratur aquis.
 Sic aliis tellus, aliis bellacæ debent
 Equora, & exuto carbasa raptæ mari.
 At gravis & tacitis crescens successibus Hydrops
 Invenit ingenia præmia digna tuo.
 Dumque sibi latices sitiens, tibi pilea poscit,
 Nec tamen aut titulis, aut saturatus aquis.

In honorem
FRANCISCI VOSSII, I.V.D.

Ad Clarissimum Virum,
GERARDVM VOSSIVM
Patrem.

T Andem etiam Batava subeunt palatia Muse,
Atque aliquis, Vossi, crederis esse foris :
Præmiaque ingentes solantur regia curas,
Et præcium, Carolo iudice, grande refers.
Sic scripsisse iuvat ; chartis cum purpura dives
Annuit, & fulgens otia donat ebur.
Altera nunc iterum tibi gaudia parturit æther,
Dum patrium seboles amula calcas iter.
Stat Iuvenis, totasque viris edisserit artes,
Et tetrico loquitur congrua verba foro.
Qualia legifera dictant consulta tiara,
Aut Latia rostris exposuere toga.
Per titulos, laudesque tuas, natiq; vagaris,
Inque tuum cœunt dissita regna decus.
Auriferis alibi Tamesis tibi labitur undis :
Hic tua, quæ celebret, pignora Rhænus habet.
Diversa ratione places. prodesse paratus
In natis toties nasceris ipse tuis.
Supputet innumeras Romana potentia terras :
Supputet immensas Tullus & Ancus opes :
Hic sua diffusis numeret tentoria castris:
Hic vocet in censum jugera, rura, domos.
Vilescunt omnes numeri. cui docta propago
Personat Aonidum limina, plus numerat.

C. B A R L Æ I

E L E G I A R V M

L I B E R . III.

Ad Varios , & varii argumenti.

Clarissimo viro

ADOLPHO VORSTIO,

Medico & Botanico, jam jam Leida
abiturus.

*Um fecunda novas tellus tibi partu-
rit herbas,
Et solitas fundit Palladis hortus
opes;
Iamque tuas vernans poscit Facun-
dia voces,*

*Verbaque vel toto vere diserta magis:
Nos aliò Fortuna vocat, Batavumque Lyceo
Surripit, & charis invida nominibus.
Et veluti Pyladen charo subduxit Oresti,
Longius à vultu me cupit ire tuo.
Imus, at hoc, Vorsti, tibi dicimus, ire coacti.
Exilio similis sors mea pene mihi est.
Dumque dolens suetis vates avellor Athenis,
Ceu profugi speciem credor habere rei.
Non mihi jam placidis Rhenus pater obstrepet undis,
Savior ad fluctus murmurat Ya suos.
Non virides circum dabitur spectare Napæas,
Quosque Pales campos, quos habet alma Ceres.
Non, quos Leida fovet, doctis permixtus Achivis,
Palladiæ potero gentis honore frui.
Pandet inexhaustam nummis Cyllenius urbem,
Et studiis dispar diva moneta meis.
Omnia vendentes inter, nunc inter ementes
Omnia, nil habeo vendere, nil emere.
At tu, dum patrius animum virtutibus imples,
Hippocratisque tui verba severa legis,
Auguriis votisque juva mea vela secundis,
Et sorti cupias non gravis esse mea.*

Quam-

*Quamvis in geminas fatis dispeſcimur urbes,
Et geminis diſtent Rhenuſ & Yaſcholis;
Attamen unanimiſ ſociet concordia mentes.
Sic ſchola, ſic ſedes una duobus erit.*

Reſponſio ad Elegiam Nobiliſſimi viri
D. GVILIELMI BARDESII,
Domini in Warminhuysen, &c.

Venit, & Amſtelioſ ſubiit tua litera portuſ.
Venit & hac noſtrâ tacta benigna manu eſt.
Pierideſ, dixi, creſcentem ornate poëtam,
Atque hederæ doctum cingite fronde caput.
En, novuſ ingreditur Phœbi delubra ſacerdoſ,
Et mediuſ vatuum gloria ſurgit agriſ.
Stemmata jam ſordent, proavūque ex ordine vul-
Et numerat verſuſ, qui numerabat avoſ. (tuſ,
Ingenio ſociantur opes, fortuna Minerva,
Et precium ex ipſo ſanguine Muſa capit.
Quid mihi degeneres objectaſ, Belga, poëtaſ?
Quæque canunt, vatuum nomina nulla putaſ?
Quid totum laceriſ habitari Heliconæ puelliſ,
Aut turba quæreriſ ſordidiore coli?
Abſtulit hunc nobiſ Bardeſi Muſa tumultum.
Nunc titulo vateſ ſplendidiore ſumus.
Noſ quoque jam villaſ, noſ prædia, rura tenemuſ.
Hic famuliſ, illic imperitamuſ equiſ.
Terrarum domini terraſ metimur & undaſ.
Pandimuſ anguſtiſ limina porticibuſ.
Lambunt æthereaſ vatiſ faſtigia ſedeſ,
Vt Iove jam poſſit proximioſe frui.
Dumque elegoſ ſcribit, pariter ſua jugera ſcribit.
Et patrio nitiduſ ſidere condit epoſ.
Deſere pauperieſ Batavoſ inviſa poëtaſ.
Nobilitaſ verſuſ ingeniſoſa facit.

Et

Et gaudent elegis, soliti gaudere caballis,
 Frena quibus Persei splendida mordet equus.
 Quique rotant celeres per rura, per oppida currus,
 Per Tenedon curru liberiore ruunt.
 Maxime Bardesi, dudum mihi culta pœsis,
 Exemplo poterit plus placuisse tuo.
 Nec tecum posthac elegas scripsisse pudebit.
 Quaque tua, laudis fors erit illa mea.
 Nobilibus compar gradiar. communia magnis
 Heroum geniis sacra Deosque colam.
 Sic aliquis tandem Batavis populoque videbor.
 Cum dicent studiis me cōiisse tuis.
 Cum lateri comes ire tuo per compita cernar,
 Et pariter gressus & sociare manus.
 Mox ubi per steriles ibo venator arenas,
 Et canibus dabimus iussa verenda tuis,
 Qualis ero. Dominum me Thestylis esse putabit,
 Basiolumque meo dividet ore suum.
 Cum mihi suspensa pendebit arundine piscis,
 Gaudia piscanti piscis & unda dabunt.
 Quà resonant avibus circum virgulta canoris,
 Irruet in casses prada petita meos.
 Nunc spoliū mihi terra feret, nunc altior æther,
 Nunc vitrea nobis, dona feretis aqua.
 Tota suo vati facilis natura patebit,
 Quam toties cecinit versibus ille suis.
 At tu, cum Sponsā cupies & amoribus uri,
 Irruet in thalamos nostra Camæna tuos,
 Quique mihi donas cœlum, terrasque lacusque
 Heroo referes carmina fulta pede.
 Quæ si non capiet Musarum nescia virgo;
 Quæ capiet roseis basia fige genis.
 Aut si basiolis quid gratius esse putabit,
 Officii nolis immemor esse tui.

SUPER OBITU

Nobilissimi Juvenis

ARNOLDI vander MYLE,

Domini in Alblas,

Ad Nobilissimum virum

D. CORNEL. vander MYLE,
Patrem.

M Axime vir, patrius clarum decus addite terris,
 Tot Batavos inter conspiciende Patres.
 Cujus Apollineos illustrat Fama penates,
 Scriptaque non uno nomina vate tument:
 Pone modum lachrymis. nimium plorare recusat,
 Cui pietas lachrymas sufficit ipsa suas.
 Fles natum genitor. non vult Sapientia flere,
 Cum, quæ non patimur funera, fata probant.
 Quem luges, mundi spatius sublimior, annos
 Calcat, & æterna lege beatus agit.
 Non moritur, quisquis vixit bene. vivere solus
 Desinit, ignavi cui periere dies.
 Qui genuit, dolet extinctum. sed dedolet ille,
 Mortalem qui se scit genuisse sibi.
 Hoc ipsum lachrymat, quod non lachrymatur ab illo,
 Funera qui nati credit acerbâ sui.
 Si periit, nec jam terris ostenditur ultra;
 Virtutum memorem jam juvat esse patrem.
 Qui miserum sese esse putat, miser incipit esse,
 Et dolor ex ipsa pabula morte capit.
 Quem si nulla premit ratio; premit ille dolentem,
 Et propius tacito vulnere corda ferit.
 In stabulis raptâ matrem mugire juvencâ
 Cernimus. ad pastum latior inde redit.

Luget

Luget avis, quoties nido surrepta propago est;
 Attamen huic ipsi lux satis una malo est.
 Quid querimur miseri? nequeunt ablata reponi.
 Despicit humanas ferrea Parca preces.
 Et citius deerunt lachrymæ, quam causa. dolendi
 Materies nunquam justa deesse potest.
 Plus homines inopina dolent. quodcunque futurum
 Novimus, hec ipsum plangere velle nefas.
 Imus, magne Virum, quo dives Tullius & Ancus.
 Imus, & hac orbis vadit in orbe via.
 Nati lege sumus; quæ desinat esse, quod esse
 Cœpit, & exitio gaudeat omne suo.
 Cui semel accubuit mensa, se subtrahit hospes;
 Et tolli gaudet, quas amat ipse, dapas.
 Agricola sectis tandem letantur aristas,
 Et sua mox avida munera falce metunt.
 Nec perit tuus ille, Pater, Myliusque puerque.
 Quem tibi terra negat sordida, Numen habet.
 Hunc dederat prius, hunc repetit: concessa parenti
 Poscit inoffenso pignora jure Deus.
 Debitor es. sobolem cum reddis, nomina solvis.
 Quique tuus fuerat, plus erat ille Dei.
 Non repetit properè, sua qui, non nostra, reposcit.
 Non repetit propere, qui moritura rapit,
 Sat vixit, cui vita proba est. cui pessima fluxit,
 Ah, nimium mundo vixerit ille diu.
 Vivimus erronei cuncti. quid longius illum
 A patriis lugas occubuisse focis?
 Crassum Parthus habet, peregrinaque littora Ma.
 Et peregre ad Trojam tot cecidere duces. (gnum.
 Si puncto stat terra brevi, jam patria ubique est.
 Nec moriens potuit non obuisse domi.
 Vixit, & ingenium claras diffudit in artes,
 Et scivit, poterant quæ latuisse senes.
 Per cunctos animosa gradus doctrina cucurrit,
 Et stupuit gressus occlusos suos.

*Securum nunc astra tenent. formidinis expers,
 Peccandi didicit dedidicisse modum.
 Sub pedibus Circenq; premit, fœdamque Calypsum,
 Totque catenato crimina juncta choro.
 Adspicit hinc danter patriæ responsa parentem.
 Adspicit hinc faciles fratris ad arma manus.
 Hic atavos mediis rutilantes adspicit astris,
 Et fulgentis Avi suspicit ora nepos.
 Lux æterna beat juvenem. fors nescia sortis
 Implet inexhaustis pectora læta bonis.
 Et si quod Vatum precium est, soletur & illud :
 Arnoldum Batavo non sine Vate mori.*

Reverendo clarissimoque viro
 IOHANNI WTENBOGARDO,
 Ecclesiastæ quondam Hagienſi,
 nunc exuli.

M Agne vir, & patriæ quondam florentis ocellæ,
 Milior Auriaci quum foret aura ducis ;
 Tota cui faciles porrexit Curia dextras,
 Et favit studiis nobilis Haga suis.
 Cum lituos, mediique inter fera classica belli
 Panderet æthereos lingua diserta sonos ;
 Et procul expansis figens tentoria castris,
 Victoris cuperet Mars meminisse Dei :
 Disce vices rerum, & placida solatia menti
 Suffice, neve tuis sis minor ipse malis.
 Excute cœlestes fœcundi pectoris artes,
 Nec desint domino mitia verba suo.
 Quæ legit, atque avido servat studiosa colono,
 Sapius ipsa sibi mella ministrat apis :
 Nec quæ plena suis fundunt carchesia donis,
 Muneribus cupiant rura carere suis.
 Tu quoque, cui totum tonuit facundia Christum,
 Imbibe doctrinæ tot documenta tuæ.

Sacra-

Sacraque sollicitam recreent oracula mentem,
 Et leve sit, Christo sic didicisse pati.
 Num peregrè novus exul agis, qui debitus astris
 Exulis in terris non nisi nomen habes?
 Cogitur ingentis rector secedere mundi,
 Quemque domi potuit pertinuisse, fuit.
 Exulat, & medio qui erit canabula Nilo,
 Exilioque Deum subtrahit ipse Deus.
 Assyrios exul sedit Iudæus ad amnes,
 Et bibit insolitas advena tantus aquas.
 Seu tibi Mosa pater, seu flexus pocla ministrat
 Sequana, num tanti fecerit ista Cato?
 Nec tibi nox gravior, nec lux minus aqua diei est,
 Seu Druidum spires aëre, seu Batavum.
 Omne solum natale piis. nec semper iisdem
 Nubibus haret avis, piscis inerrat aquis.
 Sors gravis exilii est, fateor. sed nescia culpa
 Quæ fuit, illa tibi sors levis exilii est.
 Non tua communes præcidit dextera census,
 Publicaque infamis diruit ara manus.
 Non tibi fallaci subrisit Iberia quæstu,
 Aut sacer argenti suasit iniqua furor.
 Non tibi Batavici quæsit a potentia regni,
 Aut potuit Christus displicuisse minor.
 Causa favet. solusque fuga prætexitur error.
 Si tamen hic culpam criminis error habet.
 Candida simplicitas nostro proscribitur orbe,
 Et sapuisse minus, creditur esse nefas.
 Sobrietas invisa fuit, potuitque probari
 Ardua conscripto iudice tuta fides.
 At tu magne senex, seculi contemptor & avi,
 Hac animo sapiens suggere dicta tuo;
 Iam moriens adsuesce Deo. tibi Belgici tandem
 Sordeat, atque emptâ mobilis aula fide.
 Sperne leves Procerum vultus, trabeasque, ducesque,
 Sperne paludata mollia verba roge,

Nec

Nec te falsiloquæ moveant convitia turba,
 Aut nimis in laudes lingua diserta tuas.
 Sufficiat Christum populo monstrasse, nec ultra
 Hæc mea vota tuis addere vota velis,
 Te recti soletur amor, me solor eodem.
 Convenit ille mihi, convenit ille tibi.

PETRO BRUGMAN,

cum

I. V. D. publicè renunciaretur.

Continuant nostræ Iuvenum præconia Musæ,
 Nec residem patitur Leida jacere chelyn.
 Poscimur ad cunctos, Phæbo indignante, triumphos.
 Iamque petit versus ille vel ille meos.
 Calliopes sum verna mea, & liberrima quamvis,
 Attamen officio mens mihi serva suo est.
 Sicelides Divæ, si me fecisse poetam
 Non pudet, hanc artem dedidicisse velim,
 Autori gravis illa suo est. vilescimus ultra,
 Et facilis vates arguor esse nimis.
 Sapè, per Elæos meruit qui præmia campos,
 Liber ab Elæo pulvere currit equus.
 Herculis ad postem fixis Veianinus armis
 Otiaque & longæ tempora pacis amiat.
 Non semper gravibus taurus desudat aratris,
 Et reficit fessas languida bruma manus.
 Solve fatiscentem, rector Thymbræe, poetam.
 Sacramus foribus barbata nostra tuis.
 Reddo chelyn, reddo fidibus tibi plectra remissis,
 Reliquias istas vatis & artis habe.
 Dum, Brugmanne, tuo applaudâ postremus honorî,
 Amplius hoc Musas nolumus ore loqui.

Nobis

Nobilissimo viro
 FREDERICO GVNTHERO,
 Daniæ Regi à Secretis.

M Axime vir, quem Gallorum stupere do-
 centem
 Pulpita, & antiquo Cecropis ore loqui,
 Quàm tibi diversis nunc currit moribus ævum,
 Quàm placidis distant turbida sceptrâ scholis.
 Quàm tibi prælectus jam plus adamatur Achilles,
 Dum similes format mens generosa Duces.
 Quàm sunt dissimiles Regum Phœbique labores.
 Quàm titulis surgit celsius aula suis.
 Nos tamen ad Cimbros imus, tenuisque professor
 Arctoum sterili carmine limen adit.
 Inter ebur, trabeas inter, proceresque Ducesque
 Ista leges curis inferiora tuis.
 Nil moror. hæc etiâ regni majoris imago est,
 Ad mea Pegaseas iussa venire Deas.
 Scribere quæ cupias totumque effingere Phœbum,
 Et numeros castris disposuisse suis.
 Hæc mea nobilitas, hæc nostrâ gloria Musa,
 Hæc sortis species ambitiosa mea est.
 Iam ride, vir summe, meus nugatur Apollo,
 Vt Boreum lepidò leniit ore Iovem.
 Vt Batavum discant salibus mansuescere Cimbri.
 Et mea non tristi carmina fronte legant.
 Si tua tot passim vacat indulgentia doctis,
 Barlæo liceat te quoque posse frui.

P V L E X

duorum amantium sanguine saturatus.

Pulex parve, meo toties inimice cubili;
 Pulex terribili Rhinocerote minor;
 Pulex Socraticis olim celeberrime chartis.
 Metiri saltus quæ potuere tæos;
 Qui celeres matrum fallax subterfugis ungues.
 Iamque oculos, sevas jam fugis arte manus.
 Nuper acuta meis fixisti rostra labellis,
 Et saturum nostro sanguine corpus erat.
 Nuper acuta meæ fixisti rostra puellæ,
 Innocuoque iterum sanguine pastus abis.
 Bis latro, me miserum primò, mox ladis & illam.
 Ac gemini alternum vulnus amantis amas.
 Corpore sic nostrum corpus miscetur in uno,
 Alteriusque aliquid sanguinis alter habet.
 Cogimur amplecti propius propiusque cõire,
 Concubituque in te proximior frui.
 Tangor & hic tango chara secreta Neæra.
 Vrimur hic, spatio sed brevior, duo.
 Basia, complexus, lusus, captiva tenentur.
 Quo fugiat nusquam fessus amator habet.
 Tu leve prostibulum, tu dulce lupanar amantum es.
 Occultant Paphias membra pusilla faces.
 Parvule tu pulex, ades templumque Deorum es.
 Quo sociâ colitur matre tenellus Amor.
 Tu fieri amborum poteris ferale sepulchrum.
 Possumus hic ambo, te moriente, mori.
 Tu niger es, nigrique refers palatia Ditis.
 Totaque fulgenti corpore gemma micat.
 Cum bibis, alteriusque trahis de sanguine sanguem.
 Vah, Anthropophagi, te sitiente, sumus.
 Cum bibis, ulteriusque meo de sanguine sugis,
 Vah facinus, sio potus & esca mei.

Cum

Cum lascive salis, ego tunc & amica salimus.
 Miramurque duos nos saluisse pedes.
 Cum scelerate lates mammis, genibusque sinuque.
 Credimur his etiam nos latitare locis.
 Parvule tu, parvis pedibus subnixæ viator,
 Bajulus es gemini corporis, ipse levis.
 Parvule, cum caperis capimur, terinurque miselli.
 Quæque tua est, eadem fors quoque nostra manet.
 Quam vereor, vitro ne mox claudamur in uno,
 Corpora quo cerni turgidiora solent.
 Tunc ego, tunc sîam spectanti fabula mundo,
 Tunc poterit cerni mixta puella mihi.
 Qualis cum Venerem vindis strinxisset ahenis
 Mulciber, illa Deum fabula facta fuit.
 Quisquis es, hoc precor avertas à pulice cadem,
 Hoc pignus digitis dilacerare cave.
 Qui faxis, geminos audax homicida trucidas.
 Exime nos primum, mox homicida neca.
 Si nolis, me latro neca. pars illa supersit
 Pulicis, in qua vel sola puella latet.
 Sic aliquid nostri forsan restabit in illa,
 Et vitæ potero reddier ipse mea.
 Omen habet casus. thalimo sociabimur uno,
 Claudere quos uno pulice fata volunt.
 Parte aliqua juncti, totis jungemur amantes
 Corporibus. totos pars sua quæque trahet.
 Pronubus hic pulex nostro præludit amor.
 Hic juncti salva virginitate sumus.
 Laxius expandam, cum lectus amabit, amorem,
 Qui nunc angusta pulicis ade latet.
 Latius expandam mea brachia, brachia quæ jam
 Se vix exili sede movere queunt.
 Tunc erimus veri, non ficti in pulice, amantes.
 Basiæque expansus mascula quæret amor.

In Hollandiæ Australis,

à Doctissimo viro

IACOBO vander EYCK,

I. V. Doctore descriptæ, partem
aquismersam.

Qui legis hæc lector; Batavæ dispendia terra,
Et proavum mœrens grandia damna legis:
Totmersas pelago terras, populosque domosque,
Et male terrarum jugera tuta Deis.
Viderat has clades, & prisca incommoda secli
Eyckius, & patria naufraga busta sua.
Nominaque ut sensit tenebris & fluctibus abdi,
Et rerum memores vix superesse notas,
Surgite, ait, veteres, Faunorum pradia, villa,
Alteraque extinctis vita resurgat agris.
Quosmersistis aquæ, chartis signantur in istis.
Præteritosque legunt secula nostra dies.
Si quid in has juris Thetys habet improba terras,
Imperium tanta diluet hora Deæ;
Temporaque amissas reddent venientia sedes,
Quisque natant, lucrum posteritatis erunt.
At liber hic tarde gradientes occupat annos,
Et decus antiqui contrahit omne soli.
Non ultra Neptune nocet. quodcunque relictum est,
Aut periit, vultu non pereunte damus.
Scribimus hic Mervæ dominos, Mervæque fluentia,
Totque paludati jura superba Ducis;
Quisque capit fines, Roveri sub fascibus, Auster,
Multaque Battavia regna sepulta mea.
Sic pelagi rabiem, sic Divum eludimus iras,
Et profunt charta, dum nocuistis aqua.

EPIGRAMMATA.

Nobilissimo Viro.

D. CORNELIO vander MYLE,
Equiti, &c.

Cum libelli mea fata & casus enarraret.

Dum mea ad Euganeas transmittis carmina
 Solæ patrociniæ carmina tuta tuo : (sedes,
 Invida vix natum damnat fortuna libellum,
 Et foliis virus credit inesse meis.
 Et jam pestiferâ Venetum malè clauditur aulâ,
 Sordidaque Aonias umbra recondit opes.
 Quid primum, Vir magne, querar? gens Martia.
 Non unâ nobis sit ratione nocens. (bello
 Dumque timet Superum pœnas, incusat eosdem,
 Et stolidæ Musas suspitione gravat.
 Quàm mea non facili se iudice causa tuetur,
 Quàm sunt ingenio sita severa meo!
 Impurus Batavo credor, Venetoque : priorque
 Indignè dominum vexat, at ille librum.

Nobilissimo Viro

D. CORNELIO vander MYLE,
Equiti, &c.

Magne vir, & Batavi celebris tutela Lycei,
 Quo duce Palladiæ floruit artis honos :
 Qui genus & proavos claris virtutibus anteis,
 Et laudem doctæ nobilitatis habes :
 Accipe sed facili Parnassia munera vultu;
 Innocuumque tui protege vatis opus.
 Si Venetum spectasse patres regumque tiaras
 Laus fuit, & magnos visere Borbonios;

Iamque

Iamque serenatâ Princeps tibi fronte Batavus
 Annuït, & tantos pergis amare Deos :
 Hoc precor : ut, voces inter Regumque, Ducumque,
 Cum Musis etiam sit tibi cura loqui.

In nummos argenteos, Cæsarum imagines
 exhibentes, nuper Voorburgi in ru-
 deribus repertos.

DUm rudis effossa scrutatur viscera Vesta
 Rusticus, & ditem versat anhelus humum,
 Eruiit antiquo celebrata numismata seculo,
 Nesciaque occultas dextera prodit opes.
 Adspicit ignotum præscis mortalibus orbem
 Infami squallens Martia Roma situ.
 Invida Cæsareos fœdarunt tempora vultus,
 Et Latios caries rasis iniqua duces.
 Sordent Phæbeæ, victricia signa, corona,
 Et fugiunt spatiis nomina trusa suis.
 Non Princeps vultus ostendit Nerva senex,
 Nec nativa senex ora Severus habet.
 Cernitur exesâ Batavis gens Flavia lauro,
 Et patrio dispar Commodus ingenio :
 Helvius imperii dudum aspersionis honores,
 Polluit in visis tempora cana notis.
 Explicat ipse suos etiam Trajanus honores,
 Atque alium post se non sinit esse parem.
 Quos venerata fuit dominos urbs celsa Quirini,
 Cernimus, & nostro sceptrâ inimica solo.
 Repperit hos Batavus, quondam quos horruit orbis,
 Victoresque stupet Belgica terra suos.
 Hos metuens aliquis speluncis abdedit atris,
 Et secum voluit nomina tanta mori.
 Non patitur Fortuna nefas. quo claruit orbe
 Italus, hoc iterum cernier orbe cupit.
 Debebit nummo precium, cui Cæsar amatur.
 Quantula Romulidum præmia ductor habet.

I. NEOPORTIO

in Galliam abeunti.

C Vi gravitas perspecta domi est, moresq; severi,
 Verbaque Belgarum digni supercilio;
 Celtarum jura adsuesce sonis, faciliq; loquelæ,
 Aptaque amatorum gestibus ora refer.
 Quàm distat Gallo Batavus! levis ille, celerq; est:
 Hic sua sed pigra pondera librat humo:
 Et numerat lentæ voces, quas Sequana fundit;
 Quæque rapit Ligeris nomina, Mosâ trahit.
 Ille suis secunda petit carthesia mensis:
 Huic super angusto garrulæ lingua mero est.
 Ille miser vacuum multum suspirat ad arcem:
 Hic salit, & quamvis sit levis ære, canit.
 Ille sacer Bromio, sacer alter Amoribus ardet.
 Et geminos perdunt vina Venusque viros.
 Hunc furor, illum armat ratio. morosior ille est,
 Blindior hic mores perficit arte suos.
 Nec leve discrimen faciunt braccæque comæque,
 Et caligæ, & doctâ barba resecta manu.
 Cunctorum Batavi mimi sumus: extera multum
 Gens placet: & sordent, quæ placere domi.
 Iamque redux patrios ignorat Belgica mores,
 Paucaque dedidicit quæ mala, plura refert,

Ad

EVERARDVM VOSCVYL,

ex Theologo Medicum.

Lætæ salutiferi docui præconia Christi,
 Primaque res Superæm pendere cura fuit.
 Crimina dissecui, populo peccante, Machæon;
 Et medicam sensit plebs malesana manum.

Tunc

Tunc anima curator eram; divinaque nostro
 Affulsit miseris civibus ore salus.
 Languida nunc poscant nostra solatia dextra
 Corpora, & humi nam plurimus ager opem.
 Sic sanare mihi semper, propriumque mederi est,
 Et, dum fors medicum non sinit esse, creor:
 Altera scripta placent, atque altera pharmaca. cæli
 Arbiter ex tardis fecibus optat opes.
 Quid rides Fortuna? juvat concedere fati;
 Solamenque mali non leve, posse pati.

Ad Doctissimum Iuvenem

HENRICVM THIBAVTIVM,

I. V. Doctorem.

CUr rapidos, Natura, stupes Hyperionis ignes?
 Totque per æthereas sidera raptæ domos?
 Cur rapidum Tanaim, rapidum miramur Araxem,
 Quasque ciet celeres grandius æquor aquas?
 Isthmia cur jactant veloces compita currus?
 Quoque ruant Hiero, Strepstadesque graditæ.
 Cur celeres medio miramur frigore Finnos?
 Missaque Parthorum tela reorta manu?
 Hæc sua mirari miracula desinat orbis:
 Quo spatium velox mens quoque currat, habet.
 Adspice, per vastas rapitur Thibautius artes,
 Et celer ingenio fervidiore ruit.
 Quem vix carceribus dimissum vidimus ipsis.
 Palladio adpersum pulvere metæ capit.
 Tempora sedulitas, ipsos prævertit & annos,
 Satque habuit studiis annumerasse dies.
 Non hunc currentem fallax remorata Calypso est.
 Sirenūque leves detinere chori.
 Nec sua Titanis porrexit pocula Cice,
 Aut Paphos in curas traxit amica suas.

*Fraudibus Hippomenes rapidam Schœneida tardat,
 Ille suum rectus passibus urget iter.
 Quoque prior virtus, properat jam gloria cursu,
 Casareoque Themis cingit honore caput.
 Accipe praelari specimen, Toxander, Ephebi,
 Quemque tibi format terra Batava virum.
 Que distincta fluit, juveni confunditur atas.
 Quique puer sapuit, prævenit arte senem.*

In Nisam, pro Nisa, elatam.

D*Um fera Palladium latè grassata per urbem
 Ipsa suis crescit mors furibunda malis,
 Accipe posteritas lepidos in funere casus;
 Materiam risus sufficit ipse dolor.
 Mortua funesto recubabat Nisa feretro,
 Et pullis aderat pompa vocata togis.
 Iam Nisa loculos fervens excusserat hares;
 Servatasque alibi sollicitarat opes.
 Que facerent latus Cerealia pocula mensas,
 Clauserat in serum provida cura diem.
 Iam Nisam tumulus, Nisam vespillo petebat,
 Poscebat pretium præsica mœsta suum.
 Cum pater extremum visurus funera Nise,
 Attonitus Nisam pernegat esse suam.
 Altera defertur, simili sed nomine, Nisa,
 Alteraque exequias turba secuta facit.
 Ipsa thoro recubans, fallacis funeris offas,
 Et mortis gustat posthuma dona sua.
 Ipsa bibit vivens, quas hares emerat, undas;
 Quemque suo tumulum scripserat are, fugit.
 Error habet gemitus, errant in funere sumptus,
 Falluntur tumulus, præsica, pompa, toga.
 Creditus abscedit: fit, qui non creditus, heres:
 Hic gaudet factus lautior, ille dolet.
 Sic tristem socco commutat Nisa cothurnum,
 Et tragicum lato sine coronat opus.*

Invida

*Invida si vivos mors fallere novit amicos,
Miraris vivis, Lector, abesse fidem?*

IN PHYSICAM
GILBERTI IACCHÆI
ad imitationem istius Claudiani:

Iuppiter in parvo cum cerneret athera
vitro, &c.

Iuppiter ut parvo descriptum in cortice mundum
Vidit, & immensas, quas habet orbis opes,
Ardua miratus docti molimina sensus,
Dixit ad indigetes talia verba Deos:
Hucine mortalis progressa scientia curæ?
Iam meus, heu, vili venditur ære labor.
Naturam, causa genios, motumque, locumque,
Et semper fluxos temporis articulos;
Mistaque, & aërio nascentia spectra theatra,
In tabulas sapiens transtulit arte suas.
Æmula decertant foliis elementa sub iisdem,
Alternantque sisas morsque salusque vices.
Sanctius hic animal mentisque capacius altæ
Præsidet, & rerum sceptrum capeffit Homo.
Infima cum superis cœunt, aterna caducis,
Vastaque natura corpora lector obit.
Iamque novi spectans Ratio compendia mundi
Gaudet, & exiguo tempore cuncta capit.
Quid miror solos humeris qui fulsiit axes?
Qui cœlum & terram fulsiit unus, adest.

In

METAPHYSICAM

Clarissimi Viri

GILBERTI IACCHÆI.

Qui modo Natura spatium dimissus in amplū,
 Hanc dederas spatio, sed breviorē, capi,
 Nunc super ingentis flammantiæ mœnia mundi,
 Vastæque Natura corpora raptus abis.
 Ignea vis animi major se attollit in annos,
 Nec desiderii stat satur ipsa sui.
 Fastiditur humus, nec tantis sufficit ausis,
 Et novus in Superum quæritur arce labor.
 Angelicos regina choros Sapientia pandit,
 Et cœli tacitas diva recludit opes.
 Pulchra Boni facies, & sponte adamabile Verum,
 Cunctæque quæ crassa nomina mole carent,
 Hic referunt obscura suos te vindice sensus;
 Vixque aliud, quod jam mens meditetur, habet.
 Unus adhuc toto restabat in orbe Creator,
 Et tuâ quod ciperet pagina, Numen erat.
 Scribitur ecce Deus, sed non nisi nomen & umbra;
 Discitur, at quid sit, nescia terra stupet.
 Qualis ad illustrem cœcutit noctua Phœbum,
 Quemque videt clarum non capit ægra diem,
 Omnia vestigas mortali per via cura,
 Atque, aliqua saltem qua datur ire, ruis;
 In tua dum Iacchæe redis primordia, quique
 Principium est, Sophia sit quoque meta tuæ.

Ad

Ad

CONSTANTINVM
HUGENIVM,cum itinerarii sui Italici copiam mihi
fecisset.**Q**uas tu cunque vias pedibus, sum mente se-
cutus,

Et potui peregrè lector, & esse domi.
 Vidimus externas nullo discrimine gentes;
 Nec mihi vel currus, vel fuit unda gravis.
 Non coram infido tremui latrone viator,
 Aut nocuit capiti roscida Luna meo.
 Visa fuit mediis suspensa periscelis astris,
 Illa Palatini fasciæ clara ducis.
 Nec tamen aut gressus mansere pericula nostros,
 Aut fessum timidi detinuerunt gradus.
 Tecum Teutonicas etiam conscendimus Alpes,
 Alpina nobis nec nocuere nives.
 Et tetigi Allobrogas, nec noxia nomina Rhætos,
 Nec fuit infestis Adriæ sævus aquis.
 Ora mihi videor Venetum spectasse Senatus,
 Nec tamen absentes erubere genæ.
 Hac ego dum lustris Batavis tranquillus in oris,
 Et tua securum pagina monstrat iter,
 Exili spatia ampla mei, Vir magne, tuique,
 Et procul à patria dissita regna lego.
 Vivimus extorres pariter, Superûmque remoti
 Sedibus, in terris gens peregrina sumus.
 Restat iter magnum. Cælum properamus ad unum.
 Hac patria, hæc totum possidet aula Deum.
 Illic perpetui current in secula menses,
 Nec breve fastorum dextera scribet opus.

f 5

Illic

*Illic sub pedibus, tellus, mare, sidera, reges,
Oppida, terra, duces, aula, Senator erunt.
Quique mihi narras levium spectacula rerum,
Adspicies vitæ non pereuntis opes.
Ipse ego, dum sedes istas & limina verso,
Alterius moneor jam meminisse via.*

In effigiem Caroli Quinti Cæsaris à
C O N S T A N T I N O
H V G E N I O
metallo donatam.

Qualis laurigeras, victricia tempora, frontes
Exhibuit populis urbs Tiberina suis,
Seu fustum fuit illud opus, seu malleus artis
Auctor adoratos pressit in ære Duces :
Talis apud Batavos veteres Hugenius artes
Reddit, & hoc sæclo deteriore sapit.
Ingenium nuper torni rapuere, rotaque,
Et phialam doctæ disposuere manus.
Ipsa suas stupuit formas mutabilis arbor,
Lignaue tum poterant plus placuisse sibi.
Iam cæptis animosa suis mens ista metallo
Incubat, atque novis artibus æra domat.
Dextera Praxitelis, Polycleti industria, sclers
Mentor in hoc uno nunc coiere viro.
Adspice calato nostratem Cæsara plumbo,
Adspice, materiam nobile vincit opus.
Quos timuit vultus Germania, Gallus, & Afer.
Quos timuit vultus Roma superba, vide.
Constantine, tibi Carolum debemus. at illum
Fingere tu solus cum ratione potes.
Scilicet ingentem qui Cæsara nomine reddis,
Hoc titulo proprios reddi in ære Deos.

Ad Ornatiss. & Matheſeos peritiſſimum
Iuvenem,

D. IOANNEM HEVRNIVM,
I. V. D.

H Eurnius æthereos studio dum permeat orbes,
Totque Deos geſtit noſcere, totque Deas;
Iamque hic Erigonem, hic clarum Cepheæ ſpectat,
Quasque micans numerat Caſſiopejæ faces,
Et medio pulchram Andromedam miratur Olympo,
Proximæque Arctois Gnoſiæ ſerta locis,
Pleiadum jubar, & radiantes nocte capillos,
Sideraque in celebres officioſa nurus:
Totus in Aſtræa deſigens virgine vultus,
Subſtitit ad Domina præmia tanta ſua.
Teque ſequar Grajæ gentis decus, inquit: & illos,
Quos colis, affectat mens ſtudioſa lares.
Ibimus, & Decios illac, Paulosque ſecutus,
Hos etiam greſſus per tua regna feram.
Quà pater Alciatus, juſti dictator, & equi:
Marſilioque ſuum gloria ſtravit iter.
Quaque paludati referens decreta Senatus,
Curtius applauſu poſteritatis ovat.
Dixerat, & ſpatium Iuris dimiſſus in amplum,
Cæſareas leges, magnæque verba capit.
Nec minus æternis gradientes legibus ignes,
Calicolûmque domos luſtrat, & ora Deûm.
Dumque per immenſos Themidos diffunditur hor-
Alter in Vrania poſcitur arte labor. (tos,
Sic gemina placuere Dea. nunc colligit unus
Præmia doctrinæ non peritura ſua.
Quique laboranti patriæ ſuffragia reddet,
Tandem etiam, calo iudice, ſidus erit.

In Appendicem ORTELII &
ATLANTIS editam à

GVILIELMO BLAEV.

Astra Deosque suis quondam cervicibus Atlas
Fulsiit, & tantum vertice gessit onus.
Herculeæ juvere manus, jamque iste duobus
Nixa fuit cali machina semideis.
Ex illo tremuere humeri, cervixque duorum,
Roboraque heroas destituere suos.
Tertius accurrit portando Blaeuius orbi,
Et gemina librat maxima regna manu.
Quod Mauri potuere leves, quod sedula Grajūm
Pectora, non Batavus, non sibi Belga negat.
At Batavo jam crevit onus. pars altera mundi,
Addita terrarum portio magna fuit.
Addidit Occasus Parim, Chilenque, Peruque,
Trusaque in immensos æquora tota sinus,
Guianæque domos, dorsisque immanibus Andes,
Viستاque jam nostra littora vasta manu.
Sustinuit mundum rector Maurusius unum,
Hic mundos audet sustinuisse duos.

Egregio ac Docto Iuveni

D. NICOLAO BOGARDO,

Cum I. V. Doctor, circa Caniculæ
exortum, crearetur.

Magne minorque Canis, quorum jam lucida
surgunt
Sidera, & arentes flamma perurit agros;
Torrida dum vestris precium fervoribus æstas
Accipit, & vultus induit illa novos:
Cernite Battavicâ juvenem de gente renasci,
Splendidaque in patrios nomina ferre lares.

Hunc

Hunc etiam suus ardor habet, doctamque per urbem
 Nobilior laudum ventilat aura facem.
 Vritur Astræ soboles, nec dissidet astris,
 Dissimilesque sibi non sinit esse Deos.
 Respondet natura scholæ, mens fervida cœlo;
 Alter & alterius flagrat in igne calor.
 At postquam ingenio magni cessere labores,
 Actaque per Themidos templa juvenata fuit:
 Premia restabant, & claris debita factis
 Pilea, & augustæ symmata longa togæ.
 Quæ tibi dum latis confert, Bogarde, triumphis
 Patria, & hos plausus, non sine vate, probat:
 Suspice, quos ardens Procyon tibi temperat, ignes,
 Et, quos jam cecini, plus venerare Canes.
 Nos decus in terris aliquod musamus; at illi
 Latratu titulos per sua regna ferent.

Amplissimo doctissimoque Viro
 D. IACOBO vander STRATEN,
 fervente mercatu Valckenburgico.

STat sonipes, laxisque ferox spectatur in agris,
 Multaque virtutis dat documenta sua.
 Curritur, & quamvis nullo fera buccina cantu
 Præcinat, audacis terga premuntur equi.
 Ille jubas, aliusque annos examinat emtor,
 Collaque & argutum cum brevitate caput.
 Est cui lenta placent alto vestigia gressu,
 Quæque tegit totos pendula cauda pedes.
 Diversa ratione placent. merx ipsa caballus
 Hinnit, & hinnitu se probat ipsa suo.
 Fervent in stabulis operæ, per compita fervent,
 Fitque forum pridem vomere scissus ager.
 Imus & immixti densis, Stratene, catervis,
 Grande tua passim cernimus artis opus,

*Quadrupedum rabiem, nec duris sueta lupatis
Ora, nec in gyros currere docta suos.*

*Cernimus, at verum ignari, tantique laboris,
Ignari quâ sint frena regenda manu.*

*Tu propera, gnarusque forum spectator oberra;
Et medios inter sis mihi doctor equos.*

*Tu mores geniumque doce, quid turpe, quid aptum,
Quam bene venalis vel male currat equus.*

Quem deceant macula, cervix erecta, minaxque,

Quem pes, quem feritas, quem sua crura probent.

*Quæ benè si discam, potero mox Castor haberi,
Si malè, Bellerophon pulverulentus ero.*

In Psalmos Epico Carmine redditos
à Doctissimo Viro

IEREMIA HOLTZLINGIO,
exule.

I Effæi numeros, & sacri carmina vatis,
Et quondam profugi flebile Regis opus:
Otia sceptrorum, facilesque in via tiaras,
Aptavit fidibus Scotia docta suis,
Et cecinit seris victura poemata seclis,
Qualia majestas postulet ipsa Dei.
Submisere suos Alpina cacumina cantus,
Et voluit prestans se quoque Beza legi.
Barbita quin etiam Lesboa tetenderat Auson,
Flaminio dulces tunc iter ante modos.
Ultima ne tantis desit Germania curis,
Fatidicum, Holtzlingo vate, resumit opus.
Et sancto cum Rege dolet, queriturque, gemitque,
Et sortis repetit tristia fata sua,
Regnorumque vices, raptumque è crinibus aurum,
Verbaque sollicitum quæ pia fudit ebur.
Exulis autoris liber est. ne spernite Belgæ,
Materies domino convenit illa suo.

*Iam quoque proscriptis cedunt diademata sceptris,
Et vates, profugo Principe, mœsta canit.*

I N N V P T I A S

Nobilissimi viri,

D. A D R I A N I M Y L I I,

Domini in Bleskens-grave, &c.

Et Nobilissimæ

A G A T H Æ R A E P H O R S T I Æ.

Belligera cessate acies, cessate cohortes
Barbaricâ crudas tingere cade manus.
*Po, cit Amor belli veniam. non moribus istis,
Non opus ingenio, Mars furibunde, tuo.*
En, Dux vester amat, placidique satelles amoris
Sub Paphiâ nullo militat ære Deâ.
Ducitur, armatas solitus ducere phalangas,
Et Veneris supplex poscit amator opem.
Imperiosa duci dux est. dominumque Dione
In sua, neglecto Principe, castra vocat,
Hic ubi basiolis cedunt imbellibus enses,
Terribilesque domant murmura blanda tubas.
Pugnat ubi pellax oculus, sunt fulmina risus,
Tela joci, lusus praelia, signa fides;
Campus ubi laudum thorus est, victoria victi,
Et nutus speciem belligerantis habent.
Hac meus insolitâ Mylius desudat arenâ,
Hic alias partes conjugis acer agit.
Non hic ad sœva Marvortia mœnia Sylva,
Aut portas pugnat, Mosa superbe, tuas.
Non latius Auriaci jam claudit, & illa fatigat
Oppida, qua magno succubuerunt Duci,
Non illi bellator equus, non spicula cordi,
Quaque regat clausum cassis athena caput.

Hasta

Hasta jacet, marcetque ferox rubigine ferrum,
 Nec gladios acuit, qui solet antè, furor.
 Diluit hos ipsos Raephorstia sola furores,
 Et Martem facili mitigat arte suam.
 Vna cataphractos virguncula latior artus
 Exiit, & dicit, sic placuisse ducem.
 Qualis cum domita rediit Tyrinthius Hydrā,
 Ivit in amplexus, Deianira, tuos.
 Tunc arcus periere, truces periere sagittæ,
 Pigraque sub primo limine clava stetit.
 Talis, devicta post fata miserrima Troja,
 Demophoon pulchram Phyllida victor amat.
 Quam dispar, generose Myli, sors versat amantem,
 Quam distant studiis miles amorque suis.
 Nassevio parere labor; labor alter, amori.
 Hic jubet; & fieri quod volet, ille jubet.
 Ille focos patriamque tibi commendat & urbes,
 Hic causam timida virginitatis agit.
 Ille suos ciet ære viros, ciet ille procando,
 Ille minax cuneis imperat, ille salax.
 Ille suos armatus obit, obit alter inermis.
 Nec timet has ipsas, quas timet ille, faces.
 Cum vigiles gaudet Fredericus ducere noctes,
 Horret ad audaces Cynthia mœsta manus.
 Cum tibi præscribit vigiles Cytheræa noctes,
 Ridet ad audaces Cynthia lata manus.
 Mane ubi purpureo Palantias exit amictu,
 Belliger obsessas verberat ille domos.
 At tibi formosos cum Phosphorus advehit ignes,
 Otia tranquillius pronuba lectus habet.
 Sapius Odrysiæ rubuerunt sanguine dextra,
 At Veneris nunquam sanguinolenta fuit.
 Nil huic cum gladiis vel iniqui cuspide ferri.
 Tela quatit facili non violenta manu.
 Quos tibi componit genialis cura capillos,
 Threicii turbat savior aura Dei.

Quæ geris in thalamis jam serica pulcher amator,
Sunt nimiam castris hæc speciosa tuis.
Hic tibi fulgentem succingit baltheus ensẽ,
Horridaque excelso vertice crista riger,
Hic tibi magnanimum circumdant vilia corpus
Tergora & impavida pectora pelle tegis.
Secula venturis Bellona nepotibus aufert.
Vnus amor curam posteritatis habet.
Hoc precio bellator amas. non busta petuntur,
Sed recubans lecto digna puella tuo,
Sed faciles in amore oculi, risusque silesque,
Atque aliquid, tacitus quod veneratur amor.
His studiis Myliæ repara dispendia gentis,
Et veteres soboles noscere discat avos,
Mirarique senem, quo Praside Curia quondam
Publica pro rostris verba locuta fuit;
Mirarique senem, quo nuper vindice felix
Floruit in meduis terra Batava malis;
Mirarique patrem, qui nunc Patriaque suisque,
Qui mihi, qui Musis, Nassovioque vacat.
Illa renascentes pelago sibi surgere terras,
Et prisca videat nobilitatis opes,
Submersosque Deos, eversaque templa procellis,
Et super infuso rura sepulta mari.
Illa per ingenuas animum circumferat artes,
Et discat, voluit quæ didicisse pater.
Cum tibi facundi voces mea cura Lycæi
Panderet, & Graja dogmata multa Scholæ,
Nunc mores hominum, nunc ætos nubibus ignes,
Quæque capit laxo machina vasta sinu,
Et dubia rationis opus; quæ regula verum,
Quæ notet argutos ingeniosa dolos.
Hæc tua progenies cum noverit omnia, dicam:
Ille studet pulchrè filius, ille sapit.
Hic reget egregiis patrium virtutibus orbem,
Et populis reddet jura severa suis,

Aut formidato frameas opponet Ibero,
 Et tumidi spernet iussa superba Tagi.
 Sic tua venturi relegend exempla nepotes,
 Quaque domus series, hac probitatis erit.
 Descendent Mylio Mylii, quas ipse probabit
 Livor, & in Batavum commoda nata fides.
 Interea totis Agatham complectere votis,
 Et dic: illa mei summa laboris erit.
 Illa Neera mea est. aliam non poscat Achilles,
 Hanc sibi Priamides postulet Andromachen.
 Hac prudens Tanaquil, hac est formosa Lacana,
 Hac erit amoto conjuge Penelope.
 Hac mihi per galeam libabit basia, tunc cum
 Fessus ab hostili strage redibo domum.
 Hac thoraca gravem digitis dissolvat & arma,
 Et gladios condet, barbara tela, meos
 Et dicet: mihi quem saluum jam redditis hostes,
 Salvus in imbelles involet ille sinus.
 Quique alibi pugnabit, amat securus amantem,
 Et spolia in labris quærat amica meis.
 Sic discerne Myli lituos, & amator amores.
 Non est hostis idem vulnus, amoris idem.
 Non acies, non palma eadem. diversa putantur
 Præmia militiæ, præmia conjugii.
 Hoc unum simile est. amat intervalla Cupido,
 Nec bene Mars semper, nec bene pugnat amor.
 Et Bellona suos amat & Cytherea receptus,
 Ista novos animos sumit, & illa novos.
 Quia jocor? expectant Sponsam pilenta rotæque,
 Totus & à vestro currus amore calet.
 Rura calent, ipsa circum torrentur arena,
 Et ruit in Veneres cerva lepusque suas.
 Qua graderis veherisque, chorus subsultat amantum,
 Ille rapit Dryopen ocyus, ille Chloën,
 Mopsus Cymoithoën, Galateam diligit Ægon.
 Flamma verecundæ conjugis urit agros.

Afflat

*Afflat equos domini furor, & sergente magistro,
Acrius ad visam Cylarus ardet equam.*

In obitum Clarissimi Viri

PETRI CHRISTIANI BOR,

Historiarum belli Belgici scriptoris.

Scripserat in cunctas dispersa volumina terras
 Borrius. exanguis scripserat ista senex.
*Bella, Duces, calamoque truce titubante Philippum
 Scripserat, & tanti semina prima mali:
 Vexatamque fidem flammis, despecta Potentum
 Fœdera, quasque tumens respuit Aula preces;
 Et conculcatas Albano Praside leges,
 Et quæ vana sibi regna parabat Iber;
 Scripserat Auriacos & abacti Principis arma,
 Et Patriæ sensim colla levantis onus;
 Oppida victa manu, manantes sanguine campos,
 Et quas iusta sibi subdidit ira faeces:
 Restabant placida mississima tempora pacis,
 Quæque breves Martem detinere moræ.
 Dum scribit, dum bella procul proscribit & enses,
 Dum pacata fluit pagina multa viro:
 Dum properat, speratque malis fixisse quietem:
 Et Patria letos commemorasse dies:
 Labitur è manibus calamus. jam jamque fatiscens
 Tranquilla nequit scribere pacis opus.
 Nempe vetant Superi. nec, quæ concessa senectæ
 Pax fuit, hanc chartis impetrat ille suis.
 Sic decuit, fluxa meditantem tempora pacis,
 Æternâ fessum velle quiete frui.*

I N N V P T I A S

Amplissimi viri,

D. IACOBI BICKERI,

Præstantissimæque Virginis

CHRISTINÆ de GRAEF.

P Rocedit cum Marte Venus. servamur utroque.
 Hac thalamos Batavis asserit, ille solum.
 Dum Princeps Dux castra movet, Bickere, procaris,
 Ordiiisque novum latus amator opus.
 Hæcenus Eois duxisti tempora curis,
 Et fuit officiis India tuta tuis.
 Defensique lares Phœbi messesque Sabæa,
 Quæque Moluccarum fundit opimus ager.
 Publica curasti. jam, quæ non publica, curas.
 Et privata tibi Sponsa Venusque placet.
 Extera curasti & peregrinis nota sub oris.
 Nunc Sponso conjux quæritur apta domi.
 Qui victam vidit Sol, te moderante, Malaccam,
 Iam videt, Arctoo te recubare thoro.
 Blandaue Christinæ defigere basia labris,
 Basia vel summis invidiosa Diis.
 Quæ ratis Amstelias pelagi per carula merces
 Vexit, amatorum jam tibi monstrat iter,
 Et terras alias aperit, Cyprumque Paphumque,
 Quæque pharetratus possidet arva puer.
 Non hic thura Arabum, gemmasque aut cinnama
 Sed tenera gratas posteritatis opes. (Spera.
 Seu puer Ascanius primis tibi ludet in annis,
 Oscula seu matri parva Creusa dabit.
 His opibus mox dives eris. sunt illa cubilis
 Premia, & hoc voto credimur esse viri.
 Patritios veneror thalamos. hinc Filia magni
 Consulis, hinc frater Consulis alter amat.

Exi.

Eximique thoro fasces sociantur in uno,
 Laudataque diu nunc cōiere domus.
 Non solum vestra est hæc copula. jungimur unà,
 Spemque sua cives utilitatis habent.
 Nubere, privatum est. sed cum nupsere regentum
 Pignora, præsidium publica causa capit.

I N N V P T I A S

Amplissimi viri,

D. I O H A N N I S.

H E E M S K E R K I I,

I. V. Doctoris, Poëtæ eximii & Scabini,

& lectissimæ Virginis,

A L E T H Æ B E V N I N G I Æ.

I Am Venus, Heemskerki, celebrem respexit aman-
 Deq; suo tandem vate triumphat Amor. (tem,
 Vinceris Arcadia scriptor, thalamique professor
 Discis & in domina proficis ore tua.
 Quæ monstraſti aliis nunc sunt tibi normæ procandi.
 Doctor amatorum regula facta sui est.
 Quos risus sibi finxit, amat. quæ basia chartis
 Pinxit, ab insigni virgine vera capit.
 Quam mutat Cithereæ viros. laudata poëtis
 Libertas toties, displicuisse potest.
 Me sequeris, vir doctæ. faces accendimus ambo.
 Et gessi, quæ jam tu geris arma, prior.
 Expetit optatis stringi Doctrina catenis.
 Et miser est sapiens, quem puer odit Amor.
 Si Tibi Nasonis placuit, si blanda Catulli
 Pagina, si potuit Lesbia grata loqui;
 Si Fido Pastore tuæ fax subdita flammæ est;
 Si Petrarcha suis jussit amare modis;

Julia

*Julia si Batavi docuit te verba Secundi ;
 Si docuit modulos Rossa Britanna suos ;
 Omnibus his plus est Beuningia, Cypride virgo,
 Unica tot vatum syrmate plus Aletha est.
 Cujus in amplexu Venus omnis & omnis inerrat
 Gratia, nec pulchra dote Minerva gravis.
 Præfere thoro tituli, tedæque tribunal,
 Et Themis in laudes officiosa tuas.
 Iudicis hæc partes, partes dedit illa procantis,
 Et permixta togæ nomina Sponsus habes.
 Sic das jura reis, sic das responsa marito,
 Nec simili cunctis conditione places.
 Vivere vult alius, quisquis bonus audit. amando
 Prosumus. & patriæ commodâ nuptia juvat.
 Quàm cuperem, Sponsum quàm tu bene semper ama-
 Tam te peccantes semper amare reos. (bis.)*

Ad Præstantissimum Doctissimumque
 Iuvenem,
 D. IOH. ab HELLEMONT,
 Cum I. V. D. publicè renunciaretur.

*S*ic Schola Arausiaco præludit nostra Lyceo,
 Formandisque vacant Rhenus & Ta viris.
 Primitias tibi, Leida, damus. Tu præmia messi.
 Sufficis, & toto das Helicone frui.
 Amstelæ pressis subsidunt sedibus artes ;
 At tua sublimis culmina Pallas habet.
 Hic prætexta sapit. Tibi plenos imbuit annos,
 Et sua persuadet jura forumque Themis.
 It gradibus Doctrina suis. succeditur illi.
 Ingenioque puer, fit ratione senex.
 Talis in antiquas missus Romanus Athenas,
 Creditur in Grajis plus sapuisse Scholis.
 Quem Iuvenem Sophia monitis præstruximus, illum,
 Leida, facis titulo splendidiore coli.

*Cæsareum munus, præstans Helmonde, tribunal.
 Ausoniosque aptas ad tua rostra Duces.
 Sic tibi, sic magna Batavum bis nasceris Urbi;
 Dum prodesse bonis vis, nocuisse malis.
 Ipsa tui testis jam nunc Astra laboris,
 Imponit capiti pilea digna tuo,
 Et cupit hæc cunctis augusta in luce videri,
 Quæ poterunt patriis perplacuisse focis.
 Est suæ Majestas studiis, lux, pompa, triumphus.
 Doctoresque vehunt Fama rotaque suos.
 Consul ades, doctique vides, Bickere, nepotis
 Premia, & hoc natum grande sorore decus.
 Cum Tibi nutabit fessis cervicibus ether,
 Fas erit, hunc humeros substituisse novos.
 Et veluti mediis volucris Phœbea favillis
 Surgit, & ex ipso pulvere vita redit;
 Post cineres Fax illa tuos clarescet, & ipsis,
 Verticibus laudum, celsior ibit avis.
 Exemplis serpit probitas, cognataque virtus.
 Hæredes etiam gestit habere suos.*

Ad Amplissimum, præstantissimum
 doctissimumque Virum

D. CORNELIVM GRAEF,

cum secundis nuptiis uxorem duceret
 castissimam lectissimamque
 Virginem

CATHARINAM HOOFT.

*O Prime, quique tuis, Gravi, mea tempora lenis:
 Vocibus, & jam nunc candidiora facis;
 Quam levis est fluxa de virginitate triumphus.
 Quam leve non tactas bis tetigisse genas.
 Quam res parva sua veltigal solvere Sponsa,
 Femineæque virum simplicitate frui.*

Hoc

Hoc Corydon cum Rege potest. hanc calluit artem,
 Qui rudis indoctas pavit Alexis oves.
 Multorum est, preffisse thorum. sunt obvia cunctis
 Oscula. nec multum ponderis Hymen habet.
 Ludit in audaci facilis natura cubili,
 Quodque facit, nulla cum ratione facit.
 At thalami leges, & casta nosse marita
 Munia, quidque viro debeat illa suo:
 Et momenta domus & perspexisse labores,
 Hic Rhodus, hic saltus creditur esse tuus.
 Cuncta vides, Vir docte. vides permixta serenis
 Tristia, nec Zephyris jugiter ire ratem:
 Non semper ridere Deos, aut dura minari,
 Sed niuidos aliquando nube rigere dies.
 Scis, ut frena manu gestet stimulosque Cupido,
 Nunc Veneris laxet, nunc remoretur opus.
 Scis, quàm blanda nova placeat fac. india Sponsa,
 Quàm non austeri verba Catonis amet.
 Nec dominam servamque petis. partiris habenas,
 Sic tamen, ut titulo splendidiore regas.
 Cum laudanda facis, dices majora videri.
 At mala securus dissimulabit amor.
 Scis, qua cura pia sobolis, quàm flester arte
 Debeat Ascanii vis animosa tui.
 Scis, lecto nuptisque suum constare decorum,
 Presentemque thori partibus esse Deum.
 Est thalamis sua religio, sunt sacra precesque.
 Et Paphias adflat sanctior aura faces.
 Adspice. subridet tali Catharina marito,
 Et tacito secum, qua loquor, ore probat.
 Quam benè se tenero prudenti iunxit amori.
 Ut quæ gignet amor pignora, cura regat.

IN NVPTIAS

Doctissimi Viri

D. IOHANNIS COLINII,

I. V. D.

Et Lectissimæ Virginis

IDÆ ANTONIÆ.

C Hare mihi semper, placida nunc charior Idæ,
 Scande maritalem, docte Coline, thorum,
 Nec tua Casarea remorentur tempora voces,
 Verbaque consultis imperiosa suis.
 Instituit te Sponsa virum, Digestaque format
 Altera, quæ Veneris comprobet ipse puer.
 Illi tibi mandata dabit, legesque cubili
 Sat faciles conjunx figet & accipiet.
 Pandectæ sordent veteres. nova jura resurgunt,
 Qualia in Idaliis dat Cithæa jugis.
 Codice jam misso, Paphias ducenda per artes,
 Mitius in Batavis explicat Ida forum.
 Sunt regnis sua jura, rei, tutela, tribunal.
 Omnia quæ thalamis cernis inesse tuis.
 Sponsa rea est. Sponsa tu tutor amabilis. ipsa
 Conjugii gratum forma tribunal habet.
 Tu judex simul & gemini patronus amoris.
 Pro te, pro socia virgine verba facis.
 Ambo victores, ambo te praside victi,
 Sic vinci cupitis, vincere sic cupitis.
 Lis brevis est, totam dirimunt cum basia litem,
 Et causam coram conjuge sponsus agit.
 Optima causidici fors est, ubi sponsa clientis
 Nomine causidicum nuncupat ipsa virum.
 Cum precium dicta non sunt sestertia causa,
 Sed precium lecti tota marita datur.

Cum Caesar pratorque silent, & Baldus & Azo,
 Solaque sit dubii regula juris Amor.
 Nil hæc rostra timent, aut si timuisse putantur,
 Hoc unum, gaudent quod voluisse, timent.
 At vos, qui geminos læti aspectatis amantes,
 Hac mecum thalamis ingeminate novis.
 Ida. Themis sociant dextras, & fœdera jungunt:
 Hac laudata fori vocibus, illa thori.

I N N U P T I A S

Amplissimi viri,

PEL. à GROOTENHVYSEN,

Et Lectissimæ Virginis

ELISABETHÆ DVNIÆ.

Quem pridem patriis juvenem nutrit in unis
 Amstela, quem nostræ mox docuere Scholæ;
 Quem Themis immensos Iuris deduxit in hortos,
 Et valuit Latii Caesaris ore loqui:
 Iam nobis das, Haga, virum. sic serpere virtus
 Gaudet & ex magno nata parente trahi.
 Non satis est vixisse sibi. sic vivimus orbi.
 Quisquis obit partes conjugis, ille sapit.
 Cœlibe nil vitæ pejus. nec terra nec æther,
 Nec pia posteritas, quod tibi debet, habet.
 Conjugis officium præstas? jam sperat Olympus,
 Quem beet, & civem Patria læta novum;
 Curia, qui lites dirimat; qui castra sequatur,
 Mars pater. & causam posteritatis agis.
 Vinceris exemplis, Pelegromi, grandibus. & jam,
 Ecce, tuus, socio Principe, gliscit amor.
 Non sequeris pugnando Ducem, sectaris amando.
 Obsequiique gravem non cupis esse modum.

Dunia

Dunia si poterit formâ placuisse maritæ,
 Non poteris formâ displicuisse viri.
 Quin decus Astræa thalamis fulgebit in ipsis,
 Splendidiorque Patris nomine Sponsus eris.
 Inter rostra capis Sponsam: at ferventior optet,
 Te Sponsi partes expediisse, cliens.
 Causa thori potior. fas expectare clientem.
 Hoc quoque, jus nuptæ reddere, juris opus.
 Tolle faces, Prætor, Paphias. jam pone secures.
 Ambulet Amstelia liber in urbe reus.
 Dum Venus amplexu gaudet, dum vita paratur
 Basiolis, homines non cupit illa mori.

I N N V P T I A S

Amplissimi Clarissimique Viri,
 CORNELII BOYI,
 Advocati, & Poëtæ,

Et Præstantissimæ Virginis,
 ANNÆ de BLOCKLANDT.

S At rostris Themidique datum. Nil litibus ultra
 Est opus, aut querulo, Boye diserte, foro.
 Nil nisi miæ decet Sponsos. Prascribat Adonis,
 Quæ placeant nuptæ mollia iussa tua.
 Casareæ sileant voces. procul ite severi,
 Nomina per terras imperiosa, Duces.
 Non agitur jam causa rei, non scena clienti
 Panditur, aut dubium disputat Aula nefas.
 Tertè aliū virgo te Dordracena salutat,
 Quæ Paphiæ tecum fœdera pacis amat.
 Ex amor est, lex cura thori, lex cura nepotum.
 His titulis surgunt altera jura tibi.
 Iria consulto Paphos est, Astræa Dione,
 Pro pratore Venus, Casare latus Hymen.

Mutat verba fori Blocklandia, mutat honores;

Et tanta columen te cupit esse domus.

Hac tibi dum nubit, Phœbo nupsisse videtur,

Et Themidis pariter virginitate frui.

Nubite vos alia, vulgari sorte, puella;

Sit satis hoc, homini se sociasse viro.

Quæ Phœbi Themidisque haret complexibus Anna,

Vna Deo conjux jungitur, una Dea.

I N N V P T I A S

Præstantissimi Viri,

D. IOHANNIS vander POL,

I. V. L.

Et Laudatissimæ Virginis,

ELISABETHÆ VOCKESTAERT.

Pollio, doctorum titulis involveris, & te
Altius eximii gloria tollit Avi.

Cujus adorandum loquitur facundia Christum,
Et decus assertæ religionis habet.

Pollio, nobilium titulis involveris, & te
Kerckhovius clarum nobilitate facit.

Cujus Arausiaca virtus sese explicat Aula,
Et Batavos pergit demeruisse Duces.

Hac aliena putas. viridi nunc pulcher in avo,
Luminibus fulges, Sponse beate, tuis.

Et propriis letam thalamis inducis Elisam,
Et decus à tanta virginitate capis.

Dum Sol in Iaculis, tuus est in Virgine Titan.
Scilicet hoc hominum sidere gaudet amor.

Stat Venus, & nuptis geniales porrigit ignes,
Et sponsum propius vellet adesse sibi.

Luna jubet faciles vobis procedere menses,
Et mutet flammis Endymiona tuis.

Iuno favet, vobisque volet Lucina vocari,
 Et sobolis castos implet amore sinus.
 Ipsa Themis, Iurisque tui germani sacerdos,
 Hunc tibi ab aethereo conficit axe diem.
 Dumque suo legum lances suspendit alumno,
 Intus Acidalias vibrat amica faces.
 Optime, tot superos inter jam Sponsus haberi,
 Et tuus ipsa Deum limina tangit amor.
 Coelicolum sunt festa, quibus tibi ducitur uxor.
 Nomina virtutum numina quaeque reor.
 Religio, doctrina, fides, candorque, pudorque,
 Haec sunt conjugii sidera clara tui,
 Dique Deaque omnes. quos inter ludere vates
 Carminibusque adsum dicere lata meis.
 Distinguunt nos, Sponse, Scholae. distinguimur ambo
 Fluminibus, geminos Amstel et Rhenus habent,
 Sed Sponso tibi gratari, bene velle, precari,
 Vnius officium credimus esse Scholae.

I N N V P T I A S

Clarissimi Viri,

IOH. FRED. GRONOVII,

I. V. D. Historiarum & Eloquentiae
 in Illustri Daventriensium
 gymnasio Professoris.

Non tibi jam celebris lustrantur pulpita Romae,
 Aut legitur scriptis Bibliotheca suis.
 Impiger occultas non jam scrutaris in artes.
 Aut dubii petitur lectior ara loci.
 Non veterum cippos spectas & saxa viator.
 Quaeque oculos fugiat littera caeca tuos.
 In sponsa labor & notis natura libellis
 Sudat & hic novitas officiosa placet.

Casta, detens, facilis, res est rarissima, conjunx.
 Et sua femineus gaudia cippus habet.
 Gronovi, tabula est ingentis femina mundi.
 Ingenio terras, sidera mente gerit.
 Iupiter est & Luna suo mutabilis ortu,
 Nunc aliquid Veneris, nunc Phaëtonis habet.
 Saturnum non leta refert, latissima Phœbum.
 Mercurio similis lingua diserta Deo est.
 Tellurem secunda refert. nunc ignea flammis
 Æstuat & socio conjuge fervet amans.
 Æquora sunt iraque breves & murmura. cum vult,
 Blanditias nobis tota serena facit.
 Lactea flumen habet. gemini sunt ubera montes,
 Cum sobolem genitrix parturit, hortus erit.
 Sic, cum sponsa Tibi, totus simul obtigit orbis.
 Hæret in amplexu machina tanta tuo.
 Cum sponsus, mundi Dominus rectorque crearis,
 Et nova, sed sociæ conjuge, sceptræ capis.
 Docte Vir, hac fruiere. & mundum dum perspicis il-
 Nunquam lecta aliis, optima multa leges. (lum,

I N O B I T V M

Generosissimi Herois

MARCHIONIS de GESVRES,
 ictu lapidis, in obsidione Theonvillana
 infeliciter extincti.

Qualis in Æacidem quondam mors invida Pyr-
 sæviit, & letho saxa dedere Ducem; (rhūm
 Cum debellatam rueret moriturus in urbem,
 Sterneret & tantum sors inopina caput :]
 Talis in obsessas dum virtus Gallica portas
 Fulminat, & trepidam bella Theone gerit,
 Victorem fortuna rapit. non succubat hosti.
 Gevrius. infelix verberat ora lapis,

Quod

Quod nequirit Belona, facit casusve Deumve.
 Fraëta silex magno pernicioſa Duci eſt.
 Nam Mavors rationis eges. florente juventa
 Grande decus belli ſurripis ipſe tibi.
 Ante annos Fabiumque necas, Deciumque trucidas.
 Et ceptum fama ſiſtis iniquus iter.
 Luge Atrebas, Fontarabia lugete peremtum.
 Nuper ubi Getici cruduit ara Dei,
 Vulneraque illuſtri bis ſex in corpore ſiſit.
 Vulnera, Romanus qualia miles amet.
 Non fregere Ducem carcer, non vincula Gandæ.
 Libera mens, ipſo in carcere, Regis erat.
 Succubere Duces Ducibus. gravis Hector Achille,
 Hic Paridi. Paridi, Pyrrhe, cruentus eras.
 Turno Troius Æneas. tua gloria Gevri eſt:
 Nullius in terris ſucculſiſſe manu.

I N N V P T I A S

Clariffimi Viri

D. M A T T H Æ I V O S S I I,

Hiftoriographi, & Bibliothecarii.

QVAM tibi ſe Fortuna probat: quàm juſtior atas
 Nuncupat ingenio nomina digna tuo.
 Creſcis & in noſtri laudes attolleris avi,
 Et varius docto vertice ludit honor.
 Iam tibi Palladiæ creduntur ſcrinia turba,
 Tutæque ſtat curis Bibliotheca tuis.
 Mox Batavum annales & priſcis eruta ſeculis,
 Totque Ducum, dubio iudice, fata notas;
 Et Procerum mandata facis. qui geſta ſuorum,
 Et Proavos cupiunt, te memorante, legi.
 Et Regum Comitumque dies & libera ſcribi
 Imperia, & validas in ſua bella manus.

Historici partes imple, calamumque disertus
 Per veterum tabulas & monumenta rapis.
 Nec pateris cæca mersum caliginè verum,
 Publicaque infami facta jacere situ.
 Hos titulos Doctrina dedit. nunc munus amantis,
 Et placidi partes Sponsus amoris obis.
 Alteraque indulget per amica vocabula Cypris.
 Qualia Sponse tibi Protefilæ dedit,
 Andromachæque viro, & Thetidis gavisæ marito,
 Vel tibi Lærtæ, vel Menelæi tibi.
 Historiam jam nupta facit. virguncula mollis
 En, locuples, Vossi, Bibliotheca tibi est.
 Vultus ubi, facilesque oculi, risusque jocique,
 Basia & amplexus pagina grandis erunt.
 Qualibet officium tibi pars præscribet amandi.
 In sola vastum fronte volumen habes.
 Hic antiqua leges : quam sint sine lite marita,
 Cum cupidos aperit Vespèra prima thoros.
 Quàm sit blanda mora impatiens & temporis uxor,
 Nec velit ex Ithaca longius ire virum.
 Quàm cupiant pulchrâ matres de prole vocari,
 Et natâ de se posteritate frui.
 Hic nova multa leges : seriemque & grata nepotum
 Nomina, basiolis lucra petita novis.
 Ut se casta, decens, verâ virtute Iohanna
 Explicit, & Frisio ventilet igne tuum.
 Nec sexu, nec stirpe, sua nec degener urbi,
 In celebres Soceri digna venire lares.
 Hæc, Vossi, tuæ sunt. hæc volve volumina pernox.
 Sponsa tibi Flaccus, Sponsa Catullus erit,
 Et facilis Naso & lepido sermone Tibullus,
 Cumque voles dulci carmine Callimachus.
 Felix, cui facit annales amplexibus uxor.
 Felix, cui tota est Bibliotheca thorus.

Horrida mortalis spectacula cernite scena,
 Frustraque, queis misere dilaceratur Homo.
 Vita Salusque istis habitant in partibus, & qua
 Vita hominum, sese mors quoque parte locat.
 Adspice, qui temet nescis, ferale cadaver,
 Nexaque centenis ossibus ossa stupe.
 Illa tua sunt fulcra domus, tabulata trabesque.
 Hac sunt ingenii stamina dura tui.
 Exuviae tantaeque rigent velamina molis.
 Et quae cuncta tegit molliter ossa, cutis.
 Carneae compages sequitur, motusque magister
 Musculus & facili pondera lege movet.
 Currunt innumeris venarum flumina rivis.
 Et membris praebeant pabula lata suis.
 Viscera visceribus famulantur & ordine pulchro
 Officium varia quodlibet arte facit.
 Summa tenet Ratio, tunicis secunda cerebri,
 Et quia sideribus proxima, sola sapit.
 Palpitat aeterno Cor implacabile motu,
 Et media prudens se regione locat.
 Est, quae bile tumet statio, quae nutrit amores.
 Est, ubi ren salsas ejaculatur aquas.
 Fecundos matrona sinus ostendit. & illa
 Humani generis capsula prima patet.
 Qua reges Priamosque habuit, Brutosque Ducesque.
 Et quos fullo suos dixerit esse lares.
 Singula miramur. stomachi jecorisque labores.
 Et distincta suis viscera mille locis.
 Hec supplex Natura vide, fabrumque potentem
 Suspice & artifices hic venerare manus.

*Pingite pictores tabulas, & pascite vestris,
 Deliciis domini, lumina imaginibus.
 Ha mundum sanant tabula. diversa Creator,
 (Vera loquor, gentes) Spigeliusque facit.
 Totum hominem Deus hos ipsos compegit in artus.
 Totum hominem nostro destruit ille bono,
 Et tantum dissolvit opus. ne spernite, quavis
 In tabula cerni se cupit ipse Deus.
 Has ubi scæva, dolens, lævis conspexit ocellis,
 Credidit Impietas, se ratione regi.*

I N N V P T I A S

Amplissimi Viri,

D. IOHAN. ab HELMONT,

I. V. D.

Et eximiae Virginis

MARGARETÆ RAEPHORST.

I Am ridet pharetratus Amor. devicta puella est.
 Non arcus Puero, non periere faces.
 Vince arces, Frederice pater, castella domosque.
 Victoris Sponsi gloria major erit.
 Invitos hostes subigis. Raephorstia sponte
 Vincitur, & gaudet sic minor esse viro.
 Ingentem ruper complevimus ignibus Urbem,
 Gaudiaque innumeris incalvere focis.
 Nunc thalamis, Helimonde, tuis satis una duorum
 Flammula, nec facibus pluribus ardet Hymen. (est
 Flandria surreptas queritur sibi flebilis arces.
 Margaris exultat se tibi Sponsa dari.
 Margaris Amstelia sidus geniale juventa,
 Et patrie primus Virginitatis honor.
 Adspice, ut ignotas Veneris suspiret in artes,
 Ut timeat casta simplicitate pudor,

Vt

Ut gravis innocuos morum reverentia vultus
 Ornet, & illecebris forma decora suis.
 Talis magnanimi quondam fuit Hectoris uxor
 Andromache, Phrygios jam subitura thoros.
 Talis erat clari conjux illustris Ulyssis,
 Talis erat Latio Porcia nupta Duci.
 Sint fuerintque Duces illa. meus aequat amantes
 Amstela Cecropidam Romulidamque nurus.
 Omnia concurrunt, virtus, fortuna, venustas.
 Capsula multijugi Margaritis ista boni est.
 Hac est forma Pudicitia, candoris imago.
 Emicat hoc ipso nubilis ore fides.
 Maxime, qui tanta meruisti, Sponse, marita
 Oscula, legales dic procul ire Deos,
 Iuridosque patres, & vestra arcana Minerva,
 Murmuraque ingrati litigiosa fori.
 Hac aliena suis credit Citherea puellis.
 Longè aliud poscit pronuba virgo forum.
 Caesar ubi nullas leges, sed dictat amorum
 Mater, & admota basia fronte capit.
 Quisque sua est actor causa, non iudice litis
 Hic opus, aut dictis, Triboniane, tuis.
 Omnis in amplexu vis est & gratia juris.
 Et titulos faciunt basia mille novos.
 Pandectas alias legis, insuetasque Novellas,
 Et Digesta tuus mollia versat amor.
 Verbaque amatorum repetit tibi. qualia quondam
 Hypsipyle charo scripsit Iasonida.
 Penelope princeps Ithacus, Briseis Achilli,
 Aut Grajo nubens Laodamia viro.
 Gallia te pulchras nuper deduxit in urbes.
 Perque Britannorum regna viator eras.
 Lustrabas non visa foris. nunc extera sordent
 Omnia. quæ possit sola placere, domi est.
 Illa comes lateri, cupidus te adspectat ocellis.
 Et toto cupiat te generosa frui.

Nunc niveos in te mores, nunc suspicit ipsam
 Pallada. nunc, veluti Cypris Adonin, habet.
 Iam Themidi nupsisse putat. jam forma procantem
 Afficit, & pulchri membra Phaonis amat.
 Tot fulges, speciose, bonis, tot cernis honesti
 Nomina, & à proavis stemma decusque capis.
 Vos titulos laudesque ambo confundite, donec
 Posteritas illas sentiat esse suas.

I N N U P T I A S

Amplissimi viri,

D. HENRICI IONCQVERS,

Et Præstantissimæ Virginis

MARIÆ de GEER.

D Vm tibi promissus bellacem puppibus Arcton
 Instruit, & Sueoni porrigit arma, Socer;
 Balthicaque adversis depugnant æquora transtris,
 Et minus à Batavo milite Cimber orat:
 Te Veneris, Ionquære, puer, te mitior afflat
 Aura & in amplexus trudit inermis Amor.
 Nec te pugnantem tua Geeria, poscit amantem,
 Et Paridem propius gaudet adesse suum.
 Bella gerant alii. nobis jam, Sponse, Cupido
 Ventilet Idalias, te præeunte, faces.
 Nil furias Regumque minas irasque moramur,
 Et bellatrices fulmineasque rates.
 Suavius ingenium Sponsis. si fulmina nuptis
 Poscimus, haud atrox oscula fulmen habent.
 Arrident tibi vernantes in amoribus anni,
 Et peragit partes Gratia quaque suas.
 Cypris tota tua est. oculi, vox militat illi.
 Et focus primo flagrat ab igne tuus.
 Ipsa Iuventa suis ardet generosa favillis,
 Non opus hic flabris, Æole sæve, tuis.

Tendi-

Tenditur in nervos arcus jaculisque pharetra
Turget, & officium sponte puella facit.
Conspirant cunctæ Veneres. sua qualibet arma
Sufficit, in nullas insidiosa neces.
Hæc placidos donat mores, hæc pabula amor
Porrigit, & doctis risibus illa fovet.
Illa verecundum suadet pingitque pudorem.
Hæc nimios thalamo mandat abesse metus.
Quæque docet, quæ vos ambos nescire negamus.
Et tamen hæc jam vos sit simulare satis.
Albis in insignes alibi consentit amores,
Et totam vobis se volet esse Paphon.
Longius in Sueonum terras celeberrima vadunt
Basia & absenti perplacuerunt Patri,
Qui dum se sceptri curis & jussibus usque
Occupat, hos optat latius ire dies.
Et genero Sponsam facilem, me Vate, precatur.
Quæque loquor tacita gaudia mente probat.
Optime, non Italiam terras nec Gallica lustra
Regna, nec in longas, Sponse, vagare plagas.
In Maria totum tua sors jam possidet Orbem.
Quæ spe Fasti alibi, sunt tibi cuncta domi.
Sponsa tibi cælum est. quod fas tibi volvere semper.
Sponsa tibi centrum, cum volet, Orbis erit.
Lumina sunt stellæ, queis te perstringet amantem.
Luna, Venus tibi si queritur, illa tua est.
Terrarum sinus in gremio est. montesque mamillæ,
Et fontes facient lactea membra suos.
Hoc calo, his terris habita. fecunda nepotum
Pullulet hoc ipso sidere posteritas.
Et me, qui viduus vagor & sic jactor, in Orbe
Persimili tecum vivere velle, puta.

Ad Nobilissimum
ADRIANVM PLOOSIVM,
cum filiam ipsi peperisset uxor.

SI te magne patrem, Ploosi, natura sefellit,
Et spes elusit filia nata tuas,
Non tamen illa tuum fallat fors læva pœtam.
Possum etiam cunis Virginis apta loqui.
Femina masque mihi nullo discrimine habetor.
Convenit hic Musis, nec minus illa, meis.
Filiola est. gaude genitor. fortè illa Catonis,
Forsitam hac Leli nobilis uxor erit.
Filiola est. ride genitor. pulcherrima res est,
In thalamis illam bœsia posse pati.
Filiola est. latare pater. nubente puella,
Mox profuga fies virginitate socer.
Tu quoque jam pridem victuris aucta gemellis
Ploosia, femine & nomina gentis ama.
Non illam tumidis mergent irata procellis
Æquora. nec sævi militis ense cadet.
Matris cura sua charis adolescet in ulnis
Tutior, ad jussus officiosa tuos.
Turba salutantum foribus præludet in ipsis.
Teque volent centum demeruisse proci.
Illa tuo incedet lateri comes. illa labores,
Et placido curas diluet ore tuas.
Torva viris frons est. in blandis lata puellis
Frons nitet, & formâ nos meliore juvant.
Hanc cum conspiciet Veneri maturus amator,
Illa meis, dicet, moribus apta Venus.
His oculis patriæ radiat virtutis imago.
Omnis in hac fulget virgine matris honos.
Temperat innocuos generosa modestia mores,
Et facili mixtus simplicitate pudor.

Talis,

Talis, summe virum, voveo tibi filia crescat.

Sic, studeat patri, sic placuisse Deo.

At cum filiolum, Ploosi, genuisse vacabit,

Scribam filiolo mascula verba tuo.

Lusinus ob natam plectro leviores puellam.

Gigne marem. gravius moliar autor epos.

Ad Illustrissimum

D. IOH. OXENSTERNIVM,

cum Legati munere apud Batavos &
Anglos fungeretur.

O Xsterni, mediis venit tua missa Britannis

Litera, amicitia nuntia fida tua.

Venit, & ut tetigi, ac cera labente reclusi,

Illam novi dixi pignus amoris erit.

Hic radiat clemens Gothica virtutis imago,

Ingeniique fidem pagina docta facit.

Ter legi, & quoties legi, defixa tabellis

Oscula, ne dubita, terque quaterque dedi.

Sic ubi Mecenas Flacco respondit amice,

Multa Venusini gaudia vatis erant.

Scriberet ingenti quoties Augusta Maroni

Dextra, Maronæ plus sonuere tubæ.

Tu me, tu tepidas jam pridem ad carmina Musas,

Alloquio recreas, vir generose, tuo.

Iamque aliquis videor, quem tu dignaris amare,

Et melior, tanto iudice, fama mihi est.

At mea qui facili perlustras otia vultu,

Et male quæ nobis nata fuere, legis,

Excusa scriptum fato pejore libellum,

Cum fluerent studiis tempora dura meis.

Iam princeps me Belgæ colit. nunc inclita magni

Axelii soboles carmina nostra legit.

His ducibus feriam sublimi sidera vates

Vertice, & ulterius fortè poëta ferar.

See-

Sceptraferos cecini reges, diademata, fasces,
 Et Carolo potui non aliena loqui.
 Iuimus in laudes nobis morientis Iesu,
 Materiesque fuit carminis ipse Deus.
 Gustavi tumulos & grandem fleuimus umbram.
 Et lauris creui, dux Frederice, tuis.
 His tetricas fessi studiis discussimus horas,
 Hæ nobis artes, hæ placuere scholæ.
 Bella gerant alii, nos Martis scribimus iras
 Tutius, & Phœbi dulce probamus opus.
 Belligeras pernox exercet cura coronas.
 Oppida nunc rapiunt, nunc sibi rapta dolent.
 Oppida nulla capit vates, nulla oppida perdit.
 Securus Musas inuocat ille suas.
 Cumque vocat veniunt, illoque loquente loquuntur,
 Cumque cupit magna religione tacent.
 Sic mihi vita fluit sic currunt suauiter anni,
 Et videor fato liberiore frui.
 Calliope regina mihi est, sunt carmina census,
 Regna joci, calamus sceptrum, corona favor,
 Et modica fama precium. si laurea desit,
 Sufficiant fronti querceaserta meæ.
 Tempus erit, cum te thalamis & virgine pulchrâ
 Et Paphiis vinclis illaqueabit amor.
 Tunc tibi Barlæa trans æquora vasta Camœnæ
 Federa conjugii prosperiora canent.
 Tunc tibi blanda loquar, spatiisq; immanibus absens,
 Arcessam Clarias in tua vota Deas.
 Tum memorem mittam sinceri pectoris arrham,
 O tibi si veniat latior ista dies.
 Interea Legate redi, missisque Britannis
 Ad Sueones remez, cum fauet aura, tuos.
 Illic si pigeat Bataui meminisse poetæ,
 Non tamen hic potero dememinisse tui.

Ad

ADRIANVM TOLL,
MEDICVM.

Quisquis in humano defigis corpore vultum
 Sospes, ab humano corpore disce mori.
 Vivimus, & vita miseri torquemur ab ipsa.
 Et dolor haud una nos ratione necat.
 Iam caput afflictum est, jam tinnit iniquior auris,
 Nunc oculos grandio, nunc premit uva gulam.
 Hic gemit, hic presso gravius sub pectore tussit,
 Ille putrescentes bajulat ager aquas.
 Huic titubans lingua est. illi vestigia nutant.
 Hic riget, hic sitiens aestuat, ille tremat.
 Nunc natura foris, nunc intus fracta laborat.
 Et domino aduersa est pars sua quaque suo.
 Corpus iners trahimus centum cruciabile morbis,
 Membraque diversus singula tortor habet.
 Adspexi miseros, Tolli studiose, sagaxque
 Opposuit tantis se tua cura malis.
 Tu fera morborum sapiens examina pellis,
 Et vita nobis das meliore frui.
 Tu poene nos parte levas. tu tempora mortis
 Fatalesque tua protrahis arte dies.
 Nempe, cupis certis decurrere legibus ævum.
 Et nos, neglectâ conditione, mori.
 Sic sapias, & magnis sanas rationibus agrum,
 Et medici suades iussa probare sui.
 Hinc veterum libros attritaque verba repurgas,
 Consiliisque iuvas secula pigra tuis.
 Ecquid opus Cœum mediis excire procellis,
 Pergameoque senem sollicitare solo?
 Ecquid opus Batarvos Epidauro arcessere numen?
 Ista tuus per te numina Rhenus habet.

Ad

Ad
MARTINVM TOLL,
Iurisconsultum.

Sicine selectos, gratissima munera, flores
Mittis & in bulbis numina clausa suis?
Qualia ab Eois transmisit barbarus oris,
Et Phrygio primum nata fuere solo.
Qualia per rigidam distincta coloribus Hellen
Hellepontiacis luxuriantur agris.
Allobrogas tetigi, preciosaque verba Coronas,
Quique Gigantea flos gravitate tumet.
Aut titulis Sol magne, tuis radiisque superbit
Æmulus, & tantis vult comes ire Diis.
Singula dum lustro propriis distincta figuris,
Sollicitæ Gemmas mox tetigere manus.
Et dixi, non has dives mihi donat Hydaspes,
Sed Tolli bonitas officiosa mei.
Quæ cum sapè mihi profundet gemmula gemmas,
Barbara non emptas nostra stupebit opes.
Per te dives ero, Pelopæque Midamque lacessam.
Et strepet ad flores lingua diserta tuos.
Inde loquor: qui mente capis cælumque Deosque,
Sideraque ingenio liberiore notas,
Qui numeros dubiique tenes tot dogmata quanti,
Et Themidos juxta jura severa legis,
Iam Superos Divosque tuis scrutaris in hortis,
Atque oculis coram numina picta vides.
Quotque mihi donas, non uno nomine, Tulpas,
Tot per te missos credar habere Deos.

In Historiæ Belgicæ
P E T R I B O R.,
Tomum IV.

Quid longum vexata, furens quid Belgica possit:
Quantum pro patriis audeat illa focis:
Sustineat quam dura pati mens conscia recti,
Albano stupuit sub duce sævus Iber.
Mitius ingenium regalibus addidit armis
Italus, & docta profuit arte magis.
Cessimus Hesperia, nostrisque erepta triumphis
Oppida Cantabrica succubere manu.
Et mox percusso Libertas Principe moerens
Indcluit populi fata suprema sui;
Cum nova de patriis proles generosa favillis
Surgit, & Auriaci funeris ultor adest:
Mauritiumque sequi nostræ cœpere cohortes,
Istaque collapsum dextra capessit opus.
Gaudet Breda capi, de victas reddidit urbes
Isala, stant Frisio castra subacta solo.
Alta triumphanti paret Groninga Leoni,
Casareæque vetus concidit urbis honos.
Bruëterus & Salii nostræ sunt nomina partis,
Et Batavum laxis finibus arma ruunt.
Iamque prior victis redit in præcordia virtus,
Austriacasque ferox dispicit illa manus.
Hæc Venerande tuos Borri, vis scire nepotes,
Bellaque tam claro plurima teste legi.
It ducibus tua dextra comes. Tu prælia reddis.
Pingis & in chartis Pergama nostra tuis.
Quam cuperem sociis tua currere secula seclis
Nassovii, & junctis gressibus ire duos.
Vt victrix quem nulla Ducem Bellona fatigat,
Tu quoque non cesses, maxime scriba, loqui.

In prælium Flandricum ab eodem
 P E T R O B O R
 descriptum, Tomo V.

Flandria, fatalem Morinum reminiscere cladem,
 Sparsaque per campos busta cruenta tuos.
 Cum pater Auriacus, cum toto littore turmas
 Cantaber, adversis opposuere globis.
 Cum levis augusto belli Fortuna theatro
 Visa fuit gemino summa fuisse Duci.
 Hinc tumulos inter, (nos Belgæ vidimus) inde
 Æquoreos inter castra stetero Deos.
 Non patuit pelago fuga. Vastis sistimur undis,
 Et Batavos iussa destituere rates.
 Cogimur in pugnam. & sic desperasse saluti est.
 Quamque negat Tethys, monstrat arena viam.
 Oceano dum miles abit, sibi vindicat agros.
 Et satis est, terra belligerante frui.
 Certavere acies, densisque hasere manipulis,
 Et pedes immixtis obstitit acer equis.
 Signa meant remeantque, premunt eademque pre-
 Et partes obeunt ordo furorque suas. (muntur,
 Linquimus à tergo solem ventosque ferentes.
 Obruitor nimio Flander Iberque die.
 Vincimus, & tantis Mavors successibus harena,
 Colligit Auriaco sparsa trophæa suo.
 Ante pedes vexilla jacent, aquilæque ducesque,
 Totaque dant victas castra subacta manus.
 Stat sompes, Alberte, tuus. salvoque magistro,
 Se victi pignus Principis esse dolet.
 Iamque aliquis terras dum vomere scindit, in istis
 Ossa notat proavum semisepulta locis.
 Hac memorat nostri bellatrix pagina Borri,
 Hac memorat senio deficiente senex.

Redde

*Redde dies, primamque refer Medea iuventam.
Expedit, hoc veri vindice, bella geri.*

Ad Senatorem

R. H O N E R D V M,

cum Epigrammatis suis in Nummos Belgicos
patrocinium nostrum posceret.

NE pete Barlai, vates clarissime, plausum.
Ne pete de nostro lumine, Phæbe, facem.
*Quæ tu summa putas, quæ nubibus æmula censes,
Sunt humili nobis carmina nata loco.*
*Ludimus hæc inter medias, Honerde, paludes,
Hic ubi pro Clariis stagna bibuntur aquis,
Tu potius propior Superis, nunc prælia regum,
Nunc canis Auriaco parta trophæa Duci.*
*Aut Tarteßiaci convellis jura tyranni,
Et patriæ memoras spemque metumque tuæ.*
*Tu canis æternis inscripta poemata nummis,
Quæ mea sunt, charta mox pereunte legis.*
*Non ego Tyndaridum sum sidus amabile fratrum,
Tyndaridum potius sum malefida soror.*
*Si sequeris, Syrtes inter peritura voraces
Damnabit cursus naufraga Musa meos.*
*Tun' Boream metuis? si carmina Zoilus afflat
Optima; tu flatu, Æole, sperne leves.*
*Qui totam recreas vatium concentibus aulam,
Vere novo spiras dulcius & Zephyro.*
Sit tua, patroni, & Barlai causa, clientis.
Sic potero à populo simplice fortè legi.
*Si mihi sufficiet faciem sumsisse patroni,
Non ero. non satis est officiosa loqui.*
*Vera loquar. post te Batavos Honerde, relinquis,
Et tua quid vates carmina grande sonant.*
*Si regeras, hæc me nimis officiosa loquutum,
Inveniam, nummo vera loquente, fidem.*

Ad

Ad

D O M I N I C V M
ABRAHAM I FEENSTRA,

cum I. V. D. renunciaretur.

Q Valis ab accenso volucris Titania busto
 Eoū nitido suspicit ore jubar,
 Et patriis surgit vultu meliore favillis,
 Et vegetum ex ipso pulvere robur habet:
 Talis in hoc, Frisii, genitor redi vivus alumno
 Fulget, & ex ipso funere lucra capit.
 Excipit exstinctum soboles erecta parentem,
 Excipit atratos lux speciosa dies.
 Si cineres; si busta, gement si præsica sorder,
 Nunc comes ingentis gloria latitæ est.
 Iam gemitus compescit honos, tituliq; dolorem
 Et Themis, in laudes officiosa novas.
 Tu, qui jura reis & magna edicta loqueris,
 Hoc age, ne dicant te tua jura reum.
 Illas sperne manus, quæ dant, ut plura reportent.
 Nec causa, Doctor, sit tibi cara male.
 Ne dominis studéas fari responsa duobus,
 Nec limen pulsant aëtor & inde reus.
 Dic justum, seu sceptræ velint spretique ligones.
 Paupertas zelo stet quoque tuta tuo.
 Iura etiam miseris majestas scripsit, & unum
 Divitibus pandit pauperibusque forum.
 Sic sanctæ poteris Themidi placuisse, Feenstra.
 Et studium juris, religionis erit.
 Sic coram magno cum dices Iudice causam,
 Te Pietas ultrà non sinet esse reum.

In

ATLANTEM NOVVM

GVILIELMI BLAEV.

C Lauditur angustis terrarum machina chartis,
 Et faciem mundi parva papyrus habet.
 Contrahit immensos hominum solertia fines,
 Quaeque patent spatiis grandibus, arcta notat.
 Incubat in Vestam Nereus, in Najada Faunus,
 Areaque aduersos continet una Deos.
 Sol oritur, tabulisque iterum demergitur istis,
 Et Zephyros laeva respicit Vrsa suos.
 Discordes coiere plagae, non praelia gentes,
 Aut posita Mavors casside bella gerit.
 Dissideant quamvis populi, non dissidet insons
 Pagina, nec diro sanguine charta madet.
 Ambulat hic profugo placidus latrone viator,
 Et sicco tumidas tramite calcant aquas,
 Dumq; domi est, Rhodopen & celsas transilit Alpes,
 Et procul ingenio liberiore ruit.
 Cuncta videt, scriptumq; vigil dum permeat orbem,
 Hinc hominum curas suspicit, inde Dei.
 Aequora portari manibus miratur & urbes,
 Et mundum digito totaque regna geri.
 Atque ait: illa Deus fecit, manus amula sculpsit;
 Mens suspet, extrudit venditor, emptor habet.
 Non solum nunc terra Ducum est, pervenit ad omnes,
 Tot precio terras jam quoque pauper emit.

Propempticon ad
 I O A C H I M V M
 W I C H E F O R T I V M,
 cum Hamburgum peteret.

Æ Ole parce meo, nec sis crudelis amico,
 Per vada, per fluctus, Æole, sterne viam:
 Parcite precipites, (sunt vatum vota,) quadrigæ,
 Nec dilecta mihi ladite membra rota.
 Quem vehitis, meus est. præsens hîc delitet absens.
 Irruet in geminum sors nocitura caput.
 Sin minus ista movent, moveat te blandula conjux.
 Improba res, teneras ladere velle nurus.
 Parcite Boschardo. Boreæ si flabra nocetis,
 Quid meruit nullo tacta Maria viro?
 At tua cum, Smitthi, venient ad tecta sorores,
 Oscula cum dederis plurima, plura dabis.
 Sin renuas, in te stringam mea carmina vates,
 Et male te dicam parcere basioli:
 Si renuas, quacunque minus tu basia figes,
 Post reditum, salvis omnibus, ipse dabo.

Ad Legatos Federatorum Ordinum, compo-
 nendis bellis inter Polonia & Sueciæ
 reges missos.

P Arcite Nereides, nostro dum littore solvunt,
 Quas placida pingit pacis oliva, rates.
 Neve procellosos in carbâsa trudite fluctus,
 Ne violet sacros dira procella viros.
 Legatos, Neptune, vehis, dilectaque Belgî
 Corculi, tot patriæ lumina clara meæ.
 Ne celebres exstingue faces. si murmurat unda,
 In Morinos potius murmure unda tuos.

Quos

Quos vectas, si jura capis, lasisse profanum est.
 Lex etiam summos obligat ista Deos.
 Cum Latis veherent Epidauri numina puppes,
 Composuisse suas dicitur æquor aquas.
 Has quoque, cum blanda promittant commoda pa-
 Fac, Neptune, Notis mollibus ire rates. (cis,

Ad Illustrissimum Virum

ROCHVM HONERDVM

Senatorem, Legatum.

Magna minorque fera, dubiis sperata carinis
 Sidera, & ambiguo lumina fida mari,
 Pandite fulgentes meliori lampade flammæ,
 Et media clarum reddite nocte diem.
 Depositum prælustre damus. jam noster Apollo
 Navigat & toto cingitur Oceano.
 Et terras urbesque videt cessisse suorum,
 Littoraque ex oculis longius ire suis.
 Si Thamaræ vos fata movent, hoc vindice vivunt,
 Et precium tanti criminis Ammon habet.
 Si tabulas frangi Superum vidistis ab alto
 Æthere, qui tabulas reddidit author, adest.
 Dum suus antennis labor est, dum mugit Orion,
 Et petulans summos verberat undæ foros,
 Scribit, & Aoniis permiscet fluctibus undas,
 Et Zephyros vates tensaque vela canit.
 Quæ mare, quæ moveant immania corpora causa,
 Quis ratibus timidus sollicitavit aquas,
 Cur regat attentam virtus magnetica puppem,
 Cur ruat adversis pontus & aura plagis.
 Dum scribit, dum vela elegis spirantibus implet,
 Currit inoffensa lata carina viâ.
 Et properat gaudetque suis successibus, & se,
 Castaliis credit leniter ire vadis.

h

Nulla

Nulla ratiim sentina premit, nec nautea sordet.

Cur? fontes aperit Pegasus ipse suos.

Carmina prora facit, jam dictant carmina puppes.

Iam gleam scandunt carmina, rostra legunt.

Versiculos tabulata sciunt, in funibus harent,

In tremula varium pyxide carmen habes.

Ludunt in transstris numeri: capit anchora vatem.

Ipse etiam tersum navita carmen olet.

Illustri Viro

A N D R E Æ B I C H Æ R O,

Legato ad Vistulam.

Vistula, si nostras Cererem transmittis in oras,

Si Batavum toties fert tibi lucra fames,

Si tecum Eoas mutat mens Amstelæ merces,

Et puer à nobis & pia thura refers,

Excipe pacato venerandum flumine pignus,

Et vitreas coram consule sterne Deas.

Dic: mea praeclarus tendit per regna Senator.

Dic: illo Thernidis pectore sacra latent.

Dic: magnam placidis moderari legibus urbem.

Dic: studiis illum pandere templa piis.

Ingeniis monstrare viam, discernere Musis.

Otiæ, nec Batavi spernere vatis epos.

Non alio magnus poterat sub iudice causam.

Sacra, non alio dicere teste Gothius,

In quo candor, amor patriæ coiere fidesque.

Consilium prudens, sollicitusque timor,

In quo sacra truem objungat concordia Martem.

Non poterunt reges non coisse duo.

Illustri Viro

IOACHIMO ANDREÆ,

Legato.

S Armata, qui laxis habitas fortissime campis,
 Et nunc Moschorum exde recente cales,
 Et vos, qui magno Sueones sub Principe nuper
 Alpinas clypeis penè bibistis aquas:
 Huic Cynea mansueta precor date tempora fandi,
 Et tanti memores pendite verba viri.
 Si pacis decreta placent, pro pace loquetur.
 Et gladios rastris obruet, arma togis.
 Sin rigidi placet illa ferox Mavortis arena,
 Scribet in hoc ipso pulvere: bella cave.
 Bella cave, quicumque cupis tibi tuta manere,
 Regna diu, & sceptris consuluisse tuis.
 Vos reges sapite, & dubiis ne credite fati:
 Ancipites jactus alea Martis amat.
 Certius imperii majestas pace tenetur,
 Libertas armis quæ venit, arma timet.
 Hac Frisii consulta dabunt. advertite, Regum
 Qui volet alterutri cedere, vi flor erit.

Ad Illustrè Virum

R. HONERDV M,

Legatum.

C Vm pelago terraque tuas jam divide curas,
 Docte senex, pelago dum meditaris iter.
 Æquora te credant, quamvis minus apta, poetam.
 Consiliis sapiat Sarmatis ora tuis.
 Hic ludas, ubi Naiades cum Phorcide ludunt.
 Et Siren lepidos audiat aqua sonos.

*Hic sapias, ubi regali sapit aula paratu,
 Et nix eum fulgens purpura scandit ebur.
 Quà graderis, tanti duplex personæ Batavi est,
 Seu vatis partes, seu sapientis obit.*

A D

P. H O O F D I V M,

Satrapam Muydensem.

I Am me Rhenus habet, jam me deserta Creüsæ
 Detinet, & vultu fascinat una suo.
 Illa mihi mensam sternit, non empta reponit
 Fercula & innocuas officiosa dapes.
 Dat lapathum, Samiaque fabas opprobria mensæ,
 Et coctum lentè lata ministrat olus.
 Prandeo lactucas, quas parco adpersit aceto,
 Et quibus illecebras pinguis olivæ facit.
 Odimus hic madidas animantium sanguine carnes,
 Nec teneras sævi dilaceramus oves.
 Non petit insonis jugulum trux sicut columba,
 Aut gallina mea victima cruda gula est.
 Pythagoræ normâ solis hic vivitur herbis,
 Nec mea barbarico mensæ cruore madet.
 Hic ego versiculus horas distringo, meæque
 Hospitis optato parcius ore fruor.
 Tessela cum vestros intrabit magna penates,
 Tessela cum vestrum sollicitabit ebur,
 Tessela cum docti referet tibi carmina Tassæ,
 Tessela cum dicet, quid sit amare, Tibi,
 Tessela cum virides neclet de fronde coronas
 Atque artes cupiet promere docta suas:
 Accurram, viduæque manus amplectar amicæ,
 Basiolumque tibi Tessala blanda, dabo.
 Basiolum, quod Iuno mihi, quod Cypris & ipse
 In cælis magnus Iupiter invideat.

In

In masculos versus

A N N Æ M A R I Æ
S C H V V R M A N,

quibus Trajectinae urbi novum Academiae
decus gratulatur,

P Arturiant jam bella scholas, lituosque tubasque
Inter, Apollineas fabricat Aula domos.
Nascitur, & medius Sapientia gliscit in armis.
Nec Iove, sed Getico patre renascor, ait.
It Ducibus doctrina comes, cum milite Phœbus
Ambulat, & Clarias vindicat hasta Deas.
Ipsa novos juxta gradiens Bellona magistros,
Mitigat ingenii vim rabiemque sui,
Et cuperet pugnare minus, nisi templa focosque
Acer & indomitus sollicitaret Iber.
Exorsa est jam mitra loqui. ruit amula laudum,
Et validâ pubes ambitione calet.
Migrant in terras Superi, pietasque Themisque,
Ingentemque sonant pulpita sacra Deum.
Nec cessat Medicina loqui. formantur in artes
Pectora & effigiem cuncta scientis habent.
Nos fecit natura rudes. cultura, laborque
Expolit. hac hominem cura secunda facit.
Bis gigni debet Sapiens. bis reddier orbi.
Nec nisi cum poterit se genuisse, sapit.
Quod stamus Batavi, Phœbo debemus & armis,
Hanc geminam supplex Belgica poscit opem.
Auriacus quod servet, habet; quod servet, Apollo.
Hic animos nobis asserit, ille lares.
Trajectine, tuis coëptis intervenit Anna.
Annuit augurio nobilis Anna suo.
Iam redit & virgo. redeunt miracula terris.
Pone videt vates ire puella suos.

Definimus nos esse viri. fit virgo, quod olim
 Nos fuimus. vatam nomina virgo rapit.
 Iupiter hanc dona sexu meliore puellam.
 Vel dic, attonitis omnibus, esse Deam.
 Pallada dic. non qua tremebundam concutit hastā,
 Sed quæ nascentem concutit ore Scholam.

In prædium Amplissimi humanissi-
 mique Viri

LAVRENTII BAECKII.

PRadia felicitis, Batavo sub sidere, Baeckî,
 Prædia carminibus nunc celebranda meis,
 Ruricolæ salvet lares, salvet penates,
 Quis superum cunctas gratia donat opes:
 Hic locus, hic divum domus est. hæc regna Neptæa,
 Hæc sociâ petulans Phyllide Faunus amat.
 Hic Corydon, hic apta viro Galatea procuratur,
 Et grave fastidit virginitatis onus.
 Alma Ceres circum tumidis se tollit aristis,
 Triptolemus totis luxuriatur agris.
 Ipsa Pales herbas pecori, lac sufficit agnis,
 Atque aries tanti dux gregis agmen agit.
 Turgida fecundis Pomona virescit in hortis,
 Et niveum verno pingit honore caput.
 Flora nitet, foliisque suos inscribit amores,
 At Venus in propriis hæret amica rosis.
 Quas dum mæsta videt, veteres reminiscitur ignes,
 Exitioque dolet pulcher Adoni, tuo.
 Lenes æquoreis descendunt collibus undæ
 Et streperis torrens labitur inter aquis.
 Torrens Naiadum labor & nutricula somni,
 Quo cupiat cerni nuda Diana sibi.
 Nec procul Arctoïs Tethys admurmurat undis,
 Nereæque amplexu basolisque fovet.

Fun-

*Fundit Tya lacus & priscam verberat urbem,
 Quæ vetus à Bavarum nomine nomen habet.
 Hæc inter, venerande senex, dum numina vivis,
 Et senio donas otia tuta tuo,
 Dum spectare tuos concedis Vatibus hortos,
 Et tuus Aoniis rivulus exit aquis,
 Vive diis, nec enim satis concedere fas est,
 Cujus habent cunctos rura beata Deos.*

Ad Senatorem

R. HONERDVM.

C Vjus Hyperboreum nuper facundia Martem,
 Et reges potuit composuisse duos:
 Ad Batavos Honerde, redis, & Apolline plenus
 Sub Batavo placidum sidere condis epos.
 Plus me vate cales. nobis nunc omnia languent,
 Cum viduo jaceam sarcinæ pigra thoro.
 Barbara cum satis cessit, cessere Camana,
 Pieriaque simul disperiere faces.
 Friget amor. frigent veteres sub pectore flammæ.
 Stringitur insolito mens thalamusque gelu.
 Hæc vatis fortuna tui est. cum conjuge surgit.
 Imperat ingenio conjugis aura meo.
 Ite Senatores, Barleo quarite sponsam.
 Sic poterit vobis, sic caluisse sibi.

In tumulum Nobilissimi Viri

GVLIELMI de BEVEREN,

Consulis Dordrechtani, Toparchæ Strevels-
 houchii, Quæstoris Australis Hollandiæ,
 mortui xv. Kal. Sext. 1631.

C Onditur hoc tumulo probitas, prudentia bustæ,
 Et cineri pietas ingemit ipsa suo.
 Quæ toties patriæ juvit facundia causam,
 Hic silet, & Beveri plus volet ore loqui.

Stant urna juxta proavum : quin marmore in isto
 Hæredem prisca nobilitatis habes.
 Quam, si stemma neget, poterat virtute mereri.
 Non solum titulos invenit illa, facit.
 Nunc Quæstura viro, nunc dives traditur Auster.
 Nunc fascēs offert urbs veneranda suos.
 Lustra decem attonito dictat consulta Senatu,
 Vitaque Battavia, non fuit acta sibi.
 Legatis responsa refert. per castra, per enses,
 Auriaco vadit belligerante comes.
 Iam pia civiles placide mens temperat æstus,
 Publica mox monitis mollibus ara juvat.
 Iam petit à sociis Marti stipendia terris,
 Nassovioque parat robur & arma Duci.
 Tempora sic belli, sic flexit tempora pacis,
 Et modo plus lauri, plus placuere toga.
 Ipse fatiscētes Batavus cum cerneret annos,
 Flevit, & hac tumulo posthuma verba dedit :
 Quam leve collapsis patriæ decedere rebus !
 Hic voluit Patriam non nisi stante mori.

In Barbari floris, quem Tulipam vocant,
 variam fortunam.

S Tultitia gens sacra sumus. vilescimus omnes,
 Dum precium vane credimus esse rei.
 Nil magnum jam Persa dabis, nihil accola Gangis.
 Sordet in Eoo gemma reperta mari.
 Heliadum crustas grandi suspendimus auro,
 Visaque quanti vis conchea bacca fuit.
 Sardinus in digitis micuit, preciosaque regum
 Vicit honoratos purpura chrysolithos.
 Nunc herbae florisque decus prægrande putamus,
 Et citius nobis interitura placent.
 Barbara res omni Batavis precior auro est.
 Barbara res cunctas una laceffit opes.

Bar.

Barbara res non adum siliqua leviorē valorem
Ponderat, atque atomos aestimat are suas.
Linea, segmentum, macula, color, arex, thyrsus
Invidiam titulis nominibusque creant.
Non ignota loquor. census brevis adspicit in se
Hortulus, & Pelopum more talenta locat.
Invenit in foliis miros facundia sensus,
Et loquitur florum verba superba pater,
Scipidaeque Duces & tanta vocabula jactat.
Et venit in partes discolor Otto novas.
Quin numerat, qua luce cadat, qua creverit, & quorū
Fecundā trudit pignora matre solum.
Dediscit textrina suas, quas noverat, artes.
Caussidicus non vult floris amore loqui.
Cum fabro lapicida vacat. delirat arator,
Et mediis fullo segnis oberrat agris.
Nauta ratem damnat. pereunt tot munia civi.
Dum furor hos omnes unus & error habet.
Scilicet in vili crescunt sestertia testā,
Et multum ignavis, ditibus esse licet.
Quae dum cuncta videt fallax Rhamnusia in hortos
Exspuit, & dominos perdidit una suos.
Et flori precium & cunctos decussit honores,
Depositumque Deū nobile, vile fuit.
Mutantur cum flore toga, textrina, labores.
Et residues lassat sordida lana manus.
Tum ridens ait; o cives, flos vota fefellit.
Non alia est fluxi scena futura boni.
Excidit è precio flos barbarus. excidit aure.
Qui stolidus dives condicione fuit.

Ad Amplissimum Virum
 IOACHIMVM
 WICHEFORTIVM,
 lætitiæ datorem.

Nunc alios, Ioachime, capit tuus Amstela fascēs,
 Nunc alio nobis Consule rostra patent.
 Cessant terribiles, vacuo Pratore, secures,
 Nec trepidos poscunt jura severa reos.
 Adspice, Pieria claudunt delubra sorores.
 Nec sua jam fessus verba professor amat.
 Delassata graves damnat Sapientia voces,
 Et mea, VVicforti, pulpita muta silent.
 Quid faciam? jam mensa tibi, jam sternitur, ecce,
 Inter Apollineos sobria mensa viros.
 Tu mea, tu facili recrea convivia vultu,
 Tu cupias cœtus Tullius esse mei.
 Laxet inoffensam locuples facundia linguam,
 Et lentum docto murmure falle diem.
 Sic noster diceris amor. sic gratior hospes
 Pellicies Claras in mea vota deas.
 Lætitiæ vinique dator, tua dona pitissa.
 Muneribusque velis latior esse tuis.
 Dant superi, gaudentque datis. quæ vina Lyaus
 Et dedit, & primus repperit, ipse bibit,
 Quid mihi tu totum spumantia pocula Rhenum
 Sufficis & Bromio turgida vasa Deo?
 Blanda placet vindicta. tuis mergeris in undis,
 Inque tuum flectam munera missa caput.
 At mox, cum sociâ discedes conjuge, dicam:
 Maxime vir, caro stat tibi noster amor.

IN NVPTIAS
ANTONII MATTHÆI
IVRISCONSULTI,

Et Lectissimæ Virginis

ANNÆ PONTANÆ.

EN, gelidas inter fervet Citherea procellas,
Nec Veneris Fle vi temperat unda faces.
Et licet invisus rigeat sub Piscibus æther,
In medio gliscit Cypriæ flamma gelu.
Ipse sacer Themidis custos effeminat annum,
Et toto quamvis frigore cinctus amat.
Sic exlex grassatur Amor. non tempora brumæ,
Non rabidi tardant pronuba cœpta canes.
Omnia tempestita putat. glaciemque nivesque
Officiis credit non aliena suis.
Scilicet exacuiunt Paphias contraria flammæ,
Et calor opposito fortius hoste calet.
Dumque foris frigescit amans, plus aestuat intus,
Et magis in læva parte mamilla salit.
Ite laboratæ tetrico sub Consule leges,
Ite procul streperi verba severa fori.
Præsul vester amat. dicit jam jura Cupido,
Et Venus à docta fronte tributa petit.
Curia fit thalamus, præses festiva Dione,
Materies litis basia, sponsa rea est.
Actoris partes sponsus capit. exigit Annam,
Et titulo dicit conjugis esse suam.
Non hic sollicitus differt responsa Senator,
Aut lento repunt improba jura gradu.
Prævertit Citherea moras. quam postulat, actor
Occupat, & coelo iudice victor habet.
Quam bene Palladii jam nubit filia patris,
Quam bene Palladio jungitur illa viro.

*Spes erit, ut, docti sociant dum federa, causas
Progenies nolit dissimulare suas.*

In Artem Nauticam

ELIÆ HERCKMANS.

Q Vos terras habitare Dii volvere, solumque,
Et sicca Numen vivere jussit humo,
Terribiles habitamus aquas; audaxque propago
Iapeti medio degimus Oceano.
Exprobrare Iovi libet, atque illudere fatis,
Et formidatæ querere mortis iter.
Fluctus habet terra dominos, adspersimur undis,
Nostraque (prò) fragili pondera lentre natant.
Inter monstra, feras, & diri pignora Nerei,
Et tot vasta truci corpora nata mari,
Tot scopulos Syrtisque inter, dum sævit Orion,
Et Notus adverso turbine bella gerit,
Iactatur securus homo, & formidinis expers
Sideribus cingi se videt & pelago.
Trabs domus est, unda hospitium, ferus accola Triton,
Flabra viam monstrant puppibus, astra regunt.
Sic procul à patria longinquis sistimur Indis,
Et populi nobis & nova regna patent.
Hic pugnare iuvat, totisque occurrere castris,
Hic modicis bellæ Mars furit in tabulis.
Hic Bellona tonat, mergitque & mergitur unda,
Et fragiles sorbet flamma inopina rates.
Adspice tantarum coram spectacula rerum,
Natalesque tuos, nauta severe, lege.
Dum grandes scriptor populis narrare labores
Incipit & puppis fata stupenda tue,
Dic mecum, quanta est humana industria mentis?
Quis labor & mediis vis animosa malis?
Per fluctus inventa via est. hoc restat, ut ipsos
Tandem aliquis pennâ tentet adire Deos.

In

In Librum

IOH. BEVEROVICII

de Termino vitæ.

N Ascimur & morimur, longos peccamus in an-
 Et tamen hos annos Parca severa secat. (nos,
 Succedit misera tandem sua Vespera vitæ,
 Et fugiunt ævo deficiente dies.
 Bulla sumus, levis umbra sumus, ludusque Deorum,
 Quæque fluit, tacitis clepsydra fluxit aquis.
 Materiam lethi bibimus. cum vescimur, ecce,
 Pabula quæ vitæ, dant alimenta neci.
 Ipso mors sub dente crepat. quæque ambulat orbis
 Incola, se circum busta rogosque videt.
 Cuncta ruunt, gaudentque suis nascentia fati,
 Et circo redeunt vitæque morsque suo.
 Hæc inter magnas agitat discordia mentes,
 Et totas lassat fabula docta Scholas.
 Hic sua fatali suspendit stamina filo,
 Inque suas partes numen & astra vocat,
 Nec moritur sine lege Deum. metuentior alter
 Contrahit has ipsas amplificatque moras.
 Huic fati modus arbitrium est. moriturque caditq;
 Cum libet & vitam conditione tenet.
 Insignes anima, tantam deciderè litem
 Quæis vacat, & doctæ pandere mentis opus:
 Vivite & extrema calamum donate senectæ.
 Nec grave sit vobis talia sæpe loqui.
 Vivite concordēs & ab ipsa discite morte,
 Optatæ toties pacis inire viam.
 Desinat adversas sectari Ecclesia voces,
 Atque animos Christo jungat amica fides.
 Seu fatum seu culpa diem determinet, æquum est
 Hæc quoque nobiscum jurgia posse mori.

IN OBITVM
DIONYSII VOSSII,
ad Patrem.

I Am tibi Scaligeri donant solatia patres,
Docta quibus soboles occidit ante diem.
Iam sua praelustres objectant funera Douza,
Et prematurâ pignora rapta manu.
Magnorum sors illa virûm est, clarissime Vossi,
Et lachrymas jungunt nomina tanta suas.
Sat vixit, misero quem virtus eximit ævo,
Nec memor ingenii fama latere sinit.
Coeperat huic ingens Latium debere iuventa,
Et Taciti rerum maxima more loqui.
Gracia solertes tali sub vindice voces,
Priscaque dictabat verba disertus Arabs.
Vna Palestinos versans industria patres,
Nunc tibi Iudæum, nunc dabat illa Syrum.
Chaldeusque senex isto sapuisset alumno,
Maimonidesque suum mox stupuisset opus.
Confudit linguas Lachesis, quæque omnibus æque,
Et poterat fari dissona, muta filet.
Quid juvenem fletu decoras? qui redditus astris
Iam propior Iunî suspicit ora nepos,
Et jam sub pedibus quicquid mortale beatus
Calcat & hoc ipsum, te lachrymare, vetat.
Si talem genuisse iuvat, concede Tonanti.
Et magno pignus nobile crede Deo.
Præsecuit spes ille tuas. sed spondet, eodem
Patre tibi rursum crescere posse novas.

Ad

I. W I L L I C H I V M,

Equitem Palatinum & poëtam
Cimbrorum.

Willichi, medios inter qui carmina Cimbros
 Scribis, & Arctoæ frigora sæva plagæ:
 Insere te vatem populis, rigidoque sub axe
 Palladiæ pergas gentis honore frui.
 Si tibi regali bellatrix purpura vultu
 Annuit, & precio nobilitatis ovas;
 Iura Palatinæ si dantur splendida terræ,
 Et mores Equitum regula prisca docet:
 Majus erit vatis precium. plus esse poëtam,
 Thymbræoque patri perplacuisse, reor.
 Illa tibi possunt regum donare corona.
 Hæc sunt magnorum munera sola Deum.
 Vatibus occultum gliscit sub pectore numen,
 Et sua cœlesti semina stirpe trahunt.
 Sunt nobis Phœbus genitor, Musæque sorores.
 Castaliis vates ora rigamus aquis.
 Vina bibant reges. nobis Permessidos unda,
 Et toto lapsus fons Helicone fluit.
 Emineant sceptris reges. hæc gloria nostra est.
 A nobis regum sceptræ Deosque cani.

I N N U P T I A S

P E T R I B O R,

Reip. Ultrajectinæ à secretis.

Dic mihi, cur sociam, Borri, de rure maritam
 Poscis, & in mediis basia quaris agris?
 Nec, quæ turrigeras graditur matrona per urbes,
 In thalamis patitur gaudia prima tuis?

An,

*An, quia desertas habitarunt numina silvas,
 Credis in his ipsis sedibus esse Deas?
 An, quia rura colit pulchrâ cum Phyllide Thyrsis.
 Hic quoque formosam Phyllida Thyrsis amas?
 An strepitus aviumque inter modulamina censes
 Vestra magis tuto murmura posse tegi?
 An tibi lascivus formam monstrabit amandi
 Passer & ad leges te volet ire suas?
 An, ubi permiscet hederæ sua brachia, disces
 Brachia in amplexus illaqueare tuos?
 Fortè vides illic cupidas errare capellas,
 Aut aries tanti dux gregis agmen agit.
 Aut sua dum nectunt insonites rostra columba,
 Exemplum raptæ virginitatis habes.
 Iudice me, vir summe, sapis. per rura, per agros,
 Frondes inter amet, quisquis amare volet.
 Seria scribe domi & pleno discussa Senatu
 In tabulas alibi publica verba refer.
 Illic nota fides patribus, prudentia, virtus,
 Et partes obeat dextera docta suas.
 Ruri sterne thorum, ruri tibi debeat Anna,
 Omnia sunt illic lusibus apta magis.
 Hic hîc terra ferax & tot nutricula frugum
 Conjugibus mira fertilitate præt.
 Ambulet in clausa Consul vel Episcopus urbe.
 Liberior patulo sub Iove sponsus eris.*

I N N V P T I A S
 DANIELIS ARMINII
 Medici.

L Egerat Arminius medica secreta Minervæ,
 Et res Hippocrati sex placuisse suo.
 Has inter Venus alma fuit. Tu blandula, dixit,
 Tu mihi natura filia prima places.

Abdita

*Abdita discutiant modici contagia motus,
Et sua sit fessis partibus apta quies.
Aura fuget morbos, alimenta que seligat ager,
Et potu cupiat conveniente frui.
Insanas hebetet somni clementia febres.
Et sit quæ gignat, quæ levet ira malum.
Vna mihi poterit Sponso Cithæra mederi.
Vna mihi medio restat in igne salus.
Vulneribus sanor, sævique Cupidinis arcu:
Nec, nisi sic latus convaluisset queam.
Vt flammis Salamandra, meis in amoribus uror
Integer, & quanquam fractus amore, levor.
Cum mihi virginitas, cum flos arescet amanti,
Ordinar excussâ virginitate virum.
Cuncta placent, tædæ, thalami, cum matre Cupido,
Basiæque è teneris sæpe petita genis.
Dixerat hæc Sponsus. cum cincta potentibus herbis
Affatur medicum sic Medicina suum:
Longum vive tuis, Iuvenum doctissime, fatis,
Et Mariæ studeas sæpe placere tuæ.
Sed Veneri diffide, precor. quæ lenta, probatur.
At brevis est, nimium quæ violenta fuit.
Interdum spectator eris, non actor amoris.
Hæc sunt doctrinæ dogmata prima tuæ.
Si longi possunt placidissima pharmaca morbi,
Hic quoque rem poteris restituisset morâ.
Fabulæ sit populo medicus, cum factus amator
Ipse suæ jam mox postulat artis opus.*

SOCIETAS
INDIÆ OCCIDENTALIS
CHRISTOPHORO
ARTISOSKIO,
militiæ in Brasilia Præfecto, ob res feliciter gestas gratias agit.

PVgnasti, Dux magne, domi, & te milite sensit
Sarmata Rex istas prævaluisse manus.
Te duce succrevit nostro fiducia Marti,
Et potuit per te vincier hostis Iber.
Pro Batavum imperio, pro libertate stetisti.
Quæque mihi, melior credita causa tibi est.
Hæc Europa tibi loquitur. nunc latius exit
Nuncia militiæ fama corusca tua.
Per mundos vexilla rapis. per sidera victor
Arma quatis totis dissita sideribus.
Expandis cum Sole decus. quibus occidit ille,
Altius Artisoski gloria surgit aquis.
Per te aliis terris, aliis habitamus in undis,
Atque alio patriam cernimus orbe dari.
Auspiciis patuere tuis portusque sinusque,
Et dominos arces deferuere suos.
Per te succubuerunt duces, castella, domusque,
Et veterem famulans despicit ora Tagum.
Te ductore rudis populus, te præside recti
Barbaries coepit displicuisse sibi.
Littora, rura procul, fluvios amnesque tenemus,
Quæ spatium sibimet fecit iniqua fames.
Iam Tarteysiaco per te deceditur auro.
Et tua regales cura flagellat opes.
Addita sunt nobis, perierunt lucra Philippo.
Non ultra Hispanis dulcibus esse licet.
Sacchara sunt juris Batavum. non hostibus illa
Verna parat. Belgis colligit illa meis.

Hinc

Hinc tua in Occiduis scribuntur nomina lignis,
 Et peregrina tuum canna susurrat iter.
 Trans mare, trans fluctus extremâ vivis arenâ.
 Si possent, cuperent te quoque saxa loqui.
 Se victos gaudent populi. metuendus amaris.
 Quaeque prius timuit Barbarus arma, probat.
 Sic superasse pium est. sic regnavisse decorum.
 Cum pietas illum, qui regit, ipsa regit.
 Ast ego tantorum moderatrix summa laborum,
 Ante tuos pono fulgida dona pedes,
 Virtutis monumenta tua. circumdareis auro.
 Condecoratque suum Curia nostra Ducem.
 Sis felix. Regique tuo dum redderis, arma
 Fac placeant illi, qua placuere mihi.

In Historiam Geldricam, à Cla-
 rissimo viro

D. IOH. ISACIO PONTANO
 descriptam.

EN, vetus intorto rursum se crine Sicamber
 Explicat, & Latia cade cruentus ovat.
 Ausoniaeque aquilas & formidata Quiritum,
 Signa legens chartis erigit illa suis.
 Pugnant ad Vahalin populi, Rhenusque bicornis
 Afferit antiqui jura verenda soli.
 Si cadit, Augusti dextra cadit. incluta gaudet
 Geldria Romano succubuisse Duci.
 Et mundi Domino fasces submittit & arma,
 Nec nisi devicto vincier orbe cupit.
 Qui Cimbros scripsit calamus, regesque Trionum,
 Iam terra scribit sceptrâ Ducesque sua.
 Et vultus regni varios mutataque narrat
 Nomina & autores Gelduba prisca tuos.
 Scilicet haud uno celebris sub Principe tellus
 Paruit. illa Ducis, Caesaris illa fuit.

Imperio differt populus. Tu, maxime scriptor,
 Prælia, fortunas, tempora, gesta notas.
 Vincitur, & toties victrix inclauit armis
 Geldria, sed Geldro defuit, illa legi.
 Cum Marorte decus fama partiris. & urbes
 Expugnasse Ducum est, scribere posse Tuum.

Ad Illustrem nobilemque Virum
 IOHANNEM SCOTVM

Tarvasium, Cancellariæ Scoticæ directo-
 rem, cum Poëtas Scotos edi curaret.

S Cote, Caledonii sidus venerabile regni,
 Celsior, hoc dici, quod minus esse putas,
 Os Caroli, Borei locuples facundia sceptri,
 Quo tria vel possent regna loquente loqui:
 Quam tua nunc nostris illuxit gloria terris,
 Quam volupe est Batauo te quoque teste legi.
 Ecce, renascentes cœunt, ceu federe, Musa,
 Et vario pulchrum carmine surgit opus.
 Quod loquitur, natale solum est. tua Scotia Cirrha
 Exulat hoc omnis vox peregrina libro. (est.
 Per te Parrhasiis Helicon conscenditur oris,
 Aoniique faces ordinis Vrsa quatit.
 Tu Phœbi delubra moves. tu pectora vatū
 Concutis, & motu fervidiore rapis.
 Permissis se lympa tuis abscondit arenis.
 Barbara nec veterem Gracia Delon habet.
 Transfers, Scote, Deos. transfers loca, numina, mon-
 Te propè jam Tenedon quarit Apollo suam. (tes.
 Ac veluti Dictynna vagis prælusitat astris,
 Ducis Apollineum Phosphorus ipse chorus.
 Quam gaudent se regna regi. cum Regis & uni
 Credita Pegasidum causa laborque viro est.

Ad

Ad Amplissimum Virum

ROCHVM HONERDV M

Senatorem.

Vivimus & medios inter juvenescimus hostes,
 Et veteri Danaï stamus, Honerde, loco.
 Nil rabies me sacra movet. nihil officit illi,
 Qui geminum triplici muniit are latus.
 Sum passus graviora. leves sprevisse libellos
 Quam leve. cum chartis tot periere minx.
 In foliis furor est. hærent in cortice pugna,
 Tantaque deficiens bella papyrus habet.
 Fulminet & totis cumulet convicia plaustris
 Bructerus, inque meum dirigat arma caput.
 Succedant Troës Rutulis, Batavoque Sicamber,
 Hic gladios frendens porrigat, ille faces.
 Ex, galea tegor, & defendor casside recti.
 Quo mea mens intus arceat, intus habet.
 Allobrogas minus esse puto. non ista moramur
 Nomina. sunt sordes, docte Lemanne, tue.
 Cum mea tarvati proscindunt nomina Fabri,
 Densaque conglomerant scommata, non moveor.
 Que Trajæcinis loquitur petulantia scæmnis,
 Rideo. non ad me pertinet iste labor.
 Invidia cum tela petunt, virtutibus obsto:
 Quæque nocent linguas religionem domo.
 Tota cataphractum cingit patientia vatem.
 Illa sales nigros discutit, illa metus.
 Sum cautes, sum dura silex. non sentio sperni.
 Hoc quoque quod sperni dicor, Honerde, placet.
 Sic disco nihil esse. nihil tibi velle videri.
 Quodque meum est, merito, seu triviale, legi.
 Tu modo tot nixus veri jam testibus, aude
 Dicere, Barlaam nil nisi trita loqui.

Tot

Tot titulos revocate viri, dammate poëtam.
 Dicite me Marsum, dicite me Bavium.
 Sim levior vates. alium vos esse putastis.
 Iudicibus tantis Musa superba fuit.
 Curia deliquit. potuit peccasse Senator,
 Erravere Schola, pulpita, rostra, toga.
 Nesciit Auriacus, cui se donaret. & omnis
 Prona suo vati purpura, cæca fuit.
 Seiani fortuna mea est. nunc tollor in altum,
 Nunc titulo rursum deteriore cado.
 Magne virum, jocus est, quodcunq; hic degimus & vi.
 Ludimus, est scena pars sua quisque sua.
 Quod sumus, haud sumus. aut saltem male credimur
 Longe alios species ambitiosa facit. (esse.
 Vexamus, vexamur. amat serviliter alter.
 Quemque amat hic, studiis omnibus ille fugit.
 Non una est persona foro. difforme theatrum est.
 Et partes obeunt livor amorque suas.
 Hic calamo, ferit ille manu. sunt bella potentum;
 Ipsa piis etiam fratribus ira subit.
 At mihi mens istos inter securo labores,
 Blanda serenata tempora pacis agit.
 Nec pugnare parat. silet, æternumque silebit.
 Hoc quoque quod sileat, se siluisse volet.
 Quod non ira valet, peraget tranquilla potestas.
 Heu male discordem Menada Menas agit.
 Aut formidato Pentheus occurrit Orestis;
 Aut ruit in Bacchas Baccha cruenta suas.
 Cum crepitant nimbi, tumidum cum murmurat
 Fluctibus & nimbis obstrepuisse, furor. (æquior.
 Displicuisse malis, laudi est: quæ recta putantur,
 Crede mihi; paucis perplacere bonis.
 Et licet hic justas aliquis mihi suggerat iras,
 Et rigidas repetant ille vel ille minas,
 Quamvis ultores spirent responsa libelli,
 Et vindicta novum mascula dicet opus:

Te sequar, ô venerande senex, quem dira cicutæ
 Sustulit & patriæ vis scelerata sua.
 Vlciſci me Stoa vehat, vult ferre, quod ægrum est.
 Illa manu calamos excutit una meos.
 Iam ſileo. at tibi ſi vidëar dicenda ſilere,
 Do veniam, pro me fas tibi plura loqui.

Nobiliffimo Viro

I O A C H I M O
 V I C K E F O R T I O,

Equiti, ab Illuſtriſſimo Wimarix
 Duce reduci:

Q Vem procul armatas inter, Ioachime, cohortes:
 Detinuit longâ Martia terra morâ,
 Et rutilis fulgens bellator Rauracus armis.
 Ingenio vidit diſſpare caſtra ſequi;
 Wimario dilectæ Duci, cui Gallia pridem
 Nomina pro meritis ſplendidiora dedit;
 Cuius honorato pendent regalia collo
 Munera & athereo victus ab enſe Draco:
 Expectate veni; veteresque reuiſe penates,
 Hic ubi ſe refluis Amſtela miſcet aquis.
 Nuper ubi Regum genitrix & fulgida tadis
 Mater adoratos duxit in urbe pedes.
 Cum fora, cum vicos Medicæis curribus omnes:
 Vidimus atque Italix incaluiſſe rotis.
 Hic tua Penelope, tuâ te fidiffima conjux
 Exigit & propius te volet una frui.
 Qualis ab hyberna mœrens caligine tellus,
 Longius abſentem gaudet adeſſe diem.
 Illa tuis reddi thalamis & amoribus optat,
 Et ſobolis tecum ſpem rediſſe cupit.
 Allobrogum ſi regna tibi, ſi caſtra, phalanges;
 Clafſica ſi dudum, ſi placuere tubæ,

Hic

Hic tua pacati properant ad limina fratres,
 Nec fera Barlæi conspicias ora tui.
 Si volupe est Celtas illic Gallosque tueri,
 Seu quos bracca tegit, seu togæ, sive comæ;
 Hic Batavos spectare datur populumque potentem,
 Quem tremit amissis urbibus acer Iber.
 Si te Ligeri capit admiratio Regis,
 Et divinum aliquid Rex Lodovicus habet,
 Hic quoque magna vides. hic bello clarus & armis
 Auriacus fama militat usque sua,
 Hesperiasque premit castris bellacibus arces,
 Et victi spoliis sapius hostis ovat.
 Hic inter veterum vultus & marmora vivis,
 Et Latios vario cernis in ære Duces.
 Hic tibi Romulidum patet admiranda supellex
 Urnula, cos, culter, fibula, testa, stylus.
 Cumque libet, Macetas monstrat tibi Græciæ Reges,
 Quæ grandes Asiæ Græciæ sorpsit opes,
 Pellos, Pyrrhosque & nomina magna Philippos,
 Oraque Perdicæ Lysimachosque truces.
 Si caperis pulchrâ nascentis origine Rheni,
 Exonerat fessas hic tibi Rhenus aquas.
 Si Ligerim procul & Rhodanum novus advena po-
 Hic poterit pleno gurgite Mosæ bibi. (tas,
 Si celer excelsis subsidit Sequana ripis,
 Hic Vahalis planos undique lambit agros.
 Si placuit Basilea tibi, domus hospita Musis,
 Et nostræ poterunt hic placuisse Scholæ.
 Ferrea si vinci Brisacimænia speras,
 Hic quoque quod vinci Belgicæ speret, erit.
 Gallia dat segetem, & Cereris tot munera lata,
 Hic eadem pandas occupat alma rates.
 Gallia non uno torquet sua prælia Lyæo,
 Et tamen hic nulla, crede, bibuntur aquæ.
 Illic purpureæ frueris sermonibus Arilæ,
 Et Richeli missus respicias ora senis.

Hic

Hic Richeli voces non uno Consule mutas,
 Et celebris dominos exhibet Ra suos.
 Amstelii perchare veni: plus charior illi,
 Quæ thalamis reddet gaudia prisca tuis.
 Illa tibi dulci modulamine leniet aures,
 Et canet arguta voce suæve melos.
 Illa tibi Druidum voces & verba reponet,
 Ante abitum non hæc docta marita tuum.
 Hæc nova discessus capies nunc commoda. plenum
 Artibus insternet doctior Anna thorum.
 Euterpen cupis? Euterpe est. vis esse Thalamiam?
 Huic modulus par est ingeniosi suis.
 Vis Sapphum? pia Sapphus erit. vis esse severam
 Penelopen? talis vult tibi nupta mori.
 Vis matrem? vis esse pater? quid amice, moraris?
 Presentem poscunt munia tanta virum.
 En tibi sat faciles promittunt sidera ventos,
 Et Zephyri velis annuit aura tuis.
 Condolet uxori Tethys, & cerula sternit
 Æquora, nec tumidis fluctibus atra fremit.
 Disjecta luget Mærinus jam classe, nec audax
 In solitis hostis navita sævit aquis.
 Quin Batavos puppesque timet. quassasque carinas
 Dum reficit, nostri suspicit ausa Ducis.
 Assurgunt tibi Naiades, clavumque gubernans
 Trudit in Amstelios te Panopæa sinus.
 Et tandem cupit esse domi. rerumque vieque
 Tadia & invisas rumpit amica moras.
 Te fora & effusis capiunt tu i limina votis.
 Totaque se nescit, te redeunte, domus.
 Conjugis adventu conjunx stupet, ipsaque possent
 Gaudia dilecta sic nocuisse tua.
 Non uno fervent nunc mercatore penates,
 Et soror & frater, quò tibi plaudat, habet.
 Hoofdius excelsa fidus venerabile Muidæ,
 Quem tragico constans carmine fama vehit,

Obvius

Obvius occurrit reduci, desuetaque fatur
 Verba, cataphræctis suspicienda sonis.
 Hoofdia magnanimas inter memoranda maris as,
 Hoofdia amicitia digna corona tuae,
 Obvia gratatur reduci, & se blandula coram
 Sistit, & agnatas vult tetigisse manus.
 Sic Ithaco in rupes Ithacæ post lustra reverso,
 Undique gratantes exsilire sui.
 Tunc Ithacum montes, Ithacum sonnere cavernæ,
 Obviaque incolumi rura fuere Duci.
 Inter gavisos etiam Barleus amicos,
 Accelerat faciles in tua recta pedes.
 Quæque tuum lecto nuper quartana sodalem
 Fixerat, ad reditum cessit iniqua tuum.
 Noluit illa mihi gravis & funesta nocere,
 Dum tu spes nostra certa salutis ades.
 Tu morbos, Ioachime, fugas, suspiria, luctus :
 Dumque redis, mihi me restituisse potes.
 Cum mihi te reddis, reddor Phœboque tibi que,
 Officiūque vetus Musa benigna facit.
 Te præcul amoto, me respexere Camænæ
 Parcius, & Clari conticuere deæ.
 Te præsepte loquor. laxataque fibula lingua
 Forte tibi nimium creditur esse loquax.
 Nil moror. hoc dico : post brumam, frigora, febres,
 Nunc toto dabitur te, Vico forte, frui.

Ad

D. LEONORAM HOOFT,

cum à febre convaluisset.

Improba sax, pulchro grassantes corpore flammæ,
 Magna quibus carpi se Leonora dolet,
 Orcus in Stygiis Muidâ secedite valles.
 Tartareis febris convenit ista locis.

Cur

Cur palles Leonora? tui quæ conscia sexus
 Ora verecundo sæpe rubore notas.
 Cur langues Leonora? tuo quæ blanda marito
 Otia & illecebras officiosa facis.
 Cur ferves Leonora? pii quam flamma caloris
 Egredia sobolis spe caluisse velit.
 Cur præstans Leonora sitis? sitis illa decori est,
 Illa sitis cælos appetit, illa Deum.
 Dum queror, abscedunt malè sana è corpore febres,
 Et rediit matri qui fuit ante vigor.
 Tabifica periere faces. audita pœta
 Leniit iratos vox miseranda Deos.
 Hoofdius uxori jam solvat debita. verum
 Quod possit, debes hoc Leonora mihi.

In disputationes Anti-Socinianas Cla-
 rissimi Theologi

IOHANNIS POLYANDRI.

Qui tutela tui Deus est, portusque, salusque.
 Hunc, Polyandre, Deum religiose colis.
 Afferis æterni titulos & nomina Iesu.
 Nec cupis hinc causis vilibus esse Deum.
 Par magno natura Patri est, de lumine lumen.
 Nec tamen hac luci cedit imago sua.
 Quæ se parte suo testatur patre minorem,
 Hac partes hominem pars redimentis obit.
 Quæ Deus est, ipsa victor de morte triumphat.
 Cetera, mortalis succubuisse potest.
 Stat totus pro labe mea servator, & unus
 Captivum nullo vindicat ære retin.
 Ara laborantis crux est. cadit hostia mundo,
 Et verum meriti victima nomen habet.
 Non satis est, monstrasse viam normamque salutis.
 Ipse viam fuso, Christe, cruore facis.
 Has voces, Socine, quatis. venerandaque cæli

*Gratia sub signis stat libefacta tuis.
 Tu celsis, vir clare, suum decus asseris astris,
 Vimque sacerdotis protegis ore Dei.
 Ver. & loqui forsan facile est. sed ab hoste tueri,
 Intrepidi laudem praesidis esse puto.*

Ad Illustrissimum

D. NICOLAVM de BAVGIL

Regis Galliarum ad Ordines
 Legatum.

Gallia, quæ magni veneraris nomina Regis,
 Sceptraque Borbonio sanguine clara colis.
 Quæ dudum Batavis animos pugnantiibus addis,
 Nec sinis, ut nobis sit metuendus Iber,
 Accipe depositum, nostris quod reddimus oris.
 Quodque alibi fulsit, jam tibi fidius habe.
 Inclita facundas mirata est Austria voces,
 Cum fletit attentis barbarus Ister aquis.
 Obstupuit pro Rege suo Bruxella loquentem,
 Et cuperet Scaldis plus sibi posse loqui.
 Nos quoque Legati titulos & nomina Bangi
 Nō vimus, & tanti verba diserta viri.
 Gallia cur revocas? abeunt tot commoda nobis,
 Commoda quot patria prestitit ille mea.
 Gallia cur revocas? ista dum voce oremus,
 Desitui jam se vindice Belga videt.
 Gallia cur revocas? vestri facundia regni,
 Assertrix nostræ lingua salutis abit.

ARNOLDO BVCHELIO

Advocato Ultrajectino, septuagenario.

I Nconcuſſe ſenex, cui poſt tot luſtra, tot annos,
 Decurrit vegetis littera ſcripta notis :
 Qui curas inter ſenii vitæque labores,
 Barſi non vis immemor eſſe tui :
 Vive precor, Pyliæque dies tranſcende ſenectæ,
 Et placido Superum munere perge frui.
 Mens tranquilla tibi eſt, nec grandis conſcia culpa.
 Non gravis hac patriæ, non fuit illa bonis.
 Vixiſti tibi, vixiſti ſine crimine Muſis,
 Et placuit nullo fenore culta Themis.
 Rimari ſecreta, tuæ primordiæ gentis,
 Et veterum chartas volverè, cura fuit.
 Vita data eſt privata. minus placuisse videtur
 Publica, vel titulis ambitioſa ſuis.
 Non odio tua fama labat, ſervitque favori.
 In volvis precio teque tuſque tuo.
 Sic bene compoſitis atas qua ducitur annis,
 Si moritura tibi eſt, non moritura Deo eſt.

In mortem acerbam præſtantiffimæ
 Virginis

IOHANNÆ BICKERS,

Ampliſſimi Viri

ANDRÆ BICKERI

Conſulis Amſtelodamenſium filiæ.

C Hara patris magni ſoboles, chariſſima matri
 Filia, & Amſtelie virginitatis honos,
 Cur moreris faſces inter titulosque tuorum ?
 Nec patria pergis laudis amore frui ?
 Bickera ſpes prima domus proh occidis. & dum
 Occidis, illa tua gratia frontis obit,

Et nitidi mores placidique modestia vultus,
 Et quicquid pietas contulit ipsa tibi.
 Si passa est te terra mori, jam celsior illa es,
 Et propius summi Numinis ora vides.
 Consulibus nasci decus est. sed gloria major,
 Qua pudor & probitas ambulat, isse viam.
 Astra tenes, dum fama patrem sublimis Olympo
 Inserit, & narrat regibus apta loqui.
 At quæ virginitas nulli libata marito est,
 Pura creatori redditur illa suo.

In Curtium à Cl. viro

IOAN. FREINSHEMIO

editum.

Qui populos, qui regna ferox sibi subdidit orbis
 Primus & incubuit gentibus, Assur erat.
 Prevaluit mox Persa potens: & Martia tandem
 Persarum tumidas Gracia vertit opes.
 Gens genti ceu latro fuit. raptoque triumphans
 Quilibet, in socios miles & hostis iit.
 Iste furor Pellæ dominum succendit, & enses
 Strinxit, Alexander sanguinolente, tuos.
 Noluit Emathiis claudi tua gloria terris.
 Effera trans Helien castra Ducesque rapis.
 Non satis Europa est juveni. Troesque Phrygesque
 Et debellatos subruit ira Syros.
 Imperii sitis Euphraten trajecit, & ipsa
 Visa minus Babylon ambitiosa tibi.
 In Carram Petramque furis, Medosque Scythasque,
 Et spoliū dextra Bactra fucere tua.
 Iam Darium Porumque premis. Regumq; Ducumq;
 Purpura vesano rapta furore fuit.
 Iamque Clytæm rabies, nunc suspiciosa Philotam
 Mens necat, & vivo Parmenione vales.

Exstin.

Exstincto minus. interras grassaris & urbes,
 Sceptraque pirata plurima more rapis.
 Lyfimachus Phythonq; favent, Perdicca, Seleucus,
 Antipatrumque tui flamma furoris agit.
 Arrogat insanas augusta superbia voces,
 Et sobolem summi te cupit esse Iovis.
 At more is, Iove nate tuo. discerpitur Orbis,
 Inque nova partis nomina mundus abit.
 Hac facunda refert laudati pagina Curti,
 Nec Macetum ingentes vult latuisse vices.
 Eripit hac fato veteris solertia Rheni,
 Et gemino gaudet vindice Pella legi.
 Decedunt verbis tenebra, & caliginis umbrâ
 Non cupiunt tanti Principis arma regi.
 Rege triumphavit magno res Thessala. magni
 Scriptoris fastos belliger orbis habet.
 At tu, qui Curti purgas tot scrinia, Regem,
 Freinshemi, fama est restituisse tuis.

I N N V P T I A S

Amplissimi Viri

D. CORNEL. BAMBEECKII,

Et Præstantissimæ Virginis

LVCRETIÆ BALDVINÆ.

Quam tua se pulchro, Bambeecki, exporrigit
 anno

Cypris, & ad Geminos pergit adultus amor.
 Serius in Veneris recipis stipendia castris,
 Et tamen illa Dea serius arma quatit.
 Omnis inoffensis arridet amoribus æther,
 Et natura tuo plaudit amena thoro.
 Adspice, turgidulas trudit tibi vinea gemmas,
 Et tiliæ virides explicuere comas.

Adspice, quàm vernalis rubicundis floribus horti,
 Et juxta roseis amula Sponsa genis.
 Latior affulget thalamis Aurora. diesque
 Iam magis erecto dat tibi Sole frui.
 Non Sponso strictum ostentas, Lucretia, ferrum;
 Nec cupis afflicto se va pudore mori.
 Sed dici pudibunda minus gaudesque cupisque.
 Basia, non gladios, vis tibi nupta dari.
 Virginitas ratione perit. vis effera Regum
 Batavia dudum finibus exul iit.
 Nubis & insoni se libertate cubile
 Afferit; & pateris libera Sponsa virum.
 Non tibi nunc ultor Brutus, non ira marium
 Expellet regnis impia sceptris suis.
 Hic potius raptis multus con-viva pudori
 Annuet, & grates dicet amica Venus.
 Longè alia hic thalami facies. candorque, fidesque.
 Et probitas Sponsos relligiosa facit.
 Hæc novit Bamestra. patris matrisque voluptas.
 Quæ vestris miscet gaudia basiolis.
 Hic tibi plus latis taurus mugitibus auras
 Verberat & plus jam vacula lactis habet.
 Plus Corydon & Nisa furit. tibi rustica ludit
 Fistula; & amplexus blandaque vincula canit.
 Vivite, & in primis dum vernat amoribus atas,
 Dum sobolis vobis spem facit acer Hymen;
 Si tantum est otii, vobiscum hæc voluite, Sponsi,
 Gratam conjugibus sæpius esse moram.

In
IOCASTÆ & TRYPHOSÆ
NUPTIAS,

De quibus Rhadamanthus mollior
latius loquitur.

Virginitas geminis perit in ille rapt a puellis;
Hæc Tryphosa dolens, illa Iocasta fuit.
Prægreditur passis mærens Tryphosa capillis,
Et rigidas spirat sanguinolenta minas.
Vult Iuvenem præfracta mori. stant liætor & ensis.
Hæc, ait, hæc rapti pœna pudoris erit.

TRYPHOSA.

Hic legis violator adest, & criminis ultor.
Vindictam facinus poscit & ira suam.
Cur vivat? per quem mihi facta miserrima vita est.
Cur vivat? thalami pars scelerata mei?
Cur vivat? quem damnat amor facilisque Cupido.
Et quicquid speciem suave procantis habet.
Dispereant oculi, mihi qui nocuere videndo.
Dispereant, miseram quæ rapuere, manus.
Basia, quæ dedit in vita, violenta fuerunt
Vulnera, & exitio dona parata meo,
Quos tulit amplexus, quæ collo brachia circum
Vis dedit, irrisi signa fuere thori.
Occidimus, genitor, genitrix. fraterque sororque.
Funera tot secum sors mea juncta trahit.
Plus, Iudex, latrone vides. plus funere, stuprum
Bis cogor, raptæ virginitate, mori.
Quid rides, vitioque cupis favisse Iocasta?
Et pulchrum sceleri condoluisse putas?
Qui ferale cadet, poscis vesana, cadaver.
Corpora que horrendi turpis amantis amas.
Et cupis amplecti, quem lex cupit optima plecti.
Ab nimium facili simplicitate mala es.

Poscis amatorem petulans. vis parcere culpa,
 Et Sponsum titulo deteriore vocas.
 Si corrupta places, poteris non casta videri,
 Et laudem nuptâ de meretrice feres.
 In thalamum descendet amor violentus, & exlex,
 Quæque tua est, fiet pellicis illa domus.
 Effuso madeat, Iudex, mihi sanguine, cuius
 Crimine virginei bis doluere sinus.
 Dixerat. & iusti vindex Tryphosa doloris,
 Hinc sociam frendens, hinc videt agra reum.
 Tum gradiens, pulchrisque caput redimita corollis,
 Orsa fuit tandem lata Iocasta loqui.

I O C A S T A.

Crimen idem nocuit geminis. sum passa, quod hæc
 Atque uni doluit succubuisse viro. (est.
 Attamen in facto misera distamus eodem,
 Et mihi culpa rei creditur esse minor.
 Qui modo me rapuit, cuperem nunc esse maritum;
 Osculaque hac possem condit ione pati.
 Si nimis insano juvenis sum lasa furore,
 Corriget hunc placidi lex veneranda thori.
 Nec conjunx patiâr nolens, quod fecit inique,
 Cum, nondum facto conjuge, virgo forem.
 Quæ mihi fama labat, tædæ reparate jugales,
 Damnaque compensa virginitatis Hymen.
 Quæ cupit humano mulier se sanguine pasci,
 Heu mihi, quàm sexu dissidet illa suo.
 Femina sum, flecti facilis, blanda arbitra legum.
 Longa viris, nobis aptior ira brevis.
 Non cupio, Tryphosa, mori, qui læsit, amantem.
 Ille tuus factus crimine & ille meus.
 Si vis in geminas discerpi corpora partes,
 Non erit ille meus, non erit ille tuus.
 Si totum stricto juvenem vis ense feriri,
 Pars mihi quæ fuerat debita, nulla mihi est.

Hoc

Hoc satius, totum juvenem mihi cedere, Index
 Annue, & ingenium plus muliebri proba.
 Sum polluta, tamen veniam debetis amanti.
 Natura vehemens crimine peccat amor.
 Sum polluta, velim nunc impolluta vocari.
 Sponsa scelus vultu diluet omne suo.
 Hinc hilaris, redimita, nitens & comptula veni;
 Conveniunt thalamo gaudii, non tumulto.
 Audiit, & votis iudex contraria vota
 Dum videt & dubium partibus esse reum,

I V D E X.

Virginei, dixit, raptor sceleratus honoris
 Debit exemplo, crimine, lege mori.
 Flagitiumque duplex pœna graviore rependi,
 Bisque reus stupri, bis quoque posse mori.
 Non sinit hoc res ipsa. vetat sententia dispar,
 Quæ Tryphosa tua est, quæque Iocasta tua est.
 Vis Tryphosa mori, quem vis superesse Iocasta,
 Vtraque pro rapto iusta pudore perit.
 Hæc urget voces & legis verba severa;
 Altera sed fama plus studiosa sua est.
 Emollit dubiam facilis clementia mentem,
 Incolumique datur Sponsa Iocasta viro,
 Et quæ mæsta dolet, rapto, Tryphosa, pudore,
 In medio cœtus invenit illa virum.
 Iamque amba thalamis, amba letantur amando.
 Vnaque non fonti nupsit, & una reo.

I N N U P T I A S

CORNELII BLAEV,

Mathematici & Typographi.

Q Vi toties doctos excudis in ære libellos,
 Et veteres cogis per tua præla loqui;
 Qui vastas aperis tabula sub imagine terras,
 Et laxas arcto compede stringis aquas:

Iam tenera, Blæuvi, vis arripisse puella,
 Et tibi præ tabulâ dulcis Eliza placet.
 Quin Tabula esse cupit, qua tot cadantur amores.
 Basiæque & Paphia tot sine lite faces.
 Non hic terra tibi, non sculptitur aquor & unda,
 Sed Cytheræa suos ordinat ipsa jocos.
 Quin totam gaudet tibi depinxisse maritam,
 Labra, genas, ipsis lumina grata Deis,
 Brachiaque, amplexu cupidum complexa maritum,
 Et Veneres, blando quas fovet illa sinu.
 Hic domus, hæc patria est. hæc tu regione moraris,
 Non alio mundi sidere Sponsus agis.
 Hæc tabula est, quam pingit Hymen, telisque Cupido
 Impetit, & specie bella gerentis amat.
 Hæc tabula est, de qua poteris sperare nepotes,
 Et generi toties lucra parare tuo.
 Sic Tu, qui tabulis decoras illustribus Orbem,
 Hanc Tabulam soli vis famulare tibi.

Nobilissimi Viri

CONSTANTINI HUGENII,

Eq. & Zulechemi Domini &c.

OPERA & DIES.

Nunc sordent, Ascræ, tua sine lumine luces,
 Et tua, nox nobis creditur esse, dies.
 Excurrunt prisci densa caligine Soles,
 Et tenebris horrent sidera Graja suis.
 Hoc, quod scribis, opus, nihil est, nisi ruris & otii,
 Et sterilis vanâ religione labor.
 Instruis agricolam, dictas facienda colono,
 Officiumque legunt bos & aratra suum.
 Sudant defesse pigro sub vomere dextra,
 Quodque manus verset sedula, vile lutum est.

Nostra

Nostra sibi pandunt meliores tempora luces,
 Metiturque suum dignior hora diem.
 Aula sapit, formatque virum. se perficit ipsa,
 Et socia recti conjuge, recta facit.
 Illa Deo Christoque suos pia nuncupat annos.
 Illa sacrosancta verberat astra prece.
 Sic prior in celos rapitur. mox Principis audit,
 Et bellatoris dicta severa Ducis.
 Prandia formantur monitiis, & currus, & uxor,
 Et puer, & medio fabula nata foro.
 In leges liber, in leges coguntur amici,
 Stringitur ad normam prodiga turba novam.
 Asculant tanto stomachus, splen, lingua magistro,
 Quasque premunt partes crimina, jussa regunt.
 Vapulat obscuri maleficus carminis autor,
 Vapulat abjecta simplicitatis epos.
 Fit schola totius homo, mundus, domus, aula, poëta.
 Quaque prais, decus est, te Zulecheme, sequi.
 Exemplo mandata paras, fax, lumen honesti,
 Dirigitur studiis quilibet ordo tuis.
 Tu Pharos es, vita lex optima, regula morum.
 Dum comes it Phœbo stella Susanna suo.
 Qua tu luce nites, nitet hac. qua vivis amussi,
 Vivit, & exactum quod facis, ipsa facit.
 Quodque bonum gemini facitis, jam discimus omnes.
 Flectimur ad tantos femina virque duces.
 Tam pia cum scribas Aula praecepta minister,
 Hoc loquar : Hanc subeat, qui volet esse pius.

Ad Victorinum Advocatum.

SI me Casarea cuperes, accumbere mensæ,
 Hoc tibi sustineam dicere : non veniam.
 Si mihi victores apponant fercula Reges,
 Regibus hoc ausum dicere : non veniam.
 Pontificis si jussa vocent & pocula fundant,
 Pontifici possem dicere : non veniam.

At tibi, qui lepidò me, Victorine, reposcis
 Carmine, religio est dicere: non veniam.
 Convivam tua Musa trahit. facundia Catzâ
 Pertrahit, & Iunì vultus & ora tui.
 Quique gravis Batavas Vondelius intonat aures,
 Et patriâ loquitur verba severa sua.
 Hos ego Pontificum mensis. Regumque Ducumque,
 Hos ego Caesaribus prapossuisse queam.
 Omnis festivis majestas cedit amicis.
 Hos ubi Barlaus possidet, illa jacet.
 Funde merum. siccòs calices odere pœtæ.
 Et Cereris Baccho munera junge tuo.
 Funde Deos nobis. & dic: ò cœca vetustas;
 Quæ quos esse deos credidit, ipsa bibit.

In mensam Anatomicam.

Sternitur & toti prabet spectacula mundo,
 Qui jacet afflictæ conditionis Homo.
 Exponit nudos miseris mortalibus artus,
 Et quia peccati labe, pudore vacat.
 Mensa Thyestæa similis stat cruda, rotatque
 Corpora, flagitiis irrequieta suis.
 Frons, digitus, ren, lingua, caput, cor, pulmo, cerebrum,
 Ossa, manus, vivo dant documenta tibi.
 Adspicis hic coram sanum quodcunq; vel agrum est,
 Et mala natura deficientis habes.
 Quo vitio pars quæque ruat, qua lege resurgat,
 Discis & humani fata stupenda fori.
 Huic gula, vel funesta fuit malesana libido.
 Hunc furor, hunc pota perdidit humor aquæ.
 Mille modis morimur, nec causâ ladimur unâ.
 Nunc mare, nunc tellus, nunc gravis aura nocet.
 Quæ nos cuncta fovent, obsunt elementa saluti.
 Et vario vitæ rumpitur hoste tenor.
 Hæc cum defunctis lustras spectator in extis,
 Discè Deo sospes vivere, discè Tibi.

Ad

IACOBVM BAECKIVM,

de turdorum captura.

Quid meruistis aves, gelido quas trudit ab axe
 Æolus & Borea scior aura plaga?
 Cur meus & laqueos vobis & vincula necit
 Baeckius, & fœdâ vult periisse nece?
 Magnanimo moriens ictu procumbit humi bos.
 Innocuam jugulat culter & ensis ovem.
 Cum lepus aut cum dama cadit, cadit ore molossi:
 Et timidus vincit vis generosa feras.
 Dejicit excelsam velox ballista columbam,
 Dumque ruit fato nobiliore ruit.
 Viminibus se claudit anas, cum fistula ludit,
 Lucundo saliens carmine sturnus obit.
 At vos fœdâ manent mediis suspendia sylvis,
 Et speciem turpis funera mortis habent.
 Hanc suus illaqueat salices pes inter & umbras,
 Pradaque subjectam pendula spectat humum.
 Hanc cervix, hanc ala tenet. pendemia latè
 Cernimus ex ramis corpora prona suis.
 Hæret adhuc medio fatalis gutture bacca,
 Et quæ causa mali funeris esca fuit.
 Forsitan Arctois fures fugistis ab oris,
 Atque alibi plenos depopulastis agros:
 Forte fames terris dum vos exegit iniquis,
 Horrida nec vestra sufficit Vrsa gula;
 In nostros ruitis domini sine iussibus, hortos,
 Nec concessa sibi pabula quisque rapit.
 Quare, cum Batavos maneant suspendia fures,
 Civili fas est vos quoque jure mori.

Ad

Ad
IVSTVM VONDELIVM,
cum à
CONSTANTINO & HELENA
ad amores ipsum revocarem.

Vondeli, mea quo toties interprete Musa
 Teutonico populis, estit ore loqui:
 Vondeli, Batava decus & laus prima Camæna,
 Fontis inexhaustum flumen Apollinei:
 Sperne truces vultus, tibi quos Maxentius offert,
 Gestaque per Latium bella cruenta solum.
 Cur Licini cantare minas & castra laboras?
 Aut Helenæ sacras ante sepulchra faces?
 Cur Constantino gaudes comes ire per orbem?
 Et magnum mundi sistere sede Ducem?
 Da veniam bellis. satis est scripsisse renatum,
 Exstincta veterum religione, Deum.
 Paulisper jam vive tibi. tibi quare maritam,
 Et post castra, velis mitia castra sequi.
 Quin aliam thalamis Helenam genialibus infer,
 Verbaque quæ recites mollia, diædet amor.
 Ipse tuos cantâ pleetro leviores furores,
 Et vidua loculos ingeniumque tua.
 Sic tibi Constantinus eris, sic conjuge latus
 Finge Minervinam te sociasse tibi.
 Invenies signum, quo possis vincere. verum
 Ne tibi sit conjux crux, sapienter ama.

Ad Amplissimum Virum
D. THEODORVM van O.S.,
Aggerum Bamastræ Præfectum, cum prædio
suo me peramanter excepisset.

Viximus in mediis totique reviximus agris.
Hic ubi pandit opes pulchra Bamastra suas.
Vidimus Arctoa passim miracula terra;
Vidimus humane facta stupenda manus,
Et campos, ubi pontus erat; fluctusque, lacusque.
Et pedibus magnæ Tethyos arva teri.
Stant vills, surguntque domus & prædia, quæ se
Abdidit in gelidis plurima Naias aquis.
Prata virent, ubi vela suis Palinurus in undis,
Intrepidumque ferox navita fecit iter.
Pro rate jam curru vehimur, pro puppe caballis,
Et sonitu quatimus quadrupedante solum.
Terrarum Batavi fabri sumus. aquora freno
Stringimus, & stagnis jura superba damus.
Hic tuis habitas, Ossi lepidissime, pratis,
Iugeribusque tuis aggeribusque præes.
Deliciasque facis blandis facundus amicis.
Et scio nescis tristia vate loqui.
Vive Bamastra tuo sub præside, vivite campi,
Vive Domus, Domino sed minor ipsa tuo.
Vive Domus, quæ tunc poteris fecunda videri,
Cum Domina cupies basia ferre nova.

IN OBITU M
IACOBI BAECKII,

I. V. L.

Grande decus Iuvenum, Baecki, quo sospite can-
Vixit & erectæ simplicitatis amor, (dor
Lingua mea concors lingua, mens congrua menti,
Et lateris toties afflecta fide mei.

Cui

Cui cura fuit, apta loqui; sapuisse, decorum.
 Nec sine delectu res didicisse, labor.
 Seu per Apollineos raperet nos fabula colles,
 Et celerem traherent otia docta diem:
 Seu nos Auriaca recrearent praelia dextra,
 Fataque Nassovii prosperiora Ducis:
 Cur moreris, dilecte, prior? gaudesque beatus
 Thesea Pirihoo dissociasse tuo?
 Cur moreris? cui se pietas devovit alumno.
 Cur moreris Iuris regula viva tui?
 Ah, marces, solidaque labat structura Iuventa,
 Et calor exucco corpore totus abit.
 Cui Doctrina suos pandit non una penates,
 Occidis, & minus hoc, plurima nosse, putas.
 Dum membris flammæque suus subducitur humor,
 Parte tui sospes nobiliore, viges.
 Sic tereris, viresque capis; surgisque cadisque.
 Et socio vadunt morsque salusque gradu.
 Permutas terrâ Superos, mortalibus astra.
 Et Christo volupe est, jam propiore frui.
 Stat genitor, stat mæsta parens, fratresque sororque,
 Et stupet ad vultus turba propinqua tuos.
 O felix! sua cui facies mundi que bonorum
 Displicuit, facies sufficit una Dei.

A D H V G E N I O S

Fratres Strena.

I Annus adest bisfrons annumque inspectat utrumque.
 Quem lapsus egreditur Phoebus & ingreditur.
 Hoc precor, ut faciles vobis ex ordine menses,
 Astra, dies, quotquot permeat annus, eant.
 Qui madidam praeceps effundit Aquarius urnam.
 Imbuat officiis pectora vestra piis.
 Quique premunt muti Ganymedis proxima Pisces
 Sidera, vos doceant verba diserta loqui.

Cornibus

Cornibus insurgens Aries dum fronte minatur,
 Pugnaces prohibet fratribus esse manus.
 At qui pandit humum Taurus, Parnasia pandat
 Atria & ingenii liberioris opes.
 E Geminis si Castor equis, vel gaudeat armis,
 Nemo tamen Pollux aut velit esse pugil.
 Hi sunt Tyndarida, quorum concordia monstrat,
 Non alia fratres vos quoque lege dari.
 Cancer in excelsa radians sublimis Olympo,
 Illustrem vobis monstrat ad astra viam.
 Magnanimos acuat Nemea leo. nolit ephebos
 Virgo Themis semper virginitate frui.
 Libra pares omnes videat virtutibus. annos
 Posterior, studiis gestiat esse prior.
 Scorpius Antummos faciles promittit, & unâ
 Vos animi fructus, corporis ille dabit.
 Phyllyrides Chiron magni præceptor Achillis,
 Imbuat armorum religionem viros.
 At cum se gelido lux contrahit in Capricorno,
 Tot diffusa boni semina quisquis amet.
 Quot cælum vobis facibus, quot signifer ardet,
 Tot patriis omnes dotibus este pares.
 Phœbe, quibus pueris tu sidera dirigis, illos
 Belga sibi natos credat & esse tuos.

IN OBITVM

Amplissimi Clarissimique Viri
 D. GVLIEL. STAECKMANS.

S Ic patria vixisse iuvat, cum funus & umbram
 Plorat & emeritum patria tota virum.
 Sic rexisse Scholas decori est, Phœbumque Deasque,
 Cum dolet extinctum Palladis aula ducem.
 Talis eras Frisii lumen, Staackmanne, Senatus,
 Qui tua, sic moriens, publica busta facis.

Quæ tanti fuerint Belgis exordia belli,
 Quis furor in tumidum strinxerit arma Tagum,
 Et quam iusta truces excusserit ira Philippos,
 Seminaque ingentis principiumque mali,
 Scripserat æternis labor & solertia chartis,
 Et per te poterant abdita multa legi:
 Cum te finis habet. supremæque linea rerum
 Implicat exorsis ultima fata tuis.
 Dum scriptor Mavortem aperis, in tempora pacis
 Incidis, & Superum regna beatus adis.
 Nullus ubi patriis terris instabit Iberus,
 Aut gravis innocuis civibus hostis erit.
 Nullus ubi Granvella Patrum suffragia spernet,
 Calcarique volet nobilitatis apex,
 Aut inscripta novas monstrabunt pileæ partes,
 Aut Dominos sannis sibilat aula suos.
 Hos, Staackmanne, supervectus motusque vicesque
 Exoptas Frisiiis otia lata tuis.
 Iamque Deo propior, gaudes cognoscere, Belgam
 Placatum in medio figere rostra Tago.

I N N V P T I A S

secundas Clarissimi Viri,

IOHANNIS POLYANDRI

Sacrae Theologiae Professoris.

Qualis cum socia magnus Iunone jocatur
 Iupiter, & vultum suæve procantis habet.
 Aut sua Vestales componunt ora sorores,
 Cum coepit spreti forma placere viri;
 Talis amas Polyandre senex. nec miles amoris
 Faris Apollineæ verba severa scholæ.
 Nec tua jam sacras fundit Facundia voces,
 Aut solita mystam te gravitate probas.

Omnia

Omnia concedunt Veneri, gelidæque senectæ
 Exuvias conjunx officiosa rapit.
 Ut novus Æetes possis, alterque videri
 Alloquio, forma, virginitate Phaon.
 Sic dudum desueta placent. tedaſque repositis,
 Quæque micant flammâ languidiore faces.
 Si tamen æquum minus sobol. in Lucina negabit.
 Nec poteris, quicquid mox potuisse voles,
 Sufficiat saltem castum tepuisse cubile.
 Sufficiat sobolis spe caluisse senem.

Ad Illustris. & Generos.

CHRISTOPHOR. à DHONA.

Præfectum Principatus Arausionensis.

Dum tua bellaces armat Germaniæ Finnos,
 Casareumque potens Suecia calcit ebur,
 Lappionumque novis adſueſcens vultibus Albis
 Invitat profugos in ſua regna duces:
 Auriacas, Dhonæ, tenes tranquillior arces,
 Et Rhodano gaudes proximior frui.
 Hinc procul, ut Gothicis victor Guſtavus in armis,
 Militet, & pavidis horreat Iſter aquis,
 Et formidatæ trepident ſub rege tiaræ,
 Fluxaque mutato principe ſceptra vides.
 Utroſque Deos, pavitantesque adſpicias arces,
 Victaque regali Martia caſtra manu.
 Interea latos tibi ſubdit Arauſio faſces,
 Preſidioque cupit tutior eſſe tuo.
 Nescit Dhona dolos. iſta ſe gente maritas
 Cum bellatrici nobilitate fides.

Ad

Ad Amplissimum exactissimique ingenii
virum.

D. CORNELIVM GRAVIVM.

D Vm mea, vah, lenta depascunt corpora febres,
Et bilis studiis incubat atra meis,
Tu mihi, tu fracto, toties solatia vati
Sufficis, & lucas officiose trahis.
Tempus erit, cum nostra tuis Respublica curis
Crescet, & optabit te superesse sibi.
Si titulum meruit probitas, prudentia fasces,
Et populo sapiens consuluisse potest;
Deberis, Gravi, patria. me iudice, jam nunc
Amstelii posses verba severa loqui.
In te docta senem mens praevenit. optima suades,
Et juvenes inter nil juvenile sapis.
A magno genitore fluvis. virtutibus haeres
Nasceris, & digno semina patre trahis.
Qui cum decessa senior cervice quiescet,
Donabit patria pignora tanta sua.

De

C O N C H I S.

O Ceani spoliū, quales Tritonia conjux
Sub vitreo sensim gurgite format opes,
Tot procul Eoo detritas aquore conchas,
Pulchraque tortilibus corpora turbinibus,
Adspice non laevis oculis Barlae, tuoque,
Qua repserere prius, pollice tange domos.
Exuvias animalis habes, vacuosque penates,
Et picturatis limina tincla notis.
Mutus in his nuper vixit penetratibus hospes.
Et graciles illic delituere fera.

His

His lituis, his ipse tubis sua praelia Triton
 Inchoat. hoc Nymphas convocat ore suas.
 Hac medios inter straperunt classica fluctus,
 Hac tumido ventos increpuere mari.
 Non hac Lucrinis veniunt conchylia ripis,
 Littoribus Catthus non habet illa suis.
 Misit in Arctoum Ganges locupletior orbem,
 Auriferisque vomit torridus Afer aquis.
 Quid tectis Dis Haga tuis trabibusque superbis,
 Aut precium celsas credis habere domos?
 Plus nitidos cochleis tribuit natura penates.
 Splendidior spretis piscibus aula patet.

In observationes Politicas

IACOBI ZEVECOTII,

Ad L. Annæum Florum.

Dum formidatos extollis, Flore, Quirites,
 Et genti loqueris grandia verba tua;
 Excussos solus audaci Consule Reges,
 Et qua pro populo iura Tribunus amat;
 Rapta procul calidos vittricia signa per Afres,
 Rapta per Eoas Sarmaticasque plagas,
 Imperiumque sua tandem sub mole fatiscens,
 Et tot civili bella cruenta manu:
 Roma stupet, tantoque tumens scriptore triumphat;
 Et precium fama non morientis habet.
 At tu, qui propius moniis civilibus aulas
 Instruis, & reges dogmata magna doces,
 Egredieris Flori spatium; casusque potentum,
 Et plenum exemplis grandibus edis opus.
 E factis praecepta capis: sit regula recti
 Miles, & hæc clypeos utilitate probat.
 Arma juvant sic lecta domi. Bellona magistra est,
 Et totas formant effera castra Scholas.

Itæ

*Ite procul steriles doctorum ex ordine lingua,
 Et qui jejuna faris in historia.
 Hoc pulchrum est, monuisse duces. hic explicat arma,
 Qui fugienda suis & facienda notat.*

Ad Amplissimum Virum

GVILIEL. BARTELOTTVM,

Mercatorem, Sponsum.

Non tibi Erythrae petitur jam gemma profundo,
 Aut procul Eoa sollicitantur opes.
 Triptolemi jam cura jacet. jacet Indus & Auster,
 Quasque tibi merces advehit unctus Arabs.
 Hetrusci mandata silent & jussa potentum,
 Nec calamos lassant extera regna tuos.
 Anchora mordet humum, & positis tot carbasia velis.
 Gratantur domino federa pulchra suo.
 Quem ratibus premis Oceanus, quem Nerea sulcas,
 Pro te, pro Sponsa Virgine vota ferunt.
 Bartelotte, nova melior vectura maritæ est,
 Vna peregrinas Harpia vincit opes.
 Illa tibi ratis est, & amabilis aura Favoni,
 Illa tuo Teihys apta reperta thoro.
 Illa, (poëtarum vox est) farfissima surget
 Tyndaris, & italæ inferet astra tuas.
 Tyndaridas quin ipsa dabit, materque leporum.
 Basolis diuros leniet æqua dies.
 Tu Triton, tu Tiphis eris, tu rector amantis.
 Conjugii fluctus cum ratione reges.
 Qui rate, quæ tali vehitur per nubila mundi
 Remigè, securum per mare currit iter.

BEVERORVM ELOGIA.

I.

GVLIELMVS de BEVEREN,

Dan. F. Guliel. Conf. N. Senator.

Continuat veteres Beverum Gulielmus honores,

Et genus à priscâ nobilitate capit.

Quæ Bavaros Fortuna Duces, exercuit illos;

Et Comites potuit demeruisse sibi.

Praluxit Rudolphus Eques, titulisque nepotum

Pratulit & stirpi Martia scuta sua.

Bellaces nostis Frisii; cum sceptrâ Batavum

Afferuit tanta provida cura domus.

His noster se tollit avis. hac inclyta gaudet

Stemmata non dubio se tetigisse gradu.

Quin Doctrina comes claris natalibus ivit.

Hoc majus precium credidit esse sui.

Ille tuus meruit dici, Dordrechtâ, Senator.

Cui tua libertas debeat, ille fuit.

Huic debes obfessa viro. Brabantia cum te;

Et signis promerent undique castra suis.

Quod si Burgundo laus est placuisse Philippo,

Et voluit civi Dux Bonus esse bono:

Exemplum cape posteritas. bella inter & arma.

Et mediâ Patriâ profuit ille togâ.

Pro Belgis pugnent alii. qui tempore duro

Pagnanti Batavo consulit, arma juvat.

I I.

GVLIELMVS de BEVEREN,

Iacobi F.

M Erferat Australes funestis fluctibus agros
 Totque ferox late sorpserat unda lares.
 Deseruere domos Satyri; trux undique Nereu,
 Undique crudeles incubuistis aqua.
 Quaeque solo nocuistis aqua, tot stemmata juxta,
 Et veteres undis oculuistis avos.
 Emersit Beverum genus, Oceanique furores
 Sprevit & aequoreas stirps generosa minas.
 Hic vir, hic est, qui certa sua vestigia gentis
 Vindicat, & fatis eximit illa suis.
 Arcta nimis patris est. Asiam perlustrat & urbes,
 Pressa peregrino Barbara regna pede,
 Pergamaque, & quondam Priami domus, Ilium,
 & ingens
 Inter Achilleos diruta Troia rogos.
 Calcasi Solyma colles, venerandaque Christi
 Limina, quae passum detinuere Deum.
 Excepit reducem Bataurus, totque inter honores.
 Secretis volui consuluisse suis.
 Austriaci coluere Duces, & Saxonis Aula.
 Iamque adiri potuit, jam placuisse foris.
 Tu Dordrechtia potens sidus venerare sepultum,
 Nec cineri cupias nolle favere pio.
 Hoc precio mœret Probitas. tunc posthuma gliscit,
 Cum famâ gratæ posteritatis orat.

III.

CORNELIVS de BEVEREN

PETRI F. Consul.

TE, Beveri, magno natum genitore Batavus
 Suspicit, & famâ non moriente vehit.
 Tu Ducis Albani rabiem, tu tela repellis
 A Dordracenis sanguinolenta focis.
 Efferus in sociam cum se Bossusius urbem
 Funderet & trepidis Rottera fleret aquis.
 Ipse tuis Batauum nixus cervicibus Atlas
 Fulsiit afflictæ religionis onus.
 Te præeunte aperit sacras Ecclesia portas.
 Consule te, purum reddidit illa Deum.
 Dumque serenatos, reduci sub Principe, vultus
 Belga capit, studiis militat ille tuis.
 Quid toties Marii jactas Vrbs Martia fasces?
 Quid toties Sullæ vota precesque facis?
 Sæpius hoc redeunt sub Dictatore secures.
 Et quater hoc uno Consule civis ovat.
 Sic vixit. neque mox dispar morientis imago est.
 Excipit extremos Curia mæsta sonos.
 Hic moritur; languensque inter subsellia sensim
 Deficit, & gaudet Consulis ore mori.
 Si medias inter Decii cedere Phalangas;
 Hic inter Patria munia rector obit.

I V.

CORNELIVS de BEVEREN
E Q V E S.

G V L I E L M. Conf. F. C O R N. Conf.
N. IV. Consul & Australis.
Hollandiæ Quæstor.

Q Valis in Eoum volucris Titania Solem
Versa, renidentes dissipat igne focos ;
Ut posita redeat soboles, post fata, senectâ,
Extincto soboles non aliena patri :
Talis ab eximio proles laudata parente
Nascitur, & magnum nomine reddit avum.
Hac Batavum patrius implet virtutibus orbem,
Et serum docta prævenit arte senem.
Huic rigidæ præfert liſtorum turba secures,
Et Latii speciem sustinet imperii.
Publica congestos referant araria census,
Et Beveri crescunt uberiora fide.
Induit ille Deos animo, Phœbumque, Themisque,
Et titulis addit numina tanta suis.
Delirium, Dordrechtâ, tuum. quæ pectore in isto
Iam modò defuncti cuncta parentis habes.
Cui gravis exactam format Prudentia mentem ;
Et non fucat æ religioſis amor ;
Iam Patria donat mediis suffragia bellis.
Iam pia, sed tutæ, nomina pacis amat.
Iam procul externum desert mandata per Albim,
Iam Batavâ tangit Cimbrica sceptrâ manu,
Aut gelidâ diſtat Regi sua verba sub Arcto,
Extera dum prudens regna sequester adit.
Huic Lachesis annos lentè si neverit, in se
Virtutes generis colliget Ille sui.

EPITAPHIUM,

Sacrum memoriæ Nobilis Summi-
que viri,

LAVRENTII REAEL,

Equitis, non uno munere domi
forisque functi.

Hic recubant magni cineres & busta Reali,
Marti, quem coluit Memmonis aula Ducē,
Et formidatæ Dominum sensere Moluccæ,
Cum procul Eoo sub Iove jura daret.
Mercurium Phœbumque rudes transmisit ad Indos.
Illius auspiciis vendidit, hoc sapuit.
Ivit Musa comes bellis, interque sarissas
Nobile bellatrix dextera scripsit epos.
Quin superis coelique plagis astrisque vacavit.
Sideraque ingenio vidit amica suo.
Hoc emptore Arabum vexit pater Amstela merces,
Persarumque gravis messibus Ya sterit.
Legatus Reges adiit. jussuque Potentum
Hesperio posuit castra Britanna solo.
Afferuit pontum ratibus, virtutibus urbem,
Rostra, reos justis vocibus, arte Scholas.
Quo rectore foris crevit Respublica, crevit
Hoc etiam patriæ res moderante domi.
Pro Batavis toties & libertate locutus,
Hac eadem vellet jam quoque posse loqui.

ALLOCVTIO FVNEBRIS

Ad Nobilissimum Dominum,
D. CORNELIVM MYLIVM,
Equit. Dominum vander Myle, &c,

Qui Patri & flos nuper eras, tutela Minervæ,
Et fulgens Batavæ Nobilitatis honos;
Auriaco dilectæ Duci, dilectæ Poëtis,
Omnibus erecta simplicitate placens;
Infontis mensura boni, mens nescia frangi,
Et conjuratis succubuisse malis:
Has terras, ubi fastus habet sua regna, relinquis,
Invidiaque senex pallida tecta fugis.
Non Reges legatus adis, donaris Olympo.
Post Venetos, Superis fas tibi posse loqui.
Borbonii tactus radiis, jam tangeris astris
Altior, & vultu splendidiore nites.
Inter sceptræ Deum graderis, turrestque potentum
Despicias & nostros, verba remissa, Ioves.
Non hic rura atavum numeras, sed præmia recti.
Atque aliquid majus Principis ore vides.
Differt Fama decus. partem capit Adria, partem
Sequana. plus tanto Præsîde Rhenus ovat.
Unius sic terra viri est. quia scriberis omni.
Excitat hac vates laudis arena tuos.
Obruimur rerum cumulo. facundia Phœbo
Deficit, & grandes conticuere tubæ.
Iungitur Heroum privato caussa dolori.
Et gravis est Celso tanta ruina Duci.
Nobilium marcent apices. fœrale Lycaum est.
Palladis exstinctæ stant sine luce faces.
Mœret equus, læsique memor nunc Ordinis, exit
Tristior, & guttis grandibus ora rigat.

Quin

Quin procul hinc lachrymis Alpina cacumina stillat.
 Purpuraque Euganeis Patribus atra riget.
 Quæ Mylii chartasque meas vœtare solebant,
 Funeris ad famam disperiere, nives.
 Melastus jubet esse brevem. suspiria fontes
 Et latices siccant publica damna meos.
 Adstringor, velut acre gelu. neque fusa vagantur
 Carmina, per laxas præcipitata vias.
 In cumulum dolor unus agit Phœbumque Deasque.
 Et tuus in punctum truditur amplus honos.
 At vos, qui cineres, etiam me tollite valem.
 Nunc anima possim prodigus esse meæ.
 Dum squallent Schola, civis, ager, cum Principe Pa-
 Omne solum tumulus creditur esse mihi. (tres.

IN NUPTIAS

Præstantissimorum Fratrum, & lectissi-
 marum Virginum,

RODOLPHI BICKERI,

ET

AGATHÆ FLAMINGÆ:

NEC NON

IACOBI BICKERI,

ET

ALETHÆ BICKERÆ.

O Valis si socio germanus Castore Pollux
 Issent ad Paphii pronuba templa Dei,
 Undique Tyndaridis plussissent compita Sponsis,
 Et gavisâ soror Tyndaris ipsa foret:
 Talis amas fratri sociis, Bickere, manusque
 Idaliâ Eratres jungitis ade pares.
 Illuxere faces thalimis, matrumque virumque
 Agmina jam toto perstrepuere foro.

Conuenere domus magna, stirpesque, patresque,
 Amstela queis fasces debet & Ya suos.
 Si genitor Sponsis non est rex Iupiter, ecce,
 Mox socer ambobus, pro Ioue, Consul erit.
 Nubunt egregia geminis sine labe puellæ,
 Sorte, pudicitia, virginitate pares.
 Nubunt, & sterilis proscribunt oscula læti,
 Hac etiam gemina conditione pares.
 Altera facundi proles generosa Flamingi.
 Altera Bickero patre modesta placet.
 Vtraque vestitur propriis insignibus uxor,
 Vtraque se pulchro lumine sponsa probat.
 Nol' ile par Fratrum, pariles opibusque domoque,
 Moribus, & digna gentis honore pares,
 Cetera cuncta pares, discordes uiuere in uno:
 Basilis Fratres uiuere disparibus.

A D P O E L G E E S T A M

Minorem, cum me valetudinarium
 ibidem perhumaniter excepisset
 Nobilissimus

D. S C H O N C K I V S.

P Arvula, quæ magnâ titulis, Poelgeesta, læcessis,
 Parvula, sed feudis clarior una tuis:
 Villa, sub irrigui ripis gratissima Rheni,
 Proxima quam placido lumine Leida uidet:
 Alter ubi nasci cuperet cum Pallade Phœbus,
 Natalesque uolet Iupiter esse suos:
 Salve villa, meis requies placidissima curis.
 Salve villa meis certa medela malis.
 Tu rigidas toto depellis corpore febres,
 Nec finis has ultrâ uatibus esse graves.
 Tu vires animumque mihi, tu robora reddis,
 Et stimulum Mæsis subdis amica meis.

Æter-

*Æternum Poelgeesta vire. nec iniqua beatos
 Inficiat pravis febribus aura lares.
 Sospite sis sospes Domino. testisque sub istis
 Alma Salus sedes deligat ipsa suas.
 Æger ubi vates vitam sibi reddidit, illic
 Febribus & morti non cupit esse locum.*

GENETHLIACON

in Natalem Filioli, Nobilissimi viri

D. DANIELIS SCHONCKII,

Poelgeestæ minoris Domini.

NAscere parve puer, non inficiande parenti,
 Nascere patris amor, nascere matris amor.
 Felices ordire dies, & nomina Schonckii
 Fac alio per te sape nepote coli.
 En tua Pegasides circum cunabula Musæ
 Vota ferunt vitæ prosperiora tuæ.
 Agnoscit te Leida suum. te magnus Apollo
 Vult etiam doctos inter habere locum.
 Nasceris Aonides inter Phœbumque Deasque
 Castaliosque bibit cæca iuventa lacris.
 Ipsa tuo jam nunc Pietas se pectore totam
 Abdit & in tenero Gratia corde latet.
 Quæ placidos formet. generosa modestia mores,
 Iam volet indicîis emicuisse suis.
 Cresce puer, curaque dies præverte viriles,
 Et cum vir fueris, fac videre senex.
 Quæ patriæ soboles, quæ cælo devovet annos,
 Nascitur illa sibi, nascitur illa Deo.

Ad Nobilissimam pulcherrimamque
Virginem,

D. W E N D E L A M
B E R C H E M I A M,

Doesburgi ad fossam Drusi habitantem.

W Endela, quæ cirris faciem circumdata pulchris,
V Vendela, quæ roseis stas speciosa genis,
V Vendela, quæ recto libras tua corpora gressu,
Qualis iit sociis Deianira procis;
V Vendela, quæ niveas abscondis veste mamillas,
Et timidâ gaudes virginitate frui;
V Vendela, quam gratis generosa modestia pingit
Moribus, at gratam plus facit ipse pudor:
Cur Drusi fossas habitas pugnacis & urbem,
Mœniaque armatis sanguinolenta viris?
Nil tibi cum Mavorte rei est, telisque tubisque.
Arma gerant alii, V Vendela, semper ama.
Vultus, amor, vestis, fluidi per colla capilli,
Omnia sunt Veneris lusibus apta magis.
In Batarvis habita. disces tunc V Vendela amari.
Hæc Venus & Veneris possidet arva puer.
Ne Druso placuisse velis. amplectere Phœbum,
Et te Leucothoën mox volet esse suam.

In insignia

IOH. SCOTI TARVISET,

Cancellariæ Scotiæ Directoris, salinis
insculpta.

Qui procul Arctœas bellator vergit in oras,
In tenebris modico lumine Scotus agit.
Parrhasiamque videt longis sub noctibus Vrsam,
Et procul à Phœbo solstitiisque jacet.

Hos

Hos inter populos, illustris Scote, resulges
 Totque faces inter Cynthius ipse micas.
 Discutis ingenio tenebras. nomenque solumque
 Irradiat fama lux veneranda tue.
 Publica si loqueris, luces ceu Cynthia regno.
 Si privata, tuum Scotia sidus amat.
 Si vatum decus & Musarum sacra laborant,
 Pierios vates Pieridasque foves.
 Annulus es, gelidumque tuis virtutibus axem
 Percutis, & duro sub Iove gemma nites.
 Quosque jacet radios adamas, sunt fulgura recti.
 Ingeniique, senex, fulgida signa tui.
 Hac jam cuncta tuis splendent insculpta salinis.
 Meque jubent Borei plus meminisse soli.
 Das Lunam mihi, das stellas. insignia gentis.
 Num dare quid majus Iuppiter ipse queat.

In librum epistolarum Clarissimi Viri
 REINERI NEUVHSII,

Reſtoris Scholæ Alcmarianae.

Magne vir & Frisiis nuper celeberrime terris,
 Cujus Apollineum Musa luceſſit ebur,
 Qui Cirrhami colis & plena Permeſſide Belgas
 Proluſis & toto das Helicone frui:
 Mutasti cum gente ſolum, cum ſidere terras,
 Et propior Batavis viſ habitare meis.
 Ingenio, quod dulce tibi eſt, non una voluptas
 Sufficit, & latè mentis arena patet.
 Iam tenera reſtor moderaris ſrena juventa,
 Barbariesque tuo diſcit ab ore loqui.
 Auspice te prætecta ſapit, geſtitque renaſci
 Almerius veſtra ſedulitate puer.
 Iam ſua, Neuhuſi, pandunt tibi templa Camæna.
 Et Clariis vates cingeris ordinibus.

Iam, quàm blanda suo Pylades perscribat Oresti,
 Pirithousque suum Thesea scriptor amet,
 Voce simul calamoque doces. stat littera testis
 Federis & fidei pandit operta sua.
 Te duce felices animis sociantur amici,
 Quosque locus dirimit, jungit amantis amor.
 Te duce facundi permutant verba sodales,
 Dissimilisque licet dextera, sentit idem.
 Debet amor tibi & indomita cultura juventa,
 Debet inoffensam magnis Apollo chelyn.
 Audiat hoc Batavius, Batavoque hoc dicat: Athenas
 Atque aliam Almeriis surgere Phocin aquis.

Ad

ARCEN HEEMSTEDIAM,

cum prandio excepisset Serenissimam
 Augustissimamque Reginam,

MARIAM de MEDICIS.

Splendida quæ mediis Heemstedia surgis arenis,
 Iam titulo surgis splendidiore, Domus.
 Diverit Medicea tuis in turribus, & se
 Hic patitur genitrix suspicienda coli.
 Hospite pralustri frueris. dum regia conjux,
 Dum tua tot Regum limina mater adit.
 Quâ graditur, vadunt Cosmi. quâ cernis euntem,
 Austriacos illac conspicis ire Duces.
 Dic: mea rura placent Maria, sceptrisque suorum
 Fulgidæ Majestas se cupit esse minor.
 Quæ Batavas ivit nuper Regina per urbes,
 In Batavis mecum prandia sumit agris.
 Imperio quæ jussa dedit legesque potenti,
 Agricolam vultu respicit aqua meum.
 Hoc credam fecisse Iovem. cum Creta Tonanti,
 Et fesso villæ tot placuere Deo.

Ponite

Ponite mortales fastum. Dis proxima Princeps,
Hic numen potuit dissimulare suum.

IN PARNASSVM,

Ex Autumnii fructibus ingeniose congestum,
in secundis mensis Nobilissimi viri

IACOBI CATSII,

studio sagacissimæ matronæ

CORNELIÆ HAVIÆ.

Adspecte nascentes mensis genialibus hortos,
Adspice in Arctoo totum Heliconæ solo.
Græcia Parnassum Græcis mentitur in oris.
Parnassum in Batavis Havia docta facit.
Græcia Parnassum monstravit vatibus olim.
Havia Parnassum conficit una mihi.
Eminet in mediâ generosa paropside laurus,
Et surgunt gradibus poma nucesque suis.
Pruna rubent & corna aliis pendentia ramis.
Turgent appositis Persica mala locis.
Berberis & costis felix vindemia botris
Cernitur, & vultu discolor uva suo.
Qua variis ornant florum redimicula sertis,
Carptaque prudenti permeat herba manu.
In Tenedo vivat Phœbus. nunc altera Pallas
Nascitur & mensis gaudia rara parat.
Hic ubi Dædelius lepidus cum vate Senator
Prandet & innocuos fert sine bile jocos.
Hic ubi, cum Boio, pulchris Barleus inerrat
Matribus & vidui conditione dolet.
Inter Dædelidem medius Boiæque locatus,
Ceu geminas inter magnas Apollo Deas.
Tum tacitus dixi mecum: hæc sunt altera Tempe.
Hic cuperem dentes sæpè locare meos.

Hic alix Aonides habitant, hic alter Apollo est,
 Hic Musas explet Dadelis una novem.
 Grajus amat versus. noster Parnassus apricis
 Fructibus Autumni fercula plenus habet.
 Carmina sunt risus lepidi, ludique salesque
 Basiaque & tacta, sed sine labe, genæ.
 Catfius hic aulas differt, Themidisque sacerdos
 Rostra, scholas doctor negligit ipse suas.
 Omnes Parnassum pariter per frustra voramus.
 Hic aliquid vallis, culminis alter edit.
 Omnes Parnassi natos in collibus, æquum est
 Parnassi saturos fructibus ire domum.

In prædium

I A C O B I van N E S,

Pictis, undique tabulis insigne, ad
 Spæram.

P Arva domus, speciosa domus, quæ cincta tabellis
 Delicias oculis ingeniosa facis;
 Quàm mihi grata tua præbent spectacula partes,
 Undique quàm vario picta colore nites.
 Cerno peregrinas nostro sub sidere terras,
 Tot loca Battarix dissociata mea.
 Hic gelidos Boreæ montes & inhospita regna,
 Saxaque Barlei non adeunda pede.
 Est ubi sublimi tollit se ponte viator,
 Difficilique suum tramite ducit equum.
 Est ubi tranquillis pauper piscator in undis,
 Retia, sed sola spe luculenta, trahit.
 Est ubi suspensò spoliū sit casse scolopax,
 Et tetrico Mærim Tityrus ore videt.
 Est ubi prata rudis pecori præludit Alexis,
 Et junctam lateri Phyllida Thyrsis amat.

Iamque

Iamque alibi ex altis descendunt montibus unda,
 Præcipitatque suas Suecia celsa trabes
 Tolle oculos, volitat volucrum genus omne per auras,
 Aeriaque sceat discolor ala vias.
 Hic ferus accipiter pedibus prædatur aduncis,
 Hic modulos iterat dulcis alauda suos.
 Passer amat. fringilla timet. se nuntia veris
 Exhibet & mediis nubibus acta strepit.
 Sparsa rates, virides monstrat vicina campos.
 Parte alia colles tollit arena suos.
 Tum dixi: Bæjis locus hic præluceat amœnis,
 Nec meliore jacet Thessala terra situ.
 Maxima sed pictus fecit ludibria bubo,
 Quem circum volitans plurima ridet avis.
 Sic sapiens, Nessi, populo ridetur ab omni.
 Sic vates vulgi fabula sæpè sumus.
 Sed cum Pallas amet vates ululasque, decorum est?
 Sic nos bubones plebs male sana putet.

I N

ARCEM PURMERENDANAM,

ad arcis ejusdem, urbis ac territorii
 Præfectum,

FREDERICVM RICCIUM.

HÆ sunt in Frisiis exstructæ sinibus arces.
 Hæ tuus illustris Kermæra limes erant.
 Barbaricas sensere faces Cimbrumque furores,
 Cum nostro Boreæ incumberet ira solo.
 Pulsavit geminum Tethys latus. inde Bamastra,
 Parte alia tumidis Purmæra fluxit aquis.
 Mutastii, Neptune, domos, & Nereæ circum
 Et madidos pepulit Vesta Dryasque Deos.
 Fecundis cinguntur agris tot cincta procellis
 Mœnia; quaque fuit pontus, arena viret.

Quisquis;

Quisquis saxa vides, veteris vestigia secli,
 Bellacesque Patrum suspice, Belga, manus.
 Tunc quoque pro patria stetimus, templisque focisque,
 Iustaque in adversos torsemus arma duces.
 Afferuisse suos, laus est non unius ævi,
 Libertas proavum non sine cade stetit.
 Turribus his habitas, Ricci placidissime, nec te
 Bella vel atroces hinc posuere tubæ,
 Sed vigil Astra & facies, ultorque malorum
 Ensis & audaci lanx metuenda reo.
 Scilicet humanis peccantem legibus urbem
 Instruis & populum vis tua iussa sequi.
 Et quam Nortmanna potuerunt perdere flammæ,
 Refituis decori jam, Frederice, suo.
 Dirue Barbaries Batavos irata penates.
 Hoc rectore domus redditur ista sibi.

In natalem Ducis Andegavenfis,
 LODOVICI GALLIARVM

Regis Filii secundo geniti.

I Nclita progenies & magnus nascitur infans.
 Adspicit heredem Gallia lata novum.
 Sequana Borbonios numerat; recturaque serò
 Lilia jam Dominis tuta duobus habet.
 Si Delphine cadis, stant salva in fratre corona,
 Si cadit hic, nondum Gallia regis eget.
 Sic fati lethique vices, Lodovice, coërces,
 Et Druidum gemino sidere fulget apex.
 Atrebates cessere tibi. devictaque nuper
 Moenia bellaci succubiere manu.
 Nunc angusta domus crescit. laurisque triumphans
 Regia nascentes sufficit alma Duces.
 In laudes Bellona tuas conspirat Amorque,
 Vnaque Marvortis gloria & una thori est.

Te

Te rectore ruunt urbes & regna. tuoque
 Belliger intrepido vincitur ense Tagus.
 Te genitore alios fundunt palatia reges,
 Nec sibi, quæ regnent, sceptrâ deesse volunt.
 Patris obis partes & digni Principis, & te
 Inter bellorum fulmina Cypris amat.
 Desine Gallorum terris instare, Philippe.
 Quem regina ducem parturit, hostis erit.
 Rex in te populos. at magna puerpera cunas
 Armât, & Atridas fulgida mater alit.
 Vive pater, patriisque tuos informet Iulos
 Artibus & tota religione Deus.
 Vive parens regina, & dum tibi regna parantur,
 Imperiis gignas fulcra verenda tuis.
 Vivite Borbonii fratres, tot crescite voitis,
 Et veteres post se quisque relinquat avos.
 Gallia quæ vobis cumulet præsagit, gestit
 Iam validò junctus federe Belga loqui.

In infelicem prisnò, mox felicem Leporum,
 circa prædium Barlæi, capturam.

V Enimus & laxis Leporem quasi vimus agris.
 Vidimus attentis gressibus ire canes.
 Edidimus miris strepitus barritibus, & qui
 Nusquam erat in campis, terruimus leporem.
 Calceus & multo caligæ mihi rore mædebant.
 Ocrea nam pedibus deerat Achiva meis.
 Ivimus in partes, divisaque turba latentem
 Quæsit, sed non repperit ægra feram.
 Hic tribulos, illic filicem pulsamus eundo,
 Et tamen è latebris noluit ire lepus.
 Quàm sapit hic, quam desipimus nos pone sequendò.
 Qui nullâ dominos nos regione præit.
 Fallimur. & dictis insunt mendacia verbis.
 Ecce fero leporem detinet ore canis.

Et

Et mox altera per campos fera capta molosso est,
 Et duplici spolio dens furiosus orat.
 Dicite iō vates, Batava gaudete Camxne,
 Barlaus leporem lentus amator habet.
 Qui Venerem lentè, citius te Cynthia sector,
 Tardigradusque domi, in gramine sum levipēs.
 Non possum viduam, possum venando tenere
 Quadrupedem. causa est, hic timet, illa timet.
 Dum timet hic, fugit & capitur. timet illa sequen-
 Iamque fatiscentem spernit iniqua virum. (tem,
 Ite procul vidua. lepus est captura pœta.
 Hac jacet antè meos victima grata pedes.
 Hanc sortem, Barlae, tibi debemus, & istas
 Schorcki delitias officiose facis.
 Ambobus Dryades benè dicite. numine vestro
 Ille mihi campos commodat, ille canes.

In reditum Amplissimi viri

D. GVILIELMI BORELII,

Domini in Duynebeecke, postquam le-
 gatione apud Suecorum Reginam
 defunctus esset.

I Am satis Arctoæ remoratus finibus ora,
 Iunxisti Batavis sceptrā Ducesque tuīs.
 Audiit unanimis Belgæ Christina labores,
 Et tua Parrhasium verba notavit ebur.
 Dixisti patriæ causam & bellacis Iberi
 Robora, & à tacitis hostibus esse metum.
 Libera debent cunctis commercia terris,
 Nec pelagi proprias regibus esse vias.
 Quam Sueoni se Belgæ probet, quam consonet Arcto
 Auster & alternis mercibus annus eat.
 Tethyos & Vesta pro libertate stetit,
 Et tua vox populi publica suada fuit.

Obst.

Obstupuit regina poli, Scritofinnus amavit,
 Lappioque his nequii vocibus esse ferox.
 Ensiser Orion strictum tibi condidit ensen,
 Et certam pugnam Vrsa sponondit opem.
 Gustavi se terra tibi devorvit & aquor,
 Tutaque non uno Belgica rege manet.
 Auriacis secuta domi gens vincimus armis,
 Inviotosque foris purpura crebra facit.
 Maxime Boreli, tua quid facundia possit,
 Discimus, & sceptris, te praeunte, loqui.
 Nestore te, sacra solvit se lute Visurgis,
 Bremaque pacatum coepit habere Ducem.
 Nunc etiam Gothica repetunt sua federa rupes,
 Et tibi quod longè debeat, Arctos habet.
 Quod facimus, suasisse tuum est. legatus ad axem
 Eloquio fulcis arma Ducesque tuo.
 Sic stamus Batavi. nam quod non perficit ensis,
 Aut fera Mavortis dextera, lingua facit.

IN OBITVM

Nobilissimi praestantissimique Iuvenis,
 HENRICI PLOOSII
 ab Aemstel, in Galliis peracerba suis mor-
 te extincti.

Gallia, qua nostris univis foedere terris,
 Et Batavo validam porrigis una manum,
 Qua bellum commune geris, fortisque Philippi
 Arces à sociis arma minasque tuis;
 Cur immansuetæ Belgarum in pignora Parca,
 Inque tuo sevit trux Libitina solo?
 Cur rapis heroum sobolem & surgentia nobis
 Sidera, Battavia fulcra futura mea?
 Amstelæ stirpis juvenem cur invida tollis,
 Et cupis his fatis illachrymasse patrem?

Fæde-

Foederis hac pars est, tantos servasse nepotes,
 Et patria dignas asseruisse domos.
 Peccasti. luctum genitor vix decoquit. ipsa
 Quod de te genitrix mæsta queratur, habet.
 Hac tamen, hac magnis præbe solatia damnis,
 Et facili erimen, Gallia, solve modo.
 Si Pietas augusta tibi delubra recludit,
 Hac pia defuncti corpora sede loca.
 Si templum Probitatis habes, hoc fornice bustum
 Virtutis referat præmia iusta sua.
 Si sacros referat fulgens Astra recessus,
 Hac quoque sint illo limina clara rogo.
 Si placidas aperit generosa Modestia portas,
 Hic generosa, precor, molliter ossa cubent.
 Si spes, si pandit superis Sors lata penates,
 Æde sub hac cineres Spes bona, Sorsque colant.
 Aut si quis habitat, Pallas tibi condidit arces,
 Non aliis claudi nobilis urna potest.
 Omnibus his condi meruit penetralibus, in quo
 Certatim iuncta tot viguere Dea.
 Sic, Ploosi, tibi fata favent, virtutibus ut jam
 Exstinctis etiam congrua reddat humus.

Ad Amplissimum, humanissimumque
 Virum

D. IOHANNEM LOTVM,

cum me prædio suo in Bamestræ agro
 excepisset.

P Radia felici Boreali sidere Loti
 Pressimus & facili rura beata pede.
 Hic ubi cum madida mutavit Naiade sedes
 Faunus & excussis siccus inerrat aquis.
 Stant turres surguntque domus, ubi navita nuper
 Veliferâ potuit puppibus ire viâ.

Quadrup-

Quadrupedesque solum quatiant currusque rotaque
 Grandis ubi quondam piscibus aula fuit.
 Naturam domuit labor, atque industria terras.
 Fecit & aggeribus iuxta tuta suis.
 Panduntur pulchri spaciis inmanibus horti,
 Celsaque secundus culmina cingit ager.
 Arboribus suus ordo placet. silvaeque recessus
 Et Mysis praebeant otia grata meis.
 Ipsa Pales circum pecori vacat. assidet agnis
 Testhyllis & patulo sub Iove mulget oves.
 Fraga rubent, pendet ramis Pomona recurvis,
 Et damnata Samo dant mihi ferula fabae.
 Hinnit equus, custos Roma strepit anser in herbis,
 Et matutine tot modulantur aves.
 Est canibus statio. pendent cassesque deliquae
 Retiaque & miseris tela parata feris.
 Iupiter hic sociam vellet Iunone vagari.
 Hic juvenis Daphnen optet Apollo suam.
 Pyramus & Thisbe cuperent hic vivere tectis,
 Contiguasque velint hic habitare domos.
 Omnia, Lote, tibi dedit indulgentia coeli,
 Et tua nunc inter rura beatus agis,
 Hac discis debere Deo. sine numine tellus
 Horret & aetherea fertilitatis eget.
 Quid loquor? una deest & blanda penatibus uxor.
 Quam miserum in vidua dicere jura domo.
 Turtur habet sociam. ludit cum passere passer.
 Et sua magnanimus gaudia gallus habet.
 Vltimum vitis amat. pisces sine lite maritant.
 Flexibilisque hederæ brachia jungit amor.
 Quæ tuæ sunt, passim præeunt. spectantur ubique
 Oscula. num Dominum fas erit illa sequi?

I T E R

Per Trajectinos, Batavorum Insulam &
Sicambros.

Vix roseos terris Titan patefecerat ortus,
Sidereisque dies truserat alma faces;
Et portis effusa frequens cum Phyllide Thyr sis,
Lanigeras post se mane trahebat oves:
Cum thalamis excita suis insignis Aleida
Surgeret & socio vate pararet iter.
Ivimus. at duce Niendalio, cui pulchrior uxor
Sollicito tenerum ventre ferebat onus.
Sic geminum par præcípites vexere quadriga,
Et quadrupes frenis mollibus iuit equus.
Linquimus à tergo portas murosque domosque,
Et patulis latè panditur orbis agris.
Adspicimus rutilo radiantem lumine Solem,
Quodque serenato fundit ab axe iubar.
Et totum immenso suspensum fornice mundum,
Et nitidum pulsâ nube patere diem.
Undique frondifera volucres ex arbore, nostris
Vocibus argutis accinuere sonis.
Et viduos spectans viduatus compare turtur,
Visus erat tantis plus gemuisse malis;
Et vatis pro sorte loqui. Pomona Ceresque.
Et vario stabat picta colore Pales.
Mollia pendebant tenerâ lanugine mala,
Prunaque vicinis nos tetigere comis.
Quin celeri decerpta manu nux obvia risum.
Movit, Alethæ ludicra furtiva mea.
Sapè mihi visa est ramis suspendier aliis,
Dum spoliū rapidis præripit ipsa rotis.
Sapè manus fallens errorem objecit Amyntæ,
Dum quæ captabat, noluit ille capi.

Turge-

Turgebant foeti donis Cerealibus agri,
Et matura, Deum munere, messis erat.
Hic Corydon, hic Dametas, hic fessus Alexis
In tumulos segetem disposuere suos.
Non operi Galatea suo, non defuit Ægle,
Que regeret currus, visa Neera fuit.
Vidimus hac, letoque viam sermone locavi.
Nunc hac, nunc lepidos miscuit ille sales.
Queis super effusis passim strepuere cachinnis
Compita, & attentos fabula fecit equos.
Interea se Lecca mihi placidissimus offert,
Et facili fessas transvehit amne rotas.
Mutamus cum gente solum, Batavumque rotamur
Sedibus & terris, Bato vetuste, tuis.
Quas Vahalis Rhenuisque pater bellator oberrat,
Et quondam Latii tot tenuere duces.
Vidimus antiquas bellacia mœnia turres,
Visaque semoto Principe, Bura fuit,
Auriacique domus, domini que habitata superbis
Oppida, majorum fulgida imaginibus.
Hic bona per fraudem sellis constringitur arctis,
Et similis capta risit Aleida dolum.
Hic tota vix pisciculus restabat in urbe,
Prandia qui faceret delitiasque mihi.
Iamque dies celfo se subducebat Olympo,
Cum subii portas, Martia Tiela, tuas.
Hic tabulas dum forte meas contemplor & urbem,
Atque oculos per tot non mihi visa fero,
Advolat extemplo miles, cingitque legentem,
Suspectumque mala proditiōis habet.
Risimus, Auriacoque orsus pro principe fari,
Laudavi patriæ prospera fata mea.
Et Tiela procures & amici nomina Vighi.
Totaque in Hispani ferbuit ira caput.
Evassi, liberque omni custode recessi,
Et tantas Bacchi diluit unda vices.

Mox dum cœna levis nobis mensæque parantur,
 Adfuit è medica vir quoque gente bonus.
 Qui propius pulchra se jungere cœpit Aleida,
 Utque viri mos est, molliæ verba loqui.
 Sed matutino rapti per Geldrici curru
 Iugera, disperiit vix benè cœptus amor.
 Dum per rura vehor, (credas) terrorque pavorque
 Nec vanus circum me metus hostis erat.
 Sed risere metum comites, timidoque pœta
 Illusit lepidis suavis Aleida jocus.
 Urbs jacet ad Vaholim, priscis celebrata Salinis,
 Illa juventutis printa magistra mea.
 Qua patrius servans cineres & busta meorum,
 Immemorem nunquam me sinit esse sui.
 Iuimus hæc, notamque mihi per agra iuimus urbem,
 Et loca Cantabricum nescia ferre jugum.
 Trajicimus Vaholim reduces Leccamque, per agros
 Currimus, & totum mente tenemus iter.
 Oscula quàm memini; (non sustulit oscula ventus) -
 Singula stant animo nunc inarata meo.
 Quàm memini voces (nec enim nocuere quadrigæ)
 Quas mea mellifluo fudit ab ore Chloë. (tram.
 Quàm memini tactam sine vi; sine crimine dext-
 Quàm memini tactas, sed sine labe, genas.
 Illa Niendali tibi gaudia debeo. testis
 Sera licet nostra sit mea Musa via.
 Quicquid diximus unanimes, & fecimus omnes,
 Tandem etiam, vatem commemorasse, iuvet.

Gratiarum actio ad Nobilem Dominam
 IOHANNAM a ZYPESTEYN,
 Nobilissimi Viri,
 IOANNIS LEDENBERGII,
 conjugem, pro missis pyris.

Sic vatem vatumque melos, Iohanna, mereris.
 Et tua dum mittis munera, nostra refers.
 Quæ tua sunt, Bataris aliquis decerpit in hortis.
 Quæ mea, sunt Clario carmina nata solo.
 Tu pyra, Pomona faciles das, optima, fructus.
 Nostibi, quæ facilis lussit Apollo, damus.
 Permutamus opes gemini. quas parturit æther,
 Quasque suo fundit Calliopea sinu.
 His donis oculos, his donis pascere gustum
 Dulce fuit. vestris gratia tanta pyris.
 Ut tetigi, risere genæ. dentesque manusque
 In pyra mox vires exacuere suas.
 Cedite, dicebam, Paridis feralia dona.
 Scilicet hæc liis causa fuere malæ.
 Hæc pyra amicitia sunt symbola. cedit, dixi,
 Quæ remorata tuos sunt, Atalanta, pedes.
 Non opus hic celeri (nec enim sunt aurea) cursu.
 Quæ mihi largiris munera, morsâ placent.
 Digna Ledenbergi conjunx, si vivere pulchrum est,
 Post obitum missis vive, Iohanna, pyris.

In mare clausum Cl. viri,
 IOANNIS SELDENI.

Non littus, Tamesine, tuum est. non pontus &
 æther.
 Hoc superum gestit munere quisque frui.
 Nulli di visas pariter calcamus arenas.
 Publica nec Dominis subditur ætæ suis.

Non

Non solis patet Oce ini fortuna Britannis.

Nec generos Tethys hos sibi sola velit.

Per freta, per Scythicas, sine legibus, ivimus undas.

Herculeæque parent, & patuere vix.

Imus in Ægeas nullo remorante procellas.

Et Siculum radit nostra carina latus.

Per mare nos alio positos sub sidere vidit

Indus, & Occidua barbara terra plagæ.

Tot populos domus una capit. distincta culina est.

Commoda nec vitæ qualibet unus habet.

Hæc ratis urget iter. quarit longinqua viarum.

Navigat, in fluctus imperiosa, fames.

Cur prohibes, Seldene? cupis, quæ pessima res est,

Tot populos dura sorte perire domi?

Aliud.

L ELLa fuit cunctis Seldeni pagina Divis,

Et Superi chartis obstupere novis.

Quis, Neptunus ait, nostro dare jura profundo

Audeat, & regnis ponere claustra meis.

Oceani mihi sorte datus. sunt cetera fratrum.

Hic titulo solus liberiore color.

Assensit Cithærea seni. nam fluctibus orta,

Non passa est Tamesi subdere colla Deum.

Mnemosyne veterum tabulas & scripta revolvens,

Hæc, ait, intactas esse, redisse rates.

Phœbus, ut audaces Carolo fuisse poëtas

Audit, imminuit vatibus ipse fidem.

Tū Themis. omne patet, me iudice, gentibus æquor,

Inquit, & hæc nostri lex veneranda fori.

Ultimus intonuit stridentis Mars horridus armis,

Et superos inter talia dicta dedit:

Non terrent Batavos chartæ. non æquora voces,

Non vitreas teneat pagina scripta Deas.

Inveniet gens ista vim. qua flectere vela

Charta vetat, clausas ira recludet aquas.

Ad

Ad Clarissimum Virum,
D. THEOD. SCHREVELIVM,

Cum Gymnasii Lugdunensis modera-
mine se abdicasset.

C Vi toties musæ, toties recitatus Apollo est,
Et trivii numerat plurima lustra labor.
Lata senectuti facis otia. displicet audax
Efferaque indomita turba furorque Scholæ.
Solvis anhelantem, Schreveli doctæ, caballum,
Ilia nē ducat fractaque membra senex.
Palladis ad postem ferulas suspendis & iras,
Sceptraque supplicii jam saturata suis.
Cessant terribiles, juvenum suspiria, virga;
Iurgiaque in trepidos præcipitata reos.
Gaudet Grammaticis dudum constricta catenis
Barbaries, melius te duce docta loqui.
Exulat è Bataviam fœda ignorantia portis,
Doctrinæque tuo lumine fulget apex.
Curia, templa, lares sapiunt, aulaque potentum,
Castraque Romanis vocibus arma gerunt.
Discipulos patria omnis habet. per rura, per urbes
Doctorum per te spargitur ampla seges.
Qua graderis, documenta tui fructumque laboris
Adspicias, & cura publica signa tue.
Dux tuus est, Consul tuus est, grandisque Senator,
A te, quæ loquitur, verba professor habet.
Cunctorum pater es, & pulch. i doctior honesti.
Totam se probitis devovet ipsa tibi.
Desine, chare senex, fragilem lassare senectam.
Canities placidos impetret ægra dies.
Hactenus assiduum voluisti per vigil orbem,
Perque graves abiit vita rotata vices.
Siste gradum. & quæ se mansuevit Sparsa fluentis
Explicat, exacta stet tibi meta via.

Hic veteres inter solatia quas propinquos.

Hic modulis Orpheus tempora falle novis.

Aut per vicinæ spatiare umbracula silvæ,

Et quid agat Corydon, quid Galatea, nota.

Talis, ubi patrias Chiron impleverat urbes

Artibus, ad lusus Thessala terra fuit.

Ausoniusque sui formator Casæ is, otî

Imposuit studiis gaudia sera suis.

Emerito, pater Leida, fave. quod docta vocaris,

Huic etiam debes, Vrbs veneranda, viro.

Egregiis totam struxisse penatibus urbem,

Res levis est. urbes qui docet, ille facit.

Ad Nobilissimum Virum,

D. TILEMAN. STELLAM,

B. de M O U R I M O N T.

S Tella, procul posito, precor, exoriaris amico.

Stella, patrociniû fix inopina mei.

Stella, Ducis magni quem Purpura diligit, ô si,

Stella, trahar post te, luminis umbra tui.

Stella salutaris Phœbo Musisque mihique,

Sapè tuo nobis fidere, Stèlla, fave.

Saturnique fuga radios, Veneremque Iovemque,

Et Druidum faciles effice, Stella, Deos.

Muneris hoc Stèlla est, sic arrisisse Camænis ;

Et placidos vati seposuisse dies.

Stella, decus nostrum, (quid enim, nisi vota, sper-

Perge mihi vestros conciliare Duces. (sunt ?

Et medias Regum vatem rape, Stèlla, per aulas,

Absentemque tuis laudibus effer humo.

Nil sumus. hoc forsan, quod dicimur esse pœta ;

Si sumus, hac cupiam lege placere tibi.

Sapè meos venit ad modulos, Rex, purpura, mitra,

Sapè meam feriunt nomina tanta chelyn.

Hoc

Hoc iuvat, angustis titulis attollere fastum
Carminis, & Reges ire per & superos.
Et patriæ jam bella loqui. jam subruta ferro
Oppida, jam medio carbasa victa mari.
Iam mea facundis transmitto carmina Gallis.
Et male nata domi, perlegit Aula foris.
Non mihi vel Rhæni latites, Vahalisque vel Ta,
Aut satis ad Musas est mea terra meas.
Exul abit vatis furor, & longinqua pererro.
Imbibit hoc pronis Sequana carmen aquis.
Et Stellas audax adit, & compellat amicè,
Et Domino Stellas querit & astra suo.
Invenisse mihi fingam. dum, Stella, reforges,
Crede, tuo potero gratior esse Iovi.
Annue Stella. juvet vestra me gratia lingue.
Et tibi quem sentis, fac bene velle mihi.
Maxime vir, viden' ut se laxet libera vatis
Pieris, officiis garrula facta tuis?
Nil moror, affari fas est, quem vidimus olim.
Prandia cum multis disperiere jocis.
Cum meus ad lectas epulas Vicfortius ambos
Posceret, & lato tingeret ora mero.
Ex illo mediis vultus hæsere medullis.
Accensaque morâ plus valere faces.
Quàm memini, cum bella mihi Sueonaque referres.
Cassaque Teutonico castra ducesque sile.
Gustavumque patrem & bellaciæ præliæ Finni.
Et fusas alibi Caesaris esse manus.
Quàm memini, cum doctorum rapereris in orbem.
Iudicio signans scripta virosque tuo.
Tunc etiam lusus nostros & amena probabas
Otia, & heroum, quod modulamur, epos.
Excitat hæc faciles rursus fiducia Musas.
Et totum Stella me tibi tradit amor.
Dic, manda, mihi, Stella, jube, fecisse, quod optes,
Fortuna fuerit sors satis ampla mea.

*Nunc tibi praludunt elegi. mox impete raptus
Ingenio pandam totum Heliconæ tuo.*

I N N V P T I A S

Amplissimi Viri

IOHAN. WTENBOGARDI,

Quæstoris, &

LVCRETIAE van HOORN.

Qui Batauo, Quæstor, numeras stipendia Mar-
Et bellatrices erigis ære manus; (ti,
Publica qui loculis implet æraria nostris,
Et sortem usura pauperiore iuvas;
Nunc aliud tibi, quod numeres, cum matre Cupido
Imperat & thalami debita poscit Amor.
Basia jam numeras, & Sponsa cum basia centum
Fixeris, hæc centum non satis esse puta.
Basia sed centum ter centum millibus auge,
Et tunc illorum plus superesse velis.
Mox totidem amplexus numeris tot millibus adde,
Et totidem Paphis lusibus adde jocos.
Adde Cupidineas inter tot basia voces.
Sic voti crescet Summa benigna tui.
Quam das usuram populis, tibi redde. tuoque
Usuram, Quæstor provide, quære thoro.
Posteritas usura tua est. cum conjuge fors es.
His quæ nascentur pignora, fœnus habe.
Quàm melior quæstura thori est. res vilior, aurum.
Nil moror argento serinia fœta suo.
Nil hortos; Luculle tuos, nil jugera Crassi,
Aut quas congeffit rex sibi Cræsus opes.
Basia, quæ dignos gignunt fecunda nepotes,
Basia, nec noctu nec numeranda die,
Basia & amplexus & dulcia murmura amantum,
Attale, divitiis sunt potiora tuis.

Horum

*Horum cum Questor jam sis Bogarde bonorum,
 Ne cupias summi Consulis esse loco.
 Nec tibi Pratura placeant. una omnia Sponso
 Cypris erit, blandis officiosa jocus.
 Sic Quæstura duplex tibi contigit. una laboris,
 Vna Cupidinei dulce furoris opus.*

In Poëmata

LAVRENTII NIENDALII,

Iurisconsulti & Poëtæ.

Quam leve rancidulis nitidas conspergere ch-
*Verfibus, & vatis nomine vana loqui. (tas
 Quam leve, Pieriæ genti debere cachinnum,
 Et nugas seculo deteriore legi.
 En, vates turbam facimus, strepimusque frequentes.
 Ipse sui Phœbus prada futura chori est,
 Iamque poëtarum Parnassus mole laborat,
 Castaliosque bibit turba profana lacus.
 Dôcte Niendali, appropera. & meliore Camœna;
 Hinc procul ignarum carminis agmen age.
 Et vulgus rancum & streperas sine lege cicadas
 Pelle & Apollineis castra molesta scholis.
 Ordiris plus dulce melos. patriamque serenis
 Vocibus & Latio jam facis ore loqui.
 Post Themidem Musas repetis. post jura furores,
 Causidicusque tuis ingeniosa canis.
 Præstat Cirrha foro. præstant hæliiibus artes,
 Mitior est querulo carminis aura reo.
 Nos nobis iudexque sumus legesque forumque.
 Arbitrio vates vivit agitque suo.
 Nos nobis rubrica sumus, decreta, Senatus.
 Nil juris nostra in carmina Casar habet.
 Cogitur in nostras Princeps cum Casare leges.
 Et faciunt nobis nomina tanta pedem.*

*Hæc quoque cum possis, facias, peragasque poëta,
Dic, Themidis titulis, hunc placuisse magis.*

In domum

ANATOMICAM,

quæ Amstelodami visitur.

Viderat excelsas in se pater *Amstela* turres
Surgere & ingenti templâ dicata Deo.
Viderat immensum dispargi vela per orbem.
Et portus ratibus tot patuisse suis.
Tot pandos naturæ opibus turgere penates,
Quas Oriens vel quas Vespera dives alit.
Viderat hic tragicis aptari testâ cothurnis,
Et nova diverso pulpita vate loqui
Viderat omnigenas librari pondere merces,
Officiisque aptas talibus esse domos.
Armaque disponi spatiis *Mavortia* magnis,
Arma, quibus duri frangitur ira *Tagi*.
Cum sic sospes ait: minus est, quod fecimus urbi,
Nec decor ad laudem sufficit iste meam.
Erige funereos præstans *Respublica* circos,
Erige, quos habiet trux *Libitina*, lîres.
Vivimus incolumes alibi: hæc penetrat lux mortis
Condimus, hæc raptis pellibus aula riget.
Cernimus hic a vidi, quicquid sumus intus, & illa,
Quæ latet, in media fabrica luce patet.
Hæc anima locus, hæc mentis veneranda taberna est,
Hæc minor occultum capsula numen habet.
Quod fuimus, non jam sumus. En, defloruit ævum.
Et lacer extincto lumine sordet homo.
Adspicite hæc cives & dicite *Fascibus*: hic vos
Posse modos mortis discere, nolle mori.

In Librum

DANIELIS MOSTARTII,

Amstelodamensium Reip. à secretis,
de scribenda Epistola.

Scribite vulgares animæ. tunc scribitur aptè,
Cum genio loquitur litera quæque suo.
Decurrit gravibus regalis epistola dictis,
Et tetrica dictant verba se vera togæ.
Acer honoratum sermo compellat Achillem.
Acrius ad Phrygi um scribit Elisa ducem.
Milius Oenone Paridem formosa salutat.
Mirius Ægidem Cressa puella suum.
Intererit multum, Davusne loquatur, an ipse
In tabulis duro litiget ore senex.
Purpura grandiloqua est, lenis prætextæ, se verus
Miles, amans facilis, vir gravis, æqua parens.
Vt difformis honos, sic dispar forma decori est.
Atque aliis scribi vocibus illa cupit.
Hæc populos, Mostarde, doces. hæc, optime scriptor.
In mediis præstans Amstela discit aquis.
Scripsimus ad normam pueri. te præside vocum
Discimus exactâ scribere lege viri.

Ad Nobilissimum Virum

CHRISTIANVM MOLLIVM,

de Feudis aliquoties cum laude
disputantem.

Nuper in Advaticis, Molli doctissime, campis,
Victrices Batavum tot sonuere tube,
Cum puer Auriacus grandævus sterneret hostes,
Captivasque Duci signa dedere manus.

Tu (si bella licet Themidis conferre cruentis)
 Bella geris studiis non aliena tuis.
 Lis pro Iure tibi est. pugnax sit arena Lycaum.
 Et sua jam vernans arma luventa quatit.
 Omnis ab ingenio labor est, ratione triumphus.
 Et partes peragit lingua diserta suas.
 Non alio, Astra & miles, tua Feuda paratu
 Asseris & Gothico nomine victor ovas.
 Munera prisca Ducum Legum virtute tueris.
 Nosque reos spreta conditione facis.
 Dat Princeps, terrasque suis largitur & agros.
 At memores tanti nos cupit esse boni.
 Libertas quæ nostra fuit, donantis habetur.
 Et redit in Dominum gratia sola suum.
 Totaque posteritas fati innexa parentum,
 Non alia proavum præmia lege capit.
 Hæc, Molli, dum cuncta doces, pro Principe faris,
 Et tua magnorum pagina causa Ducum est.
 Imperet obstrictis Majestas gentibus. illud
 Grandius, Imperiis scribere jura Scholas.

Ad Nobilissimam Dominam

A N N A M T R E S L O N G,

Viduam, cum à me jussu Zulechemii
 & Hoofdii Muydam invitaretur.

A Nna veni, quò te vernans invitat Aprilis,
 Verque suum gestit fallere vere, tuo.
 Vere tui vultus & centum vere leporum,
 Quis magis innocuum nil habet ipsa Venus.
 Anna veni, summisque viris adsuesce vocari,
 Quos Zulechemus ager vel mea Muda colit.
 Ecce suis Helmannæ tuis arridet ocellis.
 Basioloque tuum lata coronat iter.

Ecce

Ecce tua Satrapæ miscetur dextera dextra,
 Teque salutiferi sideris instar habet.
 Occurrit Mariæ insolitis amplexibus Anna,
 Nec tamen hac utero, vel venit illa gravis.
 Occurrunt viduæ & captæ novitate loquendi,
 Negligit illa mihi, negligit ista loqui.
 Nil moror, assurgam geminis, venerabor utramque.
 Sufficiet digitis simbria tacta meis.
 Forsitan hæc nostras accendet simbria Musas.
 Et poteris per me nobilis Anna cani.
 Non virtutis eges, fame matrona litandum est.
 Quanta sies modico carmine Belga sciat.
 A te simplicitas mores, re vèrentiæ gestus,
 Temperiem Cypris, serix discit amor.
 Adpropera & tantis Mudam virtutibus imple.
 Tesselaque ad vestram fulgeat ipsa facem.
 Non petit hoc solus vates, sed fessa procellis,
 Miliior, ut venias, supplicat aura tibi.

In Laudem

I V B A L I S,

primi Musicorum instrumentorum
 inventoris.

Lætitiæ primæve dator, clarissime Iubal,
 Mellisfluum cuius fluxit ab ore melos,
 Cum tuæ tot rerum laudes vocalis arundo,
 Et summum caneret tibi docta Deum,
 Cum citharam digitis, cum pollice tensa ferires
 Barbita, cum numeris flaret a vena suis,
 Cum calamis distincta fuit tibi fistula, cum te
 Cymbala inauditis deinnuere sonis:
 Quam potuit bis vita tibi placuisse canendo,
 Et nimis atrati displicuisse dies.
 Quam tua per longas duxisti gaudia luces,
 Quam tibi nulla fuit noxque diesque gravis.

Sollicitæ quoties premerent præcordia curæ,
 Discussit curas fistula prima tuas.
 Et tua cum validæ torrerent viscera febres,
 Solamen tanti plectra fuere mali.
 Terruit iratam Lachesis lituusque tubæque,
 Velocesque chelys traxit amica dies.
 Ad cantus lususque tuos, ceu nescia fati,
 Mors stetit, & potuit dememinisse sui.
 Buccinæ vix nati cecinit cunabula mundi.
 Classica pacificis insonuere modis.
 Pecten, chorda, fides, nervi, modulique, lyræque
 Verticuli, ingenii sunt monumenta tui.
 Quæ pia posteritas quoties miramur, amantes
 Dicimus, hoc magni Iubalis audit opus.
 Ille dedit voces cannis linguamque salito,
 Et lepidum è buxi cortice finxit epos.
 Magne pater Iubale, tuæ præconia prolis
 Collige, & à sero præmia vate cape.
 Si tua nascenti placuerunt carmina mundo,
 Nostra fatiscenti sit placuisse satis.

In Hinnulum missum à

IOHANNE POLYANDRO
à KERCKHOVEN,

Heenvlietæ Domino, & Saltuum Hollan-
diæ Præfecto, &c.

Hinnule, qui Batavum silvis nutritæ, tot inter
 Diceris agrestes gloria prima feras:
 Hinnule, qui toties saltus emensus & undas,
 Liquisti celeres post tua terga Notos:
 Hinnule, qui rapidis subduxti crura molossis,
 Donec amatori viscina facta meo es:
 Iam Batavo præbes illustra fercula vati,
 Et spoliis nostris dentibus esse cupis.

Scilicet

Scilicet est sua nobilitas & stemma poëtis,
 Et genus ex alto nomina tanta trahunt.
 Nos genio studiisque Deum contingimus Aulas,
 Et genitor Phœbus fingitur esse mihi.
 Hinc epulas, hinc ferula Ducum, Polyandre, meremur.
 Et tuus hæc nobis vult tribuisse favor.
 Hinnule, convivis dissecite in frusta voraris,
 Qui viridi saliens gramine totus eras.
 Hinnule, nos multo peraratas sumine costas
 Vidimus in mensis ordine stare meis.
 Hinnule, nos lauros costis infiximus illis.
 Hæc decora, hæc vatis signa fuere tui.
 Hinnule, te Satrapa, te discerpsere poëta.
 Te meus insontem dilaceravit Eques.
 Hinnule, non hæc res odii est, sed testis amoris.
 Hoc facit ad laudes, hinnule cœte, tuas.
 Hinnule, qui propriis pedibus decurrere nescis,
 Iam discis pedibus currere posse meis.
 Hinnule, dic grates Domino. dic Hinnule, dentes
 Esse mihi cicures, nec minus esse feras.

Ad Amplissimum virum
 D. BARTHOL. MULLERIVM,
 Reip. Hamburgensis Senatorem.

A Ccipe laudatos cineres & funera magni
 Consulis, & scriptum post sua busta senem.
 Quos meruit nuper vivus, quos gessit honores,
 Post obitum poterunt jam quoque saxa loqui.
 Succedis, vir magne, seni. & cervicibus urbem
 Consiliisque levas publica vota tuis.
 Te cives patriæque vident tot lumina. certè
 Iudice me, tantis nasceris exequiis.
 Atque aliam vestris donant te Nestora terris
 Numina, in applausus officiosa tuos.

*Seu Batavos legatus adis, nostrique Senatus
 Et coram Auriaci Principis ora vides :
 Seu tua Stormarias fleat facundia gentes,
 Et volupe est cives demeruisse tibi.
 Fallor ? an extincto, quem dixi, Consule, spes est,
 Ut novus in Patriæ commoda consul eas ?
 Hac virtus tibi sternit iter. sic auguror absens.
 Hoc cupiant cives, hoc voluisse Dii.*

Ad Nobilissimum

D. IACOBVM CATSIVM,

cum suffitus mihi Lusitanicos misisset.

Non Arabum jam thura moror mensesque Sa-
 baeas,
 Ipsaque Panchaïcis balsama missa jugis.
 Nulla ab odoriferis veniant mihi dona Moluccis,
 Non recreor fumis dives lăva tuis.
 Catsius Hispanos plena mihi mittit odores
 Pyxide, & officii nomina scire cupit.
 Pastillosque Tagi & suffitus donat Iberum,
 Illecebrasque meis naribus arte facit.
 Iam vestis nidore placet, nidore capilli,
 Et viduo melius lectulus intus olet.
 Fumea delectant nentes hypocausta puellas,
 Et sub veste latens fit medicamen odor.
 Discutiunt foedas fragrantia ladana nubes.
 Illa potest segnes aura juvare viros.
 Quanta mihi mittis, Catsi, secreta Diones,
 Quam tibi nostra salus, quam tibi debet amor.
 Quam fumis me multa doces. nos vivere fumis,
 Et similes fumis ocyus ire dies.
 Fastum fumus alit, fumi ludibria luxum,
 Ventilat ancipites fumus & aura scholas.

Fumant

*Fumant magnificæ vanis suffitibus aula,
 Fumat dissidiis curia tota suis.
 In bellis fumant mixtis incendia flammis,
 Cunctaque fumigiis gloria pasta Ducum est.
 Nos etiam vates fumos divendimus orbi.
 Et cum carminibus res peritura sumus.
 Sic mihi dum fumi donas tot nomina, fumos
 Accipe pro fumis, magne poëta, tuis.*

Ad Ampliis, doctissimumque virum

D. SILVESTRUM
 TANCHELMANNVM,

Iudicem territorii Lingensis.

Q Vos mihi mensarum mittis, Sylvester, amoras,
 Accepit cupidis nostra culina focis.
*Sylvestres donas pecudes & cruda Cherusci
 Fercula, grunntu non metuenda suo.
 Das animal, sine mente placens, post funera solum
 Vitale, cui sumen pingue saburra facit.
 Das mihi, quæ cæsa junguntur fœdera, porcam.
 Scilicet hoc veteris religionis habet.
 Agnosco natale solum. pecus ilice pastum,
 Vestima VVestphalico quæ cadit ieta solo.
 Qualia Baotum rudibus pascuntur in agris,
 Qualia in Arcadicis clara fuere jugis.
 Qualia mandatis superum fastidit Apella,
 Qualia liberior praputiatu amat.
 Hæc mihi in hybernos servantur dona Decembres,
 Cum sua Saturnus festa Batavus aget.
 Tunc epulas lentis torrebimus ignibus istas,
 Gloria symposii sus erit una mei.
 Totus in hac acuet dentes animosior hospes.
 Estimulat famam cum mora longa famem.*

Sic

Sic fervere focos facit & tua perna lebetes,
 Et medias inter stat speciosa dapes.
 In perna latices, in perna vina Lyæus
 Laudat & in perne parte viator ovat.
 Nunc etiam vates. & dum mihi pernula fumat,
 Non sat cocta tibi carmina perna facit.

In observationes Medicas Clarissimi
 Viri

N I C O L A I T V L P I I :

Quam miseri morimur, Tulpi. quàm plurima
 nostri

In dominum pars est pernicioſa ſuum.
 Conſpirant dens, lingua, caput, cor, pulmo, cerebrum.
 Membraque jam tibi ſunt, jam maleſida mihi.
 Prodimur & tacitis jurant in funera cauſis
 Viſcera, in humanas officiſa neceſ.
 Nunc capitis fatale malum eſt; nunc gutturis arctas
 Claudit & obvallat longior uva vias.
 Turget venter aquis & cæcis fluctuat undis,
 Et vivus tumultum bajulat ipſe ſuum.
 Labimur exanimæ, membriſque ferocia creſcit,
 Convulſaſque rigat lurida ſpuma manus.
 Ut lapides ſumus ingenio, ſic fervida renum
 Temperies lapides ſaxaque dura fovet.
 Hac noſ ſcena manet. tantis tortoribus ægri
 Vivimus & querulo corpore vita dolet.
 Talia dum memoras doctis ſpectacula chartis,
 Pagina quæque mihi carnificina fuit.
 Ærumna facies crudique doloris arena.
 Et lachrymis undans flebilis urna ſuis.
 Hac, ſcriptor præclare, docent. eademque malorum
 Charta mali cauſas, crimina noſtra, notat.
 Peccamus luimusque ſimul. Venus improba morbos
 Parturit & rabies exitioſa gula eſt.

Ira

*Ira nocet sanis. vitalem suffocat ignem
 Luctus & excussa religione dolor.
 Que mala si cessent, possent cessare libelli,
 Morborumque ferax Ilias esse minor.
 Et tuus agrorum propeans ad limina curras,
 Attonitis posset stare quietus equis.*

IN PRÆDIUM
 IACOBI CATSII,

*Equitis, & Hollandiæ Ordd. Syndici,
 quod Hagam & Scëvelingam inter,
 in arenis conspicitur.*

I Am Batavus securus agit; dum turribus insons,
 Et sterilis vallis ludit arenâ suis.
*Mœnia conspiciamus, nullis metuenda Philippis.
 Tot fossæ, nullo bella movente, patent.
 Circum gleba riget spinisque exasperat arces,
 Quas viridi natas cespere fudit humus.
 Causus hic totos muris accommodat agros,
 Et campos speciem Martis habere facit.
 Mutantur planis sublimia, summa profundis,
 Miraturque suas terra subacta vices.
 Arida se liquidâ distinguit Naiade Vesta,
 Torridaque æternis jugera tingit aquis.
 Insertis pulchrè frondent arbusta salictis,
 Ordinibusque suis conspicienda virent.
 Hic piger acclivi glebâ decumbit Iacchus,
 Et medio tangi Solis ab igne cupit.
 Hic, ubi Pan timida lateat cum Phyllide fessus,
 Silva verecundis surgit opaca comis.
 Hic Italâm poterunt Baiæ Cumæque locari,
 Et meliora mihi fata Sibylla canet,
 Seu Schuurmanna volet fieri, seu Tessela vates.
 Seu cupiet Princeps carmen Eliza loqui.*

Scilicet

*Scilicet hæc Phœbi domus est. hæc Palladis arces.
 Hæc nova non unum mœnia numen habent.
 Claudunt innocuas hæc propugnacula Musas,
 Ne tersas violet barbara turba Deas.
 Arcentur Momi tribulis, & scommata pungit
 Vndique marginibus spina cruenta suis.
 Arcentur portis cura, livorque dolorque.
 Quisquis amans recti non eris, hostis eris.
 Vna Heliconæ refert, Parnassia culmina turris
 Altera, & has geminas adspicit Haga Pharos.
 Scandimus hos apices gradibus. qui celsior exit,
 Æquoreos propius monstrat adesse Deos,
 Et latè tot rura aperit, Superiūque penates
 Pandit & Auriacas culmina pulchra domos.
 Hæc quicūque vides solertis prædia Catsi,
 Et nondum fessi grande ligonis opus,
 Dic: Labor hæc fecit. similis jam Belgæ creanti est.
 Cum desunt terræ, fabricat ipse solum.*

In Theophrasti Herbarum Historiam à
 I O A N N E B O D Æ O
 à S T A P E L,

Medicinæ Doctore, luculentis notis
 illustratam.

Adspece Græcorum tabulas & prisca renasce
 Secula, natura parturientis opes.
 Cecropidum patuere scholæ, patuere recessus
 Dogmataque ingenii tot, Theophraste, tui.
 Hic herbas fruticesque suos vetus explicat Hellas.
 Pagina pulvillum qualibet ista facit.
 Quicquid in hoc felix genuit natura theatro,
 Singula stant spatii conspicienda suis.
 Ligera sunt chartæ; viridaria tota libelli,
 Area quæ mundi est laxior, arcta patet.

Mira

Mira loquar. durant isti sine solibus horti,
Non opus hic Zephyris, Æole blande, tuis,
Non arbuta rigant pluvie, confundimus anni
Tempora; quod carpas bruma vel ipsa dabit.
Nullum gleba facit, nullum discrimen arena.
Prostat in hoc nostro Gracia tota solo.
Distincti cœunt grandi discrimine fructus,
Germinaque adversis dissociata plagis.
Vna Arabum Cilicumque graves hic fascia messes
Colligit, una gerit gramina mille manus.
Vna domus, capit unus ager, qua dividit orbis,
Et mundi exiguo venditur ære labor.
Hoc sapiens Theophraste, tuum est. Bodæus honores
Addidit, & voces tersius ire facit;
Et longa mersum seculi caligine verum
Eruit, & vultu dat meliore legi.
Marcebant veteres herba; decesserat illis
Et vigor & forma gratia prisca sua.
Nunc melius fragrant, tanto sub vindice, plantæ,
Pulcrius, incultæ quæ jacuere, virent.
Balsama, thus, alios aloë diffundit odores,
Tollit inoffensum palma superba caput.
Quam prius ignavi zizania presserat ævi,
Invenit hic laudes, laurus amica suas.
Cauliculi, radix, calices, fibraque, striaque,
Omnia conspectu splendidiore placent.
In Dominum natura redit. cedrumque pcrennem
Conficit his ipsis officiosa notis.
Vt, quem non valuerit herba servare libantem,
Post obitum possint semina salva loqui.

I N D I A T R I B A M

Nobilissimi Viri D.

C O N S T A N T I N I H V G E N I I,

Equitis, Zulechemi Domini &c. de Organorum in Templis usu & abusu.

S I pia Seraphica modulantur carmina mentes,
 Excelsumque canit maximus ordo Deum:
 Si sua cœlorum series concentibus aptat
 Corpora & exactis incitat astra sonis;
 Regia si summum cecinerunt plectra Tonantem,
 Et Solyma modulis perstrepuere suis;
 Si mediis olim sonuerunt organa templis,
 Cum pietas pressum tolleret alma caput,
 Nec fureret Martis rabies in sacra Deumque,
 Otiaque asserta religionis erant;
 Cur nostro tetrici damnabimus organa seculo?
 Aut grave crediderim carmina sancta cani?
 Materies laudum Deus est, tot gloria rerum,
 Omnis in hunc hominum plausus & horror abit.
 Hunc natura stupet & vis & norma canendi.
 Plena suo nunquam numine lingua silet.
 Cur sileant digiti? cur non facundia vocis,
 Atque attentæ manus nobile pulset ebur?
 Dummodo mens digitis, digitus comes incubet arti,
 Et quæ sunt auris gaudia, sint animi.
 Constantine, Dei si nos Sapientia totos
 Condidit, hunc quævis inpero parte cani.

IN OBITVM

Nobilissimæ & eximix Dominæ,

ANNÆ IONCQVER S,

Conjugis Nobilissimi viri

DANIELIS SCHONCKII,

Poelgeestæ Minoris Domini.

*V*ix thalamos, Ioncquara, tuos & federa lecti
 Scripsimus, & patri vota benigna tue;
 En, vocor ad tumultum lachrymis, mæstosq; penates
 Ruptaque conjugii vincla fidemque queror.
 Excipit officium tenera Libitina Diones.
 Attonitusque tuo funere plorat Amor.
 Exstinctasque faces dolet eversamque pharetram,
 Et subito impatiens vulnere latus obit.
 Venisti ad Batavos conjunx, ut mater abires.
 Et moreris, titulo sed meliore parens.
 Ereptamque sibi te servat in obside Natâ
 Schonckius. hoc pignus possidet ille tui.
 Virtutesque tuas hac vellet prole renasci,
 Nec tibi dissimili posteritate frui.
 Cur Natura facis matres, ut perdere possis?
 Et cupis hanc, istâ conditione, mori?
 Cur socias par dilectum, & sejungis amantes?
 Copula cur nexu solvitur ipsa suo?
 Cur, Lucina, thoro facilis, jam facta noverca es?
 Cur tantis illam vis peperisse malis?
 Et fieri letam tristi mercede parentem?
 Gaudiaque ingenti prima dolore premi?
 Scilicet humanis defuncta puerpera curis,
 Spes alias vovit religiosa Deo.
 Et potuit sprevisse levis dispendia mundi,
 Quæque nimis volumus nos, voluisse minus.

Sic

Sic gignens, Christo genita est. partusque labores
 Finit, aeterna facta quietis amans.
 Dumque sui nusquam vultus atque ora mariti
 Conspicit, his discit posse carere bonis.
 Optima tot gemitus genitrix ignorat in astris.
 Nec speciem misere parturientis habet.
 Latior in vultu species divina renidet.
 Gaudiaque à summo Numine plena capit.
 Quam suus implicuit castis complexibus Albis,
 Flebile nunc nobis, Rhene, cadaver habes.
 Et nuptis tanta veneranda exempla marita
 Objicis & velles sic adamare tuas.
 Tu, Schoncki, tua damna doles. mihi divide luctum.
 Parte dolet, quisquis condoluisse potest.
 Destitui consorte, grave est. plus illud, amari
 A Superis, quam non semper amare queas.
 Sin oculis, hac ipsa geri, minus adspicis equis;
 Non alia est, homini quæ tibi scena patet.
 Insanum est, ipsi voces opponere cælo.
 Et tecum Pietas officiosa silet.
 Ne pete in amplexus, quam nunc amplectitur æther.
 Non tua dos, cæli est; mutua facta tibi.
 Quæ pia, quæ cunctis vixit peramabilis, illi
 Debuit in pacis sedibus esse locus.
 Maxime vir, solos non hic affligit Atridas
 Iste dolor. quæ nunc fors tua, nostra fuit.
 Ex aquo dolor ille nocet. sine compare possum
 Verba tibi à letis valde aliena loqui.
 Quos animos gerimus, libret Prudentia. fas est,
 Majores Fati casibus esse viros.

Ad Doctissimum Virum,

D. GVILIELMVM PISONEM,

III. Comititis Mauritiï Nassovii Archia-
trum, cum ex orbe Americano in
Europæum rediisset.

Sidera vidisti nostris non visa sub oris,
Pantagonumque truces, optime Piso, lares,
Barbaricasque domos crudique cubilia Martis,
Ludus ubi est, hominum dentibus esse hominem.
Suave fuit, gustasse graves dulcedine cannas,
Pisæque nominibus non aliena tuis.
Suave, tuas impleſſe novis concentibus aures,
Quos procul a Batavis discolor edit avis.
Et teigiſſe ſeras & caſtigata veneno
Corpora & Occidua monſtra ſtupenda plagæ.
Oſceſiſſe ſuo manantes cortice ſuccos,
Balsamæque effluviis luxuriſſa ſuis.
Nunc cunctos Patriæ reficis dulcedine ſenſus,
Et poſt longa abitus tempora, Belgæ rediſ.
Et mores cum cælo alios & miſe reſumis
Ingenium & veteris verba benigna ſoli.
Induiſ hic Batavum, crudelemque exuiſ Indum,
Et melior priſco ſub Iove civis agiſ.
Non hic nigra polo nubes, ſed ſtella reſulget.
Non hic thuribulum, ſed cynoſura micat.
Non Argo nunc viſa, nec implacabilis Hydrus,
Sed propius pronis cernitur Ursa rotis.
Adſpiciſ hic placidos cœleſti in Virgine vultus.
Forſan ut in terris Virgo placere velit.
Quique tibi tenſum Chiron ſurrexit in arcum,
Ex oculis longè nunc abiſ ille tuiſ:
Et blandæ te vult Veneris perferre ſagittas,
Et caſto domina delituiſſe ſinu.

Sig

Sic aliis astris regeris. tua flumina potas,
 Et patrium comedis lætior hospes olus.
 Quò trahimur Fatis homines. discernimur ipsis
 Orbibus, immensis dissociamur aquis.
 Hæc, illac, quâ terra patet, cum Sole vagamur,
 Nec spatium voti gleba pusilla capit.
 I, Piso, jam Piso redi. quem conscia recti
 Mens habet, & cui splen ridet, ubique domi est.

IN PICTURAM

Eximii Pictoris

IOAC. SANDRARTI,

qua Apostolorum in terras omnes
 abitionem exhibet.

Adspice Apostolicos vultus spectator & ora,
 Totque sacrosancto nomina sacra Deo.
 His potuit peccans famulis resipiscere mundus,
 His ducibus mores induit ille novos.
 Hi sunt, qui foeda merfas caligine terras,
 Nosque reos certa surripuere neci.
 Hi sunt, quos Stygii tremuere palatia Regis,
 Impietas quorum concidit icta sonis.
 Sal terra, lux isto hominum est, & buccina veri
 Plurima, & aetherea signa facesque vie.
 Agricolas, testesque vides, patresque piorum,
 Et celeres in tot nuntia lata pedes.
 En, abeunt missi per rura, per oppida. quisque
 Intrepidus Christi voce vocatus abit.
 Dant dextram dicuntque vale. mentemque Tonanti
 Quilibet & cælo pectora tacta volvet.
 Nil restat, nisi flagra, cruces, tormenta, secures.
 Sustinet hoc precio spes animosa loqui,
 Regnantumque minas populique opprobria spernunt.
 Et volupe est Christo sub duce cuncta pati.

*Si tabulam excellens Sandrarti dextera pinxit,
Si templis altè cernitur illa tuis,
Res levis est. illud majus : si Caesar & Orbis,
Quæ sacri vates nos docuere, velint.*

In Poëmata Cl. Viri

CORNELII BOII

Zelandi, Jurisconsulti.

Qui Leo Mattiacis medium se tollit in undis,
Emergens Patriæ priscæ figura fuit.
Nunc vatis nova forma sui est. qui primus in illis
Fluctibus è salsis dulcior exit aquis.
Attollitque caput clarusque emergit & ipsum.
Obruit Aoniis fontibus Oceanum.
Et tetricam absorbet Tethyn lenitque procellas;
Neptunoque facit mitia vota suo.
Barbaries sic mersa perit. lepor ille resurgit
Atticus & Latii carminis exstat apex.
Boius verba facit Batavoque à sidere robur.
Concipit & pergit nil nisi grande loqui.
Sed Fama ostentat Belgas & consecrat arvo
Bella Ducum & socio Principe scriptor ovat;
Sed thalamis miscet tumulos, funesta jerenis,
Iamque illum Veneres, jam Libitina vocant;
Sed Phœbum per sacra rapit Christumq; Deumque,
Nomina per terras relligiosa, sonat.
Carmen res non una facit. patet omne theitrum
Vatibus & passim, quod venerentur, habent..
Ipsa Themis tetricas Boyo mitescere leges
Imperat. absolvit Caesaris ira reos..
Indulget veniam miseris, faciliq; pœta
Vult faciles etiam dicere jura togas.
Femina cantatur, nec displicere modestæ,
Irruit in dōctos noster Apollo sinus.

Quique unam colit, has laudes unius amorì
 Devovet. & vati gratia nata domi est.
 Tu quoque te portasque tuas Zelandia debes,
 Magnaque gens isto surgis honore foris.
 Adspice, Mattiaci incipiunt videre Leones,
 Caudaque præconem mulcet amica suum.
 Et qua lingua truce[m] solita est irata cruorem
 Lambere, mansueto verberare lambit epos.

In Novam

P. VIRGILII MARONIS

Editionem, curante doctissimo viro

D. CORNELIO SCHREVELIO,

Gymnasii Lugdunensis Rectore
 vigilantissimo.

Hoc est grandiloqui Carmen sublime Maronis.
 Haec voces Latii detinuerunt Deos.
 Sceptra probant vatem, damnataque pagina flammis
 Vivit & Augusti Caesaris ore placet.
 Ista poetarum norma est. tunc surgimus omnes,
 Fimbria cum nostrâ tangitur ista manu.
 Hic cunctos super exstat apex: hac lambit Olympum
 Gloria, nec seclis tot finit esse parem;
 Posteritas desperat. amas, quem suspicit unum,
 Et radius tanti sideris agra jacet.
 Tu, Schreveli, reddis Soli sua lumina & illas
 Cernere das flamma fulgidior facies.
 Stena novum nuper per te Tarpeia soccum
 Induit & nitidis vestibibus Afer iit.
 Nunc tua magnanimum Æneam solertia nobis
 Vindicat & Phrygius Dux sine nube micat.
 Cingitur Andinus non uno interprete vates,
 Romaque jam melius Martia verba capit.

Debet

*Debet Troia tibi, debet Sichæia Dido,
Ipse repurgato carmine Turnus ovat.
Sic Ducibus castrisque Ducum bellisque tubisque,
Sic comites audent regibus ire Scholæ.*

I N N V P T I A S

Amplissimi Viri

HARALDI APPELBOOM,

*Serenissimæ Suecorum Reginae res
in Batavis curantis,*

Et Præstantissimæ Virginis,

SVSANNÆ ROGEA V.

I Am Ver molle tuum est. jam ridet amoribus an-
Quique dies mundo, plus placuere tibi. (nus
Optima tempestas Veneris descendit ab astro,
Et Geminos fratres pronuba signa facit.
Scilicet in thalamis Pollux cum Castore fulgent.
Inque tuas jurant sidera tanta faces.
Et cui Maja dedit Romana vocabula, mensis,
Principium vestri dulce furoris amat.
Nec vanum reor hoc. genitrix fuit illa loquentis
Pro Iove, pro Superum Numine Mercurii.
Vt tibi Suecorum pro Majestate loquenti,
Idem sufficeret verba diserta Deus.
Adspice Natura, præstans Haralde, favorem.
Omnis in hac tecum conjuge vernat ager.
Adspice Christina tibi suffragantis honorem.
Illæ tuo Princeps quæ cupit ore loqui.
Sceptra favent, studiisque favet genialibus æther.
Hæc sunt conjugii prospera signa tui.
Et si quod vatis precium est, nos jungimus istis
Vota poetarum dextera Numinibus.
Ambiat Haraldum letis amplexibus uxor,
Basiliisque neget posse carere tuis.

Tu quoque, dilatis Sueonum, suavissime, jussis,
 Ne numerata sponsa basia, funde lubens.
 Si nimium gelida & rigida est tua Suecia, caute
 In Batavis astro fervidiore cales.
 Et dum Regales committunt praelia partes,
 Praelia jam terrâ, jam metuenda mari,
 Vos geminos thalamus, concordēs lectulus abdit,
 Et speciem belli nil metuentis habet.
 Hic hominum in terris furor est. Mars, oscula gli-
 Incubat ille ferox Regibus, hæc tua sunt. (sunt.)

I N N V P T I A S

Ornatissimi doctissimique Viri

D. STEPHANI vander HAGEN,

I. V. D.

Et lectissimæ eximiaeque Virginis

M A R I Æ R E A E L.

O Prima qua toties Virgo, puerilibus annis,
 Tempora fecisti candidiora mihi,
 Cum gravitas hæc nostra tuo penderet ab ore,
 Attonitusque suo carmine staret Amor;
 Gratiæque in labris (memini) facunda nataret,
 Et summos traheres blanda puella Ioves:
 Tum ignota tibi poteras, dulcissima, fari,
 Et Venus infonti fabula sæpè fuit.
 Tunc Phyllis, Cassandra, tibi cantata revixit,
 Et placuere tuis nomina ficta jocis.
 At nunc se veri testem Barlaus amoris
 Præbet & à grato carmina vate refers.
 Seria jam loquimur Sponsa. mentita facessunt
 Oscula, & ad Veneris limer adulta venis.
 Et jam vera probas, quæ quondam ficta probabas,
 Lectæque amatorum pagina, tota tua est.

Iam

Tam quid tela, faces, jam Sponsa Cupidinis arcus
 Discis & officiis Cypridis ipsa vacas.
 Dum Sponsus partes Daphnis, tu Phyllidis imples,
 Inque Cupidineæ luditis arte pares.
 Interea circumvolitat gens omnis amorum,
 Inque tuo gaudet pulchra iuventa thoro.
 Et tenerum quodcunque, recens, imbellè, venustum
 Invenit, & quicquid triste, senile, fugat.
 Verna nitet facies geminis, facundia verna est,
 Vernantes oculi. nil in amore grave est.
 Talis juncta fuit Sappho formosi Phaoni,
 Non alio vultu nupta Creusa fuit.
 Æmula se Paphis acuit fervoribus æstas,
 Et Sol à vestro concipit igne facem.
 Sic Superos attingit amor. Geminisque sub ipsis
 Hæc exuvius virginittatis orat.
 Conveniunt doctrina, Themis, probitasq; pudorque,
 Formaue præclaræ semina mentis amat.
 Scilicet his sobolem dabitis virtutibus arbo.
 Et pater in natis conspiciendus eris.
 Tunc aliquis dicet, Maria frons ista, parentis
 Ista, refert oculos ille vel illa tuos.
 Hæ sunt conjugii voces, hæc præmia læti,
 Illa suo genitrix personat ore Venus.
 Vivite felices & ab ipso discite vate,
 Illecebram flamma nubilæ esse moram.
 Vivite concordēs, & veram credite vocem,
 Quod facitis, quondam perplacuisse mihi.

THE HISTORY OF THE

ROYAL SOCIETY OF LONDON

FROM ITS FIRST INSTITUTION

TO THE PRESENT TIME

IN TWO VOLUMES

THE FIRST

OF THE HISTORY OF THE

ROYAL SOCIETY OF LONDON

FROM ITS FIRST INSTITUTION

TO THE PRESENT TIME

IN TWO VOLUMES

THE SECOND

OF THE HISTORY OF THE

ROYAL SOCIETY OF LONDON

FROM ITS FIRST INSTITUTION

TO THE PRESENT TIME

IN TWO VOLUMES

C. BARLÆI
POEMATVM
MISCELLANEORVM
LIBRI II.

m 4

Ad

Ad Illustrissimum Dominum,
D. DVDLÆVM CARLETON,

Magnæ Britanniae Regis apud Federatos
Ordines Legatum, postquam regium
mihi munus exhibuisset.



*Alvete puppes, quæ Britannicum pi-
gnus,*

*Et Carletoni sanguinis decus clarum
Portatis undis; cuius Albion curis
Suffulta curas fulciet Batavorum,
Et bellicosos Belgici soli patres*

Sororiente lenis eriget sceptro.

*Salvete puppes: Tuque Nerei conjunx,
Et qui patenti rector incubas ponto
Neptune: seu jam Carolo favens regi
Classes adornas letus, & rates quas
Bellis adaptas: sive transtra Flandrorum,
Hostesque Morinos, mobilesque prædonum
Invadis arces, victimasque Cattorum
Utor cruenta rursus expias cæde:
Expone terris creditum mari magno
Illustre nomen, cui vices dedit fandi,
Facundiaque celsa jura transcripsit
Princeps Stuartus, ille triplicis regni,
Boreique splendor orbis, alma majestas
Populi potentis, imperique majorum.
Mitescat æquor omne, nec sacrum pondus
Violent procellæ, donec ora Toxandrum
Aut Mosa tanto gratuletur Heroi,
Cœeatque dextra dextra Federatorum.*

*Stamus Batavi, vivimusque non victi,
At Rege socio. cur satur triumphorum*

Turges

Turges trophæis Belga? cur tui Martis
 Stupescis ausus? poscit hic sibi partem
 Laudum Britannus. his Eliza vexillis
 Involvit ensem, Cantabroque nobiscum
 Cruore tinxit. Hæc Ibericam classem
 Demersit undis, hujus ultima Gades
 Arsere flammis. sola nec tui facti
 Vis tanta rerum est. cur superba despexit
 Ostenda Batim, messibusque plus ternis
 Attrivit hostem? leniit famem Britto,
 Illaque arenâ miles occubans Scotus,
 Formidolosi spector inclytus lethi,
 Terram moriordit; quoque constitit vallo.
 Patriæ trophæum fixit, & sibi bustum.
 Ille obseratis visitor irruit portis,
 Mauros fugavit, acer institit Flandris,
 Stravit Varaxum, totque laureas junctis
 Divisit armis. ipsa pressa libertas
 Injuriosa servitute latronum
 Redintegrata debet huic decus sortis.
 Nec bella solum, & gentis Asturum diros
 Domuit furores, exulemque Gradivum
 Ferociente nuper exiit parma.
 Cum rex utrique jura diditans Phœbo
 Victas sub ipsa cerneret rates Calpe,
 Tartessus atros fumigantibus transtris
 Spectaret ignes, Herculisque vicini
 Tremarent labores, jamque fessus armorum
 Philippus acri posceret moram bello,
 Iterum phalanges scribit, & suas Rheno
 Sociat cohortes, Martiasque despumat
 Tamesis procellas. Vnus hostis ambobus,
 Commune bellum est. Tu Deos Batavorum
 Procuresque nostros, Belgique custodes,
 Affaris, Heros magne, tu Rosas lato
 Donas Leoni, regioque facundis

Iussus recludis, consilique momentis,
 Latè patentis flectis imperi frena.
 Talis feroces voce flexit Atridas
 Nestor disertus, & duces Mycenarum
 Affatus olim est. talis arce Tarpeia
 Cyneas Quiritum Patribus dedit pacem,
 Docte locutus. Et velut mari vasto,
 Postquam furentes stella latior Cæuros.
 Fugavit undis, emicantque percussis
 Leda signa, terror exulat ponto,
 Dimissa rursus vela Tiphys expandit:
 Tu sidus alnum, tu jubar salutare,
 Heliceque fulges, vindiceque belgarum
 Dexter secundas: quo loquente bellorum
 Horror facessit, Hesperique regnator
 Ferale rebus augurat suis signum.

Sublimis anima, magne Regis interpres
 Dudlæ, qui me purpura Britannorum
 Donis inauras, pessimoque tot vatum
 Offers stupendum munus optimi Regum,
 Musisque nostris censor æquus applaudis:
 Has sume grata mentis obsides chartas,
 Arrham clientis, candidique libamen
 Castum poëta. Sorte si mea dignum est.
 Placuisse sceptris, jam benignus indulge,
 Placuisse vobis. cur iniqua sit Phœbe,
 Favente Phæbo? cur neget serenatos
 Aurora vultus: quem serenus adspexit
 Titan, tuaque gentis editum Numen?
 Me si favoris compotem tui faxis,
 Excelsus ibo, quæ super Deum sedes
 Mundique tractus, fornicesque flammantes,
 Superum theatris destinatis, & cælo
 Premittis amplum splendidæ decus fama.
 Sic lata semper Carolo fluant secla.
 Vivat beatus, veritatis assertor,

*Et Christiani nominis potens robur.
Sic gratus illi, particepsque curarum
Solbes super sis. Patriæque jam fare,
Quæ verba laudet Belga, damnet Hispanus.*

Ad Nobilissimum virum,

LAURENTIVM REAEL,

rerum Indicarum nuper in India Orientali Præfectum, nunc Matheſeos studiis vacantem.

V Ir magne, cuius dexteram calens pavit
Eius orbis, fervidoque supposita
Imperia Phœbo, cuius Occidens ductu
Latè potentis fregit arma Castella:
Quem fama belli, Martiique conatus,
Tidora supplex, Cantaberque depulsus,
Totiesque Belgis impetita Ternate
Vexere cœlo, quæ latus per Arctoum
Delapsus Indus exteras rates vectat,
Gangesque lato Bengala sinu latrat:
Iam pacis alme cultor, & procul fusi
Satur cruoris, exilique majorum
Laudatus ultor, victimis Iberorum,
Patriæ, tuisque plus satis parentasti.
Post bellâ Phœbum, barbarasque post cades
Cyrrham capeſſis, & furore Martiis
Tandem expeditus, subdis ocio Martem,
Hastam Camænis. pileoque commutas
Placidaque olivâ lauream triumphalem.
Non jam tremendus vindicem Moluccarum
Ensem coruscas, nec tuas Batavorum
Curas laceſſit miles, aut minax classi

Instat Malacca. rapta Cantabro regna,
 Victum cubile Solis, æquor Eoum,
 Tuaque laudis spatia vasta metiris.
 Non jam superbas Amstelæ fori gazas
 Bellator auges, scriniisque mercantum
 Infers avaræ dulce pabulum mentis.
 Non ventricosas mercibus rates lassas;
 Non federatas regibus manus jungis;
 Valloque castra cingis, aut struis muros.
 Quid Banda velet, auribusque protentis
 Malbaricus hospes, Borneumque, securus,
 Stellata mundi templa, siderum lapsus,
 Ortusque rectos, & tueris obliquos.
 Deum penates jam placere ceperunt,
 Cui domita tellus; quaque parte terrarum
 Emergat Arctos, occidatque, vel rectus
 Volvatur orbis, & moras tenebrarum
 Titan adæquet lucibus, vel extendat,
 Scrutaris, alii municeps novus cœli.
 Quæ causa priscis astra sedibus trudat,
 Cur Spica fugiat Virginem, & minans cornu
 Medio remotus orbe frigidum spectet
 Aries Booten, cur suos trahat currus
 Borealis Æthon, plusque pellat Australis.
 Ut axe in isto, quo ferox Duce[m] sensit
 Ibero, umbra dextra, vel sinistrorsum
 Flagellet æstum, bisque torreat fruges,
 Bis altus ipsum verticem premat Phœbus:
 Toties quadrigas sistat; & dies nocti.
 Describat equos: luminumque tot vultus
 Attollat omnes, & mari lævet cœlum.
 Quot vasta sese terra passibus pandat,
 Vestigat animus, aut quibus sagax China,
 Feraxque Timor santali, vel Ambona,
 Spatiis Batavo distet orbe, metitur,
 Discitque inermis, quæ subegit armatus.

Hac ipsa certe docuit accolam Nili
 Chaldaeus Abram. norat ista cœlorum
 Librator Atlas, Herculesque suffectus.
 Hac involutos arte temporum fastos
 Caesar recudit, & novum decus sceptris
 Alphonsus addit : barbarosque crudeles,
 Tenebricosos Cynthia notans vultus,
 Flexit Columbus, quosque contumax Indus
 Cibos negabat, eruditus extorsit.
 Hac arte mundi suspicis creatorem,
 Lustrator operum, machinaque solertis.
 Quantumque possit numinis vigor summi
 Nutu potente, mens quieta perdiscit.
 Vices beata, ter quaterque felices,
 Quæ te serenis hospitem Camœnarum,
 Divaque templis reddidere doctricæ.
 Quam vita dispar, disparesque jam curæ
 Pectus fatigant, spiritumque Bellonæ
 Furias perosum, & seva jura Mavortis,
 Vel Archimedi mancipant, vel Euclidi.
 Qui castra nuper, militemque lunari
 Clausum figurâ, circuloque directi,
 Impune circos, angulosque jam formas
 Levi papyro, & ficta castra depingis
 Dux incruentus. qui suetus armatam
 Numerare gentem, filiosque Neptuni,
 Quot Vrsa stellis, Pegasusve cœlesti
 Micent theatro, supputare jam gaudes.
 Nec trux machara, fulminansque ballista
 Profligat hostem. circinos rotat dextra,
 Quæ strinxit enssem, perticæque chartarum
 Se diffecantes arte dirigunt sulcos.
 Sphæram volutas, hostiumque tot tractus,
 Goam potentem, vasta regna Sinarum,
 Ditesque lavas : quasque adire non sivit
 Hispanus oras, tutus undique adspectas.

*Sic fama duplex posthumum vehet nomen,
 Patriæque Mavors te sacrabit, & Pallas.
 Quantumque vires horruit tuas Batis :
 Defensa quantum vindici suo debet
 Eos tellus, insulæque non victa :
 Batava tantum, plusque terra debebit
 Bellona alumno, præstitique Musarum.*

In Poëmata

Amplissimi & Clarissimi Viri

HUGONIS GROTII.

Praclare Groti, tota cui Caballino
 Incubriata fonte provocat priscas
 Thalia lauros, & prioribus sedis
 Ligata verba ; seu gradu cothurnato
 Sublimis altum nubibus caput condit ;
 Seu succos humili lenis ambulat gressu,
 Elegosque fundis, & necis Lycambeæ
 Testes æmbo : Ecce, semipaganum
 Tuas ad aras sacra ferre vix ausum,
 Iam ferre cogit horror ille divinus
 Tuæ Camænæ, & invidenda majestas,
 Quæ creliectos rursus ad lares Phœbi,
 Cirrhamque revocat, pallidamque Pirenen,
 Ut post faventes Vossii tui voces,
 Post vota Baudi, calculumque Iosephi
 Tanto poëta, vincicique Musarum,
 Ineruditum serus accinam carmen.
 Praclare vates, lux, decusque Belgarum,
 Libitina cujus nulla nomen exstinguet :
 Ut me loquentem perculit sacer Ionas,
 Iam tertium renatus, & solo cælum
 Placans redemptor ! Quis furor Deo dignus,
 Quæ sancta Menas pectori tuo sedit ?

Cum

Cum per sacratas mystica dapes mensæ
 Rotas trochæos, altiusque subvectus
 Pia futurum mente concipis festum.
 An Pallas aliqua præsiciens Dei templo
 Hac ipsa suasit? aut Apollo cœlesti
 Afflatus aura sacra Christianorum
 Didicit sonare? vel recessit in Cyrrham
 Cyrrha creator, & scholas poetarum
 Nescire non vult, quæ beare nos possunt?
 Vilescit omne, quicquid est profanorum
 Ubique vatum. non Catullus, aut Naso,
 Vaserque Flaccus, Bilbilibusque lasciva
 Dicax alumnus pulpitem fatigabunt,
 Te vate. longolinqitur gradu Vida,
 Et Symmacho commissus ad pedes ponit
 Fasces poetæ, terreos super quando
 Raptus penates vota nuncupas Christo.
 Cedit Iuveni, cedit illa Seduli
 Senis Camæna: diuinque sancta destillas,
 Simul omne Clarium doctus artifex robur,
 Heliconæ totum, & quicquid est venustatis,
 Et erudita antiquitatis, expandis.
 Beata tellus nostra, quæ decus tantum
 Ostendit orbi. si quid accola Galli
 Debent Thuano, si Casauboni manes
 Veneratur Anglus, plus vetusta Cattorum
 Gens, terror orbis, artiumque fecunda,
 Plus tota passim turba laureatorum
 Tibi debet, heros. Tu relicta Civili
 Imperia Batavum, bella tot per æstates
 Pugnata Belgis, dexterisque commissas
 Dextris Iberum, tu vices laborantis
 Terra, gemensque Belgium sub Albano,
 Cades nefandas Principum, nurus raptas,
 Exusta templa, gentis improba motus,
 Fœdusque toties Marte vel dolo ruptum

Tran-

Transcribis ævo. Tu ferax triumphorum
 Arcessis altè stemma Nassovæ gentis,
 Dignumque sceptris Romuli genus cantas.
 Tu, ne trophæa parta dextera forti
 Arausiorum posthumus neget livor;
 Aut sileat ætas, das nepotibus sciri
 Ignara lethi. Quid per Isthmium littus
 Florem virorum, ludicrosque victores,
 Vilescque palmas, fervidasque quadrigas
 Thebane jactas? alter hic triumphalem
 Scandit quadrigam, victor efferæ gentis,
 Regisque Iberum, patriæ datus cadis
 Mauritius ultor. quique Belgicæ testis
 Virtutis esset, urbiumque captarum,
 Hoc solus axe Grotius quatit plectrum.
 Nec bella solum, militumque funesti
 Depingit ora, sed furore Mavortis,
 Patriæque damnis expeditus, infestos
 Hostes adunat, exulemque Gradivum
 Multum petitæ prætoris pacis exarmat.
 O cygne Delphum, non tuas Bataavorum
 Viris adæquant gesta, nec tuis una
 Sat regio cœptis. transmarinis assurgis
 Ad sceptræ Regum; quaque duplicis regni
 Iacobus hæres triplicem domat gentem,
 Albionæ, Iernen, & Caledoniæ lucos,
 Festo recentem purpuram beas versu.
 Quis non stupe scat gratulantium voces?
 Sic posse fari Galliam, loqui Scotos,
 Et cum Britannis sedis incolæ nostræ?
 Tu lingua cunctis, Musa, vox, & orator
 Tot subditorum vota solus exolvīs.
 His vinctus oris Tethyos vias longè
 Trans poëta, radis Herculis metas,
 Mixtusque duræ navigantium turba
 Mersas Iberos. Vivis acer Heemskerki,

Et iste quamdiu Solis occidet currus,
Carteia stabit, accolent fretum Gades,
Fatale nomen pertimescet Hispanus.
Sed mox se veros, facta mitior, ponit
Thalia vultus, principum canens redas,
Mixtamque sobolem. qualis ille Verona
Cecinit marinam Pelei ducis nuptam.
Aut qualis uno nexuit thoro sponsam,
Honoriumque Claudiana Pimpleis.
Exinde Latios posse jam Syracusas
Sonare cantus, Atticasque mirabar
Veneres amictus induisse Romanos.
Quid Gracia jam proprium? refert sermo
Latinus illam, & si quod est decus Grajis,
Et oris ampli Dorienfium genti,
Non amulandus amularis interpres.
Tandem gementis praefixa capis munus,
Et iusta solvis. sequitur una defunctos
Laus sempiterna vatis, & trucidis lethi
Sepulcra laxat. Scilicet fuit tanti
Nunc occidisse, praemiumque virtutis
Tulisse memores carminis tui fastos.
Hac inter, ibam, qua per omne doctorum
Agmen faventes prodigus rapis Musas,
Nunc ora regum pingis, aut amicorum
Censes labores, nunc libris poetarum
Praeludis, amplum vel per aquoris littus,
Miracula Batavum, mobilem Noto pinum
Velis adornas. navigat tibi currus,
Curritque navis. arguunt ratem venti,
Currumque tellus. arguunt ratem vela,
Rotaeque currum. creditur licet currus,
Nec triga tamen est, nec quadriga, nec biga.
Risi subinde Lentulum, tui risi
Fallax amoris somnium; sed haerebam
Adstricta cernens jura Caesarum versu,

Osque

Osque hic disertum. donec illa me Crœsi
 Midæque gazis, annulisque Gorlæi
 Potior supellex voce parit arguta.
 Princeps pœta, mensque fœta doctrinæ,
 Quo thure quaso, qua tibi novenarum
 Chorus Dearum, aut quisquis est Caballinæ
 Sititor undæ, victima dabit sacrum.
 Tu major omni victima. placet solum,
 Vt jura moto des Pœtica Phœbo.
 Et nos, tuarum vilis umbra virtutum,
 Humiles myrice, verba vincta conantes,
 Qui farre tantum adoreo & molâ falsâ
 Inopes litamus, te fatebimur proni
 Vatum (faceffe livor) Imperatorem.
 Tantoque cunctis vatibus magis vatem
 Quanto es Batavis omnibus magis charus.

Ad

CONSTANT. HUGENIVM,
 E Q V I T E M,

cum Panegyricum suum eidem initteret.

Qui clara magni fata Principis luges,
 Mihique letus accinis parentanti:
 Nunc vatis ausus alterosque conatus
 Dignare veniâ; dum per inclytos raptor
 Ducum labores, præpetique sublati
 Pennâ furentem Marte verticem stringo.
 Hic sceptræ Princeps, & novos paludatus
 Fasces capeffit, & decus Batavorum,
 Togæ securæ, vasta regna Belgarum,
 Et fœderati prisca jura Gradiivi
 Iussus tuetur. hic parentium lauros,
 Nomenque Adolphi, & tincta cadibus Thracum
 Gentis suorum bella spectat Henricus.

Loqui-

Loquitur Loyſa, perfidoſque Francorum
 Damnans amores, dexteraque venalis
 Scelus nefandum, tanta fata ſolatur
 Ultore nato. cui pueriæ fervor
 Porrexit enſem, Martiuſque conſperſit
 Pulvis juventam : ſive duplicis Rheni
 Circum fluenta Cantabrûm globos ſiſtit,
 Vahalinque turmis aſſerit laborantem ;
 Seu pene victis Marte Cimbrico muris
 Avertit hoſtem : ſive dux Palatinas
 Conſcendit arces, & futurus aſſertor
 Gaudente Nicro feſſa caſtra diſponit.
 Cœleſte magna ſtirpe deſluit ſemen,
 Originique mentis aurâ reſpondet.
 Se donat orbi, nec ſibi petit vitam,
 Regniſque poſcit jura ſanguis heroum.
 Privata ſpernit, publico vacant cura,
 Mundique cauſa laſſat arbitros mundi.
 Quid non Batavûm terra ſperet, Hugenî,
 Reſtore tanto, quem Parentis excelsi
 Inviſta virtus, indomabilis Frater,
 Et geſta clara bella deſtinant fama.
 Quem cum creari vellet Imperatorem
 Patrum voluntas, pronus annuit Mavors,
 Plauſere cives, federisſque conſortes,
 Gallus, Britannus, Adriæque potator,
 Et Scotus audax : ſolus horruit Batis,
 Et ſavus Aſtur, & ſolo triumphantis
 Quicunque nobis hoſtis invidet laudem.
 Tu vota confer, quique Belgici ſcribis
 Arcana regni, & tot petacibus chartis
 Reſponſa reddis, ſacculosque rixarum,
 Et litigantis emptæ Curia verba,
 Nunc decidentis vile jurgium ſtilla,
 Nunc derelicti triſte murmur hæredis.
 Nunc quæ moleſtus poſcit æra conſultor,

Sereniore Principis fugas vultu :
 Applaudes mecum. Nassava favet genti,
 Defensus illa quisquis hic stetit dextrâ,
 Non victus hosti. si per Elidis campos,
 Olympicosque Pindarus ruit ludos,
 Et amulantum pulverem quadrigarum
 Non amulanda fert in arduum pennæ:
 Si consulares Mullii canit fasces,
 Romæque dominos altus invehit cœlo
 Nili poëta, fervidoque qui debet
 Cunas Canopo : nec pudebit audaci
 Cantare cantu Belgici soli Patres.
 Quod si superbus aliis vehi credar,
 Ceraque niti ; mergar Icarus ponto,
 Pereatque Musa peior optimi civis.

IN OBITUM

Clarissimi Viri,
 ÆLII EVERARDI VORSTII,
 Medicinæ apud Batavos Professoris
 celeberrimi.

Manes beati, tuque municeps cœli
 Mens casta Vorsti, quæ negata jam terris,
 Mundique fœdis expedita cancellis,
 Tumultuantem cernis orbis orchestram :
 Et nos tragædos, fabulasque, quæ dantur.
 Sublimiore tutâ sede despectas :
 Si celsus hisce condolet malis æther,
 Superosque tangunt mœsta verba viventium,
 Hos sume questus, consciasque virtutum
 Voces tuarum, nostra quas tibi Pallas
 Inerudito tristis ingemit lessu.
 Plorant dolores ceteri, stupet præsens ;

Cyrreham-

Cyrrhamque claudens, pallidamque Pyrenen,
 Haurire sacri fontis impedit lympham.
 Quin ipsa frontes irrigans Poëtarum
 Libethra rarâ labitur dolens guttâ.

Ereptus orbi est magnus arbiter fati,
 Domitorque mortis, & labantium vindex,
 Et restitutor, & peritus assertor.
 Qui proruentis tela contudit lethi,
 Iamque occidentes, jamque penè clamas.
 Lucēs retraxit, staminumque director
 Tardavit arte prope filia Parcarum.
 Cui jura vitæ, seculique languentis
 Imperia, Phœbo deferente, parebant.
 Hæc sensit ipsa, quæ superstes excussit.
 Hoc ore priscos Græciæ imbibit patres,
 Senemque Cœum, Pergamique doctorem
 Studiosa pubes, & scholas Pelasgorum;
 Et quicquid olim sapuit Hellas antiqua,
 Traduxit ad se; totque damna morborum,
 Vitæ labores, abditas vias lethi,
 Attenta didicit. Hic senis Stagira
 Oracla genti prodidit Batavorum,
 Medicisque curis tanta verba prastruxit.
 Quippe illa sacri fœderis ligat nexu
 Doctrina prudens, nesciosque Naturæ,
 Cacosque turpis inscientiæ mystas
 Damnat Machaon. non medebitur recte,
 Sanare quisquis, quem volet, stupens nescit.
 Nec fata solum, funerumque tot casus
 Mens cauta flexit, ingenique nascentis
 Caliginosos voce dispulit vultus.
 Hunc Federati Martis indyctum fulmen;
 Arausiorum gentis & soli Princeps,
 Humanitatis vindicem suæ scripsit.
 Ut, quæ potentem cura lassat Hispanum,
 Orbemque nostrum fulcat, ille fulciret.

Talis

Talis Lyceo, patribusque Musarum,
 Sic vixit urbi, quodque laudis est summum,
 Sprevisse potuit, quos stupemus, applausus.
 Sed vixit, eheu, fidus ille morborum
 Curator animus, & salutis antistes,
 Reſi ſatelles, & ſeverus exactor,
 Cultor bonorum, victor invidi dentis,
 Industriaque pertinacis exemplum.
 In quo benigno lenitatis adſpectu
 Gravitas verenda miſcuit decus frontis.
 Abiit, eheu, ſpeque plena natorum
 Terris dicavit vota, ſpiritum coelo.
 Vbi beatis celſus accubans menſis,
 Humum perosus, ſeculumque, quod fluxit,
 Orditur aliud, nec ſalutis humanæ.
 Iam ſoſpitor, corporiſque quaſſati,
 Felicitatis occupat ſua portum.
 Vbi perennes vita protrahit lucas :
 Coram tuetur, quæ remota ſperavit :
 Non luctus illi gaudio comes vadit :
 Nec membra quicquam carniſex dolor frangit :
 Morbi faceſſunt, febriumque tot turma,
 Claruſque terris Vorſtius, viget felix.

I N

DIATRIBAS SCHOLASTICAS

Cl. Doctiſſimique Viri

THEODORI SCREVELII

Gymnaſiarchæ.

Rector. Iuventa, ductor efferæ gentis,
 Scientiarum multiformium doctor,
 Et arbiter perite disciplinarum ;
 Potens docendi, quum docentis ex ore
 Ignara pendet palpitantium turba :

Potens

Potens monendi, quum monere te poscit
Recalcitrantum dives aula Cyclopum,
Et insolentis improbus furor secli :

Quis hic serena pulpitum quatit fama
Novus Palamon ? porticusque doctorum,
Et perstrepenles maximi lares Phœbi
Redonat orbi ? quis pueritiæ primos
Castigat annos ? traducesque dilectos,
Pareniumque tot propagines latas,
Semen Batauum, patria renascentis
Perenne germen, spemque gentis invictæ
Sub iura cogit, & rebellis orchestra
Retundit ausus ? pandis ora, Schreveli,
Diserta Rhetor, & scholasticum Belgis
Regnum reformans, sceptrâ pedagogorum,
Trepidusque fasces, & tribunal augustum,
Totumque coctus litterarii circum
Legum catastris vinculisque constringis.
Hic oscitantum nanias magistrorum,
Hic imperitos commatum latratores,
Ineptiarum serios rogatores,
Scibrasque voces, & superba fastidis
Elementa vocum, ludicrosque natales.
Hic sparsa latè regna Grammatistarum
Arctas ephebis ; dogmatumque congestos
Purgas acervos. hic nepotibus diram
Ferocientis Orbili dicam scribis :
Corylisque lentis, frondibusque nodosis
Præfers minacis acre iurgium frontis.
Hic Tulliasq; verba more mendici
Ferruminantes, sordiumque priscarum
Quasi ostiatim luridos petitores,
Reos laceffis : hic rudes solæcismos,
Fecesque Euandri, Rhetorumque tot morbos
Arces Lycæis, puriorque præfatis.
Hic erudis a pubis impigros gressus

Vrges

Vrges triumphis, laudibusque suffulcis
 Avara fama pectora, & facem subdis
 Virtutis æstro. torpidas pudor mentes
 Incessit atrox, seculique despectum,
 Vivumque rerum nesciis parat bustum.
 Hic foeta vitiiis induit repurgatos
 Natura vultus, & docentium curis
 Gaudet renasci, ne profana stribligo,
 Illiterata mens, proterva vecordem
 Analphabetis vita reddat ætatem;
 Interque cœtus semifaminatorum,
 Inersque vulgus langueat veternosa.
 Quid prisca jactas Orpheum tuum Thraco
 Flexisse tigres, amniumque veloces
 Stitisse fluxus? horridas Hebri vatem
 Stupuisse rupes? hic tigres Batavorum,
 Rabidumque pectus feruida juventutis,
 Osque illud audax, & jecur leoninum,
 Furiasque docta voce mulcet orator.
 Quid sponte grandes credis erigi Thebas,
 Cantuque flecti lubricum pecus Nerei
 Excors vetustas? quid laboribus fictis
 Alcmena natum laurea pœtarum
 Superba donas? sordibus repurgatum
 Stabulum tyranni, sæviensque Stymphalis,
 Et pullulantum fata Lerna monstrorum.
 Scholæ fuere, agrestiumque pugnaces
 Iuvenum palastra, flagitique foecunda
 Sodalitates. Tu Batavus Amphion
 Has condis arces, urbiumque pramunis
 Virtute portas. Tu renatus Alcides
 Hydras fatigas, & potente doctrina
 Nessum trucidas; frangis ora Centauris,
 Et versipelles arte subdis Antæos.
 Per te aleator, improbusque scortator,
 Perjurus, exlex, cœlitumque contemptor,

Et fastuosus, publicusque grassator,
 Et qui superbas inflat impotens buccas,
 Et qui bibaci vina gutture eructat,
 Æris paterni nominisque decoctor,
 Et quicquid usquam criminum atque monstrorum
 Perdit venustum impuberis decus vita,
 Mundo fugantur. Sanctitas, fides, candor,
 Sororianque veritas fatiscenti
 Redduntur avo. Tu velut mari magno
 Flebens carinam Tiphys, ocium fesso
 Donas ephebo, jam vigil truces ponti
 Dissringis æstus, & minis procellosum
 Componis æquor; mox se verus obstantem
 Hellen flagellas, exuique Neptunos.

Vir maxime, cuius insidens labris regnat
 Vis tanta fandi, quo nec alter hoc cœlo
 Aut iussa dicat rectiora cirratis,
 Aut verba balbis aptiora pramandis,
 Sive explicatos Rhetorum sinus pandis,
 Sive sensa vinclic contrahis Stagiris,
 Vel in recessus grandium poetarum
 Doctor recedis: Iam Palemonem Belgæ
 Audit loquentem. dumque gymnasii priscos
 Evolvit ortus, regibusque culcitra
 Legit penates, atriumque Pelidæ,
 Sublime majestatis ardua limen
 Veneratur uliro, & fascibus tuis charos
 Subdit Quirites. Ipse vocibus doctis
 Recoctus infans, jamque plus sibi notus,
 Fidem Tonanti, lumen ingeni famæ,
 Consulta Patria, verba commodat rostris.
 Seque esse gaudet, qualis huiusmodi potest nasci.

Ad
ISAACVM DORISLAVM,

quum Iuris V. D. crearetur.

C Vi pulvis oçi, & pedagogicum murmur
 Ferulaque tristes, & recocta ter crambe,
 Et elocati temporis dies lenti
 Ereclioris mentis indolem frangunt,
 Animumque sellis mancipant magistrorum.
 Isace, quin te seculo tenebroso,
 Umbraticoque nomen eximis ludo,
 Et inquietæ prælegentiûm turba?
 An illa Graeci docta suada sermonis,
 Orisque Latii prædicanda majestas,
 Sophisæque sacrum pectus, & labor Phœbi,
 Servire semper pascet? & fremet voces
 Rudi luventæ, barbarasque purgabit
 Illiteratis sordibus diu chartas?
 Captivus istis quando liber è vinculis
 Tibi vacantem spiritum trahes latus,
 Patriæ decorus? num Scholæ sacramentum
 Illiberale, pertinaxque dixisti?
 Nec sat superque laudis indigens fama
 Attrivit ævi primulum tui florem?
 Fallor. verendos en tibi lares pandit
 Astræa virgo, & prisca Caesarum jura,
 Ac purpuratas expedit Themis voces,
 Legesque regni, multiplexque sufflumen
 Prævaricantis dicitat ausibus mundi.
 Hac arte nixus, altius Deûm sedes.
 Fastigiumque laudis, & procul vulgo
 Ignaviaque dissitas domos scandis,
 Olidisque sensim pulpitis virescentes
 Subducis annos. altioribus curis

Debe-

Debetur *etas ista, quæ sui juris*
Spectare Soles, plusque candidos possit.
Non sat, Iuventa profuisse; jam rostris
Virisque sacri sensa juris imperti;
Et ipsa tecum patria salus crescat,
Tuasque laudes commodis suis jungat.
Ecquid Palamon, Orbili que cl amores
Tardant euntem, ignobilique concludunt
Cælestis aure portuunculam circo?
Vir doctæ, vir venuste, flos amicorum,
Balbutientis hæcenus scholæ verna,
Iam majus adflet impetus tuos Numen,
Tandemque vincula membris expedi robar.
Servire nescit, quem Senatus augusto
In vestitu auro, pileoque libertas.

IN HONOREM
 LEONARDI SYPESTEYN,

I. V. Doctoris.

P *Rastans Ephebe, corculum Camœnarum,*
Constans Batavæ humanitatis assertor,
Et Summe cultor elegantiæ morum,
Vindex severi Iuris Imperatorum,
Quos vel superbis Romæ collibus quondam,
Rerumque dominos Occidens salutavit;
vel quos Eoæ parte vidit angustos
Helles sepulchrum, barbarusque Thrax pavit.
Sed jam profundos disputator illustras
Legum recessus, Italosque doctores,
Trucesque Baldi Bartolique rubricas,
Balbutientis sæculi sacras voces,
Totque involutam nubibus Themis pandis;

Seu jam decorum verticem tibi lambit
Phœbea laurus, Caesarumque concedens
Indulta Pallas magna verba transcribit :

Exurge curis expedita morosis
Mens docta tandem, desidisque jamdudum
Spretor Vacina, ingloriique languoris,
Vocem Poëta gratulariis hanc audi :
Excelsa virtus indolesque non vilis,
Discreta vulgo, semet erigit semper ;
Novoque gestit ire celsior motu,
Contenta nunquam. vivida fœcum mentis,
Ignesque sufflat laudis ora sopitos.
Nec precia spernit, anxieque nec poscit
Honestus ardor. illa spernit & damnat,
Majora meritis quæ sibi dari credit.
Quacunque lenis gratiæ favor confert,
Aliena dicit, emta nec placet fama,
Veniamque sperat inscientia nullam.
Sic teste Leida, pectus ussit erectum
Fax ista laudum, gloriæque vis prima
Fastidiosas otii moras rupit.
Nec docta Phœbi templa lentius intraſti,
Aut te sequentum studia ponè spectasti,
Sed quæ præibat turba litteratorum,
Sitiensque honoris alter, acer ivisti.
Et qualis ille feravidos rotat currus
Superbus Hiero, totque despicit retrò
Ducum quadrigas, quas vel Isthmum litus.
Vel vidit Elis, carceres tuos linquis
Gradu citato, terminique jam compos
Apollinari laureâ caput cingis,
Plaudentiumque vota colligis latus.
At tu, beate, si ve patriæ solves,
Quæ docuit ipsa, si ve regna Gallorum,
Veteresque Celtas, Ausonasque spectabis,
Iusti memento, nec leves puta voces

*Themidos verenda, & (ab) labantis Astra.
 Tua scita prasta, sanctorumque commendet
 Doctrina mores. alterum cave ladas,
 Suumque Titius auferat, suum Caius.
 Non cura fallax pestilensve donorum
 Decidat a quo, nec malus clientelam
 Consultor unquam commoda improba causa.
 In lege ius sit. non diserta laudatur,
 Effronisque iura mentientium lingua,
 Vocisve multum differentis orator,
 Sed recta suadens, nesciusque mercari.
 Sic iura Minos gentibus dedit quondam,
 Sic Sparta causas dixit è tribunali,
 Sic gratia expers pallidique livoris
 Tot inferorum versat Æacus sortes.*

Clarissimo Viro,

PETRO SCRIVERO,

novam Tragediarum Senecæ & aliorum
 Editionem paranti.

D Vno luctuosi carminis tragediam
 Molitur orbis, & cruentos induit
 Bellona vultus, dum Thyestes, & novus
 Tumultuaniem pulsat orchestram Creon;
 Dum servus altis Pyrrhus instat arcibus,
 Et execrandi nurbus adventant dies,
 Phryges fugantur, & maritis dissita
 Lugent Creüsæ, prisca Troas luditur,
 In se feroces tota convertit manus
 Europa demens, & furentem pellicem
 Imitata natis ipsa succenset suis:
 Tu Martialis doctæ Scriveri jocos,
 Pariterque grandes vatis Annaï sonos,
 Et insolentes fœneras luci nova

Veterum cothurnos, Delphicæque præsides
 Quasitor urna litteratorum gregi.

Ex sanguis illa nempe conflictatio est,
 In quâ triumphum victor & victoriam,
 Victusque cladis percipit fructum suæ.
 Stant bella calamo: nulla regnorum sitis.
 Aut invidenda regibus cubilia
 Materia litis. obritos fœdo situ
 Purgare serpens, involuta pandere,
 Et impeditos lectionum compedes,
 Erroneamque vindicare dexteram,
 Hoc agitur omne. quisquis Oedipus fuit.
 Aut Sphinx acuta, vel peritus arbiter,
 Applaudit illi tota censorum schola,
 Musisque amicis gloria palmam refert.
 Hac arte lacerâ pelle fœdus Hercules
 Nitet serenus. gaudet excuti suos
 Atreus furores, & Thyestis ferculum.
 Hac arte rursus Oedipus felicior
 Lumen recepit; temporumque injuriâ
 Distractus iterum Virbii currus ruit,
 Sed restitutus. proximum Phœbo caput
 Tiresia divûm clarius pandit fidem,
 Oracla reddens. rapta filii manu
 Redit Iocasta vita, teque vindice
 Adest petitus omnibus votis Creon.
 Quin Hecuba multis involuta plexibus,
 Ut dixit olim, filios plangit suos.
 Fugiens Iason redditur, mater furens
 Discerpta multis membra colligit locis.
 Sed ille læso mollis Ægisthus thoro,
 Et bellicosi conjugis conjunx latro,
 Dolent nefandum litteris prodi scelus.
 Alcmena gaudet oblitum caligine,
 Lentaque sæcli tabe confectum decus
 Redire nato. ringitur Caesar Nero,

Octavique vellet occasum sua

Oblivioso suppressi silentio.

Tu nil moratus monstra, pristinum decus

Scena redonas; dumque picta fecibus

Detergis ora, purius multo pater,

Tragœdiarum nostra pulsat pulpita.

Inimice vates gentis Hispana, tibi

Cur illud adeo gentis Hispana placent

Hostile carmen? cur iniqui littoris

Tractas Poëtas? an novenarum chorum

Non tangit ira, si qua Principes ciet?

Nec Jæva Musas odia sceptrorum premunt,

Neuterque Apollo est? Omnis assurgit tibi

Recentioris docta seculi cohors,

Grataque fasces mente submitunt suos.

Sic dum sepultis vindicas scriptoribus

Priscos honores, posthumam laudem feres;

Non ille lethi dentibus teri potest,

Qui litterarum principes vetat mori.

Ad Nobilissimum virum,

G O D E F R I D V M

de H A E S T R E C H T,

varias Sciotericorum formas Astronomica
arte delineantem.

TV, qui citato promoves cursu diem,

Sororizque crederis lucis parens,

Auguste Titan, magne mensor atheris,

Pelusiotorum gentis admiratio,

Et sanctus horror, qui per obliquos sinus.

Chelasque Cancri. Et fronte submissa Caprum

Gradu retorto fervidos currus rotas:

In quem vetustas primus annorum vias

Cæsar reduxit, Cynthique motibus

Inordinatos arte transtulit dies:

*Subsiste paulum : sive jam recens mari
Emersus umbras contrahi sensim cupis,
Sen veltus altum rectior gentes feris,
Sen fessus alium fluctibus mergis diem,
Fumansque vultus terra dispandit tuos.*

*Metitur orbem pertinax industria,
Cœlique spatia circulo claudit brevi
Proles Promethei, & temporum signat notas.
Tu per patentis ætheris vadis domos,
Raptusque verum scribis in cœlo diem;
Horaſque paribus explicas vestigiis.
Hic in tabellis orbitam pingit tuam,
Et usitatas ponit horarum moras,
Cursusque rarus artifex, mimus tui.
Te prodit umbra, quoque cœli cardine
Curant jugales, monstrat humanus labor.
Stat plana, & æquo deserit libramine
Inflexa nulla parte terram lamina.
Quam recta tenuis linea secat via,
Mediumque Superis figit & mundo diem.
Hæc limes ille est, umbra quo brevissima
Septentrionis dexterum ferit latus,
Nullamque cernit bis quotannis machina
Obliqua nusquam, quo Syene torrido
Supposita Cancro nesciri est umbra semel.
Transversa rectis ducitur mox angulis,
Tangitque primam norma, quo distans pari
Statione tellus, hic cadentis lumina,
Nascentis isthuc indicet Solis jubar.
Hanc umbra lambens parte quartâ circuli
Distat priori, & sexta mortales pigros
Vel poscit hora manè, vel sera expedit.
Quas inter alios scribit horarum situs
Mens arte certâ, qualis emensus polum
Colurus alter, doctus index temporis,
Terra incubantem dissecat cœli viam.*

Exinde

Exinde gnomon fixus umbram projicit,
 Tenebrisque spatia certa designat suis.
 Indocta non hunc ponit in circo manus,
 Sed gnara rerum. cernis ut celso micans
 Cynosura cælo, nec Batavis occidens
 Hoc orbe justo surgat è terra gradu,
 Axisque curvo permeet centrum situ?
 Hac lege gnomon cuspitem tollit suam,
 Austrumque spectat hinc, & hinc septem videt
 Borea triones, horridumque Caucasum,
 Vbi Solis expertis mensibus sex incola
 Tethyn perenni damnat adstrictam gelu.
 Nec plana solum dicit horas machina:
 Erectus altis asser assurgens locis,
 Terraque recto dissidens libramine
 Partitur illas. flectit in muro calens
 Pyrois habenas, terminosque conspicit
 Motus diurni lucis aurea parens.
 Hic arctiore verus horarum situs
 Regione distat, anguloque prominens
 Angustiore pendet ad poli gradus
 Stylus reliquos. versat ætheris domum,
 Totamque sphaera obliquicris indolem,
 Mens erudita. fabricat Gallis suum,
 Suumque Iberis, accolisque Vistula,
 Heteroscisque, fervidisque Amphiscis,
 Periscisque frigidis tempus notat.
 Fluxere Græcis Solis indices aqua,
 Horasque mensa est discrepantes clepsydra.
 Imitatur illas, & vetustis invidens
 Hic Belga seclis vindicat palmam sibi.
 Godefride, quò non igneus mentis tua
 Perrumpit ardor, visque cælo debita?
 Quos Archimedes circulos duxit senex,
 Et quos Pelsagus docuit Euclides sinus,
 Triangulique multiformis indolem,

Numerosque doctis legibus coercitos,
 Transversa quoties æquet orbem linea,
 Quadrata quantum circulari discrepet
 Figura, nosti. vasta jugerum loca,
 Pressasque valles, montiumque vertices
 Metiris oculis. nec satis tellus tibi
 Vilisque arena est. scandit editos Deum
 Animus penates, quaque servat Parrhasin
 Vrsam Bootes, & triangulum micans
 Meruit locari, Siriusque urit solum,
 Spectator hares. hic nefas visum tibi
 Nescire, quantis passibus cœli ruant,
 Ut summus orbis inferos trahat Deos,
 Sequensque lentè vadat ad verso gradu,
 Stellasque raptu velet harentes suo.
 Quibus ille tardus exeat vestigiis
 Platonis annus, tertiusque qui queat
 Trepidare motus. cur propinquior premat
 Diana fratrem, nunc remota deserat.
 Cur illa plenas porrigat mundo faces,
 Conjuncta nullas, cur subinde cornibus
 Adspelet Ortum, Cynthium sequi velit,
 Moxque antevertat. cur Draconis horreat
 Vterque nodos, cur petulantior Venus,
 Nunc ire, stare, nunc retrogradi audeat.
 Qua parte cœli noctibus minans dies
 Aries adequet, latiusque non sinat
 Solam vagari Cancer. ut terram super
 Exorta serò Pleias Autumnum ferat.
 Quæ zona radiis urat infestis caput,
 Quæ temperatis gaudeat caloribus,
 Quas non soluta Iuppiter damnet nive.
 Quantum Deorum tecta nostris sedibus
 Semota distent: quotque dimensus pedes
 Titan coruscans, Marsque supputet minor.
 Hac arte foedæ diffides inertia,

*Vulgumque spernis, sanguinique nobili
 Nunquam labantis fœxeras fama decus:
 Sic astra Cæsar didicit, & Solis vias
 Ostendit olim gentibus. sic circulos
 Arausiorum pingit, inter prælia,
 Princeps stupendus. sic Olympi machinans
 Atlas superbis fulsit Cervicibus.*

Ad Clarissimum virum

ARNOLDVM BVCHELIVM.

In Huberti Goltzii libros de Vitis Cæsarum
 ex numismatis Romanis
 restitutis,

HENDECASYLLABI.

Vltus Æneadum, duces Quiritum,
 Stantem curribus essedisque Romanam,
 Et Roma dominos, & illa prisca
 Seclis nomina, Romulique stirpem,
 Nobis Goltzius exhibet videndos.
 Tu præbes mihi, Bucheli, legendos.
 De votisque animas perennitati
 Transcribis mihi, lege non loquendâ.
 Specto Iuliaden, verenda qualis
 Dictator tulit ora, vel remissâ
 Obnubit caput infulâ sacerdos.
 Agnosco phialasque, laureaſque,
 Et stellas, aquilas, decempedaſque,
 Vexillum, capedunculas, aratrum,
 Cultros cum lituis, faces, patellas,
 Urnas, pilea, Flaminum secures,
 Et quæcunque sibi poposcit augur,
 Et quæ promeruit sibi triumphans.
 Hic cernas patriæ decus parentis,
 Cernas indigetem, nosque quali

Deducat genitore Caesar ortus,
 Ænea Venerisque matris ora;
 Seu vidtrix fuit illa, sive felix,
 Seu malit Genitrix Deum vocari.
 Luget Gallia perditis trophæis,
 Lugent Teutones, & pater bicornis
 Romanas vehit invidus cohortes.
 Ægypto domitâ ruunt carina,
 Et frendet Crocodilus, ampla Nili
 Rostris ostia permeat viator.
 Vltor Brutus adest; trucesque sicas
 Ostentat Latio, comesque Cimber
 Tollit pilea fascibus receptis.
 Indignor caput improbum ferocis
 Antoni, Lepidusque me triumvir
 Plus vultu reficit gravi, decoro,
 Dum victor domat Asturas superbos,
 Exarmatque Tagum, ferumque Batim,
 Aut grandi sedet altior caballo,
 Aut curru dominam pererrat urbem,
 Aut vastos regit imperator Afros,
 Aut sevi exuviis furit leonis.
 Risi tergeminas sodalitates,
 Antoni, Lepidique, Caesarisque,
 Non hostes satis, aut satis benignos,
 Non charos satis, aut satis malignos.
 Vibrant Armenii graves sagittas,
 Vincit Ventidius, duplexque serpens
 Hinc illinc capiti imminet, viroque.
 Iungit castra manus, fides maniplos,
 Ægyptum Latio; sereniores
 Expandit mulier superba vultus,
 Et sculpto Cleopatra fulget auro.
 At tu, qui titulis Deum triumphas,
 Vatum grande decus, decus juventæ,
 Iam Consul toties, tribunus, augur,

Divi nate patris, trophæa prisco
 Octavi tua colligis metallo.
 Iam Trinacria, jam subacta Memphis,
 Victrices tibi consecrant figuras.
 Sacrat Bilbilis ipsa, Cantaberque,
 Et qui signa gerit reducta Parthus.
 Te Germanice posteri loquentur,
 Dum Chaucos, Frisiosque, Saxonaque,
 Catthos subdis, & impigri Visurgis
 Accenses spoliis tuis pharetras.
 Sub te Rhenus arundifer recumbit,
 Lugent Vindelici, novisque victi
 Præbent præmia pineam triumphis.
 Aras intueor, bases, columnas,
 Cippos, quercea ferta, tot quadrigas,
 Deductos peregrè tibi colonos,
 Taurorum juga, quosque Græcus, Afer,
 Europaque Asiaque latus orbis
 Sculpendo tibi nuncupant honores.
 Cedunt arma toga, ferocientem
 Claudunt templa Deum, tuosque felix
 Ostendit mihi Capricornus ortus,
 Ac lauri tibi militant perennes.
 Mox fastos mihi Consules recludunt,
 Et quæ Caesaribus priora seris
 Currunt secula, temporumque fasces,
 Gallos, Semproniosque, Claudiosque,
 Pictores, Rutilosque, Iuniosque,
 Flaccos, Posthumios, Atiliosque,
 Fortes Scipiadas, Paterculosque,
 Cottas, Æmilios, truces Metellos,
 Et claros domitis duces Faliscis,
 Et claros Siculis duces subactis,
 Captisque Insubribus duces ovantes,
 Et victum Fabio morante Pœnum,
 Pressis Sardibus inclytum Mathonem,

Imbelles Ligures, Getas, Cethegos,
 Et Gracchos querulos, graves Catones,
 Mixtosque omnibus alites galeos.
 Quid Drusos referam? quid Africanos,
 Pisones, Curiosque, Cassiosque,
 Scauros, Cacilios, Papiriosque,
 Et capto Marium ferum Iugurtha?
 Quos ne dicere singulos laborem,
 Quotquot Romulidum duces fuere:
 Quotquot Goltzius exhibet videndos,
 Tu præbes mihi, Bucheli, legendos.

I N H O N O R E M
 I O H A N N I S B O D Æ I
 à S T A P E L,
 Medicinæ Doctoris.

V Eteres Pelasgi, palliata natio,
 Et vos togati gentis Italæ patres,
 Veneranda sento turba, prisca gloriæ,
 Et eruditi prima nominis parens;
 Quos ipse quondam mille morborum vices
 Gratasque vitæ Cynthius docuit moras;
 Tunc, cum renatum Virbium mundo daret
 Ars Æsculapi, territisque curribus
 Discerpta membra redderet Phœbi puer.
 Et tot cadentis Graciæ Phrygum manu
 Sagax Machaon duceret lentæ neces:
 Spectate Batavos, Belgicæque porticus
 Augusta templa, litteratorum domum,
 Sedes amœno destinatas otio,
 Circumque honoris, et bonæ famæ scholam.
 Majora certè, nec probata Cætopi
 Momenta laudum posterì persolvimus
 Doctæ Iuventæ, quam laboris orbita]

Ad summa rerum vexit, & scientiæ
 Ardor profanis segregavit usibus.
 Tollit superbâ sede præclarum caput
 Phæbi sacerdos, & decus subsellii
 Sublimioris altius mentem vocat;
 Nec humile quicquam, sæculique ineptias
 Apinasque vulgi, futileque nanias
 Spectare suadet. laxat effusos sinus,
 Virumque monstrat digna majestas togæ.
 Et ille celsas pileus radens comas,
 Insigne pulsæ servitutis, libera
 Placitis magistri sensa doctorum expedit.
 Semperque servum, semper obsequens pecus,
 Et usque sectans antecedentum gregem,
 Erectus odit; nec faventibus Diis
 Didicisse credit, qui docere nesciat.
 Digito coruscans annuli solers labor
 Precium sciendi pensat, & tot artium
 Tractus patentes, disciplinarum modos,
 Totumque Phœbum circulo claudi docet.
 Sociata dextra dextra Musarum fidem
 Adjurat obses, symboloque publico
 Damnât Camœnas mentis indigas bonæ,
 Sterilesque rixas litterarii fori.
 Hic savientes commatum super situ
 Criticas cohortes & minaces paginas:
 Hic obsoletis sorditus Pacuvii,
 Vel discrepante lectionum indagine,
 Blattaque morsu, dentibusque aranea
 Enata bellæ, rupta fratrum fœdera,
 Odii que fœta pectora, atque iræ gravi.
 Nunc clausa celsis charta pulpitis jacens,
 Hoc scire nos vult, quod reservat abditum.
 Nunc ipsa celsis charta pulpitis patens,
 Crebro labantis ingeni prodit vicem.
 Dum nostra facili miscet ignorantia

Humana

Humanus error scita, nec totam cupit
 Aut se videri vel recondi veritas.
 Non ista Pallas sedibus sanxit suis
 Monumenta laudum, nec nepotibus Remi
 Corona doctum dignior cinxit caput.
 Non sic Lyceo; non Cleanthea domo,
 Non Socratea gente prodiit puer.
 Qualis sub axe Belgico fama vadum
 Tentat Bodæus, invidique nominis
 Decus reportat, & serenum verticem
 Latus paternis inseret penatibus.
 Habet omnis ætas æstimatores boni,
 Sapientiæque rarioris arbitros;
 Non pretia recto defuere, non favor.
 Suique magnis debui virtutibus
 Plausus fuere, nec recentis seculi
 Aut posterorum cura segnior fuit.
 Nunc vos favete, quotquot herbarum trahit
 Insons cupido. tu Camœnarum pater,
 Latè patentis magne lustrator soli,
 Et tu virentes Flora diducens sinus,
 Manesque, clarius quos beavit Atrebas,
 Fovete Iuvenem, quem triumphali vehit
 Doctrina curru. vestra non segnis sacra
 Veneratus hospes, graminum quidquid suis
 Extrusit agris vasta mundi machina,
 Ter mille servat paginis reconditum.
 Illi corollam dii, deæque, nectite,
 Ter mille textam frondibusque & floribus.
 Sic doctus ille mille lector graminum,
 Examiner mille fibrarum sagax,
 Censor colorum, mille promus nominum,
 Herbasque pernox interens & exedens,
 Herbis tegatur vivus, herbis mortuus.

Ad

IOSEPHVM VORSTIVM,

I. V. Doctorem.

I Nufitatum cur mihi barbitum,
 Situque foedam tendere me chelyn,
 Iosephe, cogis? cur triumphos
 Dedecoras strepitu poëta,
 Me vate famam, pilea versibus?
 Cur invidendis clarus honoribus,
 Nec testis experts, vile speras
 Pauperis officium Camœna?
 Dos ipsa virtus est sibi: quam sequax
 Licet procetur nominis ambitus,
 Se debet ævo, sola victrix
 Invidia, immemorisque fati.
 Crescis merendo, nec titulos tibi
 Ignava scribit gratia; nec favor
 Aut servit indignæ Inventæ,
 Aut vitium precio coronat.
 Tu juris acri prasidio potens,
 Inorta legum dogmata diffecas.
 Tu Principum consulta gnariis
 Excutis, & sinuosa Baldi
 Præcepta pandis. Tu Decios sagax,
 Accursiosque, & nomina labili
 Erepta seculo, quæque terris
 Sol Oriens dedit, Occidensque,
 Edicta Regum digeris arbiter:
 Gravesque jussus Cesarei fori,
 Et vindices recti secures,
 Et scelerum recitas catastas.
 Astra tali praside latior
 Terras revisit: jura legit reis;

Nec

Nec innocens causa vacillat,
 Nec veniam meruere culpa.
 Privata cedunt commoda publicis;
 Emptum tribunal displicet; & manus
 Avara lucri, quæ nefando
 Iudiciis famulatur auro.
 Cives tueris: fraudibus obicem
 Obdis profanis: te lachrymabilis
 Pupillus exorat, rogantque
 Te vidui gemitus patronum.
 Præstat trophæis tuta domi salus,
 Victisquæ Iberis iustitiæ rigor.
 Plus, jura condidisse Belgis,
 Quam peregrè domuisse Calpen,
 Formidolosus vel mare classibus
 Stravisse totum. Scipiades pater
 Plus cive servato superbit,
 Quam domitis Numidum sarissis.
 Quin litterato nobilis otio,
 Per Graja raptus compita, Gracia
 Fontes bibisti, nec Latina
 Inferior studiis Minerva.
 Nunc vectus alâ præpetis ingeni,
 Vatum beatos sollicitas choros;
 Nunc voce facunda disertus
 Attonito loqueris Lyceo.
 Mox erudito das Venetum patri
 Chærtas Philippi, & fluctibus Adria
 Infers Batavorum labores:
 Et veteris monumenta mundi.
 Augusta nescit mens spacio capi;
 Quocunque laudum fervida vis vocat,
 Grassatur audax, impetuque
 Insequitur generosiore.
 At cuncta blanda fama modestia
 Momenta honorum transfilit, & novos

*Doctrina successus decenti
 Dissimulat pudibunda vultu.
 Beate Vorsti, Palladii decus
 Diffunde regni ; & Celtica dum pe:is
 Illustris arva, vorticofo
 Insinua titulos Garumna.
 Ne docta Rheni pignora Sequana
 Cedant alumniis. Laxius explica
 Laudum theatrum, nec tribuli
 Sufficiat placuisse Belgæ.
 Sic Leida jactet Vorstiadem suum,
 Sic tanta Patri gaudia divide,
 Sic Ælium repone terris,
 Et patrio cineri parenta.*

In Vetulam libidinosam.

S*unt, quas dedecorant hiulca naris,
 Obstipum caput, & retorta cervix,
 Aut centum facies arata rugis ;
 Sunt, quas depreciant putres mamilla,
 Et fœdis recubans caper sub alis ;
 Illi dens veluti ferocis apri
 Pando prominet ore, pendulumque
 Labrum non sinit admoveere labro :
 Hanc gibbus populo eximit Quiritum :
 Illa est cernua, & ista prona multum
 Terram vel gradiens deosculatur :
 Claudam spernimus, odimusque luscam,
 Et balbam, tremulamque, garrulamque.
 At tu Tartareo tremenda vultu,
 Mater Tisiphones, soror Megara,
 Orci filia, squallidum cadaver,
 Impuriissima sordium cloaca,
 Dum pruris nimis, & libidiosa es,
 Vno in corpore plus habes malorum.*

Clarissi.

Clarissimo doctissimoque Viro,
 D. THEOD. SCHREVELIO,
 pro missis filiolo libellis scholasticis,
 Gratias agit pater Hendecasyllabis.

Mittis munera, Schreveli, libellos,
 Quæ possunt pueri placere patri:
 Mittis munera, Schreveli, libellos,
 Quæ possunt puero placere patris.
 Illic Grammaticos tonare casus:
 Illic Rhetoricum sonare schema:
 Illic dactylicum rotare carmen:
 Illic verba referre Tulliana,
 Et fraudes recitare disputantum
 Addiscent pueri rudes, tenelli.
 Quo Flaccus socios suos aceto;
 Peccantes sale perfricet Quirites:
 Quàm tristes elegos remittat exul
 Vates, per Scythicas vagis pruinas:
 Quo cantu Corydon, feroxque cultus
 Tellus gaudeat: ut truces poëta
 Gradiui lituos canorus inflet,
 Et grandi tuba consonet Maroni.
 Hic voces repetunt suas Athenæ:
 Pelidæ stomachum legunt Bataui;
 Romanosque duces, & illa belli
 Quondam fulmina Romuli nepotes.
 Fastos Sulpicius sacros recludit,
 Indæosque patres redonat orbi.
 Et postquam pueris misella terra
 Visa est gloria, & eruditionis
 Tanta portio vilior videtur:
 Spectat pusio siderum meatus,

Spectat

*Speñtat retrogrados superbus ignes :
Atque inter Veneris, Iovisque cyclos,
Inter Signiferos, polos, triones,
Zonas, Andromedas, lyras, sagittas,
Et pisces, aquilas, can'es, leones,
Fastidit ferulas, scholas, magistros,
Ipsis altior ipse jam magistris,
Canētis doctior ipse jam Lyceis.*

*Hæc dum munera mittis, ac libellos :
Libros mittere dico, non libellos :
Quin grates toties loquor datori,
Quot donas puero meo libellos.
Quorum qui benè pondus æstimavit,
Nullos dixerit esse plus apertos,
Nullos dixerit esse plus disertos.*

Ad

CONSTANT. HUGENIVM,

E Q V I T E M,

Poëmatum suorum libros Latino, Gallico,
Italico, & Belgico sermone
edentem.

O Cella Batavum, sidus Itali soli,
Britanna Phœbe, Suada gentis Gallica,
Cultor Latini nominis, togæ decus,
Et inquieti digna portio fori,
Sodalitatis eruditæ corculum,
Omnisque plena pyxis elegantia,
Quem magnus ille triplicis regni pater,
Hæresque Elisë regia tangens manu
Vulgi profanis segregavit cœtibus,
Et invidendo consecravît ordini :
Ut quum disertis implicaris vatibus,

Chartas.

Chartasque volvis, & le vem Gnidi Deam,
 Nixumque centum fraudibus Cupidinem
 Docte flagellas, nominis tanti memor,
 Equitumque fame, nobilisque sanguinis,
 Dextram labanti commodares patria:

Quò te Poëtam raptat insolens furor
 Tua Camæna? qua Thalìa, quis novo
 Grandes cothurnos Phœbus aptavit pedi,
 Nec usitatâ ducit in cœlum viâ?

Non sic priorum lingua Belgarum ferax
 Sese locutam meminit, ipse quàm suis
 Leges Cheruscis ductor Arminius daret.

Non victor isto VVestphali gentem soli
 Affatus ore est, quum cruentis cadibus
 Aquilas Quirini terra stravisset ferox,
 Positumque longè Roma sentiret malum.
 Tu barbarorum verba Celtarum sagax
 Nobis recudis. tu propinquos Nereo

Populos virenti laureâ vates beas,
 Latiumque reddis Belgio, Cirrham mari,
 Heliconâ Catiis. tu Caballinos doces

Potare fontes falsa regna Tethyos,
 Clariùsque lymphis ora Teutorum lavas.
 Seu quum stupendus vespertas amantium,
 Umbraticæque porticus deliria,

Nemorisque grati basia, & murmur sacrum
 Cantu revelas: sive moribus juvat.

Ineptientis seculi nasum dare,
 Fluxasque semper vestium lacinias,
 Et implicatos perfricas braccæ sinus.

O flos virorum, debitum cœlo caput,
 Secretioris magne possessor Dei,
 Animæque grandis hospes, & Iovis labor,
 Quàm nos, & omne, quicquid est vatium uspiam,
 Post te relinquis, totque scriptum gentibus
 Nec amulandum posteris cantas melos!

Est,

Est, cui perennis foenerat fame decus
 Germana Pallas, & perunctus fecibus
 Tumultuantis vultus ultor Velsii.
 Fuit Secundus, quem venusta, quem jocans
 Neera blandis vellicavit osculis,
 Suusque Latias traxit in Musas furor.
 Sunt quæis suaves Sequana placent Dæ,
 Ligerisque Siren. cuncta concessit tibi
 Natura solers, dum quadruplici sono.
 Apollinaris plectra barbiti quatis.
 Sic altiores usque spiritus gerens,
 Affaris omnes, Belgiique terminis
 Exis poëta, nunc Latinorum Albulam,
 Nunc blandientis pocla Matrona bibens.
 Mox te Britannus verba conantem sua,
 Et cernit Auson, Italoque Vandales
 Permixtus ori. nulla non civem suum
 Te terra credet, nulla non vatem colet.
 Quod plus laborum restat, & se latius
 Diffundit Helicon, impetus urges tuos,
 Novæque laudis pectus accendis face,
 Nec scire non vis, scire quod quisquam volet.
 Qualis per alta montium cacumina,
 Libyæque valles impotens sui ruit
 Ferox leona, cui perurens Sirius,
 Aut cura raptæ prolis indomibiles
 Accendit iras. illa fontis limpidi
 Vestigat ortus, omne scrutatur solum,
 Nec antè cessat, quàm repertus dispulit
 Insanientem Nilus aut Nigris sitim.

Ad

I A C O B V M P E T I T I V M,

Advocatum Ultrajectinum.

Qui virtute petis Deum penites,
 Doctis omnibus expetis probari,
 Nec quicquam petis, haud tibi petendum :
 Non aris malefidus appetitor,
 Non laudum malesanus expetitor :
 Quem suum Charites, suumque Pallas,
 Et suum Themis, & suum sodales,
 Et conjunx petiit, petit, petetque,
 Bonis omnibus expetite, qui me
 Convivam toties petis petite,
 Nomen conveniens habes Petiti.

In helluonem.

Heri vocatus venit ad meam coenam,
 Quo nil virorum Sol gulosius vidit,
 Nec esitasse plus queat Saguntinus,
 Mutinaeque civis, aut Cyclopius venter,
 Orcique custos, & vorax Phari monstrum.
 Lactuca primum sessilis gula cessit,
 Preludiumque vile perna cœnanti.
 Strinxit petaces pinguis ossa gingivas,
 Artocreaque transiere fumantes,
 Armusque ovillus dentium minas sensit,
 Etiam scolopax pasta, prada brumalis.
 Moxque ore eodem pectus anseris condit,
 Quin sex placentis una bucca distenta est.
 Totque esculenta diluit tribus tandem
 Vini lagenis, & liquoribus coctis.
 Posthac Milonem ne suum Croton jactet,
 Taurum vorare possit & Milo nostras.

D. WIL

D. WILHELMO HERBERTO

Comiti Penbrociæ, Supremo Aula Regiæ
Præfecto.

S C A Z O N.

Heros, Britanna sidus inclytum terræ,
Illustre regno nomen, & decus sceptri,
Qui penè spretis solus annuis Musis,
Batavoque precium grande feneras vati,
Fautorque laudes asseris poetarum:
Seu jam tivas purpurasque suffulcis
Nestor verendus: seu remissus à curis
Regum labores lubricamque perpendis
Sortem potentum: seu receptus in Cirrham
Vatum sereniscantibus diem fallis:

Hunc, qui per atros Nerei venit fluctus,
Viasque longè permeat procellosas,
Leni libellum, pradicande Macenas,
Continge dextrâ. laudibus tui Regis
Vacat, tuumque nomen exhibet Belgis.
Si plura poscis, consecrabo me totum
Tuas ad aras. quoque majus haud possum
Donare, dono, mancipoque Barleum,
Tanto poetis omnibus minus clarum,
Quanto es Britannis omnibus magis charus.

Honori Doctissimi Iuvenis.

HERIBERTI de BEAUMONT,
de Nummis creditis, mutuo, commoda-
to, deposito, &c. disputantis.

P Allens Nummule, tinniensque numme,
Dati nummule pignoris redemptor,
Obses nummule, commodate numme,

o

Quem

Quem nec credere vult bonus libenter,
 Nec quem reddere vult malus libenter :
 Litis Nummule mater, & sequester,
 Eversor male numme nummularum,
 Lucrator bone numme nummularum,
 Qui nunc hunc potes obligare, & illum,
 Nunc fidem vadimonio revincis,
 Nunc egentibus alligas penates,
 Agros, prædia, & incubare mœstis
 Noctes porticibus soles, diesque :

Quam tu per populos potens & urbes,
 Regum maxime, verticem superbum
 Circumfers, dominator Vni versi !
 Quam te vocibus invocat disertis,
 Argenti gravis esuritione
 Aula cultor, & haurit usque ad ossa
 Clientem penitissimis medullis !
 Quam te castra cohorsque pessimorum,
 Et furti venerantur institores !
 Quam te templa colunt, & ære cunctos
 Vendens sat modico Deos sacerdos.
 Quam te per Scythicas vagus pruinas,
 Quam te per Libycas vagans arenas
 Mercator malesanus expetessit !
 Quam te numina summa litterarum
 Summi numinis instar osculantur,
 Et seras tibi lucubrationes,
 Et chartas tibi consecrant & artes !
 En Toxander, & optimi parentis
 Proles altera, gratulante Leida,
 Causas exequitur pecuniarum,
 Et leges tibi prælegit severas.
 Format pignora, mutui patronus,
 Docet depositum, tuosque casus,
 Et tot nequitias maligniorum,
 Et tot nequitias potentiorum.

Conatur tribus explicare chartis.
 Illam post operas laboriosas,
 Curas multiplices, nec otiosas,
 Post laudum titulos, licentiamque,
 Iuris pramia, pileum, togamque,
 Inter caussidicos tuos loquentem,
 Inter virgineos choros amantem,
 Et mox conjugis optima maritum,
 Et pulchra sobole beatiorem,
 Multis Nummule nummulis inaura,
 Pallens Nummule, tinniensque numme.

Amplissimo doctissimoque viro,

D. IOHANNI SAECKEMA,

Curiae Frisiorum Senatori.

A Vla Senator, curiæque praeclustris,
 Cui verba Minos dicitur, Æacus iussa,
 Astræa sacras temperat fori leges:
 Ocelle Frisonum, qui ferè unus in clarâ
 Tellure Musas afferis sua laudi;
 Nec litterarum regna, nec veterinos
 Sordere Phœbi templa vis magistrellis:
 Vindex leporis Attici atque Romani,
 Omnisque tutor gratiæ ac venustatis:
 En quæ verendis iusta manibus scripsi,
 Atque voces, funebremque discursum,
 Laudantiumque grande syrma verborum,
 Quæ fortè marmor poscet, aut dolens saxum,
 Aut ambulator mane vel diè serò
 Cadaverosis cernet in sepulcretis.
 Interpret adsum rancia tua chartæ,
 Tuisque verbis verba reddo, singultum
 Quæ lætitanti syncopenque mox faxint.
 Hic mos & usus optima vetustatis.

*Et seculi, quod currit, ut rogi laudes
 Aut scriptitet canatve posthumus testis.
 Si praeſica me deesse partibus credis,
 Et invidendas ingredi per ampullas,
 Encomiaſtem, ignosce mœſta ſcribenti:
 Si placeo docto judici ac Senatori,
 Friſiæque ocellus illa non videt larvus,
 Iuvabit hos expectorasse Scazontes.*

In Tumulum Nobilissimi Viri,
 E R N E S T I ab A I L Y A.
 Dongriæ Orientalis Praefecti.

Viator adſta, paululumque, ſi vacat,
 Subſiſte, donec, quis ſit hic cinis, ſcias.
 Quem fata cœlo, fama terris conſecrat,
 Æternitati vita, patriæ fides
 Prudentiæque vis & impiger labor:
 Erneſtus Alua clauſus hac urna jacet.
 Hiſpanus odit, terra dilexit ſua,
 Amavit omnis qui bonus, fugit malus.
 Praefectus agris jura, leges condidit,
 Fecitque, quicquid imperâverat, prior.
 Legatus aula jussa pandit exteris.
 Martem cataſtis Belgicum cœrcuit
 Bis ſex in annos. ſceptra federe illigans
 Iunxit potentes, conſilique pondere
 Sororiantis juvit imperi Patres.
 At tu moneris, lenis ut ſis civibus,
 Pernox honeſti cultor, æquus arbitër
 Recti bonique, dantis oſor dextera,
 Et juris empti. totus obſes publico.
 Opum modeſtus aſtimator & tui.
 Talis moneris eſſe, talis hic fuit.

DIRÆ

FRANCISCI PETRARCHÆ

in tumuli sui violatorem improbum.

Quis heu quietam parricida nocturnus
Laceffit urnam? quis manu Thyestæ
Satelles Orci, barbarusque predator,
Dudum sepultis manibus ciet litem?
An rursus orbi monstra parturit tellus?
An alter Atreus, artuumque disceptrix
Colchis resurgit? aut Lycaonis mensas
Dapibus nefandis hospes apparat quisquam?
An fas, pudorque, & lex verenda secretæ
Mortalitatis, pulverisque sepositi,
Cessere mundo? perditusque suffossor
Impune sacris ossibus dicam scribit?

Impure scurra, dedecusque natura?
Probrum Deorum, sorde concubinarum
Contaminate prædo, quid ferrox audes,
Et latro pernox mortuum fatigare?
Petraque tectum seculoque subductum
Laceras poëtam? mortis archipirata,
Tyranne fati, subrutor sepulcrorum,
Terraque, nostrum matris, exterebrator,
Princeps malorum, sceleris antesignane
Et primipile, quo minus venenator
Sicariusque peccat, aut malus mæchus,
Pecunia recisor, & bovinator,
Tortorque & expilator urbis ac fisci.
In te omne crimen majus, ô pater furti,
Cui spem cadaver improba facit prædæ,
Spoliumque busto, lucra morte queruntur.

Super paternum Tullia furor corpus
Egit quadrigas. Fulvia fuit lusus

Ludibriumque immane doctus Arpinas.
 Furens Orestes matre pessima peior
 Crudelis audit. omne flagiti punctum
 Tu raptor exples, lancinator exstincti,
 Sacrique fœde funeris profanator.
 An hac Quiritum dicta, facta taxantem
 Maestas Petrarcham sorte? vapulans quondam
 Pœnas sacerdos hocce poscit à saxo?
 Tam serus ultor. scilicet cui duplex
 Fortuna scripta est, experitur adversam.
 Et quem malignus livor horruit vivum,
 Iam mortuo jam bellæ dicit exanguis.
 Gemoniarum compedumque possessor
 Future, flagris enecande tercentum;
 Non te nocentis ipsa Tartari mater,
 Non trux Megæra, Cerberusque latrator,
 Erebi que sevis portitor, nec implexam
 Quatiens Medusa mille ab anguibus frontem,
 Aut contueri aut tangere ausit in visum.
 Fuge impudice. terra, pontus & cœlum,
 Quicquid deorum est, quicquid est deos infra
 Instant scelesto. quam mihi rapis partem,
 Quod corpori eheu brachium revulsisti,
 Ante ora crudum stabit, & minans furi
 Occultiore pectus ungue discerpit.
 Animumque pravi conscientia franget
 Tortor perennis. Interim mei vivet
 Pars ista melior, fama que inseret cœlo
 Mortale nunquam nomen Itali vatis.
 Tibi Patavî cultor, ac domus Phœbi,
 Tibi Arqua nostri longa corporis custos,
 Padique multus accola, atque Veronæ,
 Euganea tellus, Adriæque potator,
 Non expiandas imprecantur hic diras,
 Proque hoc scelestus scelere præda Campanis
 Eris, lupisque provolutus Hirpinis.

*At vita postquam cesserit, jecur nequam
Famelicus alter exedet tibi vultus,
Vel orbe raptus, quo rotatur Ixion,
Elumbis, exos, fractus & lacer totus
Rapti Petrarchæ brachii lues pœnas.*

M A N E S

Illustrissimi viri,

DOMINICI MOLINI,

Serenissimæ Venetorum Reipublicæ

SENATORIS.

NEPTVNVS.

Abstulerant terris ingentem Fata Molinum,
Et populis visa est flebilis umbra suis:
*Cum pater Adriacis regnans Neptunus in undis,
Dicitur athereos increpuisse Deos.*
*Deferimur Superi. secedunt numina. vix jam
Adria, quo sese vindice servet, habet.*
Non satis est præclara geri. Tritone caremus.
Scribere tot doctis dextera sucta, jacet.
Reddite patritium. vel, Fama teste, profabor:
Iam Venetos, post tot secula, posse mori.

M O L I N V S.

Patrum pompa gravis severiorum,
Civium quoque turba grandiorum,
*Et vos quotquot adestis eruditi,
Et vos quotquot abestis eruditi,
Manes dicite posthumos Molini,
Sub quo purpura clarius refulsit.*
Sub quo purpura lauius rubenti

Sparsit lumine muricis favillas.
 Qui rexit mare, classicum, triremes
 Belli consiliarius togæque,
 Sortis maximus utriusque victor,
 Spretor invidiaque sibilique,
 Iuris regula, viva lex honesti,
 Æternum decus elegantis ævi,
 Omnis arbiter eruditionis.
 Quem prudentia floribus coronat,
 Libertas lachrymis suis inundat,
 Fides marmure lugubri reposcit.
 Quem plorant Charites, Apollo, Pallas,
 Rhetor, & Sapiëntia magister,
 Et quotquot coluit pater desertos,
 Aut illum coluere quot deserti.
 Idem namque Molinus & Camæna,
 Idem namque Molinus atque Apollo,
 Idem namque Molinus & poëta,
 Idem gloria, splendor Italorum,
 Civis optimus, optimus Senator.
 Quare quotquot adestis eruditi,
 Et vos quotquot abestis eruditi,
 Patrum pompa gravis severiorum,
 Civium quoque turba grandiorum,
 Manes dicite posthumos Molini.

V E N E T I Æ.

Q Vot me sceptrâ vident oculis vicina sinistris,
 Non uno toties surgit ab hoste labor.
 Nunc Ister, nunc arma parat vetus Albula, nunc me
 Sollicitas jussis, magne Othomanne, tuis.
 Hac inter secura steti. tot sprevimus iras,
 Nec volui tantis succubuisse malis.
 Si moritur pars magna mei, si terra Molinum
 Condidit, & cessat purpura docta loqui;

Erigi-

*Erigimur tamen, & quæ fati restat ab ipsis,
Intrepidam me nunc sola vel umbra facit.*

VRNA MOLINI.

I Talia prælustre decus, Patavique coruscum
Sidus, & in Venero clarior orbe pater,
Tot cantate viris, tot delassate Camœnis,
Maxima doctorum gloria, cura, labor ;
Cuius finitima strepuerunt laudibus Alpes,
Et volet à sero fama nepote cani:
Cui non una suas trivitt facundia voces,
Cum flueret siccis Castalis unda vadis :
Hoc rogo, clare senex, Batavo concede pœta,
Ut tua sublimi pendeat urna loco,
Sidereosque inter Tumulus præfulgeat ignes,
Possit ut à cunctis vatibus illa coli.
Tunc dicet Venetus, Gallus, Germanus, & Auson,
Dalmata, Cres, dicet Sarmata, Belga, Ligur:
Illa Senatoris Veneti spectabilis urna est,
Nota domi, multo carmine nota foris.
Quem terras, pelagusque ultra, montesque lacusque
Scripsimus, ecce novis vocibus astra canunt.

Lachrymæ MYLI I.

Myli, Batavo nomen inclytum solo
Myli, Senatus pars vetusta Belgici,
Myli, Lycei rector, & quondam Scholæ
Magna imperator, lumen ac decus meum,
Et tot bonorum fautor & solatium :
Illustre bustum lachrymis riga tuis,
Et purpurato adsperge pulverem rogo.
Molinus, eheu, vixit, & cultum Tibi
Cœleste pectus, viridique spiritus
Non amulandum robur astris reddidit.

Rupere Parca fœdus, & tuum truces
 Rapuere Orestem. destitutus Theseo
 Pirithous erras, Scipione Lælius.

Quaque efficaci voce te nolunt sequi
 Iam fata, mœrens triste submittis Vale.

Sic flesse Pollux creditur, cum Castori
 Gravis incubaret ultimus vitæ dies,
 Fratresque tantos Atropos divelleret.

Tecum omnis ordo luget, & sororibus
 Luctu remissis naniâ Phœbus præt.

Quin ipse celsis devolutus Albibus
 Benacus, altis condolet singultibus,
 Ripasque streperis tundit ejulatibus.

Euganea tellus, Tethyosque filia
 Corcyra, Naxos, & crepundiis Iovis
 Superba Creta, quique Veronam colunt,

Et Addua potator, & præfertilis
 Civis Cremonæ, Antenorisque Troii
 Clari nepotes, iusta funeri parant.

At ille celsi rarus hospes ætheris
 Inter beatos eminentior choros,
 Mortalitatæ expeditus vinculis.
 Te flere non vult. questibusque prosequi
 Manes amici; quem per ora gentium
 Clangente semper Fama buccinâ vehet.
 Dum turbulento fluctuabit in mari
 Urbs terror urbis. dum Deorum porticus
 Marcique Fanum stabit, & frendens leo
 Sacrum tenaci stringet ungue Codicem.

P V R P V R A.

DUm faciem mutat Venetus, moriente Molino,
 Et secura diu sceptrâ ducesque timent;
 Palluit, & veteres excussit purpura vultus,
 Et riguere, prius quæ rubuere toga.

Exan-

*Exanguis cum fronte dolet Respublica, fas est
Et vestes patribus condoluisse suis.*

F V G A morientis Molini.

Cum ferus Ausoniis Totilas incumberet agris,
Flammaq; Tarpeias perderet una domos,
Et spolium foret omnis humus; cineresque rogosque
Adspiceret mœrens Itala terra suos:
Fit fuga, & Adriacis surgens Respublica stagnis,
Iura recollectis gentibus aqua dedit.
Adfuit, & magnam Nereus se fudit in urbem,
Tectaque Naiades dispoſuere Deæ.
Quàm metuo, ne cuncta ruant, fugiente Molino,
Et Venetæ gentis gloria præſca cadat.
Hic vindex fuit. hic animis suffulſit urbes,
Et profugos potuit detinuiſſe lares.
Italia fuga prima fuit. poſtrema Molini.
Illa Deos Venetis tradidit, hæc rapiet.

A D R I A.

Qualis ubi immanes tollit ferus Adria fluctus,
Attonitaſq; tumens verberat unda rates,
Ille ſilet, Zephyroque truces mandante procellas
Ponit, & attentis mitior exit aquis:
Non aliter motuſque Ducum rabiemque potentum,
Fregiſti monitis, clare Moline, tuis.
Fallor? an à Tyberi jam ſurrexere procellæ?
Cur? non flat Zephyri lenior aura tui.

B A R L Æ I Threnus.

Oui fuiſti vivus Adria fulgor,
Aſſertor urbis, & natantium latè
Tot inſularum; juris horridi ac præſci

*Et vindicator imperi senescentis,
Præstans Moline, exemplar elegans natæ
Divinit utis, cymbalumque doctorum :*

*Tibi dolentes versibus parentamus,
Et fata premimus fascibus querelarum.
Cur non amicis, ut soles, peregrinis
Scribis frequenter ? litterisque Barlæi
Magni reponis litteras Senatoris ?
Cessasque Phœbi missitare thesauros ?
Sed Tiberis aliquid seculo movet dignum ;
Padusve carmen Minciusque cantillat,
Sive Athesis undas imbibit Caballinas,
Sed Bergomas, si ve Insubrum scholæ dictant
Æternitati verba, quique Tarvisi
Docta penates voce personat Vates.
His, te remoto, ferculisque donisque
Heros, caremus, & miselluli succo
Hoc destituti, rore vivimus nostro.
Quoties amœnis scriptionibus fronti
Detersa ruga est ; quam serenius applausum,
Et densa vatium vota transmarinorum.
Calamosque legi dispares poetarum.
Sensit verendi ponderis notas tellus,
Quacunque vexit, nec latrocïnans dextra
Apollinare polluit sacramentum.
Quoties Molinum, non tamen mihi visum,
Potui videre, tot canentibus Musis.
Quoties nivosas nomen exhibens nostrum
Alpes papyrus transiit, nec invidit
Felicitati, quisquis obvius, tanta.
Tu non merenti, nec memor tuæ sortis,
Responsa doctis sensibus remittebas
Ad semidocti vatis aridas chartas,
Quas in Batavis exaraverat stagnis.
Audi beate, & de domo tenebrosâ,
Hos sume questus, & superstitis lessum.*

*Qui luctuoso emancipatus è ludo,
Se sperat inter sidera atque securæ
Perennitatis regna Te reperturum.*

Ad Nobilissimum

CONSTANT. HUGENIVM,

fatis Molini condolentem.

INgemit, & mediis Nereus singultit in undis,
Dum videt atratos tardius ire patres.
Mœsta Senatorum magno palatia luctu,
Dalmaticæque procul perstrepuere fores.
Trans Alpes iit iste dolor. quæque intonat armis
Auriacus Veneto condolet aula Duci.
Constantine doles. & quo sua federa mittit
Belgica, communis te quoque causa rapit.
Stas claros juxta cineres & busta Molini,
Et patrios spectas illachrymare Deos.
Vt se magnanimo frænet Constantia vultu,
Vt laceret tabulas publica cura suas.
Vt trahat informem titubans Prudentia pallam,
Ambulet excussa Musa Thalia chely.
Vt totas laniata genas concordia rerum
Marceat, & dubitet se superesse Fides;
Quæ dum mœsta vides, extinctum à sidere sidus
Hos Genios inter credis habere locum.

In Prædium

GVILIELMI BARDESII.

ARces turrigeræ, superba tecta,
Bardesi domus, invidenda tecta,
Crassi prædiz, splendidi penates,
Tot villa simul & domus Valetæ.

*Coelum non alibi magis salubre,
 Nusquam latius explicantur agri,
 Aut fecundius excoluntur agri,
 Non Fauni, Dryadesque non petulæ
 Usquam luxuriant magis Napææ,
 Non amœnior ullibi vel umbra est,
 Non valles rigua magis vel horti,
 Non piscosior unda, stagna, fossæ,
 Non colles tumultique plus ferarum,
 Aut plus Thestylis exhibet leporum.
 Amnes veliferi patent, profundique
 Nerei pagina, Tethyosque campi.
 Præbet delicias canora Procne,
 Præbet mare strepitque suæve sturnus,
 Et tot grex avium facit pœtam.
 At ne, quod magis est, premam silendo,
 Nil usquam domino magis benignum,
 Nil usquam domino magis venustum,
 Aut facetius aut magis decorum,
 Ha vos delitiæ, domus, penates,
 Agri, prædia, villula valete.*

IN SCAZONTES CONSTANT. HUGENII

Zulechemi Domini, de Incendio Aulae
Hagiensis.

Quis ille recto Scazon ambulat talo?
 Quis ille docto cogit ore Vulcanus
 Fari pœtam? flamma parturit vatem
 Facesque dira grande carmen eruçant,
 Et insolenti pectus incitant motu,
 Supraque celsas evehunt Ducum turres,
 Cœloque miscent. incalescis Hugeni,
 Et qua per atras Mulciber favillarum

Globos

Globos rotatur, nubila inter & fumos
 Humi jacentes despicias poëta stros.
 Sic sæpe tecta, sæpe sic ruinosi
 Flagrent penates, porticusque lapsuras
 Ignēs adurant, dum tibi calescentem
 Et claudicantem Vesta suscitet Phœbum,
 Furor que nostri scribat illa Constantis.

Nunc Aula demum vivis. hi tibi vitam
 Cineres redonant, sic perisse, vixisse est,
 Arsisse lucrum. clariore jam lucet
 Palatiorum fama luce Scæzontum,
 Vatesque grande fenerat decus Musis.
 Gaudete cives, quotquot efferos undis
 Pressistis ignes. Vindicata jam laus est
 Vestri favoris. si quis advocatorum,
 Si quis reorum dexteram ministravit,
 Si quis rogator, si quis attulit scalas
 Apparitorum, scriba si quis aut juvit
 Tabellionum, copiaris si quis
 Properavit urnam, vel ducis pitissator,
 Cellariusque, buccinator aut pistor,
 Sartor coquusve, laneo aut trapezita,
 Vel qui lupatis impetus caballorum
 Equis frenas, aulicisque pastillis
 Collyriusque vel malagmate exactas
 Nares focillas & pecunias mulges,
 Venator & mirmillo, janitor, cursor,
 Et iliceti sector atque sylvarum,
 Et quotquot aula manipes fames fecit,
 Gaudete cuncti. gratiæ rependuntur,
 Chartasque salvas & fidem tabellarum,
 Delubra, turres, Principumque thesauros,
 Servata per vos Aula nuncupat vobis,
 Gratesque reddit. Scæzon iste victurus
 Vos donat ævo. quid loquar? fidem vestram,
 Silente lingua, muta saxa clamabunt.

In
A D R I A N I T O L L I I
libros de Gemmis.

E Recte Tolli, cuius indoles gestit
Debere seculo, & otio fatiscences
Castigat horas semiseminatorum,
Per eruditas ambulare doctorum
Sueta curas, extricare perplexa,
Purgare verum sordibus vetustatis:
Γαληνικωπαίων decus perillustre,
Recentiorum lima tersa scriptorum:
Et nunc Eoos Indicosque splendores
Inter refulges & tuos smaragdorum
Radiis honores sapphyroque diffundis!
Diemque Hydaspem gemmeumque derivas
In nostra Gangem regna! non tibi sordes
Et semicocta fercla ventris affecti
Molesta jam sunt, pituita vel patris,
Aut ore stillans turpe foetido tabum,
Aut prave olentis vultus ater urina.

Quin transmarinis elegantius totus
Nites decore & fulgetris lapillorum,
Gemmisque luces undique, & coruscantem
Beryllon ardes, succinumque lychnique
Onychesque nigras. ipse quas jacet flammæ
Pyropus in te torquet, & virescentes
Notas iaspis latior tibi pandit,
Carbunculumque & Sardium jubar vincit.
Preciosa scribis, ut cylindrus, ut baccam
Vndis latenter obstrepant Erythraeis,
Adamasque duras nil moretur incudes.
Quam multiformis lividas averruncet
Pestes Achates, languidamque Torcois

Venerem laceſſat, vulſaque è mari magno
 Coralla largas ſanguinum vias ſiſtant.
 Et tu feracis munus inclytum Cypri
 Carulea Cyanos, ſeu Pharus magis laudas
 Scythicaſque rupes, Caucaſique prærupta,
 Per te fugari diſce torva nocturni
 Portenta Morphei & Incubum gravem lecto.
 Cum ventre matris abditum latet pondus,
 Pullus medetur & ſonorus Etites,
 Aquasque magnes allicit putreſcentes.
 Electra mentem, margarita languentes
 Vires redonat. quique friget, afflictiſ
 Hyacinthus ægris ſomnolentiam gignit.

Quis ſplendor artis, quam ſuperba majeſtas
 Medici theatri eſt Æſculapidum patres!
 Queis apparatus cœlites parant tantos,
 Famulantur aſtra format unda quod ſanet,
 Aër medelam ſufficit, vomunt fontes,
 Montes miniſtrant, & ſalubre quodcunque eſt
 Arbusta ſtillant, ſaxa robur indulgent.
 Hic Porphyriten, hic dat Alabaſtriten,
 Illic Pyriten, hic bitumen aut gypſum,
 Aurum, ceruſſam, nitra, fulphur, argentum,
 Opesque cunctas mater alma recludit.

Centum juvatur, lœditur modis centum
 Humana vita, totus orbis objeſtat
 Et damna & uſus, commodusque viventi
 Incommodusque eſt. cauſa mortis atque idem
 Salutis author, qualis haſta Pelidæ.
 Ante ora morbi fomes, & comes juxta
 Medicina præſto eſt. quicquid obvium tangis,
 Sanum flagellat, allevat laborantem.
 Corpus vacillat ſapius remordeſcens,
 Cadaverofiſ debitum ſepulchretis,
 Rurſum reſurgit, & valemus athleta,
 Viceſque ſervant ſanitaſque morbuſque.

*Quæ cuncta dum nos impiger doces Tolli,
 Æternitatis præmio supervive.
 Et si nepotes nomen obscitabundi
 Tuum silenti nubibus tenebrabunt,
 Lapides loquentur. & Boëtii famam
 Tuasque laudes gemmulæ recognoscent.*

Ad

P. H O O F D I V M,

Satrapam Muydensem.

Vatum maxime, lima Belgicis mi,
 Orchestra decus & pater cothurni;
 Cujus grandia verba, grande carmen,
 Seris Melpomene sacra vit annis;
 Cujus dulcia verba, dulce carmen
 Et tot blanditias facetiasque
 Et tot candidulas tenellulasque
 Pulchræ Phyllidis emulationes
 Suis ipsa Venus dicavit aris.
 Cordatissime scriptor acris ævi,
 Et quondam patriæ tumultuantis,
 Nec minus tamen, arbitris remotis,
 Suavissimè basiator Helmans:
 Cur perdicibus obruis pœtam,
 Et rursum stomacho severiori
 Offas objicis elegantiores?
 Quales rex edat aut Deus minister,
 Aut pincerna Ducum vel Imperator;
 Cur mensæ violas mea decorum?
 Cur gula illecebras superbienti
 Vates objicis? imperasque denti
 Prædam dilaniare fastuosam.
 Dudum paupere viximus salino,
 Et victu tenui nec erudito,
 Lactuæ gracili, truci que porro,
 Aut faba rudiore lentibusque.

Fecit

*Fecit prandiolum mihi minutal,
Pulmentum petasoque iusculumque
Ovi sorbilis optimum liquamen,
Vel cervix bovis impigrè saliti,
Aut buccella recocta brassicarum.*

*Nunc sordent vetera. & procax palatum
Spernit fercula pristini saporis.
Tot perdicibus efferata mensa est,
Et cara fames esuritione.
Venter prodigus ardens, palumbes,
Pavos somniat atque Phasianos.*

*Sic peccare facis tuum poëtam,
Et leges male subruis culina
Hoofdi splendide. si tamen jocantem
Barleum sinis eloqui, quod optat,
Fac, peccem semel hoc modo quotannis.*

P A S S E R
SVSANNÆ BARTELOTTÆ,
artem nendi edoctus.

Alumne passer, virginis suavissima
Parasite passer, candidate passerum,
Tot artium magister & scientiæ
Pusille doctor, qui Susannula tuæ
Strepitu procaci insultibusque lenibus,
Et morsione ludicra blandissimos
Moves cachinnos, & protervis motibus
Nunc altus ipso ludis audax vertice,
Vittasque rostro vellicas tenellulo:
Nunc colla circum eburneosque subsilis
Domina lacertos, inde per mamillulas
Sororiantes hinc & inde lustras,
Sedesque amoris quæris & Cupidinis
Fomenta monstras; o beate passerum,
Victure passer versibus perennibus

Perennis

Perennis Hoofdi; quæ Diana, quis Deus,
 Quis Arcas altis educatus in jugis,
 Quis Pan Palesve vel rapacior puer
 Te mollicellæ Bartelottæ vendidit.
 Vt invidendo viveres passer sinu,
 Vt invidendum tangeres passer genu.
 Vt invidendam permeares dexteram,
 Stares sinistra, cum voles, & saltibus
 Totam pererres parvulis puellulam.
 Quod nec Menalca, non Adonidi licet,
 Nec hoc vel illud expetentibus procis.
 Tu lene rostrum conscius modestiæ
 Propius pudicis admoves labellulis,
 Primusque labra virginis de virginas
 Amator audax. tu suavis sputuli
 Exsugis undam, & ore de purissimo
 Mel, nectar ipsum & dulcius quid imbibis.
 Tu vectus humeris bajularis, & tibi
 Videris Isis esse, major virgine,
 Major decora matre. Tu sub auribus
 Cies susurros, & salacior licet,
 Tamen verendis mussitas hortatibus
 Castos amores. Tu genis vicinior,
 Quas osculari vellet aula pronubus,
 Aut Indicarum dives hæres mercium,
 Basiolâ figis, & carves prudentior,
 Ne ladat unguis lacteas asper genas.
 Tu flammeos & amabiles ocellulos
 Coram tueris, & vagum tibi caput
 Obvertis illis, teque passer passerem
 Vides in illis, & stupes passerculum
 A te teipsum diligi ferventius.
 Miraris illic vitream tibi domum
 Cessisse Divos, & palatium dari
 Charitum tabernam, qua latere mavelit
 Pel Pyramus, vel ipse mersus improbis

*Leander undis, vel Phaon formosior,
Vel dux Achilles, aut amator Lesbæ.*

*Tu dum per orbem gemmeos latus salis,
Quos dis Hydaspes alveo vomit suo,
Atroque solers Indus invenit mari,
Mordet, remordet; irritisque moribus
Iras feroces excitat mendax Ceres,
Famesque duris ludit in lapillis,
Vexatque semet; nec, quod optat, accipit.
Petit, fugitque; dimovet, quod admovet,
Spretum reposcit. fallit alitem color,
Teresque gemma. deficit prudentia,
Ut jam Susanna credat esse passerem.*

*Tu lectulum audes, innubasque scandere
Lecti columnas. pervagaris omnia,
Vbi Bartelotta detrahit vestem sibi,
Vbi Bartelotta languidum ponit caput,
Vbi Bartelotta molle reclinat latus,
Vbi Bartelotta blanda claudit lumina,
Vbi Bartelotta somniat suaviter,
Vbi Bartelotta lenis expurgatur,
Et te strepentem, te volentem cominus
Invitat ad se. Tu legenti seria,
Tu tu legenti mobiles Hylæ faces,
Heroidumque masculas epistolas,
Assistis unus. exulisque dum legit
Batonis ausus, ales alas concutis,
Favesque Cattho. Proh, volucrum numina,
Quæ, quanta, qualis parvuli fors passeris.
Iam passer esse fulminum speret pater,
Cælumque mutet passeris cubilibus;
Queis Bartelotta vivit, ambulat, sedet.
Iam passer esse Phæbus, hanc Daphnen velit,
Et passer esse Phtius, hanc Briseida.
Et passer esse pastor, illam Tyndarion.
Et passer esse Mars, & illam Cyprida.*

Et passer esse Flaccus, illam Lydiam.
 Et passer esse Naso, & hanc Corinnulam.
 Et passer esse Gallus, hanc Lycorida.
 Passer Tibullus esse, & illam Deliam.
 Et passer esse Stella, & hanc Hyantida,
 Vt cominus sit quisque compos osculi,
 Vt cominus sit quisque compos lectuli,
 Vt cominus sit quisque compos virginis,
 Vt gaudiorum cominus nunc omnium
 Compos, beatus ter quaterque passer est.

Dolete pica & discolors psittaci,
 Dole coturnix, pavo, turtur, Daulias,
 Gallina Numidum & Adriana. plangite
 Vos Phasiani, & vos aquatiles aves,
 Queis cavea domus est, arctiusque ergastulum,
 Cibusque vilis hordeum vel granulum
 Milii pusillum. noster hic passerculus
 Arces domosque possidet, turres ducum
 Liber pererrat, & Susannula lares,
 Dominaque mensa, ferculis, bellariis,
 Et esculentis delicatulis fruens
 Aquilas Tonantis ridet & quas curribus
 Veneris columbas Cyprius junxit puer.

Laudate passer, te supernis inferi
 Superum theatris indoles, industria,
 Et passerina perspicacia volunt
 Nota celebres. Tu sagax acus her a
 Moderaris ore, ferrulumque acutius,
 Et fila rostro gnarus artium trahis.
 O docte passer, qui labores dividis
 Cum Bartelotta, sarcinantis virginis
 Consarcinator, tu sumente dextera
 Strophiola, vel subuculas, juxta suis,
 Et flammmeum vel supparum & pallam facis.
 Quam Cinxia Thalassio donet tener.
 Si quando capiti tegmen illa detrahit.

Tu sedulus, tu morsiunculis tuis

Acicularum prensitas fastigia.

Si quando capiti mane tegmen induit.

Tu sedulus, tu morsiunculis tuis

Acicularum promoves acumina;

Crinesque sparsos fasciasque colligis.

Quid nunc Arachne es? quid superbis flamine

Lanifica Pallas? quid tapetibus studes

Nurus Laerta? passer ad leges venit,

Et disciplinas & scientias capit.

Passer venuste, corculum tot passerum;

Passerculorum rex, professor, satrapa,

Passerculorum prima laus & gloria,

Sartor tenelle, animula major passere,

Munda voluptas, gaudium, solatium,

Qui verba vati mille dictitas tuo,

Nec plus volentem scriptitare, deseris;

Vt te canentem, te sumentem laudibus

Sum prosecutus, fata prosequar tua,

Tumuloque carmen exarabo posthumum:

Passer. Susannæ. lusus. hic. situs. jacet:

Susanna. lusus. passeris. lulum putat.

Ad doctiss. Iuvenem.

D. IOHANNEM HELMONT,

cum me prædio ampliss. Consulis

ANDREÆ BICHERI

avunculi sui excepisset.

HElmonde, pernox cura matris optima,

Helmonde, matris gaudium piissima,

Helmonde, dulce Diver & solatium;

Qui moribus probissimis suavissimos

Misceo lepores, ingenique flammulam

Sub me decoris artibus resuscitas;

Præstans Ephebe, candidate Palladis.

Alumnè

Alumne Themidis & gravis scientia :

*Iam Consulari pradio stamus duo,
Auditor & praeceptor. hic vati tuo
Faves benignè, & pulveres Scholasticos
Multum venusta comitate discutis.
Totus renascor. scribimus divortium
Severitati. vos valete pulpita,
Schola, labores & gravissima vices
Tot lectionum. Nunc amoenis ambulo
Securus agris, & serenus dormio,
Vbi torva nuper innatavit fluctibus
Feroxque Najas. piscium cubilibus
Iacet poëta. quaque velis navita
Arctous ivit, Æolique turbidis
Vixit procellis, Musa sedes otii
Et erudiis invenit locum jocis.*

*Helmonde, quo me, quo rapis vatem tuum
Per rura, campos, trans arenarum juga
Venator acer? meque nescium cupis
Inusitatis passibus sequi feram,
Canibusque & hinc & inde victimam gula
Captare leporem? pone tardus insequor,
Contentus illo mitior spectaculo.
Tu glande seva dejicis fastigiis.
Guttur voracis & loquacis alitis,
Nec fata meritos tam cruenta passeris.
Te stagna propter garrula timent aves,
Anasque & anser planipes, & ardea
Intenta ranis, terra, coelum, flumina
Prædam ministrant. nec tibi negaverit
Natura quicquam. quin caballis imperas,
Et me superbis curribus jubes vehi,
Longisque ferri latiore semitis.
Monstras amœnum quicquid aut fecit Deus,
Aut ars magistra: queis carere possumus,
Et non carere: quæ necessitas monet*

Curare,

Curare, vel quæ suggerit mortalibus
 Disspar voluptas. Consulis nostri lares,
 Avunculorum tecta, matris providæ
 Vidi penates, villicos, novalia.
 Vbi consul urbis liber à negotiis
 Vix nata rura bobus exercet suis.
 Vbi consul hortos ordinat, ponit pyros,
 Salicesque lentas, fraxinos quincuncibus
 Disponit aquis, & virentes adspicit
 Spatiis decoris arborum tot ordines.
 Vbi consul amplis educat vivariis
 Genus natantum. & frena mordenti domos
 Aptat caballo. qualis olim creditur
 Duros Latinus Imperator vomere
 Fregisse sulcos, & famem cordatior
 Sedasse mense vilioris ferculo.
 Hæc vita nostra est. excipit curas quies.
 Gaudet remitti, publico si quis vacat,
 Suisque gestit esse, quisquis omnium est.
 Hæc Læliorum vita, talis Tullii
 Fuit recessus. sic Catones maximi
 Vixere quondam, cum fatigatis darent
 Villa levamen, Formiæ vel Tusculum
 Vel ipsa Circes imminens mari domus.

At tu recentis chære lustrator soli
 Helmonde, si vis commodis ruris frui,
 Nec vanus esse prædii cultor tui;
 Magni benignam numinus stupe manum,
 Quæ vis creatrix rura tot mortalibus
 Donavit agris. quis labor tot fluctibus
 Subduxit agros, fabricaverit solum,
 Terrasque nutu portet immensas suo.
 Hic cerne, nobis ut ministret Cynthius,
 Sororque Phœbe & siderum fixæ faces.
 Mirare ventos, æris purgamina,
 Mirare pluvias, lapsa cœlo flumina,

*Mirare siccum jam latrare Sirium,
 Mirare sicco Pleiades interseri.
 Mirare sensim lata nasci gramina.
 Mirare sensim lata pelli gramina.
 Mirare primi candidum veris decus,
 Brumamque & aestus, & remissius decus
 Labentis anni. sic tua totus Deus
 Menti patebit & potentia vigor,
 Sapientiaque grandius miraculum.*

*Hæc cum serena monte cogitaveris,
 Te cerne propius & tibi renascere,
 Pectusque pulchris nuncupa virtutibus.
 Sic universi digna vires portio:
 Sic inter agros ambulabis dignior:
 Sic stirpe dignum splendida tolles caput,
 Sic tot propinquis, sic parenti Divera,
 Avunculisque, sic mihi, sic omnibus
 Placebis unus unice. sic osculis
 Te sponsa tandem pulchra, dives, optima,
 Crebris, pudicis, mollicellis obruet.*

In

CONSTANT. HUGENII

*Meteorologiam, sive de Meteoris
 Epigrammata jocosa.*

*C*ontra ambulonem maximi Stagiritæ,
 Flagrum Lycai, Graciaque censorem,
 Nunc serium, nunc perfaceta scribentem
 Legi poetam, temperata jucundis
 Severiorum verba disciplinarum,
 Salesque mixtos sensibus gravis Stoa.
 Quos perspicacis scripsit arbiter veri,
 Et eruditi classica inter & vallos
 Et castra & enses fudit ardor Hugeni.

Vacat

Vacat omne Musis tempus. inter armorum
 Strepitusque & iras, otius Camanarum
 Mens lata gaudet, & movet quiescendo.
 Nec tunc quiescit, cum quiescit insani
 Palæstra Martis. inquieta per coelos
 Terræque tractus ætherisque discurret,
 Originemque cogitat suam pernox.
 Dum miles umbræ Martium latus donat,
 Segnisque cantat cantiunculas turpes,
 Dum ganeoni lurco commodat dentes,
 Et vinolentis ructibus calent hæstæ,
 Vel Thais hunc effeminat cataphractum,
 Aut grande numen, ac Deos sacramentis
 Ipsosque Divos ore miles infamat:
 Dum sordidæ per vestis abditos calles
 Turbat satelles divagantium turmas
 Pediculorum, & quicquid invenit perdit:
 Rubiginosos alter illinit pingui
 Gladios amurcæ & vindicat situ parmam:
 Hic pectit altos vertices caballorum
 Iubasque stringit ordinatque nummos,
 Nec una cura filios habet Martis:
 Tu literarum lux inusitatarum
 Per avios Libethridum volas campos,
 Zulecheme noster. & Iovis Panomphæi
 Sublimiore raptus altius penna
 Sedes pererras, ac tonitruis imples
 Delubra Phœbi, fulminasque per Chyrram.
 Tuisque terres fulgetrisque flammisque
 Cacutientis pavida tecta Barlæi.
 Tu sævientum cæca flabra ventorum,
 Et Æolorum regna, pallidam Lunam,
 Et nunc rubentem, nunc sive ridentem,
 Faces, Dracones, lanceas, refulgentem
 De sole solem, grandinesque saxosas
 Nivesque doctæ & horridum gelu cantas.

Tu signa prodix æris serenati,
 Tu signa prodix æris procellosi,
 Pater sereni ac nubili, pater rerum,
 Qua vel videntur Sole vel vident Solem.
 Tu discolores pingis Iridis vultus,
 Nunc Vespera cadentis aut renascentis
 Faciem diei. te docente jam scimus
 Cur vorticosis sese hiatibus magnus
 Diffundat æther, & Deum salutaress
 Mingat procellas semipota majestas.
 Cur macula Phœben turpet, & coruscantem
 Titanis orbem polluat latens stigma.
 Cur dira mœrens horreat cometarum
 Ostenta mundus, purpuræque peccantes.
 Quis ventricosam vibret impetus terram,
 Eruet ignes, fixa, sulphur & fontes,
 Cur fatua flamma persequentibus cedat,
 Timidos sequatur, stella decidat cœlo,
 Et Tyndarion gemellus oderit frater.
 Inter vapores halitusque fumosque
 In abditi recessibusque natura
 Examinatum opinionibus verum
 Rides, sugillas & jocando castigas.

Nubi vage scriptor, vade, quo rapit vatem
 Vis tanta fandi. Perseo comes vade,
 Aliosque fontes mentis ungula pande,
 Et Pegaso per alta nubium vectus
 Me linque fessum, languidumque & exhaustum,
 Qui te secutus hæc tenus per & terras
 Tumidosque fluctus, amulusque cantanti
 Nunc ire iuxta, pone & ante despero,
 Excors, remissus, plurimum escit abundus,
 Expers calor, conjugis, thori, lusus,
 Quem concupivit Herculis pater valde,
 Nec concupivit mater Herculis raro.
 Hæc quæcillare rursus & Catullare

Si siverint me fata, tunc tuium fulmen,
 Tonitru, pruinas, fulgura & faces nostro
 Aptabo amor. tunc tibi novos fontes,
 Pluviasque & imbres, flammulasque dementes,
 Terraque motus, & cubilium fortè,
 Lambensque reddam basium, & tuas chartas,
 Acuta verba, mustulenta commenta,
 Mel Atticum & rorantis ingeni succum,
 Verbis facetis, vinnulis, venustillis,
 Amoris inter bella, castra, congressus
 Redimam pœta, amator & Stagirita.

In prædium Boreale Amplissimi
 Consulis

A N D R E Æ B I C H Æ R I.

Magni prædia Consulis valete,
 Horti, jugera, silvula, caballi,
 Et vos quadrijugi valete currus,
 Qui per rura, per aggeres pœtam
 Vexistis, sociisque tot leporum
 Helmondis, sociisque tot viarum
 Charis fratribus, incitastis axes;
 Et Plutonis equos, quibus dolenti
 Posset Persephone rapi parenti.
 Vos curas animi severiores,
 Vos urbis strepitus patentioris,
 Vos, ô prædia, sarcinas laborum,
 Tot rerum grave dispulistis agmen,
 Dum Bickarula molliet procatur,
 Dum Bickarula suaviter jocatur,
 Dum Bickarula basiis mariti.
 Adsuescit, bona, lenis & venusta,
 Dum non virgo, sed esse mater optat,
 Et jam nupta puellulas repellit,
 Et conjux nova conjuges saluat :

Nos terras patrias agrosque leti
 Emetimur equis, lacusque vastos
 Calcamus pedibusque curribusque.
 Hic cubilia piscium tenemus,
 Domos Naiadum, domos natantum.
 Hic per limina Tethyos vagamur,
 Hic paludibus incubamus ipsis,
 Postquam cedere trux coacta Tethys,
 Et cunctos Satyri bibere fluuius.
 Hic velli ratibus rotis vehuntur.
 Aurigis patet aula navitarum.
 Hic pandunt lepori viam procellæ.
 Hic velox leporem premit Molossus,
 Hic turdus laqueo misellus haret.
 Hic se retibus implicat scotopæx,
 Exertumque dolet nocere rostrum.
 Hic cum Phyllide Thyrsin ambulantem,
 Hic cum Thyrside Phyllidem jocantem,
 Hic cum Chloride Pana lustrantem,
 Hic cum Doride Pana saltitantem,
 Et tot gaudia sensimus beati,
 Quot tellus nova villulis abundat,
 Quot tellus nova fructibus redundat.
 Testes pradia tot facietiarum,
 Hostes pradia tot molestiarum,
 Horti, iugera, silvæ, caballi,
 Magni pradia Consulis valet.

In Prædium sive villam Nobilissimæ
 IOHAN. HVYDEKOOPE R,
 Equitis, Domini in Marssveen.

A Mana villa, villa perplacens Diis,
 Hominum voluptas villa, prædium meis
 Vacans Camœnis; quale quondam Formia

Habuer

Habueres sedes, quale Tusculum fuit,
 Tiburque fessis obvium Quiritibus,
 Aut pradicandus usque Bazarum niter,
 Salvete tecta. Vechta quæ strepentibus
 Pulsat susurris, cujus irrigat sinus
 Permixtus undis, Rhenus, & terras beat
 Fecunditatis uberes testes suos.

O villa Superum, quam vel ipse Iupiter
 Procator olim prætulisset Thessalis,
 Vbi Phæbe Daphnen persequi velis tuam,
 Vbi blande Thisben Pyrame optares tuam,
 Formose Adonis Cypridem, Sapphum Phaon,
 Mihi villa ride, meque amoenitatibus
 Perfunde centum. gaudiisque percoque
 Mentem severam, tetricamque grandibus
 Curis Sophorum, Stoicisque jurgis
 Adsperge pacis spiritum lenem tuæ,
 Et literatis otiiis da perfrui.

Beata Villa, quam propinquam conspicias
 Mitrata turris, urbsque tot Divum sacris,
 Tot clara templis, coetuumque regulis;
 Ut jam virescis, & tuum late jubar,
 Umbris inumbras, porticusque dadalas
 Disponis aptè, & ambulantum vertices
 Foliis coronas: ut ferax tot fructibus
 Iam nunc superbis, & rubentibus rosis
 Ornas Susannam & nubilis Constantia
 Pectus pudicum, & lacteis mammillulis
 Decerpta vati dona ridens ingeris.

Tibi lata circum prata porrigit Pales,
 Pomona pomis hortulos pingit suis,
 Avidasque cerasis mille provocat manus.
 Pan ludit agris, Thestylis lac elicit,
 Magistra mulctra, fœna veetat curribus
 Lentè Menalcas, in decembrem providus.
 Tilia venustas explicant frondes tibi,

Et inter illas albicantes populi
 Sese proceris erigunt fastigiis,
 Cælo minantes. sensuum illices locos
 Et ordinata spacia tot quincuncibus,
 Fontesque vidi, fraudis humidas vias,
 Et innatantes rivulis altè pilas,
 Fluxasque semper mobilesque casibus
 Regum coronas, stellulasque turbine
 Natas aquarum, & nunc madentem Cynthium.
 Hic Taurus iste raptor Europam vehit,
 Latrant Molossi, tendit arcum Cypridis
 Salax puellus, saxa vortices vomunt,
 Spuunt Dracones, infremit trux simius,
 Bibunt olores, permadescunt Orphei,
 Labentibusque pleetra tingunt lymphulis.
 Hic magna Tethys arte speluncam facit,
 Marisque spoliis fornices condit labor.
 Vbique fons est, undique è conchis scatent
 Vnda, ruuntque fistulatim flumina.
 Tubisque longè Martiis volant aqua.
 Dynasta Marfi, tuque conjux conjugis
 Coymanna tanti, quam beatos aspicit
 Vos æquus ather, vestra si nostis bona.
 Hic expedita mens tumultus Amstelæ
 Fastidit omnes. hic avaras spernit
 Dextras eumentum & sarcinas vendentium.
 Vnique grati, quicquid hic est munerum,
 Debere cælo vultis. O par optimum,
 Salvete vati. germinent vobis agri,
 Non urat illos Silius, non horridus
 Imber flagellet, aut ferocior Notus.
 Et qui Poëtam feriantem longius
 Foristis ambo, sic fovete crebrius.
 Et hic bibentem vina vestra suaviter,
 Et hic vorantem pruna vestra largiter,
 Et hic edentem fraga vestra fortiter,

*Sic incubantem per nulis ferociter,
 Sic ambulantem, sic jocantem jugiter,
 Sociis puellis, blandulisque matribus,
 Sociis maritis, Hoofdiis, Vic-fortiis,
 Vectum caballis, splendidisque curribus,
 Leone quamvis aestuante coelitus,
 Latrante quamvis undequaque Sirio,
 Vir atque conjux, advocate sapius.*

In Capturam Turdorum, ad

IACOBVM BAECKIVM.

I Acobe Baecki, lene pectus, & fera
 Crudelitatis ac furoris nescie,
 Crudele quid me pascis ad spectaculum,
 Et vis videre semipendulas aves,
 Laniata fæde membra, luxatos pedes,
 Et prafocatas vinculis tuis gulas,
 Suspendiorum multiformium modos,
 Quibus immerentes alites mortalium
 Damnat libido. dum petita gutturi
 Alimenta striculis sava necit nexibus
 Rostroque mortis ingerit trux pabulum.
 Vidi alligatum Ixionem sua rota,
 Vidi voracis Tantali vanas dapes,
 Vidi revinctum Caucaſo Promethea,
 Saxoque semper incubantem Sisyphum,
 Vidi Megara territantis verbera,
 Suspensa ventis corpora & diras faces,
 Laqueos Arachnes, queis pependit mortua,
 Flammisque tostas filias Orionis,
 Et quicquid ira Tartari in pœnam parat.
 At fœta vidi. fabulosum hoc credimus,
 Quodcunque vates finxit & vatum furor.
 Sed enecari & strangularier genus

Late volantum, vera verba credimus.

*Tuus hoc theatrum multiformis supplicii
Ostentat hortus, prædiumque Bæckii
Orchestra cruda est & cruenta funerum
Palæstra, quam misellus implet lugubri
Clamore turdus, subdolisque retibus
Fringilla capta; cum tyrannidem ferox
Exercet auceps, & superbo pollice
Caput tenelli exile frangit alitis.*

*Quod si dolores eloqui possent suos
Turdi voraces, dicerent mox Bæckio,
Injuriosa morte se cunctos mori:
Non legibus, non jussibus volatilem
Turbam teneri. jussa natura sequi,
Cæcosque motus. Velle liberum sibi
Negasse divos. ætheris laxas vias
Patere cunctis. nunc sub Arcto vivere,
Nunc ire in Austrum præscias mala famis.
Volare passim, sic volentibus Diis;
Et victitare bacculis rubentibus,
Et morsitare, quicquid annus obvium
Aptumque vitæ serius Autumnus facit.
Non regna per se mutuis bellis premi:
Aut litigare litis arbitros sacra:
Non æra posci nummulosque furripi,
Mercantiumque nomen expungi dolo:
Non advocatos esse, qui lucrum bibunt,
Non quadruplare parta fraudibus bona,
Non militare & oppidis dici graves,
Aut rusticantum nidulari in horreis,
Non ut pudicæ virginis lædant sinus
Thalamosque scandant & cubile conjugum
Huc advolasse. transitum solum peti
Alias ad oras, & quod hospiti vago
Vnquam negari jura natura vetant.
Non hæc mereri innoxios suspendia,*

Laqueosque compedesque & altis vincula
 Suspensa ramis. iudici scelus Iovi,
 Et expiandum crimen atrox Æaco.

Amice Bæcki, condolere si licet,
 Nunc condolere turdulis, perdicibus
 Concede vati. vivit aula psittacus,
 Et purpuratis hæc dicit regibus.
 Impune celsis clamat ulmis ardea,
 Impune vultur sordidas vorat dapes,
 Impune pennas arrigit pavus suas,
 Impune latis innatat paludibus

Olor verendus. Eximit ciconiam
 Pietas periclo. rustica quotquot volant
 In montibus sylvisque vel stagnis aves
 Suspendiosum nesciunt lethi genus.

Miselle turde, tu sub ilicis lætes
 Suspensus umbra, te probrosa victimam
 Mors sacrat orbi. stringitur tibi gula
 Sicariorum more, vel furis mali,
 Aut perduellis aut nocentis publico.
 At si poëtas esse quid putas tuos,
 Preciumque mœsti carminis magni facis,
 Nec vile censes, versibus clarescere,
 Hæc, crede vati, digna res suspendio est.

Incomparabili Juveni

CONSTANT. HUGENIO

Filio, cum Adamum suum peccan-
 tem misisset.

Magni parentis magne & elegans Puer,
 Caput Camœnis omnibus sacerrimum,
 Alumne Phœbi, dulce ver Libethridum,
 Charitum Iuventa, prima doctrina seges,
 Præstans honesti surcule, herba latior
 Messis futura, spes loquentis Patriæ,

*Turgens leporum gemma, torrens carminum,
 Tyro canentis eminens facundia;
 Qui penè gressus es supergressus tuos,
 Metamque vixdum carcere emissus tenes:
 Legi ruentis improbas Ada manus
 Crimenque primi patris, & tristes vices
 Mortalitatis & labantis seculi.
 Sed illa mens est vatis & sensus tui:
 Pöeta, cujus lemma Adamus est Peccans,
 Nunc lemma scribat hoc: Pöeta non Peccans.*

Ad Magnificum virum

D. PETRUM C. HOOFT,
 SATRAPAM MUYDENSEM,

cum Invictissimi Galliarum Regis HENRICI
 Magni vitam & res gestas gravi ora-
 tione enarrasset.

S Criptor stupende, Belgici soli vates
 Non amulande, cujus incubat labris
 Vocis Batava curiosa majestas:
 Qui sceptris verbis, purpuramque transcendis,
 Eburque tollis regium cothurnatus:
 Sic perge Fama, seculoque Belgarum
 Debere nomen. non tuis leves cura
 Chartis inerrant, dexteramque cantatus
 Hylas fatigat, pulpitisque Theseis
 Pulsata cunctis. sed velut Iovi magno
 Tonitru decorum est, fulminumque sublimes
 Per summa jactus, arduumque quodcunque est;
 Incedis altè, verticique regali
 Excelsus harena, fata scribis Henrici.
 Ut ille clara Borbonum genus ducens
 De stirpe, regnis debitus Navarrorum,

Titulos

Titulos Olympo fixerit, fidem terris.
 Vt per superbos hostium cataphraetus
 Grassatus enses, inter horridas noctes,
 Inter minaces mortis obvia vultus,
 Vicesque Martis, mobilemque Bellonæ
 Rotatus axem, victor ipse Fortuna
 Magnusque sortis improba triumphator,
 Dignam potenti straverit viam regno.
 Vt turbulento Galliæ mari Castor,
 Vt mite sidus fulserit, cui frendens
 Tumultuantes fregit impetus livor,
 Longæque pacis pressit osculum Marvora.
 Vt exterarum litium sequestrator,
 Bellisque circum sævientis Europa
 Pacator, ipsos increpaverit Reges,
 Tot partium, tot dissidentium iudex,
 Æquus potenti & impotentis assertor,
 Cunctis tremendus, indomabilis cunctis.

Hic Federatus vindicem suum Belga,
 Columenque discit. spectat Allobrox numen,
 Quod infidelis horruit. quod angusti
 Coluere Patres Adriæ laborantis;
 Nec Roma spreuit, Austriaque regnator,
 Non ipse diis prævalens Tagi rector,
 Qui dictat unus iussa duplici Phœbo.

Magne Imperator, cui suam comam Celta,
 Braccata Narbo subdidit suos fascēs,
 Bullam togatus: vive posteris, Princeps,
 Scriptore tali. qui tuæ faciem fama,
 Iam voce, iam sententiis serenatis
 Præfert tioræ. Tu Quiritium laudes
 Factis adæquas: hic Quiritium sensus,
 Gravemque Taciti donat ausibus tantis
 Mentem disertus. Te per orbis orchestram
 Vexere pugna, bella, tela, ballistæ;
 Hunc rebus aptus grandibus tonans sermo,

Divinitatis particeps. tibi legem
 Mortalitatis fixit efferus latro,
 Æternitati lingua vindicat nostras.
 „ Dignis coronæ laudibus parentatur,
 „ Cum nil malignus detrahit, nihil donat
 „ Favor benignus, gratiaque sectator.
 „ Tunc regnat ostrum, cum nepotibus seris
 „ Regnasse constat, seculisque venturis
 „ Trophæa monstrat. tunc Ducum viget virtus,
 „ Cum vivit ævo. fortitudinis merces,
 „ Regisque sors est summa, non mori regem.
 Sublimis Hoofdi, quem Garumna narrantem
 Miratur, & decora Sequana sedes,
 Et Matronæ potator, & Liger clarus,
 Venerare Gallum. si tuos per annales
 Borbonius ingens ambulat, per annales
 Regisque gesta Maximi perennabis.
 Regale crescit Liliū. Leo noster
 Te sic loquente, latior jubam quassat,
 Socioque triplex ungue Liliū prensat.

I N N U P T I A S

Amplissimi Viri

D. I A C O B I P E R G E N S,

Et laudatissimæ Virginis

LEONORÆ BARTELOTTÆ.

Leonora virgo, nec minus Cupidinum
 Fecunda mater; pars puellaris chori,
 Eademque princeps; casta formosissima
 Neptis Diones, vera proles Cypridis,
 Ocelle amoris; cujus è labellulis
 Insons venustas, ore spirant Gratia,
 Candor renidet & verecundus pudor;
 Mensura pulchri, amussis elegantiæ,

Et

Et multiformis officina Palladis:

Leonora, Te nubente, priscus carminis
Resurgit ardor. Te calente, flammula
Vrunt pœtam. crede, crede, ab osculis,
Amplexibusque risibusque, quos loquor
Stillant iambi. basiis tuis meos
Æquabo versus; quotque nistibus feris
Lacerasque amantem, quot marita vinculis
Stringis maritum, quot sivaritatibus,
Leporibusque ludicrisque plausibus,
Procacibusque pulchritudinis notis,
Sponsum laceassis, tot ligabimus pedes,
Venerique referam par pari vates tua.

Leonora, perge, quò priores iuimus,
Cum me pudici cura tangeret thori,
Nec tunc carerem, quâ velim præsens frui.
Leonora, perge, quò tibi pergit Paphum,
Gnidique culmen & Dionæam domum
Monstrare Pergens, optimus ductor tui,
Vitæque fidus conjugalis affecta.
Leonora, Sponsa es. solve zonam virginis.
Leonora, nupta es. flammeo vela caput.
Leonora, Sponsa es. myrteas corollulas
Suspende lecto. lusitent passeruli
Turturque compar & palumbes ad fores,
Et sterile quicquid audit & fugit parem,
Proscribe nupta. nil nisi concordia
Exempla fas est cogitare conjuges,
Odisse tetricos solitudinis patres,
Sexumque quotquot disparem ferunt minus.

Leonora, cœlos cœlitesque suspice.
Omnes procantur, Te procante. Cypridi
Mavors adhæret, instat Hebe Phosphoro,
Apollo Phœben deperit, Iuno Iovem,
Bacchus Dianam. te procante, Cephæum
Astræa poscit, Herculi que poscitur

Andro-

*Andromeda virgo. flagrat impotentius
Perseus amator, & licet stet frigida
Regione cœli, trux Bootes uritur.*

*Leonora, terras adspice. ad famam tui
Vivunt amoris populi. manus ligant
Lascivientes pampini. tenacibus
Hedera sequaces vinciuntur brachiis,
Et canna canne, & alnus alno assibilat.*

*Leonora, fluctus respice. ad tuas faces
Accensa Tethys languidum urget Nerea,
Squamæ calescunt piscibus, phocæ rubent,
Mulli jocantur, atteruntur ostrea,
Perca liquecunt, ambiunt se rombuli.*

*Leonora, quàm tu tempora & dies tuo
Aptos amoris seligis. Gemellulis
Fratrum sub astris, tu Lacena, fulgidum
Iubar decoris explicas cubilibus.
Ver horridum renascitur, te conjuge,
Meliusque vernat. germinant tot herbulae,
Florentque, te florente, mille flosculi,
Panduntque se, virente te, tot gemmulae,
Truduntque latas hortuli propagines,
Prolemque tecum cogitant tot bulbuli,
Quot matris horto Flora dis recondidit.
Sic totus ather incubat mundo procus,
Et terra sponsa est; seque desponsant aqua,
Maritat aër, nuptiis calens tuis.*

*Leonora, te ridente, pennas concutit
Ales Cupido, & dexterum thori latus
Plausu secundo verberat. gaudens puer
Quicquid leporum vel sagittarum sua
Clausum pharetra gessit, omne distrahit,
Venditque amorum filiis. quin ignibus
Circum crepantes aestuant viciniæ,
Volant ocelli amantibus, sororiant
Et hinc & inde nobiles mamillulae,*

Et hinc & inde Phyllidum molles genæ,
 Et hinc & inde Thyrsidum susurruli,
 Venerumque passim blanda conspiratio est.

Leonora, amores occupa. fuga diem,
 Arcesse noctem. tristis expectatio est
 Et dura lecti. bis dolet, presentiam
 Carere fructu, & lætari gaudiis,
 Quæ ratio laudat. res amor sanctissima est,
 Cœlique species. conjugum sodalitas
 Lex prima mundi. non timet virgo mori,
 Quæ mater optat esse. cuncta despicit,
 Consors mariti. vendicat terram sibi,
 Quam prole donat. perge perge in dulcius,
 Causamque gaudi perge complecti tui.

Prædare Pergens, si superstitem mihi
 Tanti furoris credis esse flammulam,
 Et appetentem conjugis suavissima
 Herere mentem, quæ profabor mitius,
 Vultu sereno, verba vatis accipe :
 Quàm tu beatus Bartelottam repperis.
 Quàm bis beatus Bartelottam deperis.
 Quàm ter beatus Bartelottam amplecteris.
 Et quàm beata Bartelotta te videt.
 Quàm bis beata Bartelotta te cupit.
 Quàm ter beata Bartelotta te capit.
 Quàm vultis ambo, quod nefas non velle vos.
 Quàm vultis ambo, quod decet jam velle vos.
 Quàm vultis ambo, quod siletis strenuè.
 Quàm vultis ambo, quod silebo non minus.
 Quàm vultis ambo, quod silendo prodimus.
 Quod ipse Brutus, quod Cato severior
 Patrique similis concupivit Porcia,
 Antoniaque & Iulia & Calphurnia,
 Cossutiaque & cum Mama Oetavia,
 Etiam Sabina & Arria & Cornelia,
 Gravisque quamvis molle cor Sempronia.

Tu

Tu vir venuste, docte, comis, integer,
 Dilecte nobis, Bartelotta, & Amstela,
 Quem regna, mores, gentiumque tot vias
 Lustrasse dudum gloriosum credidi:
 Si non adoras fata Consul tertium,
 At nunc adora fata Sponsus tertium.
 Compesce linguam Livor, obloqui cave
 Votis secundis tertiusque conjugum.
 Si res amica, si jucunda, si bona est
 Puella conjux, cur vetas bonâ frui,
 Bis hac carentes? nubimusque & ducimus,
 Ne fœda sterilem vastitas mundum voret.
 At hoc cavemus bis quaterve conjuges.
 Bis ade Cypri, bis steterisse sub Papho,
 Bis vulnerari, ter medullitus peti,
 Ter igne carpi Romulæ possunt nurus,
 Et cœlibatus nescii Gracum patres.
 Si suave rident liberi, si penduli
 In ore matris lusitant tenerrimi;
 In ore patris vagiunt tenerrimi;
 Quis esse tales deneget ter conjugum?
 Non flamma, pestis, non procella liberis
 Conjux modesta est. non penatibus faces
 Immittit atrox, cui noverca perplacet.
 Noverca nulla est, quæ marito condolet.
 Noverca nulla est, orphanis quæ subgemit.
 Noverca nulla est, quæ mariti basiis
 Placide fovetur. sunt amabiles thori,
 Placabilesque, nesciisque litium,
 Et jurgiorum, cum leves cunæ rotant
 Litis sequestrum pondus, & pacis vadem.
 Primos amoris impetus ciet furor,
 Ratio secundos. prima fax dementiæ est,
 Sequens malorum consciæ prudentiæ.
 Quin prima amantum studia sunt discentium,
 Et nescientum conjugum miras vices.

Nos illa scimus, Sponse; quis rebus modus,
 Quæ vis amoris, quæ fides, quæ gratia,
 Quid expetendum; quid cavendum mutud.
 Si vidua turtur nuptias odit novas,
 At optat illas Lesbiæ passerculus.
 Soles redire cernimusque & oculi,
 Cur non amantes? solitudo pessima est,
 Cur non Creusa, post maritales rogos?
 Vagos amores odimus. sed & viri
 Facti secundo tertioque. plus amant,
 Experti amoris verba, rem, dulcedinem,
 Et quicquid hic est sesami & papaveris.
 Non ille Tiphys, qui ratem semel mari
 Committere ausus, sed frequentius, fuit.
 Non Hector audit, qui semel vaginula
 Distrinxit ensen. sæpe miles militat,
 Et ense crebro hostile perforat latus.

Nunc vos silete exucca, mœsta corpora,
 Patres severi, humanitatis & joci
 Et conjugalis vinculi hostes improbi;
 Aut sapite mecum. Te, virorum maxime,
 Iam teste, dictâ gloriôr sententiâ,
 Tuoque, Pergens, nixus exemplo loquor.

Leonora quàm te respicit, Britannicis,
 Quas Tamesis effert, plus disertâ Nymphulis.
 Leonora quam te suspicit Batavicis,
 Quos Ya laudat, plus disertum amantibus.
 Leonora Sponso porrigit flores tibi,
 Quos docta jam nunc carpsit hortulo manus.
 Dat illa myrtum, dat suavem amaracum,
 Dat florem amoris, & venusti Adonidis,
 Violasque molles, liliumque candidum.
 Dat belidem; betonicam, & ferratulam,
 Calthamque & igne fervidam Daphnoidem.
 Nondum calefcis? rede tu Sponse, precor,
 Veneris lavacrum, carduum, & fabas Iovis,

Lappas

*Lappas tenaces, lychnidique subjice
 Lapathi pusillum. redde nardi spiculas,
 Oculumque Solis Parthenique surculos,
 Crocum rubentem & similacem volubilem.
 Serpilla, & aptam pronubis attractylim.
 Nondum calescit? Nos favemus nuptiis
 Fecunditatis nuncii & propaginis.
 Ne Bartelotta pergat esse, quod fuit.
 At ipse Pergens pergat esse, quod fuit.
 Forsan sequemur. sin minus, vati & seni
 Amasse liceat, si potiri non licet.*

I N N U P T I A S

Præstantissimi Viri,

D. GERARDI ab HELMONT,

Et Præstantissimæ Virginis,

MARGARETÆ BICKERÆ

à S V V I E T E N.

P Ræstans, modesta, blanda, casta Margaris,
 Tot Gratiarum corculum,
 Quam comitatis rore perpluit Venus,
 Cupido mille basiis
 Iocisque Sponsam fecit, & jam nubilem
 Deduxit in Paphi domum;
 Vbi limen omne densa myrtus obsidet,
 Fragrant odores optimi,
 Madet Sabæus, Persa fundit balsamum,
 Seresque sericis thoros
 Sternunt tapetis, tinniunt testudines,
 Domusque tota lusus est.
 Quàm te venustis, magna Virgo, ocellulis
 Chorus tuetur Virginum,

Et

Et longa matrum turba. quàm candentibus
 Gliscunt amoris impetus,
 Latensque voti flamma sub mamillis,
 Aususque cogitat viri,
 Secura damni. quàm pudoris conscia
 Genæ loquuntur Cypridem,
 Et dulce murmur errat in libellulis;
 Ac non loquenda mussitat.
 Non Pelei olim pulchrior se nuptiis
 Ostendit excellens Thetis.
 Non risit uxor blandius Calphurnia,
 Tactura Caesaris latus.
 Nec Cypris olim latius pulcherrimo
 Admovit os Adonidi.
 Hebe fluentem pexuit tibi comam,
 Gemmisque distinxit novis
 Andromeda Virgò. vestis in talos fluens
 Levante fulget Cynthia.
 Adamasque medio pectore lumen facit,
 Splendoris amulus tui.
 Veteres amorum fabulas, Apollinem
 Daphnesque fatalem fugam,
 Casus amantis Sestis, cum Pyramo
 Thisben procantem, Acontii
 Fallacis artem, basianem Nerea
 Et Amphitritem carulam,
 Deos Deasque & festa magna conjugum,
 Tunicis Arachne intexuit.
 Inter puellas eminens Iunonias,
 Et ditis Xa filias
 Et tot potentis Amstelæ illustres faces;
 Iuvenumque vultus illices
 Laudata Sponsa confides. supra caput
 Radiant corona pensiles,
 Casta character virginis. juxta tuos
 Fovent amores Nymphula

Sororiantes, fida custos utraque
 Iam jam labantis zonula.
 Accendit in te conjugis curam Fides,
 Dat Suada leniter loqui.
 Fomenta pellit litium concors amor,
 Et innocentia tuos
 Implet penates. exulat Superbia,
 Fastusque nomen improbum.
 Minus marito, conjugis partes putas,
 Sapuisse velle conjugem.
 Magis marito, conjugis partes putas,
 Amasse velle conjugem.
 Mansueta gressum dirigit modestia.
 Virtus ocellis emicat.
 Erecta mores ordinat prudentia.
 Famam vereris & Deum.
 Pandora nostra es, elegantiæ soror,
 Suavitatum capsula,
 Et promaconda, gemmularum gemmula,
 Et margarita Margaritis.
 Helmonde præstans, quàm tibi latas faces
 Accendit ardens Hesperus,
 Æterque pronis insusurrat ignibus
 Arcana lecti gaudia.
 Legesque Sponso præcipit facillimas,
 Leges amandi jugiter,
 Leges jocandi & osculandi jugiter,
 Et ambiendi jugiter,
 Et colloquendi, & annuendi jugiter,
 Idem cavendi jugiter,
 Idem volendi. Tu bonorum conjugum
 Exempla prudens cogita,
 Flammæ Sichæi, Cepheique vincula,
 Tedaque Porciæ graves,
 Et sempiternis verba digna seculis,
 Pato loquentis Ariæ.

Cum Sponsa præsto est, dic, Creûsa tu mea es,
Dilecta tu Lavinia es,

Tu Sifigambis, tu Mamaa, & Olbia,
Metella nostra & Nysula,
Iustina, Manto, Maja, Phyllis & suo
Amica Doris Thyrsidi.

Perpende voces, Stoa quales edidit,
Graiumque ruminæ scholas,
Et quæ Stagira doctor & Græci senis
Interpres olim tradidi.

Parum est, remotas nosse cælorum vias,
Cœcasque causas fulminum,
Solis labores, astra, motus, tempora.
Non his amica nunc eget.

Res ad cubile venit. omnis in thoro
Nunc explicandus est labor.

Tuum hic Lycæum est. altera his subsellis
Præcepta postit Margaris :

Nil suspicari, conjugii blande obsequi,
Probare voces mutuas,

Damnare raro, sæpe amoribus frui,
Et non abuti basiis,

Illam vereri, quam potenter diligis,
Miscere gaudiis metum,

Favosque amaris melleos absinthiiis,
Vtramque fortunam pati,

Sperare prolem, & nuptiarum germina
Magna vovere Palladi.

Helmonde, mensas talis inter ambulas.
Sic nuptiis datus tuis

Accede propius, Margarimque quam colis
Ardens amator exue.

Silent poëta. Tu, quod Hymen imperat,
Curabis intus sedulo.

Dum gratulantur Amstelæ cives tibi,
Faventi que Curia patres,

Iurisque

*Iurisque sella, quas socer tuus premit,
 Regitque Consul maximus.
 En, Divera equos mater adspicit Deos,
 Latosque natorum dies.
 Et hoc senectæ deputat solatium,
 Curæque præmium sua.
 Quin illa pulchrè turribus surgens suis
 Domus vetusta Sovietiæ,
 Qua tot celebrem gentibus Rhenum bibit,
 Tot tollit agris verticem,
 Tot populis involvit umbrosum caput,
 Applaudit absens Margari.
 Iterant columbæ Margarin, vocant aquæ,
 Frondes loquuntur Margarin,
 Horti, Menalcæ, fossa, rura, porticus,
 Arbusta resonant Margarin.*

D I R Æ I N
C U L I C E S

B A M Æ S T R Æ & A r c i s M V Y D E N S I S.

Vetusta Muya tecta & annosi lares,
 Et vos Bamastra fertilis nova domus:
 Cur culice crebro vatibus molestiam
 Dirisque noctu cantibus faceffitis?
 Istis susurris rumpitis somni moram,
 Istis susurris vatibus suavissimis
 Obmurmuratis, & pœtarum melos
 Cantusque molles Pegasei chori,
 Phœbique totos ordines exploditis.
 Audite Culicum disparem concordiam,
 Volucrisque magna parvulæ discrimina.
 Tuus, ô diserta Muya, fortius canit,
 Minus Bamastra. Muya, plus tuus ferit,
 Tuus Bamastra lenius. rostrum duplex

Acutius

Acutius Muydensibus. Bamastrii
Obtusiore me terebant cuspide.
Quin grandius corpusculum Bamastris,
Et literati sanguinis capacius.
Magis tenella membra sunt Muydensibus,
Magis canorum guttur, atque sibilum.
Vos mane solum lancinatis Bemastris.
Quos Muyda gignit, icilibus sevirissimis
Et nocte pungunt & ruente vespera,
Et plus micante sevirunt sub Phosphoro.
Scelesta turba, noctis horror optima,
Invisa turba, garrula, leves aves,
Sacra quietis jugis execratio,
Seu dispares seu compares susurrilis
Et hic & illic obloqui vultis mihi,
Abite longè, Zoilosque pungite.
Et queis maligna bile torretur jecur,
Quos livor ater exedit. modestia,
Et Muyda sedes & Bamastra, vos jubent
Procul exulare. quid moramini mala?
En frigus adflat aëra, & ferox Notus,
Pluvieque vestros obruunt exercitus,
Finemque diro murmuri Autumnus facit.

In litem

SATRAPÆ MUYDENSIS

cum Domina

V I C O F O R T I A,

uter alteri facem præferret.

MOVIT siavem nata Lis discordiam,
 Placidumque fecit Anna Vicofortii
 Satrapæ tumultum. num præiret Hoofdius
 Facemque ferret ille, qui facem solet
 Præferre Belgi vatibus vatium caput:
 An hospes Anna, qua facem modestia,

Et comitatis tot decoris matribus
 Speciosa praefert. ligare Cynthium
 Phœbenque credas, Phosphorum cum Cypride,
 Cum Marte Vestam, cum sorore Castorem.
 Vult ille, quod non illa. non volunt duo,
 Quod urget alter. singulis sententiæ est,
 Sed quaque dispar. compares virtutibus.
 Hac lœ nutant disparēs. Apollinem
 Praferre terris lucis usuram sua,
 Sequi Dianam, differebat Hoofdius.
 At Anna fatir, hospiti sese hospitem
 Debere tanto prævia munus facis.
 Dum ligant, dum fluctuant, dum lampadis
 De luce rixa est; Ecce raptor Hoofdius
 Attollit Annam; & brachiis circumdatam
 Ostentat altè, & feminam facit Phæarum,
 Novumque sidus. portat ignes prævios
 Mariti vidrix, lampademque exporrigit.
 Et ille victor Annulam, quam vir gerit,
 Obire famule vile nomen bland sinis.
 Sic nullus ordo est aut sequentis hospite,
 Aut post sequentis hospitis. confunditur
 Cum laetæ sexus, bajulusque conjugis
 Fit ille magni bajulator imperi.
 Subordinantur Hoofdius, conjux, faces,
 Et pervenisse cernimus spectaculo
 Præire nullum, pone neminem sequi,
 Redissequamque nec pedisequum dæri
 Famulamque nusquam. salva partibus manent
 Honosque dignitasque. nec jam cedere.
 Dum distribuit suavitè victoriæ est,
 Aut Anna dici, aut victus Hoofdius potest.

Illustri Viro

D. CONRADO vander BVRCH,

Reipub. Amstelodamensis viro Consulari,
Scholarum Curatori, à Cimbrica
Legatione reduci.

Vir magne, vir diserte, vir potens fandi,
Doctrinae cuius abdidit sinu veri
Iustique formas, & scientiæ summam,
Quæ civitatum jura fascibus distas,
Civesque lege fleâs & cupis salvos:
Qui sub rigente nuper axe Russorum,
Moscho fuisti verba nostra prefatus,
Patriæque causam maximo Duci dixti.
Et nunc ab Arcto Cimbricaque legatus
Redux tiarâ sospes Amstela vivis:

Dum Tu remotis iussa Federatorum
Sceptris revelas, Regibusque praduris
Suadere tentas conscientiam recti,
Sociisque terris asseris suas merces,
Peculiumque liberum tui Belgæ:
Nos in ferocis Cantabri truce classem,
Puppesque magni Regis iuvimus fortes,
Minusque Oquendi & impetus Philipporum,
Fluidasque turres & natantium ponto
Alvos patentes grandium carinarum,
Virtute sola sprevimus. nec immanes
Animosa moles horruit manus Trompi,
Audaxque petus. igne, glandibus, ferro,
Grassata gens est nostra, per foros, transtra,
Pilisque latera perforata luxavit,
Costasque fregit navium furens nauta.
Teresa merse est. tot bibere Neptunum

*Vstæ Britannis fluctibus rates celsæ.
 Salamandra capta est, & ferox Alexander,
 Et qui superbos vexit Asturas Feyus,
 Lopeziumque sorbuit mari Tethys.
 Meruere rostra tot Themistocles nostri,
 Duillique & Reguli renascentes.
 Cecidisse Xerxen crede, & alteras ligno
 Defendi Athenas, aliam peti frustra
 Salamina Medo. Tanta fecimus, Burchi,
 Te longius per regna Saxonum & Cimbrum
 Urbes loquente. Si iuvat triumphantem
 Spectare vatem, & magna bella narrantem,
 Hac legere gesti. Per tot hostium puppes
 Tumultuatur Musa, pugnat imbellis
 Apollo, cadit, mergit, urit, exurit,
 Milesque factus credor in truci ponto,
 Manusque Iberum cadibus cruentasse.
 Tu vive sospes Patriæ, mihi, Phæbo,
 Et gratulantis prona verba Barlæi
 Exosculare: sunt regentium cura
 Urbes, Lycæa, bella, curia, vates.*

In diem Anniversarium Nuptiarum,
 Nobilissimi viri

D. PETRI HOOFDII,

Equitis & Goylandiæ Prætoris.

HÆc Nuptiarum sera sunt solennia,
 Latique Satrapæ dies,
 Quibus venusta rursus Hellemantia
 Virile passa basium est;
 Tragiciq; princeps pulpiti pedem thoro
 Novus procator intulit.
 Famam creantis Universum dextera,
 Diemque Iudæus colat.

Terrasque

Terrasque sedis exigant mersas suis
Noachidum propagines.
Tu clara Maceta fata Regis Gracule,
Olympicumque pulverem,
Longis celebra temporum quinquenniis,
Et festa curribus para.
Bellacis urbis Romuli natalibus
Epulum, Quirites, condite.
Tuque imperantis Carolicunas mero
Adsperge Flander largius.
Plus dulce nobis latiusque prandium,
Dapesque ponit annuas
Leonora mater, & cubantis ad latus
Benignus Hoofdii favor.
O lux serena, qua severum vindicem
Effeminas Goylandia.
O lux amica, qua vetustis ignibus
Subdis recentem flammulam;
Rifusque primos, illices amplexuum,
Vocesque primas conjugum,
Alimenta quondam Cypridis, recogitas,
Et jam facere ruminas.
Beate Vesper, dic mihi blandissima
Amantium popysmata.
Dic, quot sagittis laeserit cor masculum
Chiron, Novembrium Deus,
Dic, quot sagittis laesa Bartelottula
Surrexerit vivacior.
Sin illa non fas eloqui; dic Perseo,
Dic Virgini, dic Cynthia,
Dic & Diones filia, quam jugiter,
Quam non renisse mutuum.
Et osculentur & procentur & velint,
Par amulandum posteris.
Dic, quam modesta, matris ad normam sua,
Cristina proles ambulet;

Virumque verbis mentiatur Italis
 Puella, sexu dignior.
 Dic, ut parentis candidum germen sui,
 Arnaldus, illis vocibus
 Puer loquatur, queis locutus est Cato,
 Et rex Latinus & Numa.
 Vt ille, Threcis instar ense fervidi
 Mirmillo vibret parvulus.
 Saliatque, qualis inter agrestes suas
 Diana lege subsilit.
 Et illa postquam dixeris palatiis
 Cunctis Deorum, ne sile,
 Prandere mecum, fabulari, scribere,
 Et disputare suaviter,
 Et gratulari cantibusque & versibus,
 Et Hoofdiis applaudere,
 Helmansiaque, & nuptiis tantis frui,
 Insigne Belgii decus,
 Frisiaque ocellum, amœnitatis corculum,
 Mensaque presentis facem,
 Nunquam canendam vatibus nimis, mihi
 Semper colendam Tessellam.

I N O B I T V M

Clarissimi Viri

IOHAN. ISACII PONTANI.

P Ontane, quò me, quò tui colens dudum
 Pectus relinquis! atherisque transcendens
 Vias beatus tot malis inerrantem
 Mortalitatìs sede desuper spectas?
 Me sume socium, vallibusque subductum
 Calumniantis seculi & suo more
 Ineptientis, inter integras mentes,

Innoxiasque

Innoxiasque nesciasque livoris
 Tecum reponere. quæ virile Cansci,
 Et os loquentis prisca verba Iacchai,
 Virtusque nullum vellicaniis Erpeni,
 Spernit maligna virus improbum lingua.
 Illic per astra, per faces tibi scriptas,
 Per regna Superum fornicesque flammantes,
 Tonitruumque fulminumque per tractus,
 Geminumque mundi culmen ibimus lati.
 Propiusque cæli signa, circulos, puncta,
 Lunaque vultus & vagantium motus,
 Ortusque varios luminumque tot casus,
 Arcana mundi, permeabimus coram.

Hic nos moratur pigra corporis moles,
 Animumque gleba affigit & solo mentem;
 Crepundiisque ludicrisque curarum
 Vanisque miseri nanus fatigamur.
 Tu, quem docentem porticus Sicambrorum
 Flevisque lambens stagna Geldrus audivit,
 Iam multa discis, quæ negata sunt nobis,
 Et multa nescis, quæ profana nos scimus.
 Scrutator usque veritatis æternæ,
 Saturque votis & Dei Redemptoris
 Amore plenus, conscientia laudem
 Infers Olympo, laureamque doctrina
 Felicitatis luce clarus exornas.
 Quæ sceptræ Regum purpurasque Cimbrorum,
 Septentrionis numina, indicavisti,
 Eburque Gothicum lineasque regnantum,
 Rhemi bicornis oppida & Duces priscos,
 Et gesta Patriæ gnarus expedivisti;
 Qui præpotentis Amstelæ domos dites,
 Originesque, templa, fata mercantium,
 Suffulta sylvis tecta, mobiles arces
 Auri latebras, merciumque scripsisti,
 Nunc alia regna, & tot regentium Regem,

*Et civitatis jura perspicis magna,
Opesque lustras, nescias vetustatis.*

*At nos dolemus, quotquot hic sacri Musis
Monumenta seculo consecrata miramur.*

*Quæ nec malignus Livor afflat aut Momi
Furor flagellat. Te caremus, Isace,*

*Nec jam benigne commicant amicorum
Voces, nec ales charta transvolat fluctus,*

Testis salutis, & favoris illæsi.

*Hæc summa vita est. hoc suæve solamen
Afflictionum, leniore conspectu*

Sodalitatis persuii verecunda.

*Amplecti amicos, literisque testari
Flammas honesti, candidique convictus.*

*O literarum splendor, ô senex doctæ,
Tot noctibus, tot hæc laboribus fractæ,*

Tot fesse scriptis, tot scholis fatigate,

Criticique dudum magna pars tribunalis,

Tot præmiis, tot Imperantium donis

Illustris, audi, & mœsta verba Barlæi

Sibi dolentis & tibi parentantis,

Tibi gratulantis, at sibi gemiscentis,

Lachrymas amantis, præfice puta lessum.

Illustri viro

D. LODOVIC. CAMERARIO,

Suecorum in Batavis Legato, suam
à prandio absentiam excusat.

Vir magne, vir serene, vir potens fandi,
Regina cujus ore fatur ad Belgas,
Batarumque patribus pandit imperi sacrum;
Quem terra quondam latior Palatini
Ducis fidelem sensit & sibi charum:

Quid me poetam poscis ad tuas mensas,

Epulisque

Epulisque Divum vis fieri professorem?
 Et labra ferculis admoveere Legati?
 Nos inter umbras porticusque Musarum
 Humiles moramur, vivimusque secreti
 A luce tanta. me cathedra, non aula
 Assuevit uti. nec dapes potestatum
 Mereor sacerdos Palladis. Levi formo
 Coetus scholarum voce, & illa magnatum
 Aula & arces rarius hospes accedo.
 Tu jussa Regum Principumque promulgas,
 Ego jussa acuti interpretor Stagirita.
 Tu regna flectis, suggerisque vel belli
 Vel pacis artes; me rudis Inventutis
 Cultura totum possidet. Ducum vox es,
 Ego vox docentis Amstelæ. doces suasor
 Facienda grandi purpura & tuum pergis
 Sueonum probare munus Imperatrici.
 Mihi parca vati spiritum dedit lenis
 Clio Camæna, carminisque concessit
 Exile robur. sorte, laudibus, fama,
 Splendore dissidemus. hinc timet noster
 Calcare honoris atrium tui Phœbus,
 Pudorque magnis horret ingeri mensis.

Perite rerum publica que fortuna
 Lodovice, grata mentis obsides sume
 Testesque jambos, gratiamque conviva,
 Quam nunc rependo maximo Tibi verbis,
 Exosculare. mitto ferculum Cirrhæ
 Apollinaris dulce ferculum mense,
 Procul à diserto fonte Phocidis natum,
 Vbi Rhæni arces & Quiritium castra
 Subversa lambit, Schonckii que laudata
 Humanitate latus hospes involvor.

Vale ter ample vir, cui reflorescens
 Germana tellus debet & Nicri Princeps,
 Vultuque vestro prandioque semotum

*Illustris, æquus & benignus excusa.
Sic te potentis sceptræ diligant terræ,
Sueconumque rectrix Finniæque regina.
Sic Federatis Patribusque regnisque
Digne colaris : fata prorogent annos ;
Pulchramque Superi sospitent senectutem.*

Amplissimo Viro

D. GVILIELMO BORELIO,

Duynbekæ Domino , Reip. Amstelodamensis Syndico.

P Restans Boreli, si qua vis Apollinis
Morbo superstes, pristinos valet modos
Dictare vati ; nec benignum sanguinem
Febris resorbens, fontis Aonum simul
Exsuxit undas, torpidique spiritus
Sublimis aura portuuncula vigent :

Id omne & unum gratias agit tibi,
Et me measque consecrat Musas tuæ
Humanitati, publicoque interpreti
Assurgit absens, & favoris maximi,
Quo non merentem amplecteris, laxos sinus
Audet remissis implicare versibus.

Hæc lege vivis ; non suis se commodis
Natum putare : publico se mancipat,
A plebe quisquis distat, & scientia
Extendit annos. esse non cupit suus,
Vindex suorum. civium facundia est,
Quâ faris Hagæ. quod sibi plures petunt,
Per te loquuntur. quicquid es, sic Patriæ
Batavoque donas, & potentis imperi
Fulcis labores, consilique pondere
Disertus audis. Talis in Quiritium
Cynceas Senatu verba fecit, & sui

Mandata Regis elocutus, os fuit
 Et lingua Pyrrhi. talis Atridas Duces
 Nestor trahēbat, Herculesque Gallicus
 Vocis catena Galliam flexit suam.

Qui barbarorum corda Thracum leniit
 Orpheus canendo, muneris tui fuit.
 Et qui suberbā arte Thebas condidit,
 Et saxa doctā movit Amphion chely.
 Praire verba fascibus Tulli patris
 Partes fuere. Talis Æschines forum
 Urbesque Grajas Atticosque principes
 Formavit olim. Federata nomina
 Talem salutant, Belgique illustrior
 Urbs per patentes orbis excurrentes plagas,
 Famamque longæ Solis exaquans vie,
 Pro se loquendi copiam tibi facit,
 Curisque crescit magna Civitas tuis.

Nec hic subacta meta stat prudentiæ,
 Aut Consularis iussa solum Curia,
 Nobis profaris. India per te sapit
 Potens Senatus, teque partem Concilii
 Vult esse tanti. consulis domi sagax
 Foris gerenda. quæque Titan curribus
 Exsurgit undis, & Moluccas adspicit,
 Calidamque Iavam, tuque mœnibus valens
 Ambona ferves, & Tidora praliis
 Hostem fatigat, gentiumque messibus
 Iacatra turget; optimis suffragiis
 Moderaris orbem. sentit, ignarus tui,
 Sua damna Batis, & latens noce Tago,
 Opeſque ſuaſor ſubruis Philippicæ.

Hæc VValachrus audit. & tuis se laudibus
 Vult esse testem. novit ingenii facem
 Labor Metelli. destinariſ exteris,
 Venetiſque dudum, ut Belga proſis Belgio,
 Bellique fedus Alpibus perſuadeas,

Et purpuratis fortis *Adria* togis.
Duynbeka gaude, quæque collibus jaces,
 Claresce Domino. dic propinqua *Tethyi*,
 Tibi imperare sidus *Insula* tuæ,
 Columnen bonorum, patriæ lumen suæ,
 Exemplar æquæ mentis, *Amstelæ* jubar,
 Et comitatus & gravis prudentiæ
 Specimen severum. dic *Borelio* coli
 Illustre *Phœbi* nomen & *Phœbæios*
Mystas amari. dic alumnum *Phocidis*,
*Biveriicis*que montis atque *Palladis*
 Regnare ruri. dic vetusta secula,
*Græjū*que gesta & *ausa* gentis *Italæ*
 In hoc recondi: dic sacerdotem pia
Themidis vocari, consciūm *Iuris* sacri,
 Et quod profanum causa civilis facit.

At tu minore, *Rhene*, currens alveo,
 Vbi castra quondam fixit *Albini* labor,
 Domos *Boreli* prædiumque lenibus
 Pulsa susurris. gratulare sospiti,
 Agriisque dona perfui feracibus.
 Quos nec locusta tondat, & *zizania*
 Steriles pererrent, aut adurat *Sirius*,
 Aut savientis ira verberet *Nori*.
 Si *Roma* ripis attulit decus tuis,
 Urbisque *Domina* gloriæ arcibus,
 Plus jam superbi. dum tuos per margines
 Orator habitat, *Syndicique* gloriam
 Late decoris fama differt urbibus.

Quamvis carinis mille, mille mercium
 Formis redundet. *Ta*, & omnibus ferat
 Vendenda terris, æra transmittat *Gothus*,
 Pelleſque *Moschus*, *Indus* advehat piper,
Electra mittant *Sarmata*, marmor *Ligur*,
 Frumenta *Gallus*, savus enses *Cantaber* :
 In Te, *Boreli*, summa laudum colligit,

Voceſque

Vocesque præfert rebus utiles suis.

Quibus profundum tranat, exteris natat

Mercator undis, lucra conficit sibi,

Magis patefcit civitas, condit domos,

Latisque cives ordinat pomariis.

Sapuisse primum est. alterum, vitæ dies

Donasse cælo. tertium, per publicas

Ivisse curas, civitatibus loqui,

Et eruditæ mentis otium bona

Dedisse causæ, totque doctrinæ modos

Formasque grandi commodasse Curis.

Per Te beamur, te favente crescimus,

Vir magne, & atras pellimus febres procul.

Per te valemus. Tu laboranti tuis

Verbis mederis, erigisque languidum

Spe, jam silendâ. pene nuper mortuo

Disrupta fila fortibus solatus

Redintegrasti. sic mea favor tuus

Certum salutis robur & fulcrum fuit,

Stygiiisque vatem vindicavit manibus.

Poscis medelæ vile præmium tuæ?

Gratumque amici pectus? obsides cape

Testesque Iambos. meque credas non fore,

Cum te, Boreli summe, desinam loqui.

Nobilissimo viro

D. ANTONIO OETGENS.

Equiti, Domino in Waveren, &c.

Reip. Amstelodamensis viro

Consulari.

M Agnanimè Consul, ditis Amstelæ rector,

Fortuna cujus Amstelæ è manu vestra

Et optima um, quos amamus hîc, pendet:

Germana proles undecunque virtutis,

Et non euntis per remissa doctrina;
 Qui stemma digno patre maximum ducis,
 Sortemque avorum fascibus tuis vincis:

Salve ter ample vir, meisque paulisper
 Vaca Camænis. ager, impotens, fractus,
 Totusque languens, dulce barbitum in vitas
 Pressi tenebris. nunc alacrior reddor
 Luci Tibique, & per vireta Musarum
 Raptus, verendo pauca Consuli fabor.
 Scripsere Flacci Principi juventutis,
 Sceptris Marones, Claudiana Pimplais
 Honorioque fascibusque Romanis.
 Sequar priores, imperique nostratis
 Facem decusque audentior salutabo.

In diligentem me, meique fautorem
 Amore reflecti, vindicemque Phœbæum
 Et literarum vindicare Parnassō.
 Nefas sileri, quem benigna sceptrorum
 Extollit aura, insignibusque Majestas
 Arctoa donat. Aula purpuratorum
 Quem sacrat orbi, consecrabimus Phœbo,
 Libethridumque proluemus in lymphis.
 Mercantis urbis rector & Senatores
 Inter Senator, cujus ore jam pridem
 Excepta gratum magna sensit adventum
 Medicea mater; me favore, quo polles,
 Involve totum, & gratia professorem
 Innecte vestra. Tu sacella discendi &
 Novas juventa porticus reclusisti,
 Meaque jam tum gratulatus es sorti.
 Qui VVaveras jura, qui Deus ruris,
 Numenque agrorum maximusque possessor
 Tibi faventis fata suspicis cœli:
 Scholæ labores Palladisque non segnes
 Fove ministros. Patriam gubernasti,
 Motusque grandes pacis atque bellorum,

Regum

Regum Ducumque postulata flexisti,
Tot Federatos inter eminens patres.

Rerum peritus castra Principis celsi
Comitatus, Illi te fidemque vovisti,
Periculorum particeps. dies, noctes
Arma induentem profecutus, Heroum
Adstes fuisti, arariaque bellaces
Excire dextras, pars fuit tua laudis.

Deesse non vult, quisque osor Hispani est,
Patria parenti. Nassova favet stirpi,
Quicumque Belgæ liberas amat mentes,
Aras focosque. & sarcinas Philipporum,
Et jussa duri Regis odit, assertor,
Servire Ibero nescientis, Hollandi.

Ocelle nostræ gentis, ista qui curas,
Laudumque non labantium satur vivis,
Qui sceva mundi lividosque conculcas,
Malosque recti conscientia damnas:
Amoris in me ventila tui flammam,
Heliconidarum pallidaque Pyrenes
Cultor perennis. illa summa votorum est,
Placuisse vobis, & probasse me semper
Amore vestri. litterariam causam,
Inter Camœnas natus educatusque,
Et fonte tinctus assatim Latinorum,
Patrone grandis, vindica. sciat Cyrrha,
Clarosque docta, & quidquid ullibi Phœbi est,
Veleruditæ gentis, his tuos divis
Lares dicari. Sic tibi perennantes
Diducat annos Fama; fata transcendas,
Cineri superstes, nesciunque contemptæ
Mortalitatis nomen inferas cælo.
Quin filiorum quilibet, paternorum
Heres honorum, semita patris magni
Vadat decorus, & suprema conari,
Batavisque studeat amulanda moliri.

Vir

*Vir summe, vir colende vatibus, salve,
Et vive felix patria, tuis, nobis,
Meaque partem gratitudinis cense,
Tibi mancipasse, quicquid est meum, Consul.*

P R Æ S E P E

C H R I S T I.

C*Vna Tonantis, lectule Imperatoris
Præsepe, magni sella sospitatoris;
Cum te tuumque illustre dedecus specto,
Sordent triumphi, sceptræ, regna, fortuna,
Fasces, trophæa, vestium venustates,
Auroque quicquid purpuraque splendet.
En ipsa cœli prædicanda majestas
Sordescit, ipso despicatior vulgo,
Egena rerum: vilibusque sub pannis
Crepundiisque grande numen occultat.
Mundi Redemptor magnus incubat fœno.
Hac vagit aula, anhelituque brutorum
Blande incalescit. O stupenda paupertas.
Creator orbis angulo jacet parvo
Pene exul orbis. vestiumque donator
Fastidit illas. ipse regibus major
Rex universi, regios fugit cultus,
Opesque nescit omnium ministrator.
Non cinnama inter balsamique sudores
Infans renidet, Persicosque splendores.
Non hic iaspis, margarita, beryllus,
Fulgens smaragdus tectæ sancta collustrant.
Puer ipse splendor omnis & sibi lux est,
Sibi ipse fulgor, ipse lumen & sidus,
Omniisque pyxis elegantie rerum.
Augusta proles, nate Patris excelsi,
Squalentis obsolete sordibus tecti,*

*Vbi illa decoris sempiterna majestas ?
 Paresque patri gloria tua faces ?
 Vbi patentis imperi potens sceptrum ?
 Vbi tribunal cœlitum choro septum ?
 Ex quo per omnes jura dividis terras,
 Mandata ponto : jussa manibus dictas.
 Nempe illa tristis, mœsta sors egestatis
 Pressit volentem. pauperesque paupertas
 Focillat insons. sic modestiæ præbes
 Exemplar orbi turgidosque despectas.*

*Te clara cœlo, clara gentibus cunctis
 Benedicta magnum Virgo parturit Christum,
 Intacta Iesum. plena gratia mater
 Tot gratiarum lata gignit autorem.
 Pastor stupefcit & tuetur infantem.
 Reges adorant. erudita Persarum
 Ante ora vagit eruditor cunctis,
 Scientiarum & omnis arbiter veri,
 Ac dona pauper colligit Sabeorum.*

*Latatur Anna. jamque proximus morti
 Caleste Simeon sanctus inchoat carmen,
 Et nos beanti succinit juventuti.
 Applaudit æther & Deum Cherubina
 Canunt cohortes. solus horret Herodes
 Timetque nostrum purpuratus infantem.
 Puella Iesu, particeps mea carnis,
 Agnosce fratrem, quem tibi redemptori
 Fides adunat. condole tua genti,
 Ecclesiæque tot malis laboranti.
 Tibi gratulamur maximo sacerdotum,
 Tibi gratulamur maximo prophetarum,
 Regumque quot fuere maximo regi.
 Post tot piorum gratulantium voces,
 Audi pusilli Christe canticum servi,
 Et verba veterum, quæ reponimus, Patrum :
 Æternus horas supputas tuæ vitæ.*

Immen-

Immensus alvo clauderis tua matris.
 In matre totus, totus in sinu patris.
 Nec hic vel illic segregatus in partes.
 Nulli videndus, nunc videndus in terris.
 To: seculis præmissus inchoans seculum.
 Deus perennis permanens, caro factus.
 Patri coævus, nec coævus in carne.
 Æqualis illi, nunc tamen minor Patre.
 Pater Abrahami, semen Abraha sanctum,
 Maria creator & creatus ex illa.
 Mundi creator, nunc creatus in mundo.
 Qui patre natus universa fecisti,
 Et matre natus Spiritu refecisti.
 Terrena servans & superna conservans.
 Infans loquendi nescius, tamen Verbum.
 Infans malorum nescius, tamen passus.
 Cui mater una mater & simul Virgo est.
 Virtute cujus facta mater est mater.
 Quem nutrit illa, quaque vivit ex illo,
 Qua portat ulnis, cuncta qui suis portat.
 Qui Sponsus idem est matris, & tamen proles.
 Matri colendus & tamen colens illam.
 Autor diei nocte proditus sera,
 Et lucis expers, lucis autor aterna.
 Stabulo recumbens imperator augustus,
 Fœno recumbens rector orbis immensi.
 Obses salutis, autor & simul pignus.
 Et victima idem Pontifexque mactandus.
 Infans stupende, nascere & Deus cresce,
 Infans stupende cresce, vive Servator.
 Infans stupende morte crimen expunge.
 Infans resurge, jamque celsior coelis
 Miserere nostri. redde gentibus pacem.
 Et pace natus inquiet a compone.
 Patria labores magne subleva princeps.
 Patria parentes vindica Deus fortis,

*Arausiique nomen inclytum Patris,
 Arausiique germen inclytum Patris.
 Fac, ut per amplos nota Tethyos fluctus
 Vrbs nostra, Cunis incubet tuis Iesu.
 Vivant potentis Amstelæ Senatores,
 Et civium quotcunque Christianorum,
 Præsepe sanctum culcitraſque non grandes
 Et te jacentem supplices adorabunt.*

Ad illustrissimum

D. CORNELIVM HAGAM,

cum à porta Ottomannica red'ux lega-
 tus, me Turcicis ferculis
 excepisset.

Illustris Haga, qui decus Batavorum,
 Et Federati grande Belgii nomen
 Latè extulisti ad Ottomannicas portas,
 Fidemque patriæ patribus probavisti,
 Tibique fama præmium reportasti:
 En hospes adsum, splendidaque vulgaris
 Conviva mensa, quem disertus orator
 Dignaris admovere ferculo, quali
 Dominator Helles Bosphorique regnator,
 Durusque Thracum rector assolet vesci.
 Sic Roma quondam gentium triumphatrix.
 Asia magistra exoticas suis offas
 Fecit culinis & dapēs peregrinas
 Invenit urbi. sic reversus è Bactris
 Macedo apparatu Persico fuit pransus,
 Paropsidesque b'ulsamo Sabæorum
 Arabumque mille latus imbuit succis.
 Creamur omnes unicoque rectori
 Debemus illud, quod sumus creatura,
 Deique germen. sed per orbis immensi
 Tractus patellis dissidemus & poclis.

Si lingua multis barbarique sunt mores,
 At erudita singulis gula mens est,
 Sapiens palatum, & plenus ingenii venter.
 Hac arte Finnis, Sarmata & ferox Hunnis
 Scythaeque sapiunt, Celta, Cappadox pauper,
 Et dives Indus, cuilibet sua est mensa
 Dispar voluptas multiplexque decoctum.
 Massylus unum civis expetit mullum,
 Romanus apros, ostreumque Lucrinum,
 Sumen Pelasgus, Memphis abstinet cepis,
 Amat Bataurus. Phasianus in luxu est
 Colchis, nivosus expetit piper multum
 Septentrionum filius, fugit Sole
 Perustus Afer. secta carniū frusta,
 Olusque sapidum Turcicamque miscellam
 Apponis Haga, ferculisque permisce
 Voces disertas, qualibus soles fari
 Ante ora, quondam prae potentis Osmani.
 Humanitati victimam hanc tua mactō,
 Humanitatis conscium tua pectus,
 Animumque vobis, crede, semper obstrictum.
 Hac ipsa dicit Satrapa & loqui iussit
 Vatem benignus Vicofortii candor.
 Tu quem recenti federe hic adoptasti,
 Interque calices fabulasque amicorum
 Dixisti amicum, cui favente Brasserus
 Batauri Senatus splendor annuit fronte.
 Ut sospes hinc beatiorque discedam,
 Verbis suetis Ottomannica genti,
 Benedic poetæ & hospiti professori.

Ad Amplissimum Virum
GERARDVM SCAPIVM,
Amstelodamensium Consulem & Cura-
torem Academiae Leydenfis.

V Ir erudite, vir diserte, vir Consul,
Curator almae Palladis, suis Rhenus,
Quam tingit undis, quamque moenibus nostris
Te salutat Amsteleque potator:

Sæpone curas, prævi que liætorum
Vacent secures, dum tibi Camænarum
Assurgit ordo, vindicique Musarum
Thalia claudos nostra consecrat Iambos.
Iam nuper epulis ferculisque tot Divum
Con-viva tecum non severus assedi;
Cum fabulanti prandia inter & mensas,
Mylius benignas Catiusque præberent
Aures poëta, nec minus favor vester
Totum benigne involveret professorem.
Tunc frater alte è pulpitis perorantium
Laudes Pelasgum Cecropisque sermonem,
Et os rotundum dixerat juventuti.
Trivioque missus pulvere & satur tristis
Ferula celebri stabat in schola Rhetor.
Tunc ipse coram præstinam domum vidi,
In qua Sophorum verba, Gracilæ lites,
Prisci Platonis dicta, Socratis leges,
Senisque dogma multiplex Stagirei,
Fui locutus. tunc tot ora doctorum,
Notosque vultus, pristinosque collegas
Patresque tetigi literarii coetus:
Seu qui supremum voce detonant Numen,
Seu qui verendi arcana juris evolvunt,
Seu qui medelam corpori laboranti

Facit

Facit Machaon, seu per atheris celsi
 Vias vagantem ducit altus ad spectum.
 Salvere iussi hos ordines togatorum;
 Sacrumque Phœboliterisque devotum
 Miratus agmen: illa sunt Batavorum.
 Futura, dixi, fulcra, Curiae voces,
 Ecclesiarum lumina & renascentis
 Spes certa Belgî. Sic docemur imberbes,
 Et discit ætas prima, mox ad ultorum
 Datura fructum & profutura tot Belgis.

Hæc magne Scapi, regna literatorum.
 Rector gubernas. hic Apollo submittit
 Fasces loquenti, præsidisque tot Musis.
 Et imperator fleclis ingeni motus,
 Et servientis sæpe perperam turba.
 Sic sceptrâ gestas imperique diversi
 Cives cœrces. nec tibi favens solum
 Assurgit ingens Leida, sed per immensos
 Audita fluctus civitas & angustis
 Superba tectis, atriumque mercantium,
 Forumque ditis Mercuri, tuo donat
 Titulos honori Consulemque promulgat,
 Per quem modestis tuta civibus vita est,
 Per quem decoris pax penatibus salva est,
 Delibra gaudent & Scholæ reflorescunt.
 Per quem Iuventæ docta porticus surgit,
 Sedes docentis & sacrarium Phœbi.
 Vbi prisca narrat secula & vetustatum
 Longos recessus Principumque regumque
 Grandes labores eruditus orator.
 Vbi nos labantem mille fraudibus mentem,
 Ratione recta regulisque fulcimus.
 Vbi nos per altos nubium procul tractus
 Signamus axes, siderumque tot motus,
 Rerumque causas, indolemque scrutamur.
 Vbi nos honestum quicquid & sibi pulchrum est,
 Moresque

*Moresque jussis tradimus verecundis,
Juvenumque rectâ corda lege formamus.*

*His his, Senator, sedibus diu vive,
Hic Consul audi, Patriaque sedat &
Largire mentis & scientia fructum;
Prudentiaque & candida venustatis.
Tuere Cirrham fontibusque Pimplais
Adsperge lympham, Apollinisque cultores
Laresque sacros Palladi fove fautor.
Sic consulare nomen evehet civis,
Sic consulare nomen eveham vates,
Sic urbis ampla plausibusque Musarum
Tutela nostri Scapius perennabit.*

IN OBITUM

Clarissimi viri

D. ARNOLDI BUCHELII,

Advocati apud Trajectinos.

S Enex verendè & erudite, Bucheli,
Dudum celebris lux decusque Trajecti,
Antiquitatum promecondè nostrarum,
Scrutator usque veritatis abstrusa,
Propaginumque, & stemmatum vetustorum,
Quæ pene edaci dente roderant anni,
Cecisq; caries admorderat saxis:
Tibi parentat, manibusque fert iusta;
Tuæ senectæ cultor; & dolens vates
Fundit querelas, triste funeri donum.
Non jam per urbem, mûra cui dedit famam,
Vetusque Rheni ripa, & Ordines sacri,
Tot templa diûm, porticusque turesque
Gradior sodalis, & se verus auditor.
Cum prisca rerum absconditosque natales,
Diesque doctè præfulum, & sacerdotum,

Fastos

Fastos notares, Amstelaeque rectores,
 Et jus potentis, impetumque VVoerdani,
 Audaxque Velsi facinus, & duces pulsos.
 Non jam tuorum bella, & horridas pugnas,
 Irasque n irras, vel truces Sic imbrorum
 Batavumque motus; nec perambulas mecum
 Vultus Quiritum, & Albulam triumphantem,
 Sculptas metallo Galliasque Memphimque,
 Trinacriamque, fibulasque pelvesque,
 Cultros, secures, lampadasque Vestarum,
 Semesa seculo marmora, & fatiscentes
 Aëvo figuras, lineasque labentes.

Non inus ultra, ut quicquid abditum servat
 Mercantis urbis inceptorque civisque,
 Lustremus ambo, Caesares paludatos
 Urnasque tristes, Isidisque portenta,
 Aut quæ remotis Persa sedibus mittit,
 Vel dives Indus, aut Hydaspis extremus
 Gangisque potor, & superbiens Eos.
 Nec scripta monstras, pulpitisque disposita
 Monumenta centum, tot voluminum classes,
 Diplomatumque tot cadentium ceras.

Rupere fata federis fidem tanti,
 Commerciique literarii nexum,
 Humanitatis Palladisque contractus,
 Sodalitatis jura longius culta.

Tibi per celebres editosque doctrina
 Mens gnara colles i vit, & salebrosas
 Vectus per artes & vireta Musarum,
 Scientiaque multiformis ambages,
 Phœbi profundis vallibus resedisti,
 Tota repletus Phocide atque Permessō.
 Tunc juris almi prædicanda majestas
 Astræa, alumnum masculo imbuuit succo,
 Legumque studiis Scævolasque in exemplum,
 Accursiosque Bartolosque Baldosque,

Iasonasque objecit & Triphoninos.
Reis patronus, integerrimus tutor
Tui clientis, sanctitate pro rostris
Multa steristi, iudicique dictasti
Rescripta Regum Principumque responsa.
Sic dicta causa est, ut reus triumpharet,
Abiret actor, vindicemque pupilli
Pietas amavit, & severius rectum.
Osor superba mentis, & mali fastus,
Fædique luxus improbi que livoris,
Facilis minori, ferre doctus aequalem,
Majoribus cessisse, diligi cunctis,
Comis, benignus, lenitatis assertor,
Et aequitatis & modestie, summam
Cælo intulisti conscientia laudem.

Mox jura Gangi Bengalaque scripsisti,
Arabumque terris portubusque Persarum,
Tostaque rexti Teihyos forum grande,
Interritamque Nerei senis turbam.
Cum tot senator inter assidens patres,
Classes Batavas Amstelaque mercantem,
Yamque Eois mercibus beavisti,
Pactisque Reges Principesque junxisti
Vel Marte crudo, & classico subegisti
Bellator absens. Sed serenior visa est
Sors ista vitæ, quæ cruenta Gradiui
Horrescit ora, seque mancipat paci,
Et incruento devo vet diem Phœbe.

Et jam tenebris involutus & longo
Situ relanguens Hæda, redditur luci.
Caliginisque conscius suæ scriptor
Totus patescit, præsulumque per fascēs,
Episcoporum tempora & truces fastos,
Antistitum ferocientium bella,
Sacrasque mitras Beka tersius vadit.
Miratur ipsam se reconditam clare

Legi vetustas, impedita dissolvi,
 Arcana pandi, lumen in vehi nocti,
 Umbramque veri veritate dispelli.
 Nunc jura lugent, ingemit tuus Codex,
 Sordent Novella, deficitque Pandectis
 Lector suetus. nummuli, sepulcra,
 Archiva, charta syngraphaque donantur,
 Exscripta, tabula, symbola, & sigillares
 Cera, queruntur pristinam sui curam
 Iam post haberi. sanguinisque cognati
 Pars prima digniorque Vorstius mæret.
 Quem quando amabas, eruditior virtus
 Se passa amari est, & Machaonum germen,
 Latiaque lingua cultor & Pelasgorum.

Fax veteris ævi & temporum senescentum
 Redintegrator & lucerna, Bucheli,
 Nunc occidisti. seculoque subduxti
 Intaminatam labe seculi mentem.
 Et quicquid orbis hic fovet tenebrarum,
 Et quicquid hic sordescit, aut situ foedum est,
 Lux sempiterna, lux beata discussit.
 Cani residunt crinibus, vacillantem
 Cœleste fulcit robur, induit numen
 Ipsum senecta, temporumque transgressus.
 Iniquitates & vagas vices rerum,
 Superbia theatra, criminum sedes,
 Calumniarum teſta, vim malignantum,
 Regum furores, imperantium fraudes,
 Cives profanos, invidosque doctores,
 Mundo remotus, sic remotus immundo es.

T H R E N V S,

In obitum Nobilis Dominae

C A T H A R I N Æ
O V E R B E E C K I Æ,
D A N I E L I S S C H O N C K I I.
minoris P O E L G E E S T Æ Domini,
C O N I V G I S.

P Oelgeesta luge, Schonckii domus plange,
Foribusque taxum lugubremque cupressum
Præfige mœstis. Ecce, quam repentino
Aulæ pallent, rura personant luctu,
Palatiique prædicanda majestas,
Fulgensque culmen fornicesque sordescunt.
Lachrymis liquecunt marmora & rigens saxum
Plorat magistram. Rhenus ipse singulit,
Tanti doloris conscius. tremunt undæ,
Cubilibusque vitreis gement Nymphae,
Dominaque tristes orbitate suspirant.
Circum penates turtur arbore excelsa,
Recensque natis turribus, gravi questu,
Sociam reposcit, exprobratque natura
Disrupta lecti vincla & horridos casus.
Batava Pallas, præstes alma Musarum,
Bellique mater, dum cadaver adspectat,
Innoxiumque funus & pios manes,
Irata fati, tetricam ægidem levia
Excussit excors, dexteraque bellacem
Abjecit hastam, condolensque mitescit.

Catharina terris cessit, & satur mundi
Mortalitatis lege succubat morti.
Catharina felix occidit, laboranti
Subducta seelo, & tot doloribus mater
Vitæque semet expeditur arumnis.

*Animamquereclī consciam Deo vovit,
Heres Olympi. digna conjugis digni
Conjux beatas inter altior mentes
Beata vivit, pramiumque virtutis
Felicittatis lata possidet summam.*

*Vidi cadaver, innocentia sedem,
Vidi cadaver, conscientia sedem.
Vidi cadaver, integerrima mentis
Insons sacellum, pyxidem venustatis,
Et lenitatis & pudoris & reclī.
Flevi cadaver, comitatis exacta
Nuper tabernam, capsulam verecundi,
Lares honesti, temperantia limen,
Et castitatis; maximaque non fictam
Pietatis aulam. Fletē, flete vōs mātres,
Periisse in illa matris optima normam,
Periisse in illa conjugis proba formam,
Domesticaque exemplar eminens cura.
Ad hoc cadaver & modestia bustum
Iugulate fastum, quo decus maritorum
Virūmque sava jura sapē calcatis.
Ad hoc cadaver, hanc amabilem cunctis
Ad pacis aram, foeda bella rixarum
Mactate lenes. hoc faceffite à busto
Matres avara, inhospita, inscēscētes
Rebus secundis, prodiga improbo luxu,
Hirudines, scopaeque divitis census.
Et queis proterva dat loquacitas famam.
Quas emptā pulchritudo segregat turba,
Vacuna damnat, vel procacior Circe.
Catharina vobis grande fecit exemplum,
Lex viva morum, symbolumque concordis
In amore reclī, prolis unica custos,
Et educatrix fida. Tullia quales
Corneliaque Iuliaque vixere.
Non opibus illa fidit, usā prudenter.*

Non spes iniquas fovit. illa possedit,
 Quæ tribuit æther; pauperesque solata
 Benigna dextras, alteri fuit dives.
 Hoc timuit unum, displicere consorti.
 Hoc voluit unum, perplacere consorti.
 Hoc esse studuit, esse quod videbatur.
 Cultus honesti, non vagantis à sorte.
 Vocis modestæ, non euntis à vero,
 Gressus decori, non euntis à recto.

Hoc Francofurti pignus, hanc facem mundo,
 Hanc Mœne Batavis Schonkioque donasti.
 Cui femina virtus dignitasque majorum
 Avita scripsit; elegansque doctrina,
 Humanitatis lima, plebe secrevit.

Amice Schoncki, si dolere me perfers,
 Et condolere serio tuæ sorti;
 Sum pars doloris. lachrymaque, quas fundo,
 Tuis inerrant; quique te premit dolor,
 Tangit sodalem, pristinique convictus
 Memorem poëtam. mutua est amicorum
 Fortuna. mœret, gaudet in vicem quisquis
 Venerandum amici & dulce nomen usurpat.
 Nunc forte pectus; teque grandibus muni
 Causis quietus. Numini geras morem,
 Cui cuncta parent. stat trabalibus clavis
 Lex scripta lethi. mortis hora cunctorum est,
 Eademque vitæ. singuli damur mundo,
 Ut hospites reddamur. incubant Parca
 Hac lege natis. occidit tibi conjunx,
 Sed non Tonanti. deficit parens proli,
 Et hac parenti forsan (omen averte
 Æterne rector.) perditam cave credas,
 Præmissa tantum est. cur dolere vis? salva est.
 Misere scire æquum est. si reposcis extinctam,
 Avertis astris, invidetque felici.
 Non moritur illa, quæ Deo Redemptori

*Fidem probavit, conscientiam terris.
Non moritur illa, quam profundius servas,
Quæ vivit in te. ò quanta spes resurgentum est.
Quàm post videbis, tot malis manumissam,
Plenamque Christo, & pulchrius triumphantem.*

*Hac sæpe tecum, sæpe cogita solus,
Luctumque magnis frange fortis exemplis.
Sic te dolentem vincis, expedis mentem
Mortalitatis nube, sic domas Fatum.*

IN OBITVM MARIÆ

*Filiolæ Ejusdein, triduo post matrem extinctæ,
& eodem, cum matre, fratre & sorore præ-
mortuis, tumulo Ultrajecti clausæ.*

H*ic tumulus matrem pariter prolemq; recondit.
Nec potuit genitrix sola, nec illa mori.
Rara urna facies. tribus hic circumdata natis,
Quas peperit, servat mortua mater opes.
Causa uno sobolesque loco coïere. nec unus
Quæ conjunxit Amor, terra dirempta cupit.*

Ad Illustrissimum virum

D. GASPAR. COCQVETIVM
THVILLIRIVM,
Regis Christianissimi apud Federatos Or-
dines Legatum.

I*llustris Heros, sanguinis Thuilliri
Sublime germen, qui sub axe Belgarum
Latè potentis verba Gallia faris,
Et Federatos Rege Maximo Patres,
Populumque bellis totque adoreis clarum,
Fulcis benignus: nuper Adria grandis
Togis locutus; magne Regis interpres,*

Et

*Et liliorum : Jume, quas tibi grates
Dignas Camœnæ vindici sis solvunt,
Et sempiterno nuncupant sacramento.*

*Tu per patentès Tethyos procellosa
Campos, pœtam gratiæ tuæ flabris
Vexti libenter. tu Ducis celebrati
Laudes & illud Purpuræ sacrum carmen,
Apollinare munus, ab rudes Musas,
Zephyro serenæ vocis & tuis verbis
Aula intulisti, maximoque custodi
Tot Galliarum Præsidique Francorum,
Absens dedisti. splenduerè tunc Musæ,
Audaciusque te favente, conscendi
Illustre limen Cardinalis Armandi.*

*Tunc Rector ille vatis exteri lusus
His legit oculis; imperi quibus molem,
Et hostium tot stragibus triumphantem
Gallum tuetur. nec moratus has laudes,
Fecisse gaudet, quæ recensui scriptor.
Hæc summa voti, Principumque Regumque
Donasse famæ gesta, & impetus Phœbi
Permiscuisse Martis horridis telis :
Cecinisse pugnas, bella, publicam pacem,
Mutata regnis fata, busta regnantum,
Casus potentum & quicquid acre & excellens
Mortalitatis lege solvit Heroas.*

*Hos inter ille est, cujus exhibes nobis
Gemmis coruscantem pyxidem Thuylliri,
Aurique pulchris annulis coruscantem,
Munus Deorum, præmium Camœnarum,
Et præpotentis grande pignus Armandi.
Quam Cirrha gaudet & superba se tollit
Fautore tanto Pieris renascentes
Cernas pœtas altius solo tolli,
Et magna fari. Iam canit deauratus
Phœbi sacerdos, ambulatque torquatus,*

Seque ipse nescit, scire qui facit plures.
 Quid secla vates fingitis beatorum?
 Auroque tempus affluens & argento?
 Feliciore vivitur mihi seculo.
 Dum colla circum nostra fulget Eoi.
 Adamantis orbis, gemmulaque flagrant
 Solis laceffunt lumen. aurei dudum
 Fuere Reges Principesque gemmisque
 Regum superba conjuges. decus tantum
 Refert professor. quæ caput triumphantum
 Circumdedisti laure, jam mihi possis
 Vilis videri; dum meis fluunt fulva
 Humeris catena, Galliasque curantis
 Fulgens imago limen adspicit nostrum.
 Prestans Coqueti, quam mea est Philipporum
 Sors sorte melior. non mihi cavernosis
 Abstrusa saxis rupibusque quaruntur
 Pelopis talenta. nulla pallidus fossor
 Metalla in ipso scrutor Indus Occasu.
 Paratiores purpura mihi gazas
 Aurumque mittunt & monile laudatis
 Insigne baccis. qui nefarii peccant,
 Horrent catenas. has volens pati possum,
 Et ista Richeli vincla non reformido.
 Apollo jam se gloriatur auratum,
 Pimpleides sic aurea magis fulgent
 Et mons bi vertex culmen aureum tollit,
 Et aureis fons Castalis fluit lymphis.
 Iam post Marones laureasque Flaccorum,
 Me eor potentum gratia coronari,
 Aulisque latus inferor gubernantum,
 Discumque chartis litterisque compellor.
 Quæ voce gaudes publicas loqui causas,
 Pro me locutus Cardinalium summo
 Nuper fuisti; Nestoremque Gallorum,
 Regni columnam, antistitemque Musarum,

Fecisti

*Fecisti amicū vatis & lares nostros
 Palatiorum luce plus beavisti.
 His vive meritis. claudicant vacillantes
 Pudore iambi, sed memor Thuilliri
 Mens recta, & ille nominis tui cultor
 Vates, tenebris invidet tuum nomen,
 Regisque magni interpretem celebrabit.*

Ad

ALBERTVM BANNIVM,

Iurisc. & musicum summu.

D*ivine cantor, qui serenis vocibus,
 Et ordinatis gutturum concentibus
 Phœbum lacēssis & beatam Cæciliā
 Modulis sepultam fuscitas cœlestibus,
 Linosque terris reddis atque Amphionas,
 Cantuque Thraces barbarumque Strymona
 Lenire possis more suavis Orphei,
 Ipsiſque ſilvis Nereique fluctibus
 Afrūmque monſtris imperes ſilentium:*

*Quos mittis artis indices tua libros,
 Superis dicavi dulcibusque Gratiis,
 Venerique ſacræ, Pælladi, Cupidini,
 Dis uni verſis & deabus omnibus.
 Debentur aſtris, cœlitus nobis dati;
 Interque Soles Cynthios & Cyprides
 Cylleniosque & Martis arduas domos,
 Ioviſque ſedes & truciſ falcem ſenis
 Alie canuntur, orbium juxta ſonos,
 Divūmque voces, & loquentis Bannii
 Cœleſte carmen perſcit divinitas,
 Numerosque verbis ordinant tot numina.*

*Faceſſe luctus, cura & inquiet dolor
 Vultuque quiſquis agritudinem trahis.*

Hic triste quicquid, inficetum & horridum
 Enorme, durum dissonumque legibus
 Proscribit insons Musa. reddunt pagina
 Ægris salutem, languidis robur novum,
 Vita morantur fila & ipsis inferum
 Portas recludunt vindicantque mortuos.
 Qui labe mille criminum sordet dolens,
 Qui Thyrsis Æglen forsitan ereptam vales,
 Qui naufragus tot puppibus miser gemis,
 Qui iudicis decreta deploras reus,
 Qui fata lugens patris aut matris pia,
 Cui Mars iniquos militum immisit globos,
 Qui purpuratis excedisti honoribus,
 Et raptæ quereris sceptræ & iratum Iovem,
 Solamen illic multiformis nenia
 Levamen illic inveni tuis malis,
 Hymnisque tristes pelle suavibus dies.
 Curasque calca & mortis agrimoniam
 Et ponderosi sanguinis motus preme.
 Amice Banni, sic canendo jugiter,
 Inter disertos Musici chori patres,
 Inter sacrorum anhelitus Vestalium,
 Et cultioris inter Astræa probas
 Sodalitates, inter ista murmura,
 Modulosque vocum, & hoc Seraphicum melos,
 Cherubina quale turba præcinit Deo,
 Immensa quale format ætheris domus,
 Philomela quale gestit æmulatrix,
 Me teste, me fatente, non potes mori.

Nobili & insigni viro

D. IOHANNI BRASETTO,

Regis Galliarum res apud Federatos
Ordines agenti.

Brasette cuius ore fatur Gallia,
Et Federatos saepe compellat Patres,
Brasette, cuius ore gaudet lectuli
Consors, remotis Federatis Patribus;
Brasette, nuper qui benignis auribus
Vatem jocantem pertulisti longius;
Vis nos amicis inferi tandem tuis?
Vis Celta Belgam sanctius jungi tibi?
Et pectus hocce nescium fraudis male
Tuis, Brasette, abscondier prae cordiis?
Fac Gallicismis saepe perfruar tuis,
Fac dulcibus me saepe pascier favis,
Et quo disertas melle condis litteras.
Hic una nobis Socratem & Democritum
Pagella monstrat, una Tullium & Numam
Refert tabella, ridet & frontem implicat,
Suumque prudens dulce miscet utili.
Hic fata regum Principumque edisseris,
Momenta belli, grandis imperi vices,
Quid Allobrox, quid moliatur Cantaber,
Quid Lotharingus, quanta promittat vaser
Et lentus Ister. nec minus mei memor
Mittis salutem meque sospitem cupis
Vacare Musis purpure, palatiis.
Brasette, quanto munere obstringis tibi
Vilis Camæna & pauperis Phœbi hospitem.
Qui purpuratis, prodigus decentiæ,
Qui te inficetus nescit uti parcius.
Ignosce & illud crede; morbus est mihi,
Tacere de te. rumpimur silentio.

In Clarissimi Viri

ARNOLDI VINNII,

Iurisp. Professoris, Commentarium
ad Instituta.

I Am crimen Orbi luridos sui vultus,
 Scelerumque formas gentibus renascentes,
 Propaginemque ostenderat tot errorum :
 Scenam Thyestes fecerat, Pelops torva
 Et trux Orestes fronte parricidarum
 Agmen trahebat, barbarusque in orchestra
 Spectatus Atreus, impias fatebatur
 Mensas parari; adulter ibat Ægysthus,
 Ingulum petebat conjugis Clytemnestra,
 Furto Prometheus coelites profanabat ;
 Plutonis atri regiam Thyaneus
 Ducebat Orco, Tulliaque carpentis
 Patrium cadaver, Sole teste, calcabant.
 Laxata Diis atria & fores quicquid
 Abominandum, barbarum, execrandumque,
 Ferale, dirum, suaserant mala menti :

Cum nata lex est, improbosque regnantum
 Voces severa & horridi tribunalis
 Edicta poenis terruere peccantes.
 Tunc Rex timeri coepit, & bonus Princeps,
 Ut regna vallis, sic proterviam jussis
 Scelusque quodvis sanctitate constrinxit.
 Chaldaeus alti interpretem Dei primus
 Ægyptiusque audiuit, hinc Magos Persa,
 Scythæ Zamolxin. Indus à Sophistarum
 Tabulis pependit. horruit suum Poenus
 Exlex Charondam, mox Decem-viros Roma,
 Locri Zaleucum. porticus Athenarum
 Rabiem Solonis & cruore liventes

Timuere

Timuere chartas. Tunc catasta, furcaque,
 Numella, compes institere raptori,
 Et parricida culeus, cruces servis
 Virgaque viles. huic labor metallorum,
 Huic bestiarum bella & impares pugna,
 Aut frons iniusta rectiora persuasit.

Æqui magister & modestus doctor
 Carcer fuere carnifexque. tunc enses
 Astra virgo vindices ministravit
 Deditque sceptris. jamque jura creverunt,
 Paribusque lex & culpa passibus visa est
 Gradi per urbes. quoque proruit noxa,
 Nemesis secuta est, nec malos reformidans
 Lictor prehendit. cura Casari duplex
 Evenit, una juris, una Martis,
 Vna hostis hosti & una perdito civi.
 Et jam volumen adspicit Themis grande,
 Illustre regnis, imperantium normam,
 Vita magistram, præviam facem rostris,
 Gravem Cethegis, arbitram mali moris,
 Causaque jam nunc judicem vacillantis,
 Causaque jam mox judicem triumphantis,
 Scholarum arenam, & dives horreum recti.
 Hic docte Vinni, quidquid est tenebrarum,
 Informe quidquid, discutis novus Titan.
 Hic sensa scriptor pandis Imperatorum,
 Subsellisque Iudicum diem reddis,
 Et qua profaris, Bartholisque Baldisque,
 Accursisque Azonibusque sic munis,
 Ut hunc vetustas tota muniat librum,
 Tutumque vero livor unus horrescat.
 Immixta passim barbaræ potestatis
 Seclique verba, pulcrius Latinorum
 Cultu remident & scholis Batavorum
 Per te Quiritum purius sonant voces:

Hic multa liber discit & simul verna,

Libertus, & qui tutor additur cunis,
 Curator annis; qui peculii rector
 Sui vocatur, improbusque possessor.
 Commune quid sit propriumque, decidis;
 Quousque ripa commodis meis crescat;
 Quando negentur, quæ profana, quid sacrum;
 Quod ius ab ipso fas receperit coelo,
 Quod Gentium, vel quod sit arbitri nostri.
 Quo teste tester mortuusque decedam
 Hærede rerum, quis futurus ex asse.
 Quæ vincla stringant quæque conjuges solvant.
 Quod ius ementis, quale mutui pactum,
 Et commodati; quanta fœnoris labes,
 Quis non ferenda limes obstet usura.
 Vita theatrum pervagaris humana,
 Mortalitatis studia, facta, conatus,
 Et discrepantis mille formulas iusti,
 Consulta Patrum, scita plebis & quicquid
 Prætura sanxit vel rigor Tribunorum,
 Salusque populi summa. intervenit cunctis
 Censura dictis eruditior Vinni,
 Et omne rerum ponderat sagax punctum,
 Ac literata prælegit juventuti.
 O Iuris almi Phosphore, ô gravis sanctæ
 Themidos sacerdos, vindica reis causam,
 Decus Lycæo, gloriam tribunali.
 Iam vindicasti. cerne, calitus chartis
 Subscribit istis dextra grandis Astræa.

Ad

Nobilis. Clarissimumque virum

D. IOHANNEM FORESTVM,

Curiae supremæ Senatorem, cum Epi-
grammata mea in Incendium Tem-
pli Amstelodamensis Hagæ ipsi
conviva offerrem.

HÆ sunt Amsteliâ flagrantes ade favilla,
Sic sacer Aonio ferbuit igne focus.
Accendit fax ista facem, Vulcania Phœbum,
Et dum templa, piis vatibus arsit apex.
Magne vir & gentis decus immortale Foresta,
Nuper amicitia fax rediviva mea,
Cui summos regina Themis concessit honores,
Seque cupit tanto vindice diva coli:
Hos lege funestos populis mercantibus ignes,
Signaque ab irato Numine mæsta cape.
Non tamen irati sunt hæc documenta poëta,
Sed potius luctus publica signa mei.
Quem si non ratio, jam mox, te præside mensæ,
Discutiet primo vespere cana brevis.

IN

BAMÆSTRAM,

quondam Lacum.

BAmæstra, queis te laudibus veham cælo?
Beata tellus, jugerisque fecunda,
Et ordinatis in tuum decus pratis.
Cum fluctus esses Najadumque piscosis
Habitata tectis navitam fatigares,
Precii minoris unda navigabaris,

Iam puppium expers & lacus procellosi
 Exuta nomen, terra dives excellis,
 Terrestriumque facta Numinum sedes
 Preciosa, Belgi principes præis terras.

Quodcumque mundi est, quicquid est soli passim,
 Creantis illud dextera labor fecit.

Te condidit vis grandis artis humana,
 Et præpotentis fossor æmulus cœli.

Mutatus in te vultus, & domus Fauni
 Pulchrè patefcis horreisque ditescis

Tumultuosum nuper atrium Nerei.

Pro puppe plaustrum est, pisciumque per regna
 Bos mugit & lac dant inutiles undæ.

Ceresque Tethyn pellit & Pales Nymphas.

Tibi jura scribit Riccius, tuos Offi

Pernox ruentes munit aggeres cura.

Mercator illic portiunculam sortis

Demens profundit aut quadruplicat prudens.

Hic feriantes suavius canunt Musa,

Urbs rusticatur, convalescit afflatus,

Abeſt Machaon pharmaci pater tristis,

Adeſt amator Phyllidis sua Thyrsis,

Silet advocatus luviumque nutritor,

Fessus cruentam miles abluit sicam,

Sacer severam doctor explicat frontem.

Omnesque, quotquot atterunt dies nostros,

Iniquiores exulant procul cura.

C. B A R L Æ I
P O E M A T V M
MISCELLANEORVM
LIB. SECVNDVS.
EPIGRAMMATA.

Vrbium præcipuarum
H O L L A N D I Æ
E N C O M I A.
D O R D R E C H T V M.



Me Battavicus suffragia prima Se-
natus,
Consiliisque petit provida verba
suis.

Quondam mersa mari mediis emer-
gere nitor

Fluctibus, & siccos Vesta reducit agros.
Neptunus cedit Cereri, fluitantia Fauro
Numina, & aquoreus fit minor usque Deus.
Merva meis miscetur aquis : hoc Linga profundo
Labitur, & Vahalis flumina Mosā bibit.
Huc Tungri merces, & ferri munera mittunt,
Et Nemetes plenis mustea vina cadis.
Pomifer Autumnus mediam transmigrat in urbem,
Vastaque Eburonum marmora casa jugis.
Quisque suas largitur opes, & dona ministrans
Distrahit imperio munera tanta meo.
Virgo vocor, quondam furiis illasa Brabantum.
Solaque libertas mœnibus hisce stetit.
Tunc Batavas inter vigui non victa sorores,
Vnaque dum mansi libera, prima loquor.

H A R L E M V M.

Victa Pharos, fractique obices, & vincula Nili,
Et Pelusiaco littore fixa ratis,
Serratique mihi recitant encomia dentes,
Et procul externo sidere surgit honos.

Invidet

*Invidet excusas populosa Moguntia Musas,
 Quodque meum est, laudis jactitat esse sua.
 In me alium solers Batauvus miratur Apellem,
 Pictaque Parrhasiâ subdola vela manu.
 Inventis arguta meis accedit Arachne,
 Dædaleoque suum pollice textit opus.
 Arma Toletani sensi crudelia Martis,
 Incubuitque meis civibus atra fames.
 Nec satis est pugnasse viros. his mascula portis
 Pro patria mulier stat cataphracta suâ.
 At frustra me Delpha juvas. sum prada Philippo.
 Barbaricus victa miles in urbe furit.
 Hæc didici, voluique pati. nunc adspicis hospes
 Tempora fortuna prosperiora mea.
 Hic mihi vicinâ Nereus admurmurat undâ,
 Et propius colles tollit arena suos.
 Illic umbrosis se condit Delia lucis,
 Explicat & letas arbor opaca comas.
 Divisam me Spara secat, qui laxior undis
 Fit lacus, & vastis luxuriatur aquis.
 Arridet Natura foris. sed doctior in me
 Æmula Natura crebra reperta manus.*

D E L P H I

in Batavis.

Non ego fatidicis oracula suggero Delphis?
 Aut mea falsiloquus mœnia Phœbus habet.
 Ætherei responsa patris do civibus, & me
 Relligio, Græsum non beat iste furor.
 Infelix rapidis flagravi tota favillis,
 Cum rogas, & simplex nil nisi flamma forem.
 Condiderat tantos secura oblivio casus,
 Cum patriæ media concidit urbe pater.
 Quid rides Hispanæ? tui quoque nominis umbram
 Cernimus, atque ista cade Philippe cadis.

Venales

*Venales animas in mortem infontis acerbis,
 Venditur at precio regia fama suo.
 Nunc tu Belga duos uno sub marmore Martes
 Adspice, Nassovia nomina magna domus,
 Mauritium Patremque Duces: hæc numina sensit,
 Et tutelares terra Batava Deos.
 Sed magis Henricum fuerit genuisse. quid horres
 Cantaber? en patrii funeris ultor adest.*

L V G D V N V M.

C Revit ab Ausoniis olim mihi fama triumphis,
 Et victrix de me premia Roma tulit.
 Reddidit ereptos fugiens Hispanus honores,
 Dum pro me totus militat Oceanus.
 In me terra famem, querulos discordia cives,
 Et falces acuit mors furibunda suas.
 Vix nocuit securus Iber. quas struxerat arces,
 Deserit, & pavidos excipit unda pedes.
 Dum patria pars magna perit, conservor ab illa;
 Totaque ne pereat, sic periisse cupit.
 Nunc mihi Apollineos meruit sors ista recessus,
 Martiaque imbellis inœnia Phœbus habet.
 Prælitus pax alma placet: præ milite Pallas,
 Linguaque Romanos apta referre modos.
 Sit bellum sensisse satis. jam prælia dicto,
 Et mea facundis vocibus arma lego.
 At mihi plus debet Pietas: dum pellitur exul
 Flandria, & hoc gaudet vivere tuta sinu.
 Hospitium cum dem profugis, atque otia Musis,
 Vis dici doctam me magis, anne piam?

AMSTELODAMVM.

V Rbs spaciola, potens opibus, tectisque superba,
 Viribus invidiam, crimina lege domat.
 Civibus aucta novis, nunquam stat finibus iisdem,
 Latius expansis mœnibus hospes abit.
 Invertas, sit tota nemus. quo condita fundo est,
 Nuper Hyperboreo pinus in orbe fuit.
 Quicquid mortalis fingit solertia cura,
 Vel natura suo parturit alma sinu,
 Illa dabit, totoque parans commercia mundo
 Nunc emere, & totam vendere semet amat.
 Has adfert, has trudit opes. sic lucra parantur.
 Quid valeat fraus, sors, ars, mare, terra, docet.
 Moschus, Arabs, Persa, Maurus, Iudæus, uterque
 Quod ferat huc, rursusque auferat, Indus habet.
 Hanc dum mundus adit, mundumq; hac ipsa perer-
 Non urbs fixa loco, sed vagus orbis erit. (rat,

G O V D A.

I Sala si cedat Vahali, Rhenusque bicornis.
 Hæc quoque nata suis flumina jactet aquis:
 Attamen hunc tectis exornat Gouda superbis,
 Lata situ, studiis æmula, clara viris.
 Hinc natura ferax, illinc concordia cives
 Nec finit aut inopes, aut nocuisse malos.
 Templâ parat spatiosa Deo: nec quilibet illi
 Horrendi culpam criminis error habet.
 Bella premant alias, hæc est securior, urbes,
 Nec placidos turbant tympana rauca lares.
 Exulat Odrysius, litui, Bellona, triumpho:
 Hæc mansueta pia gaudia pacis amat.

ROTTERODAMVM.

Inclyta veliferus pulsat mea moenia Mosa,
 Parte aliâ placidis Rottera lambit aquis.
 Occiduum late commercia porto per orbem,
 Gallia quas poscit, quasque Britannus opes.
 Hic meus Ausonii vindex sermonis Erasmus
 Vaguit, & cunis abdidit ora suis.
 Maoniden jactet Colophon, Verona Catullum,
 Sufficit ad laudes hunc genuisse meas.
 Nunc tantum fragili veneror sub marmore numen,
 Dum silet in medio lingua diserta foro.
 Quem genui, Basilea tegit, Sapientia fatis
 Eximit, & cineri vult superesse suo.
 Me timet Hispanus, timuit grex barbarus ipsum:
 Ille meis victus classibus, hic calamo.

GORICHEMV M.

Adspicit invictis hanc cinctam moenibus urbem,
 Quem Vahalis, vel quem flumine Linga ve-
 Adspicit Hesperius quæ propugnacula bellis: (his.
 Quam fremat excussis machina crebra pilis.
 Adspicit adverso quantum se opponat Ibero,
 Invigiletque suis Martia dextra focis.
 Sic didicit bellare sibi. nec milite solum
 Tutâ, sed ipsa suis civibus esse cupit.
 Erkelis quondam submisit sceptrâ Dynastis:
 Hac quoque jam damnans nomina, tota sua est.
 Cur toties Batavum depingis Belgæ leonem?
 Qui patriam custos asserit, iste leo est.

BRIE-

BRIELA.

Adspice vicinam nostro de littore Tethyn,
 Hic ubi Mosa suis laxior exit aquis.
 Briela vocor, fessis statio secunda carinis,
 Nunc quoque Vorniaci gloria prima soli.
 Najades hinc, illinc agrestia numina Fauni,
 Et secunda meos spectat Eleusis agros.
 Albano surrepta Duci crudelia spre vi
 Imperia, & fasces Batava terra tuos.
 Aprilis letas fastis inscribe Calendas
 Belga, nec hoc optes non superasse die.
 Scilicet illa dies, qua me vicere Batavi,
 Vltius vinci noluit Auriacum.

ALCMARIA.

Tota paludosis Alcmaria surgit in undis,
 Pulchraque, Veronâ depereunte, nitet.
 Ne Latium præfer Bajas, aut Thessala Tempe
 Gracia, vel campos Brixia terra tuos.
 Proxima Nereidum spumantes adspicit undas,
 Proximaque umbrosas spectat Hamadryadas.
 Serica Sidoniis decurrant stamina portis,
 Hic lassant Batavas linea fila manus.
 Quæque tegant nudos velamina sufficit artus,
 Et memores primi nos cupit esse mali.
 Hesperios spre vit bellis infracta furores,
 Batavaque affusis castra fugavit aquis.
 Pugnavere viri. sed & hic (spectastis Iberi)
 Femina pugnanti porrigit arma viro.

HORNA.

H O R N A.

Fortia, cantatus quondam, mea mœnia Flevus
 Alluit, & portus verberat unda meos.
 Æmula me vultu spectas Enchusa sinistro,
 Et causam litis me cupis esse tui.
 Accipe placatas aeterno federe dexteras,
 Dum pereat junctis viribus hostis Iber.
 En tecum commune salum, commune profundum
 Navigo, & in mediis pabula sætor aquis.
 Iam mea Cimbrorum redimunt commercia terra.
 Foetaque Gotthorum carbasa portus habet.
 Nunc onerat nostras pelagi captura carinas,
 Terrenosque fovet præda marina Deos.
 Me ferit, & lædit : me servat ab hostibus æquor.
 Sic servastis aquæ, sic nocuistis aqua.

E N C H V S A.

Arecta frequensque domus nomen mihi fecit &
 urbem,
 Primaque contempta tecta dedere casa.
 Navita me jactat pelago, mea rura colonus
 Laudat, & hinc terra claudimur, inde mari.
 Abscidit adversas à nostro littore gentes,
 Et Frisios mediis dividit æstus aquis.
 Albani sprevi furias, nec victa tyranno
 Oceani proles intemerata steti.
 Pandit vasta meis Neptunus regna carinis,
 Et procul à patriæ sedibus exul eo.
 Quæro foris, quæ parca domi natura negavit,
 Quæque domi tribuit plurima, porto foras.
 Belgæ tuos mirare Deos. dum munera mundo
 Dividis, ex alio sidere plura refers.

G E R T R V D I S M O N S.

Nescio, num claris Brabantium debeat oris,
 An me Battavici vindicet ora soli.
 Quicquid erit, nostris sociavimus ora Batavis,
 Nec procul à Mervæ belligeramus aquis.
 Vendita sum sceleris precium : sed victa triumph.
 Quam distant meritis victor, & emtor Iber ?
 Magna suum quondam me dixit femina montem,
 Nunc Martis potius Mons & arena vocer.

H A G A.

Sedes prisca Ducum, non urbs, tamen urbibus
 ipsa
 Major, & à Batavo principe nomen habens :
 Sto Tethyn Faunumque inter. latus inde procellis,
 Parte alia umbrosum robore cincta latus.
 Hic Themis, & sacras loquitur Prudentia leges,
 Et trepidos insons excipit aula reos.
 Hic edicta Patrum, & magni decreta Senatus
 Colligit, & patria prospicit una sua.
 Auriacusque meis accedens laudibus heros,
 Altius angustum tollit ad astra caput.
 Quas aquilas, quæ signa vides, vexilla, triumphos,
 Hæc sunt Nassovia parva trophæa manu.
 Cum sociæ pugnant urbes, pugnantibus adsum :
 Et partem pugnae, consuluisse, puto.

In militum ducem peculatus reum, &
 nobilium insignibus elatum.

Qui patrios ficto defendit milite vallos,
 Publicaque infami diruit ærâ manu :
 Ficta suis moriens promittit stemmata bustis
 Postque obitum vana nobilitate tumet.

f

Scilicet;

*Scilicet, ut scurra furtum jam clarius esset.
Efferrī claro funere scurra cupit.*

In eundem lue Venerea extinctum.

Q*ui Batavum potuit bellator fallere Martem,
Et titulus simulat nobile stemma suis,
Iustior una Venus mutilatum corpore toto
Stravit, & ulterius noluit esse virum.
Ficta Deo, non ficta Dea sacra verat arma,
Dumque nocet geminis, disperiit geminis.
Vltā fuit belli scelus officiosa cupido.
Debuit hoc Marti Cypris amisa suo.*

In amatorem superciliosum.

A*ccedis Batavas, mi Bartholomæe, puellas;
Et tamen hoc audes dicere: Nulla placet.
Accedis Frisias, mi Bartholomæe, puellas,
Pergis & hoc iterum dicere: Nulla placet.
Accedis Valachras, mi Bartholomæe, puellas,
Pergis & hic eadem dicere: Nulla placet.
Nec tibi Brabantia possunt placuisse puella,
Flandrica nulla tibi, Geldrica nulla tibi.
Virgine sic nullā, mi Bartholomæe, potiris.
Vis causam? nulli tu placuisse potes.*

In infelicem cuniculorum Venationem.

Q*uantus in aquareis gradiar venator arenis,
Quā steriles longè semita sulcat agros,
Dicite Hamadryades: vester nam terror habebat,
Terribilis famulis, terribilis canibus.
Dicite crudeli toleratos sole calores,
Funereamque mihi dicite penè sitim,
Pocula cum sicca peterent Acheloria fauces,
Et tamen hac eadem pocula negaret ager.*

Dicite

Dicite mille feras, vestigia mille ferarum,
 Et qua mille suis vidimus antra locis.
 Dicite quasitam magno molimine pradam,
 Dicite decursa jugera multa via.
 Omnia Hamadryades cum dicitis, ista silete:
 Nulla quod in toto sit fera capta die.

In Taurum hospitem.

T Aure pater; tecum tecto cur claudor in uno?
 An quia vis mores me didicisse tuos?
 Ah didici: multaque pater jam prole salutor:
 Tempus erit mores dedidicisse tuos.

Ad

GERARDVM THIBAVTIVM,
 artis gladiatoriae Principem.

Pythius à citharâ, laudatur ab ægide Pallas,
 Claruit ob pharetras Delia, Castor equos.
 Castibus eminuït Pollux, Mars belliger hasta.
 Clarus Olympiacis est Lycus in stadiis.
 Et celebris temone Pelops, pelisque Camilla,
 Arcu Phillyrides, cursibus Hippomenes.
 Armât dente minax Neptunum fuscina, clava.
 Amphitryoniadem, fulmina sæva Iovem.
 Laus sua cuique hominum, sit laus sua cuique Deo-
 Laus tua, Thibanti, doctior ensis erit. (rum;

In eundem.

SÆpius immerito solvi sestertia nauta,
Dum mihi crebra tua littera scripta manu est.
Ne numerem posthac nauta, sic, Aule, paciscar:
Vt taceas, cupio plus numerare tibi.

D. M. OLDISWORTHO,

Illustriss. Penbrociæ Comiti
à Secretis.

LAurea grandiloquum cinxeruntserta Maro-
nem,
Inque tuis lusit laurea, Naso, comis.
Vilis honoratum redimivit laurea Flaccum.
Non aliud precium (crede) Catullus habet.
Laurea mellito gracilis decreta Melisso est,
Lauriger Ausonio sub duce Strozza fuit.
Talia cantanti cesserunt dona Secundo,
Talia Lotichii pramia Musa refert.
Laurigerum modulans Auratum Sequana vidit,
Cum folia & frondes munera vatis erant.
Oldisworthe, mea melior fortuna Camœna est:
Circundant humeros aureaserta meos.
Errarunt veteres, nunt erravere Britanni:
Nobilius precium vilior auctor habet.

In Laurentium ædium multarum
architectum.

Diruit, ædificat toto Laurentius anno,
Et tamen in tota possidet urbe nihil.
Centum tecta locat, fama que opulentus habetur,
Quasque suas jactat, debet egenus opes.

At

*At postquam factus celebris cornicula Flacci est,
Risit ob has ipsas ingeniosus opes.
Quæ fortuna rapis, non hæc mihi surripis, inquit.
Restituis dominis serius illa suis.*

In Ponticum.

Dens tibi distorto tam grandis prominet ore,
Ut dentem Arcadici vincere possit apri.
Hoc tu dente voras, hoc ictus dente repellis,
Hoc te terribilem dente puella timet.
Et tamen in dentem quoties convitia torquet
Seopticus, imbellis Pontice, dente cares.

In cœcum, inter equos Valckenburgi
ambulantem.

Per fora magnanimis latè celebratà caballis
Ambulat, & streperis cœcus inerrat agris.
Inter equos graditur, laudatque ferocia colla,
Terribilesque comas, compositumque gradum.
Non oculis opus est ultrà tactuque probari:
Nam sint degeneres, olfacit unus equos.

In hominem januæ suæ perpetuū
incumbentem.

Semi vir adspiceris populo, nec cerneris ultra;
Dividit & dominum janua sæva suum.
Nescio num Siren, vel sis Nereia pistrinx,
Absumatque tuos integra cauda pedes.
Nescio, num femur, & suras, & prælia talos
Abstulerint; num sis loripes, aut quadrupes.
Nescio num vir sis, num femina; si modo sexum
Corporis è media noscere parte datum,

Forſitan anguineos imitatur tibia flexus,
 Cruraque ſerpentum languida more trahis.
 Eſſe potes Minotaurus, Chironque caballo
 Mixtus, & è Lapihūm gente creatus eques.
 Eſſe potes Pan Arcadicus, Faunusque vocari
 Semicaper, quin & Cyllarus eſſe potes.
 Pande fores; potero jam tunc cognoscere quid ſis.
 Aut te, ſi renuas, ſuſpicor eſſe Caprum.

In pratorium

P R I N C I P I S
 F R E D E R I C I H E N R I C I

quod in agro Delphenſi viſitur.

Splendida Romano ſurgant Capitolia luxu,
 Luceat athereo vertice celfa Pharos.
 Ammonii delubra Iovis, Triviaque penates
 Afer & Argolicus tollat in aſtra labor.
 Erigat ipſa ſuas generoſa Semiramis arces,
 Feminaque exſtincto buſta ſuperba viro.
 Adſpectent Sículos Cumana palatia fluctus,
 Tecta que Bajano conſpicienda ſinu.
 Ceteraque immenſo tumeant pratoria cenſu;
 Ampla ſatis domino eſt qualibet aula ſuo.
 Illa capit Circen, magnum capit illa Neronem,
 Tecta que Lucullum, vel ſpatioſa, tenent;
 Illa tamen, Frederice, tibi quæ ſidera lambit,
 Virtuti domus eſt non ſatis ampla tua.

Ad Nobiliss. & Mathefeos peritissimum Virum,

GODEFR. de HAESTRECHT

volantes aves balista dejicientem.

DUm medium tranant veloces aëra mergi,
 Discolor & summis nubibus hæret avis :
 Dejicis arata volitantia corpora glande,
 Doctaque suspensum machina sternit onus.
 Icarus hoc faciat, vel fultus Dadalus alis ;
 Nil mirum, pennam penna secuta premit.
 Prendat avem Stygia Damon virtute vel astu ;
 Res facilis : nullo corpore sulcat iter.
 Tu volucres ima positus tellure reposcis,
 Et via, qua nobis invia, certa tibi est.
 Nil tutum Natura tua jam subtrahit arti,
 Aut proprias usquam provida servat opes.
 Omnia rara facis. matris sidera, terram,
 Et victi spoliis atheris unus ovans.

In effigiem Cl. Viri

PETRI SCRIVERII.

HÆc est Bataviam vatis scribentis imago,
 Sic alibi poterit sic placuisse domi.
 Ostia cui Rhenus, cui debet Corbulo fossam,
 Et dominos dicat Belgica terra suos.
 Bilblicos legimus tali censore lepores,
 Et lumen Seneca grande cothurnus habet.
 Tempora qui reddit, nulli sua tempora pendit,
 Ingenioque cupit liberiore frui.
 Scilicet Aonias gratis qui vindicat artes,
 Præmia doctrinæ despicit emptæ suæ.

C. BARLÆI
ELOGIA

aliquot
POETARVM LATINORVM.

Ennius.

Dic me, Naso, rudem; quamvis tu cultior arte,
Te Scythæ, me claudunt marmora Scipia-
dum.

Plautus.

Cur te Plante legunt omnes? quia credimur & nunc
Materies cuncti carminis esse tui.

Nævius.

Qui potuit foccum verbis vincere Latinis,
Hunc audes vinclis stringere Roma tuis?

Pacuvius.

Prima cui debent ingentem secula famam,
Ultima ne spernant secula Pacuvium.

Lucilius.

Perstrinxit primus Satyra Lucilius orbem:
Qui scribat Satyras ultimus, ecquis erit?

Lucretius.

Hic Phœbi furis, furisq; exarsit Orestis.
Quam præstat solis versiculis furere!

Virgilius.

Non magis augustus potuit sub Cæsare vates,
Nec magis Augusto Cæsare digna loqui.

Ovidius.

Iudice sim quamvis damnatus Cæsare; poena
Absolvar, causam si modo dicat Amor.

Hora-

Horatius.

*Omne vaser vitium ridenti dicis amico,
Sed dicet vitium Lydia sola tuum.*

Catullus.

*Si cantare Iovem proprios fas esset amores,
Hoc, & non alio posceret ore loqui.*

Tibullus.

*Cur tibi Sulpicia, tibi cur placuere Nearæ
Basia, quem Musa deperiere novem?*

Propertius.

*Cynthia te vatem fecit, lascive Properti,
Ingeniumque tibi sola puella dedit.*

Lucanus.

*Cui minus historicus credor, minus esse poeta,
Me minor est vates, & minor historicus.*

Persius.

*Martia sub crudo tremaret cum Roma Nerone,
Incepit crudo Persius ore loqui.*

Martialis.

*Ne Fescenninum, lector, contemne poetam:
Nam, qua non facimus, sit cecinisse parum.*

Claudianus.

*Te sequimur Phario vites celebrate Canopo:
Solaque laus nostri carminis, umbra tui est.*

In Flardingam, Hollandiæ, ut fertur,
oppidum antiquissimum.

O Stia, quæ veteris spectas celeberrima Mosa,
Et gemino fissas flumine jungis aquas,
Si domino, Flardinga, novo, dominaque superbis,
Amsteliosque tibi præficias una Deos:
Hospitio Batavum nunc excepisse poetam,
Pars fuerit fama quant ulacunque tua.
Det leges, det jura novus placidissima rector,
Tantaque non una commoda prole beet:
Advectet pelago quasitas navita merces,
Et quadruplex narret fabula præscia decus:
Sis sapiens, sis dives opum, sine mœnibus audax,
Primaque Batavico constituare solo:
Addimus his precium titulis, totque inter honores
Laus erit à sero te quoque vate cani.

In obitum Clarissimi Viri

GILBERTI IACCHÆI,

Philosophiæ Professoris celeberrimi.

C Onditur hoc tumulo magni facundia Scoti,
Linguaque, sed posthac non habitura parem.
Immoriturque isto rerum Sapientia busto,
Quosque viri, cineres hos ait esse suos.
Claudit Socraticos tellus Argiva magistros,
Clara Stagiræum Cecropis ora senem.
Ansonio recubat Samius sub littore doctor,
Eosque tegunt Persica regna patres.
Sunt Druidum Gallis, sunt docta cadavera Nilo,
Et sua Aquinatæ terra Bedamque capit,
Atque alibi adverso Cardani Cæsare manes,
Semideosque tenet nobilis urna duos.

Quos

MISCELL. LIB. II.

Quos omnes, Gilberte, tuo dum pectore clausos
 Subtrahis Auriacæ, te moriente, Scholæ:
 Illorum pariter tumulos ac busta videmus,
 Quæque tuo flagrant prisca Lyceæ rogo.
 Sic dum iusta facit Batauvus, se flere fatetur.
 Funera funeribus tot sociata tuis.
 Quin foetus claris rerum doctoribus unus
 Dum moreris, cogis secula multa mori.

In ejusdem morbum cum mentis ac linguæ
 stupore conjunctum.

Quisquis in hoc fragili præclarum corpore mentem,

Et velut à magno Numine numen habes:
 Ingenio ne fide nimis: facundaque quamvis
 Sit tibi, cælestes vox veneretur opes.
 Æthereæ mentis non delassata potestas,
 Oraque in argutos præcipitata sonos,
 Ingenii vigor, & virtus contermina cælo,
 Cuncta simul dominum destituere suum.
 Ne fari tam grande putes. ne, noscere verum,
 Materies laudis sit speciosa tua.
 Quod loquimur, sapimusque, Dei est. si jusserit idem,
 Illicet elinguis stultaque turba sumus.

Amplissimo & eruditionis fama
 Illustri Viro

HUGONI GROTIO,

Cum Hymnum suum in Christum illi
 transmitteret autor.

Cui prius aquoreis vates demersus in undis
 Materies sacri carminis ampla fuit:
 Si vacat, ingentis præconia perlege Christi,
 Quodque salutiferum jam modulamur opus.

Non hîc discordes, vario sub iudice, voces,
 Aut malè dissuta nomina pacis habes.
 Hoc canimus, quodcunque piis commune putamus,
 Rixantesque queant asseruisse scholæ.
 Non abit in partes mea pagina. dictat Iesum,
 Qui potuit mundo conciliasse Deum.
 Sustulit has partes, Groti facunde, Redemptor,
 Ne faceret partes turba redempta novas.

In cubile Doctoris

S T A P E L I I,

suspensis monstris formidabile.

INter monstra, feras, cœli, terræque, marisque
 Tutus inoffensa simplicitate cubo.
 Nil nocet innocuo virus, non toxica terrent,
 Cui sua præsentem fert medicina manum.
 Torqueat in spiras sinuosus corpora serpens,
 Fulminet ignivomo pendulus ore draco.
 Et Pelusiæ missus crocodilus ab oris
 Immineat capiti bellua sæva tuo;
 Illa minax acuat dentes, hæc acrior ungues.
 Terribilis nulla est, nulla timenda mihi.
 Quæ ratio vicisse potest, prudentia spernit.
 Nec sua qui domuit crimina, monstra pavet.
 Læctule, ne timeas. domino mens conscia recti est.
 Illa metus omnes despicit, illa minas.

In Albo eruditissimi adolescentis,

S V F F R I D I S A E C K E M A,

Gallias adeuntis.

GAllia, qui juvenis Frisiis tibi mittitur oris,
 Ut placeat, titulo nobiliore venit.
 Crede aliquid genitoris habes. pars illa Senatus
 Dignior hoc vultus explicat ore suos.

Dilige

*Dilige depositum. nec, si tibi nostra probantur
 Federa, quem canimus, sit tibi Belga gravis.
 At Druidum postquam voces & verba loquetur,
 Restituas patrie pignora tanta sua.
 Hæc laudis pars magna tue est, formasse juventam.
 Gallia, post voces, vivere posse docet.*

In Albo Nobiliss. Iuvenis,
 LUDOVICI ab AISSEMA,
 convictoris mei.

Qua patriis, præstans Iuvenis, virtutibus absens
 Debeo, te coram non pudet illa loqui.
 Hospes abis. sed enim tanti generosa parentis
 Ante oculos pernox ludit imago meos.
 Hospitio sic neuter abest. non distat amicis,
 Non alio vivit sidere, quisquis amat.

In effigiem Caroli Quinti Cæsaris, à
 CONSTANT. HUGENIO
 metallo donatam.

Qualis laurigeras, victricia tempora, frontes
 Exhibuit populis urbs Tiberina suis,
 Seu fuscum fuit illud opus, seu malleus artis
 Autor adoratos pressit in ære Duces :
 Talis apud Batarvos veteres Hugenius artes
 Reddit, & hoc sæclo deteriore sapit.
 Ingenium nuper torni rapuere, rotaque,
 Et phialam docta disposuere manus.
 Ipsa suas stupuit formas mutabilis arbor,
 Lignaue tum poterant plus placuisse sibi.
 Iam cœptis animosa suis mens ista metallo
 Incubat, atque novis artibus æra domat.

*Dextera Praxitelis, Polycleri industria, solers
Mentor in hoc uno nunc coiere viro.*

Adspice calato nostratem Casara plumbo,

Adspice, materiam nobile vincit opus.

Quos timuit vultus Germania, Gallus, & Afer,

Quos timuit vultus Roma superba, vides.

Constantine, tibi Carolum debemus. at illum

Fingere tu solus cum ratione potes.

Scilicet ingentem qui Casara nomine reddis,

Hoc titulo proprios reddis in ære Deos.

In effigiem

LAVRENTII REAEL,

rerum Indicarum ad Orientem Præfecti,

Equitis, è Dania post naufragium
reducis.

C *Vi procul extremos nuper diffusa per Indos
Gloria cum socio Sole peregit iter :*

Sic oculos, sic ora refert. hic ille Reali

Vultus, & Aonii Martia forma viri.

Quos meruit virtus titulos, tribuere Britanni,

Et clarum tetigit Cimbrica dextra caput.

Si reduci nocuistis aqua, plus additur ergo

Laudibus. Ænean hac quoque sorte refert.

Ad

MAGNUM MOSCOVIÆ

DUCEM.

M *Axime Dux, qui Sarmatica moderamina
terra*

Flectis, & Arctos sceptris tremenda plage,

Et Scythicos inter fluctus, Tanainque remotum

Grande Lycaonio sub Iove nomen habes :

Accipe quem Batavis Iuvenem tibi mittimus oris,

Imperio dudum pignora sacra tuo.

Ille

Ille Machaoniâ languentes voce tiaras
 Eriget, & pallens mox recreabit ebur.
 Vt quantum generosa tuæ Moscoria vita
 Debet, & incolumi Russia tota Duci,
 Debeat huic eadem tantum: pariterque salutis,
 Et pariter regni fulciat unus opus.
 Dat nobis Natura Duces, sed servat Apollo.
 Vitaque sceptorum, cura laborque Deum est.

Ad

IOHANNEM VOSSIVM,

Post habitam de Tutela & Cura, cum
 laude, disputationem, in Britan-
 niam abeuntem.

Anglia, quæ magni venerâris nomina Vossî,
 Scriptaque, posteritas quæ studiosa leget:
 Hunc juvenem, quem cernis, ama; doctique parentis
 Progeniem cupias demeruisse tibi.
 Emicat hic noster patriis virtutibus orbis,
 Inque tuas ardet clarior ire plagas.
 Credere te fas est; Tamesi dum mittitur obses
 Filius, & causæ dat documenta sua.
 Quo prius ingenii fuerant transmissa paterni
 Pignora, nunc illo sanguine natus abit.
 Non poterat totum genitor se tradere. corpus
 Dividit, atque istâ jam quoque parte datur.

In effigiem
ADRIANI PONTIFICIS,
 Ultrajectini,
Ad Nobilissimum Virum
ADRIANVM PLOOSIVM,
 Ultrajectinum, Eq. Dominum in Thienho-
 ven, Oudegeyn, &c.

Cvlmen adorandum, triplicisq; insignia mitræ;
 Sceptraque Apostolicis turgida nominibus,
 Et sacrosanctos (sed Roma iudice) fasces,
 Gessisti timida, Papa Adriane, manu.
 Scilicet hos Carolo titulos, hæc munera debes,
 Præmiaque à grato Principe tanta refers.
 At tua tam grandi turgescent patria cive,
 Iactat Pontificem se genuisse suum:
 Quemque dedit Rhenus, Tiberini ad fluminis urbem
 Christigenum latè dicere jura gregi.
 Ecce tuos vultus donat meliore metallo
 Ploosius, & tanti præsulis ora notat.
 Quin gaudet donasse aliis, & munere in uno
 Nos geminos voluit demeruisse sibi.
 At dum Pontificem totus te suspicit orbis,
 Non hic Pontificem te volet esse suum.

In eandem.

Præsulis adspexi triplex diadema Batavi.
 Et Trajectensis nomina sculpta tui.
 Patria communis vobis, communia deinde
 Nomina, communis creditur ordo sacer.
 Attamen imperio gemini differtis, & ille
 Dum cœli librat pondera, tu patria.

Ad

Ad eundem ex Dominis ab Aemstel
oriundum.

D Vm genus & proavos claro de sanguine, Ploosi,
Ducis, & Amstelio stemmate stemma tra-
Totque fidem faciunt testes, insignia, charta, (his,
Secula que nondum passa fuere mori:
Nomina prisca tuis titulis, proceresque potentes
Inseris, & causas nobilitatis habes.
Invide, quid dubitas? seriem numerare parentum
Non satagit, virtus cui sua stemma facit.

Ad

CONSTANT. HUGENIVM,
trium natorum ex ordine patrem.

I.

N Atorum dum jura trium sibi postulat ἀπὸς
Bilbicus, sterili condolet aula thoro.
Quod natura negat, donat diademata poeta.
Et qui non fuerat, fingitur esse pater.
Constantine, tibi favit natura parenti,
Dum natos una conjuge tres generas.
Sic facilis Lucina tibi est, fortuna poeta;
Tu pater es, verum jus patris alter habet.

II.

Cum tibi prima daret genialis premia lectus,
Et soboles risit mascula, jam Vir eras.
Cum secunda marem conjunx super adderet, ecce,
Te non difficili patre, Duumvir eras.
Tertia jam nato volvit cunabula nutrix.
Et me, si libeat, teste Triumvir abis.

Sic

*Sic tituli crescunt, veterum pro more Quiritum,
 Et tuus à foeta conjuge surgit honos.
 At cum Septemvir fueris, vel fortè Decemvir,
 Optabis mecum parcius esse pater.*

I I I.

*Vnum Parmenidi placuit, tria Pythagoreis,
 Attamen ingenti bis duo Aristoteli:
 Infinita docent Leucippus, Anaxagorasque,
 Pro numero sectam dum sibi quisque facit.
 Constantine, tribus si stent tua basia natis,
 Crederis Samiæ gravior esse scholæ.
 Si quartum addideris, poterit Stagira placere.
 Quintus, & hinc sextus, sed sine lege ruant.
 Quod si Leucippi placeat sententia, tantum
 Ut possis numerum gignere, gigne atomos.*

Ad

IACOBVM BAECKIVM,

I. V. L. cum ad novos me amores
 hortaretur.

Iacobe Baecki, mentis exemplar proba,
 Et perspicacis ingeni,
 Quem fovit ulnis sanctior Themis suis,
 Iunctæque Themidi Gratia.
 Cujus labellis Suada semet dedicat,
 Et tot leporum formulas,
 Et eruditi pectoris doctas notas,
 Et quicquid ipsum Cypridis
 Docuit puellum Cypris & Paphi domus;
 Amare cur vatem cupis
 Rursumque flammis cor aduri cereum?
 Et intricari amoribus?

Ani.

*Amplexus, eheu, noster implexus fuit
Chara lacertis Barbara.
Hic basiaui & osculis vixi meis,
Et prolis optima pater
Pressi cubile non molesta conjugis,
Nec militavi inglorius.
Nunc marcet avi flosculus, vetus thori
Resedit ardor, & faces
Moderatur atas, & decens prudentia
Vult osculis me subtrahi.
Te, chare Baecchi, poscit hic totum labor,
Te te Dione provocat
Citatque amantem. Tu labellis virginum
Plus grata figes basia,
Tu blanda fari & illices voces potes.
Ego severius loqui.
Tuis ocellis luscitant Cupidines,
Meis procaces exulant.
Tibi ver amorum vivitur, me mitior
Amoris afflat aurula.
Tibi pandit ignes latiores Hesperus,
Mibi remissos destinat,
Viduasque noctes, Te tenellida patrem
Lucina prolis exigit.
Ego credor esse proletarius pater,
Septemviratu nobilis.
Mutare clypeos prae stat. occupa thorum
Amator, & complexibus
Ambi puellam. mille fige basia,
Et mille super hacingere.
Et dic: amores Baeckiani crescite,
Et mox nepotes fundite.
Ego mœstus, excors & procandi nescius
Et Barbara mea memor,
Defuncta bello tela consecro Diis.
Insanuisse sit satis.*

TES-

TESSALICA.

Ad honestissimam & erecti ingenii
matronam

MARIAM TESSELSCHADE,
VIDVAM.

Tessela, Thessalicis non enutrita sub oris,
Tessela, Battaviæ gloria prima tua;
Tessela, quæ sexum studiis & moribus ornas,
Atticus è placido cui fluit ore lepor;
Tessela, cuius acus solertem vincit Arachnen,
Tessela, Apellæa pingere docta manu;
Tessela, quæ magni clarescis laudibus Hoofdi,
Et Constantino Tessela dicta meo;
Tessela, quæ cælo posses deducere Lunam,
Et tetricos cantu demeruisse Deos;
Tessela, quæ viduo recubas castissima lecto,
Et procul à viduo vate remissa jaces:
Accipe Barlæi scriptos in imagine vultus,
Istaque non ficti signa favoris habe.
Tu generosa, tuos si nolis mittere vultus,
Qua toties mittis carmina, vultus erunt.

In domum hortumque

MARIÆ TESSELÆ.

Lares diserti, Palladis sacrarium,
Phœbi penates, omnis elegantia,
Scientiaque & artium capax domus,
Angusta sedes, Principum palatiis
Regumque longè regis illustrior:
Tuque erudita & sensibus dives tuis
Salve supellex pervenusta Tessela,
Quam fecit ipsa. sola qualem possidet,

Opum

Opum suarum mater, hospes, artifex.

*Vidi tabellas Tessela pietas manu,
Psyche volentem, celsa Muydæ mœnia
Portusque & arces, eminentis Hoofdii
Celebres recessus. Tessela textos manu
Vidi tapetas. scripta Tessela manu
Monumenta vidi, versa Tassi carmina,
Italûmque amores, quosque Vatibus suis
Modulos dicavit. Tessela vidi chelyn,
Quam fidibus illa pulsat exactissimis,
Musisque sacrat. pendulum vidi mare,
Marisque spolia, totque concharum ordines,
Quos illa doctè sedibus fixit suis,
Placidaque junxit dispares concordia,*

*Te, Flora, vidi. facta Tessela manus
Hac ade fulges, sericâque discolor
In veste splendes. ipsa miratur rothos
Natura fetus, emulamque dexteram
Irata damnat, & potentis femina
Stupescit ausu. tuque pulcher Hortule,
Amœnitatum prome conde plurimum,
Vbi flos superbum barbarus tollit caput,
Precioque plorat excidisse se suo,
Index magistræ es. per gradus iui tuos
Castumque juxta Tessela sedi latus.
Hic Cirrha, dixi, est. hic Apollinis Claros,
Tenedosque surgit altera. hic limen suum
Calcant Camœna. non tuos Semiramis
Veneramur hortos, quosque Phæaces colunt,
Agrisque Grajus ordinat feracibus.
Hic villa Superûm est. hic vel ipse Iupiter
Optet morari, uxoris immemor sua.
Hic praeinentis Tessela blandum melos
Attentus audit, & Duarta vocibus
Captus, tremendi fulminis ponit faces.
Hic esse cygnus, imber, aut taurus volet,*

Nisi

Nisi impudicos Tessela horreret Deos.
 Leander illic Sestiae velit loqui,
 Thisba procator Pyramus, Mars Cypridi,
 Sappho Phaoni, Theseoque Gnosia.
 Nis cura, livor exulant penatibus,
 Mœrorque & ira, & quicquid infestum bonis,
 Quicquid serenis permolestum matribus,
 Quicquid puellis noxium tenellulis,
 Quicquid decoris inficetum Gratiis,
 Quicquid modesto displicet vatun choro
 Cupidinique. calitum salve domus,
 Hominum voluptas, atrium modestiae,
 Et lenitatis, & pudoris & bonae
 Mentis sacellum. Tuque custos sedula,
 Domusque lumen & decus clarum tua,
 Quae tanta nobis exhibes spectacula,
 Quae tanta nobis parturis miracula,
 Quae docta nobis scribis hic oracula,
 Favente caelo, vive, vive Tessela.

In Corollas & lemniscos, opus

T E S S E L Æ,

suspenso in atrio Satrapæ Muydensis.

A Dspice pendentes, quos Tessela nexuit, hortos,
 Translatosque sua suspicæ sede Deos,
 Autumnum, Bacchumque patrem, sacrataque
 pomis

Numina, & arboribus pignora rapta suis.
 Miscentur Superi. pendent Pomona Ceresque
 Et socias Daphne noſtit opaca comas.

Mille vides pulchra disponi lege colores,

Mille vides aptè frondibus esse locum.

Dispersis sua forma deest. sic juncta stupemus.

Quod commendet opus quodlibet, ordo facit.

Miramur

*Miramur cuncti docta molimina dextra,
Miramur viduas hac potuisse manus.
Tessela, (dicebam) quæ jungis numina, digna es
Non homini, verum nubere numinibus.*

Ad TESSELAM, turbato mari.

Tessela dic ventis, dic Tessela fluctibus, ut jam
Componant motus fluctus & aura suos.
Ni facias, non te Sapphum, bona Tessela, verum
Te sagam dicam, Tessela, Thessalicam.

Ad TESSELAM, placido mari.

Tessela, per medios placato flumine fluctus
Venimus in Muya testa vetusta mea.
Cum tibi sint placidi mores, facundia, vultus,
Imbibit ingenium ventus & unda tuum.

In lappam præfixam vesti

T E S S E L Æ.

Tessela, terribilem cur figis pectore lappam:
Cur tribulos castis objicis uberibus?
Defendi cupis illa, quibus peccatur amando?
Et custos vidua lappa pudicitia est?
An, ceu lappa minax pungit, tu pungis amantes.
Spinofumque aliquid saepe minatur amor?
An, quia se in formam contorquet lappa rotundam,
Expers fraudis amas verba rotunda loqui?
An, quia se spinis distinguit pluribus illa,
Tu quoque distinctis artibus una sapi?
Dixi; terribilem jam decute Tessela lappam;
Non es, crede mihi, Tessela terribilis.

Quin

*Quin potius mansueta, tuis virtutibus aptam,
Pro lappa, Violam fige vel Euphrasiam.*

In TESSELAM cymbala in templo
pulsantem & canentem.

I *Am privata ferit, jam publica cymbala prestans
Tessela & ingentem personat ore Deum.
Lingua Creatorem laudat, digitusque manusque
Et quem parte canit Tessela, tota colit.*

Ad TESSELAM & Duartam
cantu nobiles.

M *Atrona matresque mea miracula terra,
Quæ canitis, quales non cecinere Deæ.
Si sinitis vatem vobis dare præmia, dicam:
Altera sit Seraphin, altera sit Cherubin.*

In TESSELAM à venæ sectione
exanimem.

L *Abitur exanimis, nec jam sibi Tessela constat.
Totque favor vatum deficit una sibi.
Maxima quæ novit, non jam se Tessela novit.
Ingenii grandes debilis abdit opes.
Dextra jacet, pulchras toties dimissa per artes.
Linguaque cantandis versibus apta, silet.
In teneris hæret species fatalis ocellis,
Innocuoque gravis pallor in ore sedet.
Membra rigent, casto melius servanda cubili.
Sueta manus doctæ scribere, tota gelu est.
Cujus inest numeris robur, sanguisque colorque,
Corruit & mæstam languida sternit humum.
Ah moreris, moreris, dicebam, Tessela. certè
Palladis effigiem deficientis habes.*

*Sic jacuit Sappho, Niobe sic pulchra rigebat.
Sestia sic visa in litore virgo fuit.
Tessela, si moreris, saltem his moriaris in ulnis.
Sic moriens poteris non sine vate mori.*

IN TESSELAM equitantem.

Tessela per terras equitat, per rura, per agros,
Et mulier freno liberiore ruit.
*Qualis Volsorum egregia de gente Camilla,
Aut fera bellacem Clelia flectit equum.
Ecce tuis quadrupes incedit Tessela iussis,
Et bene composito verbere pulsat humum.
Credere esse ferox, cum sis placidissima morum
Regula. dumque secas aëra, blanda canis.
Tessela equum domitrix. grande est, domuisse ca-
ballos.
Grandius hoc: vidua condicione mori.*

Ad

CONSTANT. HUGENIVM,
de versibus Tesselæ in Vmbram.

Quam mihi ab Almeriis tua Tessela misit
arenis,
Mittitur ad vestros pagina docta lares.
Vmbra facit carmen. sed quæ Titania vincat
Lumina. quæ rutilum provocet umbra diem.
Illa tua mulier venerabilis institit umbra,
Deque tua solers lumina nocte capit.
Hugeni, cuperem fieri jam femina, postquam
Incipiunt matres versibus esse mares.

In læsum, grandi infortunio, in fabril
officina sinistrum

T E S S E L Æ

ocellum.

O Celle, viduis imperans ocellulis,
Ocelle, sacris annuens facellulis,
Devotionis facula & hospes candidi
Animique nullum vellicantis scrinium;
Ocelle vatum, cuius ad nutum ciet
Heliconæ totum Mvda, Barlaus canit,
Zulechemus aulas principesque posthabet;
Ocelle pella, blande, miis, innocens,
Et fastuosi nesciens supercili:

Quis te miselle lādere & caliginem
Inferre Soli & nocte gestiit diem,
Lumenque tantum coecitate condere?
Megara qualis, qualis Aleō tuis
Ferale ocellis subdidit trux scandalum?
Num nuda Pallas visa Tessela fuit?
Aut hanc Lycurgum credidit Thrax barbarus?
An lumina omnes Tessela invident mea,
Ob invidendum carminis Diis melos?
An cœca cōgitare quiddam grandius
Sublimiusque possit ingens Tessela?
Num Veneris alma Tessela esse vis puer?
Vt defocula nos amicos respuas?

Ocelle, tabo & pure stillans lurido,
Ocelle, circum discolor, pupillulis
Horrescis intus improbe rubentibus,
Cruor que lenes crudus inficit genas.
Tument iniquis palpebra fastigiis,
Deletque pars, sueta gaudiis dari.

Hoc Tessela esse sponsa vultu non potes.
Hac fronte Divūm mœsta mensas despicias.

*Sic ambulare, sic joculariter carere.
Sic cellularia & domesticis tuis
Testudo lenta diceris, numen latens,
Auremque patiens fabulis donas meis.*

*Ne, Phœbe, spectata Tessellam, dispar sibi est.
Ne Tessellam, Hoofdi, crede, non est Tessella.
Ne, candor, intueri Tessellam, rubet.
Ne crede, probitas, Tessellam, nam livida est.
Nil dic poetæ Tessellæ, loqui timet.*

*Crudele ferrum, quod tenebrosum specus
Te genuit orbi? quis nocentior faber
Telluris altæ te refodit è sinu?
Ut innocenti vulnus inferres Deæ,
Et hos ocellos, queis superbit Almeris,
Superbit Ya, & potor Amstellæ frequens,
Queis lecta Tassî pagina est, scripti sales,
Picta tabellæ, floribus datus nitor,
Conchis figuræ, sculptus in vitris amor,
Fœdaret ictus? Nulla te posthac manus
Tangat nefandum. nullus his incudibus
Sudet Pyracmon. Semper erret ictibus
Fallatque nudum membra Bronten malleus.
Erravit hic in Tessellæ, & non noxiam
Fecit nocentem. collabascit Tessellæ,
Humumque mordet Dis propinqua femina.*

*Tristes tenebræ Vesperæque flebiles,
Quid meruit insons Tessellæ? excors Cynthia
Cur distulisti tunc præire Tessellæ,
Nostræque lumen commodare Palladi?
Cur occidisti, præsciis discriminis,
Festine Titan? nulla cur in atrium
Se stellæ præceps fudit? ecquid Hebere,
Et tu Dione tuque tardior Venus,
Tui furoris negligis poetriam?*

*Expugne fastis, scriptor annorum diem.
Hunc adde cannis Alliæque casibus.*

*Fabrile ferietur hoc die genus,
Non ara Steropes fundat aut flectat manu.
Non flamma ferro serviat, nec lancibus
Statera constet, qua fefellit Tessellam.*

*Plorent ocelli, queis amatis Virgines.
Plorent ocelli, queis amatis conjuges.
Prorent ocelli, queis procamini viri.
Plorent ocelli, queis jocamini vates.
Ploremus omnes. quippe mitis Tessella
Dolente ocello, ocelluli cunctis dolent.*

Ad

CONSTANT. HUGENIVM.

Venit & Amstelios pralustris Tessella portus
Appulit, illa Deum Tessella facta manu.
Vatibus arridet mulier, subridet amicis.

*Et geminos placida seditione movet.
Invidet Aula schola, schola nubilis invidet Aula,
Rivalesque facit frigida Vesta duos.
Fallimur Hugeni. nescit Vestalis amare.*

*Exstinguit Paphias Almeris unda faces.
Vesta canit, pingit, sculpit, net, Vesta precatur,
Et sua tot modulis barbita Vesta quatit.
Oscula & amplexus & murmura nescit amantium.*

*Et quidquid viduus dulce procator amat.
Tota Deo vacat, & grandis coelestia mater
Cogitat, & Mariam spirat ab ore suam.
Constantine, tua est. legit tua sacra diesque
Tessella, carminibus relligiosa tuis.*

*Nos procul à sacris lituos & bella ducesque
Scribimus, & diro charta cruore madet.
Vincis Eques peditem. nostris tua culmina præstant.
Et tua plus loculis perstrepat arca meis.
Nobilitas sponsam titulo meliore meretur.
Noster amor nullis turget imaginibus.*

Cedimus

*Cedimus Hugeni. nam cum Rex Iupiter ardet,
Tempus erit minimos condere tela Deos.*

Ad TESSELAM, cum fraga illi
mitterem.

Tessela, fraga tibi mitto dulcissima, sed tu
Dulcior his fragis crederis esse mihi.
Tessela, fraga tibi mitto fragrantia, sed tu
Tessela tot fragis gratior esse soles.
Tessela, fraga tibi mitto sapidissima. sed tu
Tessela pro fragis millibus, una sapis.
Tessela, quæ mitto, sunt fraga salubria, nam tu
Tessela sollicito sæpe medela mihi es.
Tessela, si fragum fieres, tunc Tessela posses
Proximior labris tangere nostra tuis.
Tessela, si fragum fieres, tunc optima posses
In succum verti Tessela tota meum.
Si tecum hoc fierem, tunc, quæ miracula! posses
Tessela Barlaam sæpe vorare tuum.

Ad

CONSTANT. HUGENIVM,

suppositis Tesselæ cubilibus cubantem.

Tessela sublimis recubat, vicinior astris.
Longius à foedi condicione soli.
Constantinus humi jacet & demissior illæ
Suspicit ex humili numina tanta loco.
Iupiter inferior vidua Iunone recumbit,
Et mulier sedes alittonantis habet.
Inversa est regni facies Venerisque theatrum.
Incubat insigni femina docta viro.
Tessela verte latus, tonitru Zulechemus Olympum
Credet & athereis motibus astra quati.

Tessela sternuta leviter. jam fulmina credet
 Te jacere & summo fulgura rapta Iovi.
 Tessela collectis per noctem despue spiritis.
 Hæc pluvias dicet succubus esse tuus.
 Tessela cum stertes & murmura rauca ciebis,
 Has Superum credet Principis esse minas.
 Sed cum compositis membris tranquilla jacebis,
 Iuno suo dicet conciliata Iovi est.
 Maxime vir, tanti est vidua disponere lectum,
 Pingat ut in-versos hæc tua scena Deos.

Pro pace & bello.

Iam Themidem laudat Cyneas, jam damnat
 eandem.
 Adversum stupuit cum sibi Roma virum.
 Belgica, quam mihimet jam sim contrarius, audi:
 Sic tuba, sic pelta, sic placuere toga.

Pro bello.

Successus urgere suos, instare timenti,
 Militis officium primaque cura fuit.
 Vicinus, atque alios spondent jam fata triumphos.
 Dum pacem poscit Cantaber, arma timet.
 Sylva tua est, nostrisque patet Brabantia castris,
 Austriacas alibi lassat Olinda manus.
 Magnanimus trepidum Gustavus provocat Istrum.
 Nec minus Hesperias Gallia sorbet opes.
 Quid bellare times? laxant araria cives.
 Pauperies belli conditione placet.
 En domus, en noster geminat stipendia fundus,
 Officioque favent rura benigna suo.
 Quod caput est, damnat tali sub Principe Mavors
 Otia, nec segnes vult periisse dies.
 Arma, duces, litui, rorantes sanguine campi,
 Telaque fortuna sunt magis apta mea.

*Ære ciere viros jam tempus postulat & res.
Εἰρήνην, Batauvus non volo, bella volo.*

Pro Induciis.

C*Ur bellatrices acuis, mi Belga, sarissas?
Atque iterum irato cassis & hasta placet?
Nec formidati terrent te sceptrum Philippi?
Regnaque per cunctas imperiosa plagas.
Viceris Occiduum, restat dominator Eous.
Quo steteris cœli cardine, pugnat Iber.
Quas tibi civis opes, illi peregrina ministrant.
Quasque domicenses, invenit ille foris.
Immensi fundunt illi sestertia montes.
Longaque bellorum pabula saxa vomunt.
Perpetuisque scatet locuples radicibus aurum,
Quod tibi nostra dolens præbet & agra manus.
Si, vicisse, juvat; tecum Fortuna jocatur.
Cum favet hac, vultum decipientis habet.
Bis vicit, qui victor amat concedere victo.
Sæpe animus laso major in hoste fuit.
Pugnandum est, ne sit semper pugnare necesse.
Pacem nec supplex postulo, nec renuo.*

Ad

BALTHASAREM WILLIVM

cum SS. Theologiæ Doctor
crearetur.

D*Um fera Cæsareis ardet Germania bellis.
Et furit in patrios Martia flamma focos,
Barbaricos inter prælustris Brema furores
Ingemit, & speciem bella timentis habet.
Dumque cupit placuisse Deo, nec Cæsaris iram,
Austriacosque timet relligiosa Duces.*

*Quin simul officium cælo partitur & Istro.
 Et geminis magna se ratione probat.
 Sic VVilli, tua Brema sapit. Tu vindice lingua
 Doctor adorandum pande salutis opus.
 Si dolet, Austriacis frangi conatibus urbem.
 Laus erit, in viâta religione, mori.*

In Comœdiam sacram

I. M E Y E R I H O L S A T I,

de Virginibus prudentibus & fatuis.

H Vmana vitæ speciem, vitæque labores,
 Et multum variæ religionis iter,
 Quantis impietas spatiis, pietasque recedant,
 Quantum sollicitâ virgine distet iners,
 Meyeri nos scena docet. Tu, quisquis Olympo
 Grator, & Christo proximus esse cupis,
 Disce laborantes studiis æquare puellas,
 Perpetuoque tuus luceat igne focus.
 Crimina sunt tenebræ, probitas pro lampadē, Chri-
 Effigiem sponsi nos redamantis habet. (stus
 Ludicra si veterum meruit Comœdia plausum,
 Debebit vatis plus placuisse pii.

Ad L E I D A M, abiturus A M S T E -
 L O D A M V M.

L Eida vale, nostris statio gratissima Musis,
 Iam studiis facilis, jam minus æqua meis.
 Leida vale, & multos qui se tibi credidit annos,
 Iam, precor, augurio prosperiore iuva.
 Imus in Amsteliam, (sic fati volvimur) urbem,
 Quoque vocant Procerum vota Deusque sequor.
 Vivere sic nostrum, non una sede morari, est.
 Patria virtuti creditur omne solum.

In

In aedes meas inter meretricularum &
rabidorum domum positas. -

T Haidas & rabidos inter jam versor Orestas,
Et geminum cingunt nomina tanta latus.
Hic sua dediscunt effrenes ausa puella,
Parte alia furis aestuat aula suis.
Vt magis hac sapiat, vivant moderatius illa,
Non poteram poni commodiore loco.
Quas obeat partes sapiens, hic invenit. illic
Proximus insanus, proximus inde malis.

In Emblemata Politica
IVSTI REISENBERGII,
IVRISCONSULTI.

A Dspice, quam paucis profest prudentia chartis,
Vt niteant pictis fasque nefasque notis.
Adspice Socratico manantes pectore voces,
Verbaque ab erecto digna Platone legi.
Quo valeant monitore Duces, respublica, fasces,
Quove eadem spreto mox monitore ruant,
Pingendo docet hic scriptor, pingitque docendo,
Atque animum pulchra fascinat arte tuum.
Vt si non possit virtus, nisi visa, placere,
Plus oculis possit picta placere tuis.

Genethliacon ad
IACOBVM PETITIVM,
IVRISCONSULTVM.

H Aftenus imbellem secunda puerpera sexum
Edidit, & visa est plus potuisse viro.
Mascula nunc quantum valeant tua basia, lati
Discimus, & quanti sit genuisse marem.

*Otia cum lentam traherent tibi languida vitam,
 Pigraque plus pigrum duceret hora diem,
 Ipsa Venus caruit stimulis & lentus amasti,
 Et conjunx potior pars in amore fuit.
 Iam tua cum volitent extremos iussa per Indos,
 Et verbis egeant extera regna tuis,
 Altera progenies non inficianda parenti
 Nascitur, & melius te probat esse virum.
 Macste animi. sic perge pater, sic perge Senator
 Consuluisse viris, progenuisse viros.*

In numinum Triumphalem victæ
 Sylvæ Ducis, ab

ARNOLDO BVCHELIO
 missum.

D Vm tibi devictum, Bucheli doctissime, Scaldin
 Mittimus, & valida carbasia capta manu,
 Tu mihi devicta pulcherrima mœnia Sylva,
 Et sculptum pulchro mittis in ære Ducem.
 Permutamus opes gemini. dat Palladis alter,
 Exuvias Indi divitis alter habet.
 Quod Sylva est jam nostra, uni debemus Olympo.
 At mea quod Sylvam possidet arca, tibi.

Ad eundem.

Q Valis in augusto Princeps stat fulgidus ære,
 Victaque sub pedibus Martia Sylva jacet,
 Castraque, belligerique Duces, vexilla, cohortes,
 Et conculcati flebile Martis opus:
 Talis in hoc ipso, Bucheli, mihi fingeris ære,
 Sub pedibus Ditis castra videre tuis,
 Et Phlegethontæas miles calcare phalangas,
 Et Christum intrepida religione sequi.

Con-

*Concedant urbes Ducibus. quin tempora circum
Sapius Auriaci bellica laurus eat.
Cum titulis marcent lauri. plus vicerit ille,
Præmia cui cælum non peritura parat.*

In filiolum

A. DOMINICI LEEVWARTI

exciso calculo extinctum.

D Vm misero occultus laceraret corpora tortor,
Parsque mei in pœnam suppliciumq; foret :
Luctabar vitæque inter mortisque dolores,
Et mihi quæ vitæ, spes quoque mortis erat.
Hærebant solitæ clausis syphonibus undæ,
Visceribusque latens calculus hostis erat.
Quem simul ac Solers Sabauti dextra magistri
Sustulit, & visa est certior esse salus ;
Extinguor, liberque malis adscribor Olympo,
Atque opifex operi condolet ipse suo :
Sic puero in versis fluxerunt tempora fatis,
Vitaque mors, contrà mors mihi vita fuit.

In Prætorium

BARDESIANVM,

quod HEYLOÆ visitur.

Circum terra patet, circū patet æquor & undæ.
Hinc inde Almerius Caninesæque jacent.
Alluit & placido me pulsat Scermæra fluctus,
Et lateri junctæ est Heyloa parva meo.
Otia quæ Domino, Batauo jam præbeo vati.
Bardesi pariter Pieridumque domus.
Ampla licet celsas attollant atria turres,
Ingenio domini sum minor una mei.

EPIGRAMMA

In Laudem Nobilissimi Viri

T. H V Y G E N S,
Centurionis fortissimi.

C Redite viatores Belgæ, quid mascula virtus,
Proque suis possit Martia dextra focis.
Militat & patriam magnis Hugenius ausis
Assertit, & forti dat documenta manu.
Seu cum nocte tuos scandit Vesalia muros,
Et medio pugnans concutit arma foro.
Sive per æquoreos hostilia carbasa fluctus
Disjicit, & mediis belliger audit aquis.
Iam Ducis officium, jam partes militis implet.
Et quodcumque suis imperat, ipse facit.
Posteritas agnosce Ducem. qui iudice terra,
Et pariter pelago iudice victor ovat.

I N O B I T V M

Nobilissimi Viri

GVILIELMI BARDESII,

Domini in Warmenhuyzen.

B Ardesi generose, jaces. jacet illa virilis
Gloria & ingenii nobilioris honos.
Nec sperata Venus, nec Di ju vere penates,
Nec patriis fulgens Heyloa porticibus.
Deseruere simul dominum fundique laresque,
Et medias inter busta parantur opes.
Efferris, qua terra tua est. quaque illa, recumbis.
Atque eadem vivi, qua morientis erat.

Iugera

Iugera tot tumuli spatio metiris & urna,
 Et brevior campos claudit arena tuos.
 Turrigerasque arces & tecta minantia coelo
 Despicis, & jussis subdita rura tuis.
 Nos tamen ereptum peracerbo funere nobis
 Flemus, & ad cineres talia verba damus :
 Quem speciosa suis Alcmaria fovit in ulnis,
 Cui Batavum circa pectora pectus erat,
 Cujus in ore lepos, inerat facundia verbis,
 Quem Charis & Pallas dixerat esse suum.
 Quem frater, quem chara soror dilexerat unum,
 Occidit, & thalami spem locat in tumulo.
 Mortales sapite & vitæ subducite summam.
 Cum morimur, superest dicere cuique, fuit.

In libros Medicos

Z A C V T I

Hispani.

C Redimus, haud solos Hispania sufficit hostes.
 Nec Batavum terris semper iniqua nocet.
 Qua toties gladios, nunc ecce Machaona mittit,
 Atque aliqua nobis non nocuisse cupit.
 Scilicet Hesperius veniens Zacutus ab oris,
 Ad leges Lachesin cogit adesse suas.
 Et formidati protendens tempora fati
 In populos aliquid cum Iove juris habet.
 Quin jam nascentes abeunt in secula libri,
 Scriptaque posteritas qua studiosa leget.
 Seu generosa novos stringit censura magistros,
 Seu Coum recoquit pagina docta senem.
 Belga, tibi faciles aude promittere soles,
 Manat ab adverso jam tibi vita Tago.

In
IOHANNIS BODECHERI
BENNINGII ETHICAM.

Socraticas voces & prisca verba Lycei,
Et veterum placitis dogmata mixta tuis,
Quo virtus radiet precio, qua luce coruscant
Fulgeat in mediis intemerata malis,
Benningi praeclare, doces & scriptor honesti
Inter virtutes scriberis ipse tuas.
Non solum nos charta docet, tu perficis autor,
Quicquid inoffensa religione jubes.
Plus valet exemplo probitas. hisque optima suadet,
Qui docet, & rectum, quod docet, ipse facit.

In natalem
IOHANNIS BODÆI
à STAPEL,
Medicinæ Doctoris.

Dum tua fatidica circum cunabula Parca,
Omina, Stapeli, prosperiora darent:
Cresce puer, dixit Lachesis, populoque labanti
Hippocratis discas grandior ore loqui.
Vre, seca, vacuent crudos tua pharmaca ventres.
Et cupias morti proxima nolle mori.
Pulchra tepescentem recreet virguncula lectum.
Quæ Medico donet sapius esse patri.
Mæsta thori facies in coelibes. crede, mederi
Sapius innumeris oscula posse malis.
Mollibus interea cunas adspargimus herbis,
Cingimus & teneris tempora blanda rosis.
Mille cui latis arrident vultibus herba,
Protrahat huic unum qualibet herba diem.

In

In tumulum
 LAVRENTII PIGNORII,
 ab III. DOMINICO MOLINO
 inscriptum.

P Ignorî tumulos & magni verba Molini
 Vidimus, & titulis inclÿta busta suis.
 Quod meruit doctrina decus, generosa rependit
 Purpura, & officium relligione probat.
 Laudat honoratos Venetum prudentia manes,
 Et docto pietas annuit aqua viro.
 Vivite Laurenti cineres. tu vive Senator,
 Præmia qui claro sufficis ampla rogo.
 Hac ego, vel, quotquot facilis respexit Apollo,
 Non alia cuperent condicione mori.

In extractionem foetus per Vncum.

C Asti concubitus, vos lati Cypridis ignes,
 Quàm tristi Veneris fabula fine meat.
 Parturit infelix genitrix & dulcia mater
 Basia quàm dura lege misella luit.
 Extrahitur moriens uncis crudelibus infans,
 Et nondum natus dilaceratur homo.
 Quàm cuperet nullos infans sic tractus amare,
 Aut alio nasci se potuisse modo.

In Poëmation

M A R T I N I P I L I I,
de Ambitione.

I Nter tot scelerum formas vultusque malorum,
 Cur tibi sola, Pili, vapulat Ambitio?
 An, quia cœlestes vesana superbia mentes
 Perdidit, & sensit plus potuisse Deum?
 An quia prima suo damnavit crimine mundum?
 Et sceleri stimulum fixit, Adame, tuo?
 An quia vix alio peccamus fonte nepotes,
 Turbaque, proh, omnes ambitiosa sumus?
 An quia calcatas turpi ambitione secures
 Vidimus, & fastu subruta regna levi?
 An quia per sacras repit malefana cathedras?
 Et tumido calcat regia colla pede?
 Quicquid erit, cœlum pariter quæ perdidit & nos,
 Supplicium terris debeat atque Deo.
 Exequitur pœnas vates. mundoque Iovique
 Prostituit dirum carminis ira caput.

In Villam

H E N R I C I T W E E N H V Y S I,
I. V. D. in cuius portis depicta erat
balenarum capturâ.

T Erribiles nobis pandunt tua prædia portæ,
 Et natat ante tuas bellua sæva fores.
 Illic immanes expandunt corpora ceti,
 Et grandes feriunt tela trisulca feras.
 Optime Tveenhuys, quàm formidabile nomen,
 Quàm villa nimis est frons truculenta tua.
 At mediis habitans doctrina & gratia tectis,
 Nil domino dicunt mitius esse suo.

L I S

L I S

De gradibus comparationis, inter Ampl.

R. H O N E R D V M,

&

C. B A R L Æ V M.

Scripserat BARLÆVS in margine quorundam Epigrammatum C. HVGENII, Bonum, melius, optimum, prout epigrammata suo sapiebant palato.

Ad hanc censuram hæc rescripsit Senator
R. H O N E R D V S, ad HVGENIVM.

C Vr ad Grammaticos gradus poëtam
Nunquam non similem sui vocemus?
Semper scilicet optimum poëtam,
Cur illud melius, bonum sit istud,
Istud præcipue optimum monet?
Non recte Zulecheme, censor iste
Hæc ad Grammaticum vocat tribunal.
Nam quæ nos bona simplices vocamus,
Nulla sunt bona comparatione.

Aliud ejusdem.

P Itissare tuos malè versus ille videtur,
Omnes qui primæ non putat esse notæ.
Dixerit hoc lene est, hoc acre, suavius illud:
Discrimen faciunt, non tamen ista gradum.
Disparitas non est, nisi quam paritate probamus.
Optima sunt & tunc singula, cum bona sunt.

B A R-

BARLÆVS HVGENIO.

Optima jam tua sunt Hugenī, carmina. nescit
 Excellens alio stare Thalia gradu.
 Non bona, non meliora facis. sunt singula vates,
 Optima. quaque suum lineæ pondus habet.
 Non primo medium, medio non discrepat imum.
 Quodlibet est genio par Epigramma tuo.
 Par Phœbo, Venerique facis paria omnia. versus
 Filiolis generas nonne pares paribus?
 Talia cum sapiens edat decreta Senator,
 Hoc merui, potuit quod meruisse Midas.

Ad eundem.

Scripsimus ingenue, quæ me scripsisse volebas,
 Scripsimus, & scripti plurima causa mei est.
 Cogere interdum non optima scribere: cuius
 Arbitrio nunquam labitur hora suo.
 Cogere interdum non optima scribere, cuius
 Crebrius occursat versibus aula loquax.
 Cogere interdum non optima scribere, cuius
 Circum sæpe latus quattuor ora sonant.
 Cogere interdum non optima scribere, cuius
 Basiolum interdum mollius uxor amat.
 Cogere interdum mediocria scribere, cuius
 Dadaleum solers dextera tornat opus.
 Aut iterat testudo melos, cum pollice tactus
 Artifici mutus carmina bos loquitur.
 Qui studiis vates his sufficis omnibus unus,
 Optima nunc, bona tunc, mox meliora facis.

Ad

Ad Senatorem

H O N E R D V M,

de gradibus comparationis.

Sic est. Grammatica suspendi lance poetam,
Et numeris dixi carmina stare suis.

Dicam aliquem, dicam, prestans Honerde, colorem.

Barlaus quo se jam tueatur habet.

Num gradus in vitio est? sic Dictatura paratur.

Perque gradus laudum culmina miles adit.

Num gradus in vitio est? sic Petro regna parantur.

Papaque fit, populo qui modo lector erat.

Num gradus in vitio est? gradus & mensura Deo-
Iupiter est. magno sub Iove semidei. (rum est.

Num gradus in vitio est? gradibus prudentia crescit.

Vitaque per plures currit anhelus gradus. (dam

Num gradus in vitio est? bona sunt, mediocria que-
Vatibus. haud aliter surgit, Avite, liber.

Num gradus in vitio est? gradibus conscenditur

Perque gradus nobis ambulat ipsa salus. ather,

Num gradus in vitio est? qui causas fuerat olim

Dicere, num cunctis praesidet ille togis?

Ad Clarissimum

H O N E R D V M,

& HUGENIUM, Zuleche-
mi Dominum.

Nil mihi cum gradibus vel coepta lite negoti est,
Optima nil, bona nil, nil meliora moror.

Grammatici pulpam Latiaque crepundia linguae

Sibilo, si gradibus vincor & arte, quid hoc?

Scandat fatales scelerata venefica scalas.

Et gradus hic vita sit mala meta mala.

Ad

Ad generum Cereris gradibus descendat Orestes
Improbis. ad me non pertinet iste gradus.
Attollat gradibus peccantes furca. quid ad me,
De trabe si pendent ille vel ille sua.
Scribat mille gradus metuendaque multa Senator.
Rideo. res alias jam mihi fata parant.
Irradiat vestrum melior fortuna poetam.
Vngor, & insolito sacculus ere tumet.
Gustavi tumultum, bellacem flevimus umbram.
Nunc lachrymas tergunt regia sceptras meas.
Me novus insolito Legatus proluuit auro.
Optima tempestas ex Aquilone venit.
Hic gradus, hic gradus est, gradibus quem praefero
vestris,
Credite. plus gradus hic utilitatis habet.
Hic gradus est, quo, Plute, tuas conscendimus arces.
Expediet reges sic mihi saepe mori.

Ad Senatorem

H O N E R D V M.

DO vietas, Honerde, manus. contendere nolo.
Ne gradibus lapsus mox gravioze ruam.
Ausa fuit summis Niobe contendere Divis.
Sed gravis audacem poena secuta fuit.
Crudeles legi dantem Salmonea poenas,
Dum studet infelix amulus esse Iovi.
Et tu mentis inops Phœbumque insane laceffens
Marsya, detracta viscera pelle doles.
Qui tua componis domino, Lucane, potenti
Carmina, certando vinceris & moreris.
Ora Dares postquam totis cum viribus offert,
Castibus Entellus contudit ora senex.
Me terres, Narcisse puer. me improvida terres
Cassiope, Andromeda mater iniqua tua.
Cur laqueo fauces animosa ligavit Arachne?

Ausa

*Ausa fuit superos equiparare sibi.
Cedere qui norit rostris, aulisque Diisque,
Salvus & incolumi tergores sospes abit.*

In Poëmata Nortvicensia

VINCENTII FABRITII,

Hamburgensis.

F *Allimur? an steriles inter Parnassus arenas
Surgit, & aquoreis proximis exit aquis?
Non Helicon, non Phocis abest. tellure Batava
Castalii fundunt pocula plena lacus.
Nobile Nortvicum, florent in pulvere Musæ,
Inque tuis scribunt carmina docta jugis.
Nec tamen exsuccos ferit levis ungula colles,
Aut latices ictu Bellerophontis habes.
Fabricius fontes aperit. novus accola vatis
Officio totis luxuriatur agris.
Hoc donat jam Saxo tibi, quod debuit Albi.
Invenit in sylvis, quod canat, ille tuis.
Quum magnos repetis, Batarum miracula, Donsas,
Post Donsas cupias hoc quoque teste loqui.
Si pius est, quisquis patriæ præconia solvit,
Bis pius est vates, qui peregrina canit.*

In Ducem de

F E R I A ;

in cuius cadavere desideratum dicitur cor,
reptis solum in Pericardio aquis,
fides penes autorem esto.

Q *Vid Siculas cogis magno sub rege phalanges,
Bellaque moliris Fera? corde cares.
Non tibi Campana laudem peperere cohortes,
Insubriaque acies plurima. corde cares.*

Non

Non Alpes timuere Ducem, non accola Rhens,
 Horruit, aut victrix Suecia. corde cares.
 Sprevit vesanos dudum Germania motus.
 Vis causam? toto Feria corde caret.
 Diffluxere globi, tot diffluxere caterva,
 Cur? gelidis solum Feria vixit aquis.
 Obrigit paridum fatali frigore pectus,
 Et nulla in toto corpore flamma fuit.
 Feria dux venit. Sueonias dux Feria vidit.
 Non vicit. nullum Feria cor habuit.

In eundem.

A Vspiciis, Romane, tuis qui credis & extis,
 Ominaque in terris prodigiosa notas,
 Hunc specta, sine corde Ducem. miracula narro.
 Explerunt gelida munia cordis aqua.
 Ne jam Mæonides μιχαλήτορ jactet Achillem.
 Bellator nullo Feria corde fuit.

In necem Ducis

F R I D L A N D I Æ.

M Axime Fridlandi, quis te casusve Deusve
 Abstulit, & voluit sic periisse Ducem?
 Cujus Hyperboreis dudum solertia castris
 Restitit, & belli vim remorata fuit.
 Si malesana tibi obrepsit scelerataque sceptri
 Ambitio, & fœda proditiōis amor,
 Ponè premit te pœna reum. si Casar & aula
 Scæva fides nimium suspiciosa fuit,
 Hoc cavisse tuum fuerat. peccasse putaris,
 Cum, minus audito Casare, bella geris.
 De te seæva novum statuit Fortuna triumphum.
 Et testem ingenii te cupit esse sui.

Quæ

*Quas acies, quæ castra tibi, vexilla, cohortes
 Scripserat, heu dominum deseruere suum.
 Irruit in jugulum audacis manus emptæ Photini,
 Atque aliâ fraudes prævenit arte tuas.
 Militet Austriacis, quisquis Seianus haberi,
 Et titulo cupiet splendidiore coliri.
 Militet Austriacis, quisquis Seianus haberi,
 Et titulo cupiet deteriore mori.*

*In vaticinium infelix de partu L O O S I Æ,
 filiæ Domini de L O O S E
 Centurionis.*

*F*iliola est, Barlaeus ait, quam Loosia gestat,
 Contra, filiulus, Loosius inquit, erit.
*Quid mirum est, solitos mentiri errare poëtas,
 Nec bene de ventris pondere posse loqui.
 Quid mirum est, si vera pater præsagia dicat.
 Ipse suum melius judicat autor opus.*

*In societatem belli initam cum Gallo-
 rum Rege.*

*Q*uod bene Dî vertant patriæ, Regi^q Ducique,
 Cum Batavis cœiunt Gallica sceptræ meis.
 Nos magnus Lodovicus amat. bellique labores
 Fessaque regalis ventilat armæ favor.
 Galle, tuas promittis opes. licet India desit,
 Tu nobis Indi divitis instar eris.
 Sic socio Belgæ pugnâmus rege. quid hares
 Cantaber, & pacis federa lenta trahis?
 Proscripsit dubiam Druydum facundia pacem.
 En, sua Nassovius concutit æra pater.
 Ne propera citius, dux Arschottane, reverti,
 Non jam nostra tuæ Belgica vocis eget.

Cum

*Cum victrix Bellona tuos pessumdabit agros;
Cum lentæ pacis condicione redi.*

In numismata Belgica Senatoris

H O N E R D I

Epigrammatibus illustrata.

Vidimus in muto radiantia bella metallo,
Et quæ pro patriis strinximus arma focis.
Vidimus Albani furias, decussa potentum
Colla ducum, sævi flebile regis opus.
Vidimus ultorem Auriacum, celebrisque Batavi
Conversas in te, magne Philippe, manus.
Plorat in elingui libertas Belgica nummo,
Sculptaque Religio, sed sine voce, fuit.
Crimen erat sub rege queri. Marvortis imago
Sola oculos potuit pascere picta meos.
De nummis nunc verba facis, vir magne. loquuntur
Funera, castra, rates, federa, bella, duces.
Si Dodonæ fuderunt carmina quercus,
Si lapides fari, si potuere fera:
Parturit hæc eadem Batavus miracula. per quem
Incipiunt doctis vocibus ara loqui.

In eadē.

Numme laborantis testis celeberrime Belgi,
Numme triumphantis testis & arrha soli,
Nummule crudeli toties inscripte Philippo,
Nummule Nassoviis officiose meus,
Quod negat æs precium, cupias debere poeta,
Majus ab Honerdi carmine pondus habes.
Quid centum sudas Livi clarissime chartis?
Troge, quid immensa diffuis historia?
Dum meus ad nummos vates alludit, & æri
Accinit, en, nummus quilibet historia est.

In

In Albo
ERICITORMII

Dani.

Dania, cui miseris quondam nocuisse Batavis,
Et flammis urbes perdere cura fuit,
Milius ingenium & mores jam culta serenos
Induis & Batavis redderis aqua meis.
Tormius exemplo est. quem docta gratia linguae,
Quem placidi mores & sine felle probant.
Tales Arctois juvenes cum mittis ab oris,
Barbara quæ fuerat Dania, Phocis erit.

In vinum Syracusium & aviculas Cyprias.

IOACHIMI
WICHEFORTII.

Nostra Syracusio spumant carchesia Baccho;
Inque dapes Cypriae suppeditantur aves.
Quæ bibimus, Siculis quondam placuere tyrannis.
Quasque voramus aves, fertur amasse Venus.
Si totis distant rarissima fercula regnis,
Sit satis hac uni perplacuisse gula.

In captum Ducem Arschotanium & peractum
foedus Gallo-belgicum eopse die.

Dum procul infido Dux Arschotanus Ibero
Pro Belgis recitat mitia verba suis.
Et bellum lituosque & Martia nomina damnans
Otia vult patriæ restituisse sua,
Gallia pro Batavis bellorum pondera fulcit.
Impertitque suas rex-Lodovicus opes,

v

Quam

*Quàm distant ambo studiis bellicæ togæque,
 Gallus, & in pacis fœdera lentus Iber.
 Quàm multum distant studiis rectique malique,
 Quàm multum fidei perfidiæque nois.
 Quæ lux Arschotane fidem tibi læva fefellit,
 Hæc nos Borbonii testis amantis erit.
 Lilia quæ nos luce beant, Iovis armiger ales
 Irato missum detinet ungue Ducem.
 Sic nos Gallus amat, sic te fastidit Iberus,
 Sic juvat ille bonus, sic nocet ille malus.*

Ad Nobilissimum.

D. FOPPIVM ab AISSEMA,

Equitem, cum Venerem meam Cimbri-
cam ipsi misissem.

Aissema, qui propius Reges & regia tangis
 Limina, & angustos pellicis ore Ioves,
 Cujus Hyperboreis pridem facundia terris
 Mascula pro Belgis verba locuta fuit:
 Accipe, quod celebri carmen devovimus ostro,
 Et geniale tui perlege vatis epos.
 Si generosa, tibi nunc flebilis, occidit uxor,
 Et pietas charos ingemit ad cineres;
 Hic amat uxorem Cimper. pro Principe Tethys
 Cimbrica, pro regis conjuge verba facit.
 Sic alterna ruunt permixtaque tristia latis,
 Et vicibus flagrant busta thorique suis.
 Hæc obit, hæc nubit. si vis audire poetam:
 Nunc homines condunt numina, nunc rapiunt.

In

HISPANVM,

cum ob subitas pluvias irrito stratagemate

BERKAM

impetivisset.

Quid miser invitis moliris praelia fatis
 Cantaber, & nullo numine bella geris?
 Cum virtute paras vel aperto vincere Marte,
 Et tua per Valachras transtra feruntur aquas;
 Differeunt omnes subita caligine puppes,
 Et Iovis audaces subruit ira rates.
 Cum placuere doli, cum Berka reposcitur astu,
 Pro nobis pluvia belligerantur aquae.
 Tela madent. nescitque suum ballista furorē.
 Et creber, iratis glandibus, ictus hebet.
 Strata jacent celsis animosa cadavera muris.
 Quamque nequit miles vincere, mordet humum.
 Area qua pugna fuerat, brevis urna cadentum est.
 Quoque duces steterant, mox cecidere loco.
 Scilicet Auriacis toties qua cesserat armis,
 Noluit indecori subdere colla dolo.
 Quid mirum? Batavis famulantur sidera castris,
 Ipsaque vel pluvis oppida tuta manent.
 At tibi cum nebulae, nunc irascantur & imbres,
 Credimus adversos bella movere deos.
 Vis me vera loqui. rursum de pace loquendum est.
 Fortè tibi melius cesserit iste dolus.

FREDERICO GVNTHERO,

Serenissimo Daniae Regi à Secretis.

M Axime vir, cui Pegasei patuere recessus,
 Cui Claria valles totaque Cyrrha patet.
 Græca Charis, Romane lepos, facundia cuius
 Pro Cimbrum toties principe verba facit:
 Si placet, augustis hæc carmina Regibus offer,
 Carmina regales quæ cecinere thoros.
 Quæ loquimur, poterunt sceptris, te teste, probari;
 Et tanto invenient iudice fortè fidem.
 Si Te, si potero Iovis exorare ministrum,
 Non potero Arctoo non placuisse Iovi.

In irritam obsidionem

TRAIECTI ad MOSAM,

tentatam ab Hispano, & Brædæ tentatam,
 ut videbatur, ab Auriaco.

Quod genus hoc belli est? quam novæ nomi-
 na Mavors
 Parturit, & titulo deteriore favet?
 Cinxerat attonito bellacia mœnia Tungro
 Cantaber, & portus effere Mosæ tuas.
 Sederat ad Claræ Fredericus mœnia Bredæ,
 Et patrias armis sollicitabat opes.
 Ne malè pugnet Iber, Tungros obsessaque linquens
 Oppida, vult Bredæ consuluisse sua.
 Ne Batavus malè pugnet, amat secedere Bredæ,
 Et satis hoc, Mosæ consuluisse, putat.
 Hic speciem fugientis habet, magis ille timentis.
 Hic votis abiens excidit, ille tenet.
 Exercet Bellona duces. abit, horret uterque
 Ille urbi, castris dux timet ille suis.

Ergo

Ergo abeunt ambo. Tu dic victoria, cuius
 Sit tanto rerum turbine causa prior?
Aurixi respondet. *Iber*, quam deserit urbem,
 Non habet. *Auriacus*, quam sibi servat, habet.

In incendium, quo Aulæ

H A G I E N S I S

pars una conflagravit, salva parte superiore
 & sacello.

D Vm fera terribiles rapiunt palatia flamma,
 Et proprios moerens aspicit Aula rogos,
 Parcite, ait, flamma Ducibus, nec ledite divos,
 Ne geminos violet Vesta profana Deos.
Mulciber obsequitur. flammisque furentibus inde
 Abstiniit Superum sedibus, inde Ducum.
 Prudenter nocuere faces, & proxima lambens
 Effera vis jam tunc officiosa fuit.
 Ne funesta nimis miseri portendite cives
 Omina. nil casus fors habet ista mali.
 Dum periit pars magna domus, pars restat utrinque,
 Vna Dei celebris vocibus, una Ducis,
 Sic *Batavo* salva est pietas & *salvus Achilles*.
 Hic hominum tutus turribus, illa Deum.

Aliud in Principem.

Q Vi belli flammæ inter patriæque favillas
 Accepit vitæ stamina prima sua,
 Qui validas flammis bellator subruit urbes,
 Cui totum *Odrysi* pectus ab igne calet;
 Quam benè natales flammis illustrat, & aulam
 Insolito Princeps igne perire videt.
 Nempe Ducem, per quem patriæ nova reddita lux
 Altius ad Superum limina flamma vehit. (est

In eadē flammās Culinae & Templo
aulico parcentes.

S Tant mediis illaesa Deū penetrālia flammis.
Stat medias inter salva culina faces.
Et superest, ubi venter edat, sua pabula quarat
Illa suo solum mens saturanda Deo.
Evasit totus Batavus. flammam inter & ignes
Vnica pars aras repperit, una focos.

In idem incendium natalibus Auriaci
celebre.

N Atales rediere Ducis. concurrite cives.
Et bona solenni dicite verba dic.
Dixissent una Superi. sed nubilus aether
Dum fuit & cœli sidera nulla forent:
Accendere faces alias casusve deusve,
Et Domino flagrans annuit Aula suo.
Quas Procures, quas Haga patens, quas astra nega-
bant,
Indignata sibi subdidit ipsa faces.

In alterum incendium ejusdem Aulae.

C Oeperat in celebres grassari Vesta penates,
Tectaque Nassovio proximiora Duci.
Sed vetuere malum Superi. delusaque flamma
Vis fuit, & rabida mobilis ira Dea.
Flammarum rediere vices. turreaque potentum,
Et bellatores corripuere lares.
Non tulit hoc Natura nefas. glaciesque niveque
Totaque cum flammis praelia gessit hyems.
Damna levant cives. caduntque securibus undas,
Et novus ad verso surgit in igne labor.

Ipse

*Ipse inter medios Princeps Marvortius ignes
 Fatur, & hoc saxas increpat ore faces :
 Nil agitis flamma. vestras obtundimus iras
 Imbribus. en, pluvias urna lacusque vomunt.
 Si mihi Pleiades, si cœlum denegat illas,
 Publicus in flammis flumina fundit amor.*

In Archiva salva.

Lentius ut vidit lapides flagrare trabesque
 Mulciber, & flammis pabula pigra dari,
 Irruit in patriæ tabulas, & ladere saxa
 Dum nequit, in siccis hæsit atrox foliis.
 Hæsit, & ut teneras cœpit male lambere chartas,
 Imbibit affusas tacta papyrus aquas.
 Najadesque locis cœunt & Lemnius iisdem,
 Edomuitque ferum frigida Nympha Deum.
 Vos quondam Batavos undæ servastis & urbes,
 Nunc Batavum per vos pagina salva manet.

Aliud in idem incendium.

Nondum prodigiis terret fortuna sinistris.
 Hæc quoque, quæ nocuit flamma secunda,
 favet.
 Inferiora vorant flamma. dum summa supersunt,
 Integra Battavica summa salutis erit.

In tripudium regium Parisiis à Rege
& regni Proceribus saltatum.

Cvr male regales subsannas, Mome, choreas ?
 Et dicis reges ista decere minus ?
 Exercet Diſſymna choros. totque inter & ignes
 Et Superos saltus conficit illa suos.
 Ipse per astriferi spaciola palatia cœli
 Sol speciem regis subsilientis habet.

*Si fas est saltare Deos & legibus ire ;
Fas erit ad leges currere semideos.*

In Principem

G V I L I E L M V M

Iuniolem, Principis Auriaci filium, cum
flammis ereptus in nives nudus
incidisset.

P *Arvule cur diris Princeps erepte favillis
In gelidas pronò laberis ore nives ?
Cur, quem flamma nequit, lædunt contraria flam-
mis
Corpora, & alternâ sors mala sorte premit ?
Optima vaticinor. flammis vexatus & undis,
Spartani nobis militis instar eris.*

Ad

G V I L. S T A A C K M A N S,

cum Virginis Ultrajectinæ & incendiū
Hagienſis meminisset.

S *iccine diversis flagrant tibi pectora flammis ?
Dissimilique tuis lampade gliscit amor ?
Sive cupis lepidos vates prævertere vates,
Et fieri nostris fabula blanda jocis.
Seu ruis in sevos, aulis trepidantibus, ignes,
Carminibusque levas publica damna tuis.
Quas cives urnis vix exstinxere favillas,
Exstinguis lachrymis, docte pœta, piis.
Dum flammæ acuiunt Cauri & nimbosus Orion,
Despuiſ in rigidas tristia verba faces.
Quare cum duplici per te succurritur igni,
Virgo tibi Veneres debeat, aula Ducem.*

In tumulum Filioli mei Iacobi, allusio
ad nomen Israël.

Hic situs est, fratris non supplantator, Iacob;
Planta cui nullam languida pressit humum.
Quod puer haud potuit, jam vult me dicere: tactum
Hoc etiam Superis succubuisse latus.

Ad

CONSTANT. HUGENIVM,
cum Amstelodamum venisset.

ITe procul Pelopes Phryxæaque vellera Crassi.
Et turba in fraudes ingeniosa novas.
Mercantes procul ite viri, queis lucra voluptas,
Mundus avaritiæ semita, numerus opes:
Nil mihi vobiscum est. cuncto dum charior auro
Hugenius vestra ponit in urbe pedem.
Ille forum solus faciet. pro pluribus unus
Ambulat, & variæ nomina gentis amat.
Hic Italus Gallisque loqui mercantibus audet,
Hac Latium, hac una Belgica mente latet.
Vendere si vestrum est merces, hic vendere nescit,
Nec precio vates sordidior meret.
Non opus hic sponsore. suis se donat, & illud
Quod vadis est, ultro præstat amantis amor.
Vos casiam & pelles, vos coccina pendite magni.
Hic Arabum succos distrahat, ille piper.
Pluris ego risus facio vocesque jocantis.
Plus vobis, tunc cum desipit, ille sapit.
Vobis vile forum est. qua noster inambulât, illic
Pieridum cultu splendidiore forum est.

In libros Manaffis Iudæi, de Creatione.

Qua coelos terrasque manus spaciosaque Nerei
 Æquora & haud unum, quod capit orbis,
 Condiderit, mersumque alta caligine mundū (opus
 Iusserit imperiis ilicet esse suis :
 Disserit Isacides, & facta ingentia pandit,
 Et nondum exhaustum scribit Apella Deum.
 Hic ata vos patresque suos & verba recenset,
 Sensaque Thalmudica relligiosa schola.
 Vera placent, placet egregius conatibus autor,
 Et pietas fidei disparis ista placet.
 Cunctorum est coluisse Deum. non unius ævi,
 Non populi unius credimus, esse piū.
 Si sapimus diversa, Deo vivamus amici,
 Docta que mens precio constet ubique suo.
 Hac fidei vox summa mea est. hac crede Manasse.
 Sic ego Christiades, sic eris Abramides.

Ad Senatorem

H O N E R D V M,
 cum H V G E N I V M & B A R L Æ V M,
 post scriptos ab ipsis in incendium au-
 licum Scazontes, increparet.

EGregias artes, veteratoresque Poëtas,
 Cur titulo, vates, deteriore notas ?
 Cur veteres, venerande senex, perstringis amicos ?
 Quos suus in flammis claudus iambus agit.
 Cum cives pedibus calcant incendia rectis :
 Cum tua stant pedibus carmina sulta bonis :
 Cum fervent opera, cum tot succurritur urnis :
 Cum properant facili femina virque pede :
 Cum pedibus scala figunt vestigia rectis :

Hic

*Hic glaciem glomerat plurimus, ille nives :
Cum fugit insanos ignes Dux passibus aquis :
Non pateris claudos accinuisse duos ?*

CONSTANT. HUGENIO,

Zuylechemi Domino.

S At flammis Vestaque datum. flagravimus
Et facibus vates tres caluere suis. (omnes.
Tu prior. inde mea caluit vis improba Musa.
Tertius hoc ipso ferbuit igne senex.
Constantine, petis versus ? nil possumus ultra.
Aruit assiduus tosta Camœna focis.
Absumfere meos lautes ignesque trabesque.
Et misera in sicco gurgite Musa sitit.
Post flammam friget Princeps Guilielmus & alget.
Et mihi, post flammam, carminis alget amor.

Ad Senatorem

R. HONER DVM.

T V quoque carminibus tandem fax ultima no-
Adderis & flamma ser-vidiore cales (stis
Excellens Honerde, & tantos ignibus ignes
Obruïs & facibus busta facesque domas.
Vreris & toto lassas incendia Phœbo,
Flammaque Apollineis cedit anhela focis.
Sic ubi non magnæ lambunt alimenta favillæ,
Solis ab illustri vincitur igne minor.
Et postquam flamma incalui levior poëta,
Extinguis nostras grandis Apollo faces.

In laudem

I V B A L I S

primi Musicorum instrumentorum
inventoris.

P Rincipio cœlum & terras fluctusque patentes,
Et valido mundum fecerat ore Deus.
Gaudia gliscebant totum diffusa per orbem,
Primaque concordēs astra dedere sonos.
Seraphin & Cherubin cecinit. perque aëra vastum
Non uno modulos carmine fecit avis.
Tum Iubal, ne terra suo cantore careret,
Aptavit fidibus consona verba suis.
Hinc feri canimus post secula multa nepotes,
Tanti progenies ingeniosa viri.
Vive voluptatum genitor, tot vivite Musæ,
Queis sine mensa, thorus, vesp̄era luxque gravis.
Cum canitis cœlum mihi terra est, numen Apollo;
Os Superum, cantus vita, medela chelys,

In obitum charissimæ uxoris.

S cribere chara tuos cupiebam Barbara manes,
Cum mediis cœpi versibus ipse mori.
Ne pergas, clamat soboles; superesse parentem
Sit satius, quam te, me moriente, cani.

BALTHAS. BONIFACIO,

Canonico Tarvisano.

Q Vi mihi dilecta deploras fata marito
Balthasar, & viduo condoluisse potes,
Plus doleas, si sacra thori, si gaudia nosset,
Bafiaque. à thalamis non aliena suis.

Hen

Heu miser, in gelido languent tibi corpora lecto.

Heu miser, ignavo nox tibi tota perit.

Nec dulces natos, Veneris nec pramia nosti,

Et quicquid taciti numinis uxor habet.

Novimus hæc, tantoque magis, vir docte, dolemus.

Ipse mei nunc est causa doloris amor.

Sed fato disruptus amor. Tu cælibe vita,

Tu thalamo gaudes frigidior frui,

Et curas sacrare Deo. mihi Barbara lecti

Pars fuit, & juxta cura laborque Deus.

Dissentire juvat. pietas tibi conjugis expers,

At mihi plus conjux cum pietate placet.

Ad Ampl. virum

WINANDVM SCHVYLIVM.

Quod mihi misisti Muydensis munus amici,
Hirsutus, levipus creditur esse lepus.

Adpropere, VVinande. tibi tua secula reddam.

Hæc etiam vestri victima dentis erunt.

Sint timidi lepores, sint longis auribus hirti,

Sit proprio multum foeda cruore cutis;

Nos tamen in cunctos nitidi grassabimur armos,

Nec metus in patina vel timor ullos erit.

Qui gelidos viris fluvios potavit & amnes,

Mortua selecto proluet exta mero.

Cras ubi se medio Phæbus subduxerit axi,

Ad mea veloces dirige tecta pedes.

Nec velox, sed tardus abi. qui fugerit, ille

Dicetur sociis omnibus esse lepus.

Ad

P. H O O F D I V M,

Satrapam Muydensem.

M Ittis aves? nihil est. viduo non ista parantur
 Fercula. lascivas respuit ille dapes.
 Das leporem? nihil est. tu pulpamenta require,
 Quem fovet amplexu pulchra marita suo.
 Mittere vis aliquid, quod non nimis uret amantem?
 Mittere vis viduo munera grata thoro?
 Mittere vis aliquid, veterem quod placet amicum,
 Quodque mihi mitti postulo, mitte nihil.
 Si tamen hoc mitti nequeat, quod postulo mitti;
 Ad nos tot donis gratior ipse veni.

In

FRANCISCÆ DVARTÆ

Modulos.

Q Vā nitidis surgit formosa Alcmaria tectis,
 Et sibi surreptas Schermera luget aquas:
 Omne genus volucrum dulci modulamine silvas
 Persrepat, & vario murmure mulcet avis.
 Hic gemit amissā viduatus compare turtur,
 Hic petulans alio carmine passer amat.
 Plaudit anas, celsa cantillat in ilice cornix,
 Et moriens alibi concinit albus olor.
 Iam fringilla canit. nunc interludit alauda.
 Excitat aërias ipse susurrus apes.
 Garrula quin etiam tribulos percurrit acanthis,
 Et volitans humiles stringit hirundo lacus.
 Sola deest Philomela. domos, pomœria, cives
 Odit & hac circum moenia nulla volat.

In

*In causa es Francisca. tua concedere voci
 Nescit avis modulis ambitiosa tuis.
 Tu potior Philomela. tuo quæ gutture cælos
 Afficis, & Superos detinuisse queas.
 Non mihi pro vitio jam gloria ducitur. ipsas
 In Fribus postquam gloria vexat aves.*

Aliud.

Iam priscis celebrata, mihi non creditur esse
*Fabula. tot vatū carmina vera puto.
 Orphea jam credo rabidos flexisse Leones,
 Et rigidas sola voce stitisse feras,
 Eurydicen credo Stygiis rediisse tenebris,
 Et cantu illectum tunc siluisse Canem.
 Iam credo struxisse suas Amphiona Thebas,
 Saxaque mellito disposuisse sono.
 Fingitur, argutum qui vexit Ariona, Delphin.
 Fabula temporibus convenit ista meis.
 Commentis, Francisca, fidem facis. omnia per te
 Credimus. hoc majus tempore nomen habes.
 Cum caneres, stupui totus, dubiusque resedi,
 An fierem Delphin ilicet, anne lapis.*

Ad

P. H O O F D I V M,

Satrapam Muydensem, cum libris Poëmatum
 suorum me donasset.

Dum mihi Pegaseos vatū celeberrime cantus,
*Ingeniique offers tot monumenta tui;
 Hinc tragicum me raptat epos, grandisque cothurni
 Auribus infrendet vox miseranda meis.
 Inde fatiscientes iterum mihi ventilat ignes,
 Et tua Barlaam Cypris amare facit.*

Sto

*Sto medius lachrymas inter Veneresque jocosque
Et tua quam donas pagina, luget, amat.*

*Altera Democriti est, flentis pars una magistri,
Fungitur officio luctus amorque suo.*

*Hac vita jam scena mea est. sic vivimus Hoofdi.
Afflictos reficit latior hora dies.*

*Me reficit speratus amor. cum prisca recordor,
Cogor adhuc thalamis illachrymare meis.*

*Fortuna sum verna. miser felixque gemisco
Et jocor. ô Vates, sum tuus ipse liber.*

In Cornu vetus, quo apud

P. H O O F D I V M

in arce M V Y D E N S I bibitur.

C *Vr bibimus rigido Bacchi libamina cornu?
Tot potare viros cornibus, omen habet.
Nil moror. haud fallet viduum mala nupta poetam.
Vos, quibus est conjunx, plus manet iste metus.*

In convivium

M V Y D E N S E,

cui interfuere viri Doctissimi, H O O F D I V S,
H V G E N I V S, V O S S I V S, W I C K E -
F O R T I V S, S C H V Y L I V S, aliique.

Q *Va magnum scelerata, ferox & perfida quon-
dam
Clausisti foedo carcere, Muyda, Ducem:
Pieridum jam blanda duces & lumina claudis,
Lumina Battavia suspicienda tua.
Mortales coiere Dii. velut aethere in alto
Errantes videas se sociasse faces.*

Aula,

*Aula, Scholæ, rigidaque simul sedere secures,
 Quique bona mentis laudibus addit opes.
 Quæ dum clara tuas illustrant sidera turres,
 Omnis ab his, Hoofdi, sedibus error abest.*

Ad

CONSTANT. HUGENIVM,

cum manentibus Muydæ amicis aliquot
 ob tempestatem, *ὕδρῳ φοβία* hoc
 est aquarum metum mihi
 exprobrasset.

I.

C*Vm tua te veheret velis audacibus Argo,
 Cum veherent matres transtra superba duas,
 Divisit sors lava viros. pars horruit undas,
 Pars medias secuit nescia mortis aquas.
 Detinuit timidos Hoofdi tunc Suada poëtas.
 Detinuit vires Heleonora suos.
 Detinuit Susanna chelyn, quæ passeris artes,
 Quæ cecinit doctas, Aulice scriptor, aves.
 Si timui, tanto prudentia juncta timori est.
 Si timui, jussus (crede) timere fui.
 Si timui, si vela fui non vestra secutus;
 Sic placui Domino, sic placui Domina.*

II.

N*on me Muyda tui nuper tenuere liquores,
 Non ea vis Bacchi, non fuit illa gula.
 Ut decuit, timui Superos, Tethynque Iovemque,
 Nec potui tantis obvius ire Diis.
 Hos, vir dure, pius timui. nam piscibus æquor,
 Non homini fallax destinat unda viam.*

Si

*Si tua nacta fuit speratum audacia portum,
Fortunâ minus est, plus pietate regi.*

I I I.

CUm dubias anceps traheret sententia mentes,
Et vellem, nollem te, Zulecheme, sequi;
Me sequitur magni facilis clementia Vossi;
Inque meas partes mox Ioachimus abit.
Tres sumus excordes numero. tres torva timemus
Flumina. tres solito tingimus ora mero.
Tres fugiunt, nec sueta Ducis vexilla sequuntur.
Et sociam gaudent tres violare fidem.
Res omnes facit ista reos. peccavimus in te.
At Satrapas, quo vos arguat, aëtor habet.

I V.

Vade per iratas, mi Constantine, procellas.
Vade per adversos, navita magne, Notos.
Hæsimus in ripa. fateor. cur? damna timemus,
Quæ mediis sensit dux Palinurus aquis.
Hæsimus in ripa. fateor. cur? aquore mersa
Non didicit modulis dextra natâre suis.
Hæsimus in ripa. fateor. cur? nolo pœtis.
Nolo meis toties esse vocatus Hylas.
Icarus Icareo si fecit nomina ponto:
Fluctus Abydeno si fuit urna proco:
Si Tiberim sese jecit Tiberinus in ipsum:
Femina si Thracum nomina fecit aquis;
Si Sappho mulier saltus aggressa viriles,
Non formidata Leucade mersa fuit;
Nil moror. hac pereant fama, quos pœnitet ævi.
Non vacat exemplo deteriore mori.

Ad

SVSANNAM BARLÆAM,

conjugem C. HVGENII, cum per
latus mariti, ob aquarum metum
me acrius impetiiſſet.

I.

Viciſti, Barlæa, viros. plus auſa fuiſti.
Plus animi, quàm nos, maſcula mater ha-
Erravit natura parens, cum condere te, me (bes.
Vellet, & in tanta culpa parente fuit.
Illa tibi grandes animos ſtudioſumque virile
Indidit, & voluit viribus eſſe marem.
At mihi femineos animos pectusque remiſſum
Dum dedit, hac fecit conditione virum.
Iſta mares tibi cauſa dedit, natoſque viroſque.
Dum mea femineo murmure tecta ſtrepunt.
Hinc fluctus, hinc ſpernis aquas animoſa Notosque.
Virque Deos contra, femina ſola viro es.
Me mea dum negat eſſe virum formido, vocari
Iam barbata tibi femina promereor.

II.

Succubui generoſa tuo Barlæa marito,
Et dedimus victas, magna virago, manus.
Nunc chartis ovat ille meis. victoque pœta
Exprobrat & me vult ſuccubuiſſe tibi.
Cedam iterum. intrepidæq; volo ſuccumbere matri.
Et Conſtantinæ laudibus eſſe minor.
At ſi forte tua eſt potior mea cauſa, pudoris
Hoc etiam fuerit diſſimulaſſe mei.

Roma

III.

Roma stupe. de me victrix jam nupta trium-
 Fortuna nunquam fors fuit illa tua. (phat,
 Capius victusque trahor. mihi scommata mater
 Objicit, & salso conspuat ore Scholas.
 Tanti undam timuisse fuit. me mergite fluctus.
 Mergite vesanos pontus & Ya metus.
 Vtterius nolo proprio superesse pudori.
 Infamis tanto crimine fama mihi est.
 Scilicet, adscendet doctorum pulpit a mater,
 Et timidam cupiet vitta docere togam.
 Peccavi, Superi. sexum mutare timentis.
 Vestiat ignavos pallida palla pedes.
 Aut si Barlæam cupitis me recta docere,
 Signa gerat sexus tanta magistra mei.

IV.

Orta mari Venus est. Veneris Barlæa propago est.
 Quid mirum? nullas si timet uxor aquas.
 Formavit tellure senex mea membra Prometheus.
 Quid mirum? terra si sua terra placet.
 Nec culpa est, timuisse, nec has sprevisse procellas.
 Nempe suo duplex causa probata Deo est.

V.

Si fatear peccasse viros, si prodita facti
 Causa, satisfactum non sibi Iuno putet.
 Si verè Phrygias, at non Phrygas esse pœtas
 Eloquar, haud factum sit tibi Iuno satis.
 Si potui placare Iovem tot versibus, isto
 Thure satisfactum non sibi Iuno putet.
 Si scribam pelago matres periisse maresque
 Sape, satisfactum non sibi Iuno putet.

Mollia

*Mollia Baylaa tu suggere verba marita,
 Mollibus hanc ipsam sapius abde jocis :
 Suavius arride ; nutu testare, quid optes ;
 Tange verecundos, navita magne, sinus :
 Basia basiolis superingere mille vel ultra :
 Crede, satisfactum jam sibi Iuno putet.*

IN OBITVM

Illustrissimi Principis

M A V R I T I I,

Hassiae Lantgravii.

Hassia, qua celebri donas cunabula Cattho,
 Hassia, Nassoviis incluta terra meis :
 Suspice Mauritiū cineres, & funere in isto
 Exanimes credas occubuisse Deos.
 Non solum tenet urna Ducem. tot numina juxta
 Hic proprios spectata deposuisse rogos.
 Clauditur hoc Pallas tumulto, Phæbusq; Themisque;
 Et busto pietas ingemit ipsa suo.
 Hic Princeps cum Vate coit, cum Principe Vates,
 Dexteraque in sacros ingeniosa modos.
 Et qui flammiferum radio descripserat orbem,
 Nunc sua, quæ vidit longius, astra putat.
 Deplorent homines alii ; nos funera Divum ;
 Sceptraque nunc populo, nunc operata Deo.

In picturam Coronæ matronalis, H V G E-
 N I I abiturientis constantiam
 expugnantis.

Pinge virum, pictor, victum depinge poetam,
 Feminæ lepidum pinget furoris opus.
 Pinget vices rerum, Constantem Protea pinget,
 Prostratum facili turbine pinget patrem.

Pinge

*Pinge laborantem septem cum matribus Aulam,
 Pinge fatiscentis dulcia fata viri.
 Maxima res nobis, sed ludicra scena paratur.
 Discimus exemplo, quod nocuisse queat.
 Nos suadere viros, sed persuadere maritas,
 Ingens dedecori gloria juncta virum est.*

VIRTVTI AC FAMÆ

Fortissimi Ducis

CORNELII IOHANNIS,

cognomento GALLI,

Monumentum hoc posuerunt Directores
 & vindices Oceani Septentrio-
 nalis.

Adspice spectator nostra miracula gentis,
 Gestaque victrici bella stupenda manu.
 Hic jacet, Eorum qui duxit vela per orbem,
 Atque Arabum Hesperio sanguine tinxit aquas.
 Quem modo prædatrix potuit Duynkerka timere,
 Cum Morinum capta succubere rates.
 Una triumphatum toties se torsit in hostem
 Puppis, & adversos exiit una duces.
 Ut vincatur Iber, Batavo non lassibus ultra
 Est opus. una ratis, dux satis unus erit.
 Qui dum se Patriæ mediis bellator in undis
 Devovet, illustri funere victor obit.
 Iam Decios jactare mihi cessate quirites.
 Hac etiam Decii marmora corpus habent.

In tumulum parentis mei

CASPARIS BARLÆI,

qui Bommeliæ Salinarum in Sicam-
bris visitur.

Maxima quem pro se scribentem Antvverpiæ
vidit,

Et quondam chartis consuluisse suis,
Hic jacet ad Vahalin. validis ubi mœnibus hostem
Arcet & obiectis Bommela spernit aquis.
Trusit in has patrem belli fortuna Salinas,
Dum patria exoptat tempora blanda sua.
Palladis hic artes coluit, vaiesque triumphos
Et memori cecinit bella ducesque tuba,
Et laudes, Battave, tuas. successimus illi,
Et sobolem juxta carminis urget amor.
Mauritium fratremque duo dum scribimus orbi,
Mixa viget fama gloria nostra Ducum.

In obitum doctissimi viri

IACOBI BARLÆI,

Brylani Gymnasii moderatoris,
patrui mei.

Hic est Vorniaæ qui dudum sceptrâ juventa
Flexit & ingenio noluit esse rudem.
Briela procellosis ubi Tethyn conspicit undis,
Et turrita suum tollit ad astra caput.
Doctrinâ melioris amans & censor honesti
Maximus, hac placuit conditione suis,
Formavit ratione viros. Respublica nostri
Nomina crescentis fulgidiora scholâ.
Qua didicere, forum, fasces & templa loquuntur.
Et pueros, Patriam lingua docentis erat.

Hoi

Hoc duce prae-textâ sapui, totusque Camoenis
 Tum sacer, Aonio pocula fonte bibi.
Quem genuit celebres Antverpia Scaldis ad undas.
 Huic refluis fessus Mosa parentat aquis,
 Et solvit jam justa seni. quin ipse loquentem
 Me facit & patrum carmina jure refert.
 Hunc tu, Briela, tuis primum splendoribus adde,
 Quo plus fulsit honos erudiente tuus.

In Poëmata & obitum
MELCHIORIS BARLÆI,
 clarissimi apud Brabantos
 • Poëtæ, patrum.

Cum Patriam charosque; furens Bellona Brabantes
 Perderet, & Martis, Belgica, prada fores,
 Et misera ultorem gemeres Antverpa Philippum,
 Et pax Advaticis exul abisset agris:
 Tu placidis, Barlae, dabas lata oia Musis,
 Solamenque malis tunc tibi Pallas erat.
 Tunc populos gentisque tua primæva canebas
 Tempora & Austriacos, magne Poëta, duces.
 Tunc Superum genus ex alto duxisse voluptas,
 Et scripsisse Deos cura laborque fuit.
 Ludicra tunc pigris agitabas bella cicadis,
 Cum Venetus lepidum rector amaret epos.
 Implebas Latium famâ. te Parma poetam
 Vexit & officiis inclita Roma suis.
 Tunc Schettis dilectus eras. urbs maxima Belgæ
 Vnanimi vatem dixerat ore suum.
 Montibus Hannonia moreris. non carminis istud
 Fulgur & ingenii vis generosa tui.
 Nos aliam Patria faciem miramur. at idem
 Tu, calamo nunquam deficiente, manes.

In libros

GVSTAVIDOS VENCESLAI
CLEMENTIS.

Cum canis audaci Gustavi bella cothurno,
 Et tot belligera parva trophæa manu,
 Applaudunt doctis Parnassia numina curis,
 Et numeris gaudent Mars & Apollo tuis.
 Sarmaticas legimus regi cecidisse phalangas,
 Et per te nobis gratulor illa legi.
 Cum cadit Arctoo non tutus frigore Moschus,
 Et premitur fessis Dacus anhelus equis,
 Hic etiam tecum Gothicis subscribimus armis,
 Et passim grati nomina vatis habes.
 Cum ferus ultrices frustra despumat in iras
 Ister, & exuti Caesaris arma canis,
 Ut sua magnanimus submittat sceptrâ Borussus,
 Et pavidas Viadrus colligat æger aquas,
 Ut totis aquilas pellat victoriâ campis,
 Et casum toties Tillius agmen agat:
 Materiem vatemque probò. cum rege triumphas,
 Parrhasioque ingens cum Iove scriptor ovas.
 Omnia cum placeant, unum Germania vellet,
 Vnum est, quod cuperet Suecia posse cani.
 Vnum est, quod cuperem cunctos cecinisse poëtas:
 Gustavum in terris non potuisse mori.

In prægrandem
SPHÆRAM PTOLEMAICAM,
à GVILIELMO BLAEV
constructam.

Qui medio vastam suspendit in aëre terram,
Clausaque cancellis aquora, Numen erat.
Qui terra pelagoque suos circumdedit orbes,
Tantaque disposuit corpora, Numen erat.
Hoc potuit mens gnara Dei. nunc, adspice, cælos
Fabricat & terra pondera librat Homo.
Omnis in armillis labor est. hic fulget Olympus,
Et duodena suis sediis astra meant.
Vadit in obliquos lampas Titania ductus,
Et plus veloces Luna fatigat equos.
Grande rudimentum, magni vestigia mundi.
Cernimus, & dextra nobilioris opus.
Quæ cum terrarum miraberis incola, clama,
In terris etiam nunc habitare Deos.

In ejusdem
SPHÆRAM COPERNICANAM.

Inversas Superum sedes & mœnia mundi
Suspice, qui mundi sceptrâ capeffis, homo.
Suspice currentem circum tria sidera terram,
Atque alio Venerem Mercuriumque loco.
Suspice distantem spatiis immanibus æthram,
Et procul à Phœbo tot radiare faces.
Stat Phaëton, nullasque immotus flectit habenas.
Fabula tot vatum futilis ille fuit.
Terra ruit. ruimus securis motibus ipsi.
Atque oculos nostros de viis error habet.

Non

Non hoc Persa sagax, non hoc scivistis Athenæ.
 Nil thalamis debent hæc, Ptolemæe, tuis.
 Heu serò sapimus. dum terra senescit & æther,
 Vix miseri tanta discimus artis opus.
 Vive, tuoque comes fulge, Copernice, Phæbo,
 Nec laudes terra verberet umbra tuas.
 In centro cum Sole mica. sic cerneris orbi,
 Teque repertorem suspicit ille suum,
 Qui mediis Solem disponit sedibus, illi
 In medio Solis debuit esse locus.

Nobilissimo viro

D. IACOBO WESTERBANIO

Domino in Brandvvijck.

Qui lepus augustis insons cadit hostia mensis,
 Insolitas nobis præbuit ille dapes.
 Forte quid augustum fingunt scribuntque poëta,
 Atque aliquid Musa nobilitatis habent.
 Prælucent humili Gracchorum stemmata turba,
 Æneadumque suo sanguine surgit honos.
 Hoc illustre, sua Paulos prætereunte genti.
 Aut clavis Latii patribus esse satum.
 Nec tu degeneres, vel solo carmine, vates
 Crede. suum sub te iudice, lumen habent.
 Si mea regales cecinerunt carmina tedas,
 Auriacos toties si cecinere Duces,
 Si toties procerum vultus, si scripta fuere
 Funera & exequiis fulgida busta suis,
 Quam bene me censes iudex bellaria regum,
 Eximisque Ducum promeruisse dapes.
 Ut quo nobilium trivit præconia vates.
 Illo nobilium conterat ore cibos.

Ad doctissimum Iuvenem

CONRAD. BEVNINGIVM.

O Prima Beuningi soboles, tua carmina legi
 Latior, ingenii pignora verna tui.
 Si valeo, melius te sic scribente valebo.
 Et tua spes nostra Musa salutis erit.
 Illa meo lentam proscribet corpore febrem,
 Languidosque mihi fulciet illa pedes.
 Ver favet, & primi facies clementior anni,
 Cunctaque in auxilium sidera prona meum.
 His tua prasidius accedant carmina, sic te,
 Sic totus, Phæbo vindice, sospes ero.

In Coronam anni, diserta Oratione de-
 scriptam à Cl. Viro

THEODORO SCREVELIO.

Quid ver purpureum, quid turgida messibus
 æstas,
 Autumnusque ferax gignat & acris Hyems,
 Fecundi tot dona soli, tot munera cœli
 Implicuit strophæis ista corona suis.
 Quaque renascentem decurrit Signifer annum,
 Munificum celebrat lingua diserta Deum.
 Cùm Superis Aries æqualem dividit orbem,
 Et calet à radiis languida terra novis,
 Exerit ipsa suas gliscens facundia voces,
 Neve decus fandi dividat, una capit.
 Cum premit ardentem lampas Phœbeia Cancrum,
 Ultimaque Arctæos meta fatigat equos,
 Altius in Divûm graditur præconia Rhetor:
 Nec tamen hic Suadæ meta futura sua est.
 Quod si Libra pares terrarum fecerit horas,
 Æihæreas vocum pondere librat opes.

Mox ubi claudit hyems effœta viscera terra,
 Et sua jam moriens pignora Vesta tegit:
 Invenit in medio manifestum frigore Numen,
 Et varia Superos fronde latere docet.
 Cedite Romana victricia ferta corona.
 Hæc, quo non uno nomine præstet, habet.
 Hanc Pietas, illam tumidi coluere Quirites.
 Illa omnes, solos ambiit illa duces.
 Si Latium Batavis præfers, conferte Coronas;
 Hæc hominum manibus textitur, illa Dei.

Ad

ZVLECHEMI DOMINVM

C V M

A N N A M M A R I A M

Virginem Ultrajectinam è tenebris
 in Solem protrahi cuperet.

SI cupis, ut claro spectetur sole virago
 Mascula, & in medio luceat Anna die,
 Omnis doctorum pandatur scena sororum,
 Et Claræ veniant in tua verba nurus.
 Dic, nunquam Aonias tenebris latuisse Camœnas,
 Carminibus sexum dic viguisse suum.
 Pallada dic, dic sacundas scripsisse Columnas.
 Dic lyricis Sappho clauit illa modis.
 Objice, quæ in igno Aspasia est sociata Pericli,
 Objice Cassandras, objice Zenobias.
 Objice Deiphoben, vivacisque ora Sibylla,
 Et dic: Lucani Polla diserta fuit.
 Claudii quam fuerit Statio celebrat i poëta,
 Quaque Crati vixit docta maria comes.
 Hæc ubi præclara objicies exempla puella,
 Exemplis cupiet clarior esse tuis.

*Sic totum elicies è docta virgine solem,
Et Solis fies tu pater, illa parens.*

In Mercatores in cloacam lapsos.

D Vm sibi magnificas mercator splendidus ades
Quærit, & ex emptis lucra petuntur agris;
Corruit emptores quæ ceperat area tantos,
Et nitidos merfit fixa cloaca viros.
Stillabant lento lachrymantia serica tabo,
Et facies scena vociferantis erat.
Tunc risit natura parens. & sordida dixit,
Quæ petitis ciues commoda, stercus olent.

*In Dæmonem vitro Hermetice
inclusum Iocus.*

A Dspice in angusto conclusum Dæmona vitro,
Et Stygium pulchra sede latere Deum.
Hic domus hic nigri pellucet regia Diis,
Tartareoque patet janua nulla Iovi.
Hoc dubium: natura sagax an dextera solers
Fecerit argutæ pulchrius artis opus.
Plaudite mortales, captum Phlegethonta tenemus,
Et capitur nostris subdolus ille dolis:
Quàm cuperem totum his claudi penetralibus Or-
Sic liceat nobis tutius esse malis. (cum.

E C H O

Iocosa ad Nobilissimum virum

D. THEODORVM DOVSAM.

N Obilium sanguis, magni redi viva parentis
Gloria, tot suetus fratribus ire comes,
Cujus Apollineis resonans in rupibus Echo
A viduo resonum vate reposcit epos:

Quid

Quid misero mihi, quid toties clamatur? amatur.
 Quæ nimium lento crux in amore? moræ.
 Posco individuum? viduam. cum conjugæ quæ spes?
 Æs. quibus hanc terris inveniam? veniam.
 An placidi mores? ô res. ut forma maritæ est?
 Rite est. num vates deprecia? precia.
 Versiculos lectura venit? venit. anne recondet?
 Condet. an excellens ingenio? genio.
 Num Phæbo furit? urit. amans testudinis illa est?
 Illa est. an modulis præfuerat? fuerat.
 Ambo pares studiis sumus & virtutibus ambo.
 At quid si loculis me superabit? abit.

In Nobilissimi viri

GODEFRIDI de HAESTRECHT

Musæum Basilicæ Ultrajectinæ annexum.

Inter templorum vivis laquearia & istud
 Augusto pietas fornice pectus habet.
 Altius hic, Vir magne, habitas, mentemque donum.
 Celsius ignavæ plebis honore levas. (que
 Astra vides & visa capis, Solisque labores
 Et Lunæ varias scis, Godefride, vices.
 Si faber ingenio daver, inter sidera, cœlos
 Inter, Phœbe, tuos tecta domosque daver.

Ad Præstantissimam matronam

ANNAM WICKEFORT,

uxorem Nobil. viri

IOACHIMI WICKEFORTII.

Quæ mea selectis, recreas mæstissima mensis
 Tempora, nec solitas me cupis esse dapes.
 Optima Wickforti conjux, venerabile nectar
 Ambrosiamque tibi destinat aula Deum.

*Tu mihi, tu vitam reddis placidissima, curas
 Tu facili toties discutis ore meas.
 Si Superum pater, in cælo si Iupiter essem,
 Magna Iovis conjux cederet ipsa locum.
 Illa cibos tibi porrigeret. mortalia donas
 Tu mihi, plus cælo traderet illa Tibi.*

In natalem filioli Amplissimi Viri
 A N D R E Æ B I C K E R I,
 Consulis Amstelodamensium.

Dum tuus arboribus vernal juvenilibus hortus,
 Consul, & in patulis luxuriatur agris,
 Dum nova ab aridulis prolestat gramina campis
 Iupiter & siccos corrigit imbre lacus,
 Dum crescunt læta salices, dum parturit annus,
 Et pulchris surgit fraxinus ordinibus,
 Naturam sequitur mater Bickera, domusque
 Consulis egregia prolis honore beat.
 Crescite nunc horti melius. nunc arva virete
 Latius, uberius gramina funde Pales.
 Parturiit genitrix. pudor est, dum consulis uxor
 Mascula progenerat pignora, rura mori.

Aliud.

Abstulerat, vir magne, ferox Libitina Iohan-
 nam,
 Et spoliū subitæ filiæ mortis erat.
 Non tulit hoc Lucina malum. cur perdimus, inquit,
 Recturam digna posteritate domum?
 Si tantum Libitina fuit tibi juris in illam,
 Ut tua virgineum tolleret ira caput:
 Ius vitæ sobolisque meum est. dispendia fati
 Restituet Superum, me præeunte, favor.

Pro-

Progenit Bickera marem. tunc omine lato
 Dicitur hæc Lachesis verba locuta patri:
 Hic Bickerus erit, clari gaudere penates,
 Hæc soboles priscos in scula reddet avos.
 Hic heres virtutis erit. si vivere terris
 Fata sinent, de te consule consul erit.

Ad

MARTINVM LOONIVM

itineris socium.

Qui comes & cymba pariter curruque fuisti,
 Quem socii tellus, quem dedit unda mihi;
 Qui lepidius totas potuisti fallere luces,
 Cum flueret vicibus fabula crebra suis:
 Quem pluvia vetuere sequi leporesque ferasque,
 Quem pluvia mecum detinere domi:
 Iam Looni dilecte vale. nos Amstelæ rursus,
 Nos vocat ad veteres lætior Yalwes.
 Si leporum sperata duos captura fefellit,
 His tua nunc lacrum majus amicitia est.

Ad generosissimum virum

CHRISTIANVM FRISIVM,

cum Angliam peteret.

Angliæ, si Frisii nomen, si nomen nosti
 Sueta sub Aræoo regibus axe loqui:
 Excipe laudari germen prælestre parentis,
 Et Tamesi tantum vindice pignus ama,
 Parrhasium genitor civis prudentibus erubem,
 Et studiis fulcit Balhici sceptræ suis.
 Dum soboles per regni procul terrasque vagatur,
 Et fugienda sibi vel facienda notat.

*Tu fluctus compone tuos, compone procellas,
 Tu Frisio facilem per mare sterne viam.
 Sidera si mœstas recreant orientia terras,
 Hunc juvenem fausti sideris instar habe.*

In nummum triumphalem

B R E D A

recepta excusum.

Incubat & mediis Bataurum Leo frendet in ar-
 mis,

*Et ferus immixtis unguibus ista tenet.
 Hic gladios hastasque vides, vexilla, globosque,
 Et varium dextra bellipotentis opus
 Breda jacet cumulatque tuos, Friderice, triumphos,
 Et domino gaudet succubuisse suo.
 Cingunt gramina & validissima mœnia gleba.
 Clauditur & clausus vincitur hostis Iber.
 Sculpte res tantas Batauri. non sculpiri illud:
 Oppida nunc vinci; nunc mihi sculpta dari.*

In prædium

D. A D R I A N I P L O S I I,

Equitis, absente domino à me
 illustratum.

Vidimus Amstelii surgentia culmina Ploosi,
 Vidimus illustrem nobilitate domum.
 Tunc risere oculi, cum vidimus omnia; sed cum
 Non vidi dominum, plus dolere oculi.

In libros Ephemeridum Clarissimi Viri
ANDRÆ ARGOLI
 Mathematici Patavini.

IN cœlis habitare Ioves non miror, & astris
 Non procul amotos dicere jura Deos.
 Qui terris dant jussa, suis contermina terris
 Imperiisque duces proxima regna tenent.
 Argole, tu terras habitas & sidera versas,
 Atque alio superos fixus in orbe vides.
 Tu Phœbo Lunæque vias & tempora signas,
 Tantaque spectator corpora pone premis:
 Disponit grandes humana industria mundos,
 Terribilesque nova contrahit arte faces.
 Hic habitas, atque omne latus percurris Olympi,
 Et secretâ Deum vasta que regna notas.
 Sic cœlos meruisse potes. Si Iupiter essem,
 Non tibi terra domus, sed Iovis aula foret.
 Qui convexa, Deos, qui luces ordinat, inter
 Debebat medios hic habitare Deos.

In titulum

C E L S I T V D I N I S

à Christianissimo Galliarum Rege
 donatum Principi

A V R I A C O.

GAllia, quæ nostris junxisti federa terris,
 Gallia, quæ socias jungis in arma manus;
 Gallia, quæ Batavo ostendis sat prona Leoni
 Lilia, & Vnanimis erigis una Patres:
 Auriaco nunc prona faves. Comitisque Ducisque
 Nominaque & titulos splendidiora facis.

Ille suis celsus Princeps virtutibus audit.

Et jam Borbonio iudice Celsus abit.

Non celsum, Ludovice, facis, das nomina solum.

Sic vocitasse tuum est: sed meruisse, Ducis.

I N O L O R E M

mihi ab Amplissimo viro

I A C O B O S A S,

Senatore Ultrajectino, missum.

F *Ingitur ipse suo cantare in funere cygnus,
Indubieque notam carmini et mortis habent.*

Fallimur. hic tuus instanti modulamina fato

Nulla dedit. siluit jam moriturus olor.

Sed postquam conviva meus discerpit olorem,

Et Sponsa factus victima grata fuit:

Me fatalis olor fecit post fata poetam.

Et quæ cantillo carmina, jussit olor.

Fabula si ficta est, vatum mendacia vates

Corrigit, & cygno nunc moriente canit.

Dum mea cygneas imitantur tempora plumas,

Ingemit extremum fortè senæ ta melos.

In liberationem Captivorum in
arce Lupesteinia.

Q *Vos tristes tenebræ, formidatique penates
Ferratæque diu detinere sera,*

Excessere omnes latebris. sic, victa dolore,

Ipsa sibi pietas repperit arte viam.

Et quod non potuit precibus, jam perficit astu,

Fortunæ vindex ingeniosa sua.

Claudite, Idumæi, vastâ sacra funera petrâ,

Et tumulum armiferis cingite militibus,

Clau-

*Claudite vos Christo famulantia nomina, Belgæ,
Et captos totis cingite fluminibus.
Nil agitis. cessere Deo custosque foresque.
Iam famulis, illo vindice, claustra patent.*

*In quercum, ex arido & mortuo stipite
mediis in aquis nascentem, in
prædio Nobil. viri*

D. SCHONCKII.

A*dspece. ab exucco tollit se stipite quercus,
Et medio veluti funere vita redit.
Ista resurgentis certissima symbola carnis
Suspice; qui dubitas talia posse Deum.*

Ad

ARTVRVM IONSTONVM

Medicum Regium.

G*Allia Ionstono celebris fuit. itur in Arcton,
Grandiaque Arturi nomina Scotus amat.
Crescit virtuti precium. sibi vendicat illum,
Et Tamesis tantum possidet aula virum.
Clarior in victis vates sub regibus audit.
Et Claras ornat purpura crebra Deas.
Nunc Carolo mens ista vacat. regisque saluti
Dum studet, incolumi Principe quisque valet.
Officium Medicina facit Phœbusque. nec ostrum
Funus ab ingrata posteritate timet.
Sceptra cernit sanatque simul. cum fata minantur,
Ille diem regi protrahit, ille decus.
Vita duplex regi conceditur. una medentis,
Altera, vel Carolo iudice, vatis erit.*

In effigiem Serenissimi Principis
 B E R N A R D I,
 Saxoniae, Iul. Cl. &c. Ducis.

Adspice Germanis referentem signa Camillum,
 Et nullo fractum turbine cerne Ducem.
 Dum pacis bellicue vaga est fortuna, triumphos
 Colligit, & fuso victor ab hoste redit.
 Captivosque duces & magni Caesaris urbes
 Apponet spoliis, Mars violente, tuis.
 Saxonica spes fera domus & stirpis avita
 Gloria, VVimarios pone relinquit avos.
 Saxone sic Caesar, sic gaudet Saxone Gallus,
 Et distincta Ducum praelia causa facit.
 Alter in Arctoas acies, ruit alter in Istrum,
 Tantaque dissimili bella nepote vigent.
 Federibus pugnat noster, Celtamque Gothumque
 Armatus, & hac summis regibus arma probat.
 Oppida, regna capit: frenoque augusta coercet
 Flumina, & Alpinis belliger audit aquis.
 En, suspensa nitent mediis anathemata templis.
 Fornicibusque Deum parta trophaea volant.
 Hoc, Bellona, stupe: VVitikindo rege creatum
 Tandem pro Gallo Saxona stare suo.

In filiolarum natam

CONSTANT. HUGENIO,

post quartam prolem masculam.

I.

Hactenus auspiciis thalamos auxere secundis
 Sidera, sed solos quæ genuere mares.
 Iupiter, Hugeni, partes exorsus amandi est.
 Et puero ingenium mite decensque dedit.

Alter

Alter ab Odryſio eſt. & ni mea carmina fallunt,
 Belligeras quatiet Martia dextra faces.
 Tertius imbelli debet cunabula Phœbo,
 Et Claria diſcet pleſtra movere lyra.
 Quartus Atlantiada ſecundo naſcitur aſtro,
 Verbaque jam patria format & ora ſua.
 Reſtabat Deus ille ſenex & falciger ignes
 Cœperat in thalamos explicuiſſe tuos.
 Cum Venus & Diſtyrnnâ comes, Saturnia contra
 Oppreſſere ſuis ſidera ſideribus,
 Et tristem pepulere Deum. Lucina puellam,
 Edidit & grâtas fecit amica vices.
 Exultas hac prole pater. dumque adſpicias illam,
 Cernis in hac Phœben, cernis in hac Venerem.
 Non decuit trifti ſobolem tibi ſidere naſci,
 Qui tetricos hilari pellis ab æde deos.

I I.

Portia ſi genita eſt, genita eſt nova nata Catoni.
 Tullia ſi, ſoboles hac Ciceronis erit.
 Clælia ſi fuerit, fluvios tranare virago,
 Et reges poterit fallere virgo novos.
 Dic fore Penelopen : alius naſcetur Ulyſſes.
 Pallada dic : poterit Iupiter eſſe pater.
 Dic Sapphum : poterit pulchro nupſiſſe Phaoni.
 Dic Pyrrham : cupiet Deucalione frui.
 Dic, Tanaquil fiet : fatorum præſcia mater
 Forte geret Latii ſceptra ſuperba ſoli.
 Singula ſi fiet : tantum duo deprecor illi,
 Ne ſoror aut fiat Caſtoris, aut Hecuba.

III.

Dispar fors homini est. dispar fortuna cubilis.
 Nubitur haud una conditione thori.
 Huic sterilis conjux & inanis gloria lecti est.
 Huic solos volupe est progenuisse mares.
 Alter in imbellem profundit basia sexum,
 Feminæque suo limine syrma trahit.
 In te mista fluit duplex fortuna. tuosque
 Perficit, Hugeni, femina virque lares.
 Maeste heros, niveæque pater post pileæ vittæ,
 Te mirare modis omnibus esse patrem.

IV.

Et vates patresque sumus. nunc mascula vis est,
 Nunc velut amissa cuspide carmen hebet.
 Haud aliter pharetratus amor, nunc optima gignit,
 Nunc cum cuspis hebet, deteriora facit.

In Barbaram Thibautiam.

Sirigidos lenit pietas & gratia mores,
 Lector, in hoc tumultu Barbara nulla jacet.

II.

Virtutum fecunda, sui laus maxima sexus
 Hic jacet, & pergit virginitate frui.
 Nulli tacta viro, talem se reddidit astris,
 Et qualem genuit mater, Olympus habet.
 Virgo decens, facilis, comis, mansueta sagaxque,
 Dic mihi, quo casu Barbara dicta fuit?

Ad Nobilissi. virum

LODOVIC. van ALTEREN,

Domini in Iaersfeld filium.

Vidimus ad placidū prætoria splendida Leccam,
 Vidimus arboribus prædia cincta suis.
 Vidimus expansos pulchris quincuncibus hortos,
 Vidimus exculti jugera multa soli.
 Turturis innocuos gemitus audivimus, & nos
 Cydonio fragrans flore refecit odor.
 Præbuit asparagus gustanti ferula palato.
 Præbuit exactas agna tenella dapes.
 Delicias inter tantas, quam tangere posses,
 VVavera, Iaersfeldi, defuit una tibi.
 Ut sensus capiant omnes sua gaudia : jam dic :
 VVavera blanda veni, VVavera sponsa veni.
 Vates noster adest. nam quæ tibi basia mille,
 VVavera, defigam cominus, ille canet.

In

CONSTANT. HUGENII

filii, pileolum.

Pileus in summo nutat tibi vertice. qualis
 Instabili regum vertice nutat apex.

In ejusdem humeros.

His humeris forsan patrium portabis Olympum,
 Qui juvenis jam nunc fers Heliconæ tuis.

In ejusdem manus.

Non hirsuta tibi minus est. scis, optime, causam ?
 Hirsuto fratri non volo te similem.

In

In palliolum ejusdem.

*Serica quantumvis velent Te pallia, non es
Graculus, at nudo pectore Belga pates.*

In thoracem ejusdem.

*Thoracis pars clausa tibi est, pars una patescit.
Cur? quia cum loqueris plurima, plura files.*

In femur & femorale.

*Si femur & femorale tuum mihi gignere Bacchum,
Posset, adorandum sternerer ante genu.*

In caligas & ócreas.

*Ne fias Caesar, caliga qui nomina gessit,
Abscondit caligas ocrea densa tuas.*

In pedes.

*Est, bene quem novi, bipedum nequissimus, at Te
Quadrupedem glacies vidit & alipedem.*

In chirothecas ejusdem.

*Claudit theca manus. si nobis porrigis, audes
Impurum nobis porgere forte canem.*

In umbilicum ejusdem.

*Nugarum satis est, ephebe Constans,
Iam pervenimus usque ad umbilicum.*

E P I T A P H I V M

Domini van

D Y D E N,

Victoris & Gubernatoris VESALIÆ.

Quo victor stetit, hoc recubat sub pulvere vi-
ctus,

Atque eadem fama & mortis arena Duci est.
Qua titulos, illa tumultum quoque sede meretur,
Et tantas una sentit in urbe vices.

Hic lauros parat & pronas in fata cupressos.

Belgica, & officium prestat utrumque tibi
Maxime Dydeni. qua victrix moenibus hisce
Visa fuit, dominum bajulat illa suum.

Quasque ferox portas ferro Bellona reclusit,
His testis facti sit Libitina tui.

Quique triumphanti cives plausere, jacentem
(Si modo fas fletu militis ossa) dolent.

Hac tamen exequias specie solamur : eundem,
Qui tuus, Hispani nominis esse rogam.

In Veterum dicta ab Amplissimo viro

D. N. N.

collecta.

Hæc sunt Socraticæ, Frisii, præcepta senectæ,
Hæc Latium, hæc voluit Græcia docta loqui.
Errant immixta salibus, ceu sesama, gnomæ.

Et gravis hic fatur cum Cicerone Cato.
Mirantur sua verba Thales, Solonque Biasque,
Sensaque subtilis lector acuta stupet.

Invenit hic vocum globulos juvenisque senexque,
Invenit hic mores femina virque suos.

Discit amor, discit livor, malefana voluptas
Spernitur, insanus vapulat, ira sapit.

Ferte

Ferte gradum, quotquot melioris gratia diſti
 Dogmataque argutos ingenioſa movent.
 Paſſina quæque Schola eſt, & noſtra regula vita.
 Et præceptores mille libellus habet.
 Diſcitur hic monitis probitas, interque tot ævi
 Crimina, nos faciunt ſecula præſca bonos.

In

G V I L I E L M V M

Principem Auriacum, cum novæ Domus,
 quam Sagittariorum vocant, funda-
 menta Hagæ jaceret.

I.

HÆc eſt Auriaci patriam ſervantis imago.
 Hac teneri ſpecies ſuſpicienda Ducis.
 Ædificat, primuſque puer fundamina tecti
 Ponit, & imperii dat documenta ſui.
 Vna manus gladium, lapidem gerit altera. cives
 Scilicet illa ſuos aſſeret, iſta domus.

I I.

SUſpice ſurgentis ſpecimen ſpectator Iuli,
 Et lapidem, dextrâ quem gerit ille, nota.
 Hic lapis eſt, quo tota domus ſe machina fulcit.
 Hic lapis eſt, iſta primus in æde labor.
 Hic lapis eſt, quo ſtante domus ſubducta ruina eſt.
 Si ruet, hac primùm parte ruente ruet.
 Tu Batavum lapis es, Princeps Guilielme, ſalusque,
 Soſpitem quo conſtant, quo moriente cadent.
 Ut patria fortuna tuis ſe vindicet auſis,
 Proſpera das genii ſigna fidemque tui.
 Fit tandem lapis iſte domus; tu parvule, Princeps.
 Creſcunt principiis tecta Ducesque ſuis.

Ædifica

*Ædifica puer, ædifica dum tecta struuntur,
 Auguror à puero nunc quoque regna strui.*

III.

HÆc domus est, quam tot ferient impune sagittæ,
 Hac domus est arcus testis, Apollo, tui.
 Fundamenta locat teneris Guilielmus in annis.
 Et fictis jam nunc ludit imaginibus.
 Conditur armorum sedes, jocularis arena.
 Inchoat imbellis bella futura puer.
 At postquam firmata virum perfecit ætas,
 Tela Ducis propius sentiet hostis Iber.
 Sic puer, Ausonias dum territat Hannibal arces,
 Ante suos jurat Punica bella Deos.

IV.

VOs, ô vos sancti Manes gaudete Georgi,
 Fulmineo cujus concidit ense Draco.
 Auriacus tibi sera locat jam tecta domosque,
 Ordinis Auriacus pars speciosa tui.
 Hunc tu formæ equitem, studiisque virilibus apta,
 Et tua Nassovias impleat hasta manus.
 Si tibi victori quondam cecidere dracones;
 Illius Hesperius concidat ense Draco.

In

ARNOLDVM & CHRISTINAM,

Satrapæ Muydensis liberos, optimis
 artibus initiatum patr.

Imbibit Arnoldus Latia præcepta Minervæ,
 Et Christina potest verba latina loqui.
 Ad numeros frater canit & soror æmula fratris.
 Hac facies parvi Castoris, hac Helena est.

Crescite

*Crescite prastantes pueri & praludite magnis.
Vestra patri messem nunciat herba bonam.*

Ad

CONSTANT. HUGENIVM,

Fil. cum carmine suasisset deditiōnem
Sagunthi, Frater Christianus
dissuasisset.

N Vper ad obsessam Poeno oppugnante Sagun-
thi Scripsisti heroo carmina fulta pede. (ithum,
Vis dedi miseram attritis jam civibus urbem,
Dum male consultans Roma moratur opem.
Hugeni, placuere mihi versusque laborque,
Sed potuit solus displicuisse timor.
Plus animi, plus frater habet constantis Ephebi.
Cui potior visa est deditiōne fames.
Tu Christo, quia bella vetas & funera Rhetor,
Has poteris partes fortè probare magis,
Χριστιανὸς meruit sic Constantinus haberi,
Et Constantinus nomine, Χριστιανὸς.

In pradium

CONSTANTINI HUGENII

Vitaulium, quod ad fossam Voorbur-
gianam conspicitur.

P Arva domus, magni domus hospitis ista,
Viator,
Ad placidas, Haga proxima, surgit aquas.
Tuscula si quæris, Zulechemi Tuscula sunt hæc.
Invenit hic Tybur publica cura suum.
Hæc fesse Cajeta patet peramabilis aula.
Hic Caprea, studio sed meliore, jacent.

Hoc

Hoc doctis toties Prytaneum arridet amicis,
 Hic socio Pollux Castore latus agit.
 Lucullo si villa fuit, cui Pallas, Apollo,
 Nomina cui quondam clara dedere Dii,
 Hoc etiam nobis Batavis in Apolline cœna
 Sumitur, hac etiam Pallade fumat olus.
 Gaudet & alternis fruitur mens provida curis,
 Et placet officiis exonerata quies.
 Est animis studiisque suum nimis. expetit oî
 Commoda, qui patria vult studuisse suæ.
 Aula Ducem curat, dominum hac Vitaulia. quan-
 tum
 Illa sapit, cupiunt hac sapuisse minus.
 Iam similis Zulecheme, Iovi es. qui fessus Olympum
 Deserit & pransum vadit ad Æthiopas.

Nobilissimo viro

IOANNI FORESTO,

Consiliario, cum una mecum rate vehere-
 tur, post intermissa aliquot lustris
 amicitiae officia.

Felix, quæ veterem mihi conciliavit amicum,
 Et vatem vati junxit amica ratis.
 Crescit amicitiae titulus, dum dulcis Tâcchi
 Nimbulus adbergit, docte Foreste, duos.
 Ipse ego. ne tanto credar non dignus amico,
 Hoc tibi Regina trado, Senator, epos.
 Sic dixi & cecini Mariam, triplicisque coronæ
 Mater in his chartis seque suosque legit,
 Auriacique Ducis thalamos, venerandaque Belgis
 Federa, & hinc Regum, Caesaris inde domos.
 Debemus quam multa rati. post prandia, Musas,
 Te penè amissum reddidit illa mihi.

In diem Veneris, Cruce & Passione
Servatoris nostri funestum.

Quisquis adorandi iuras in nomen Iesu,
Non Veneris, Christi sed venerare diem.
Pendet in infami peccantium gloria ligno,
Et cœli soboles creditur esse nocens.
Affligit Patris ira, Patris qui mitigat iras.
Seque mali alterius vult Deus esse vadem.
Quam spectas trabe, concurrunt altare, sacerdotes.
Victima, & in tanto funere culpa deest.
Spectator reus est, moritur sine labe redemptor,
Scena laborantes Numinis ista fuit.
Non hunc Phœbe diem, fecisti gratia. lux hæc
In media scelerum nocte serena micat,
Quid natura pudēs? cur Sol sine crimine luges?
Conueniens causa plus pudor ille mea est.
Vultus ipse meos, Christo moriente, recondam.
Detegat ut vultus lux rediuviva meos.

In Poëmatum

REINERI NIEVHVSII,

Alcmariani Rectoris libros.

Cvr hederam doctis poscis, Reinere, libellis?
Non opus est hedera deficiente tibi.
Ipse tuo radias vates fulgore. faceffant
Lumina, luminibus non satis aqua tuis.
Scandere Parnassum nuper mihi visus, in ipso
Culmine stas, & jam celsior ire paras.
Deficiunt apices. noster miratur Apollo,
Talia nascentes scribere posse Scholas.
Nam postquam sapuit sub te rectore Iuventus,
Ipse, domus Phœbi, Cirrha relicta fuit.

In

In Expeditionem

FLANDRICAM,

hinc Galliarum Regis, illinc Ordd. Federatorum.

Flandria, qua gemino nunc oppugnaris ab hoste,
 Et bellatrices adspicis agra manus,
 Hinc Gallo exultante, hinc insidiante Batauo,
 Prospice fortuna damna futura tua.
 Imminet adversis Francorum purpura turmis,
 Iamque tuum vitrix Gallia litus habet.
 Parte alia terris magnus Dux incubat. & nunc
 Auriacum grandis Ganda timere potest.
 Cingeris excubiis latè Regumque Ducumque,
 Inque tuum jurant fœdera tanta caput.
 Prima potens Grevelinga ruit, Brugesque tremi-
 Et portis metuit VVasia tota suis. (sunt,
 Expeteris spoliū populis. vis salva tueri
 Omnia? vis priscis esse beata bonis?
 Lilia Belgarumque libens venerare Leonem,
 Finitimisque soror gentibus esse velis.
 Displiceat tibi solus Iber, vicina placebis.
 Quique tuus noster Flandria civis erit.
 Omnis in invisolis hæc versatur Ibero.
 Vnum hoc bellorum nomina nomen habet.
 Pelle homines nomenque. tuis concordia terris
 Hæc & non aliâ conditione datur.

In

G R E V E L I N G A M

Flandriæ frontispiciū sub Rege
puero captam.

EN, puero cedunt urbes, & regius infans
Belliger in Morinū finibus arma quatit.
Ipsa Ducem fundunt cunabula. natus in ostro
Nascitur in portis victor, Ibere, tuis.
Laurea prætextam decorat. Bellona triumphans
Vagit & è tenero fulminat ore minas,
Accenditque faces belli. & metuenda revellit
Oppida. & impubis præmia Martis habet.
Quondam victa viris spoliū Grevelinga iuventa
Formaque regnantis parvula, grandis ovat. (est
Flandria quàm metues, quàm formidabis adultum,
Qui puer in frontem verberat Austriacum.

In

G R E V E L I N G A M

captam tempore Conventus Mo-
nasteriensis.

Qua vallis, qua se fossis Grevelinga tuetur,
Cui totum faciles commodat aquor aquas.
Gallia quam vultu adspexit vicina sinistro,
Quam prima validam Flandria fronte locat,
Illa dolis toties & inexpugnabilis armis,
Corruit, & victas dat generosa manus.
Degeneri nec sorte cadit. sub Rege fatiscit.
Non nisi regali cedere sueta manu.
Aurelio Duce pugnatum est, ringente Philippo.
Et velox belli visa procella fuit.
It soror in fratrem. solum discordia regni est.
Ambo pro populi bella salute gerunt.

Tu

Tu Dwynkerka time. victori proxima Gallo es,
 Et pavidum claudunt Celtica signalatus.
 Scribite Vos mediis pacis commenta Cheruscis.
 Scribite quid magni Caesaris aula velit,
 Quid Cimber, Sueonumque patres. qui subruit urbes
 Et pacem victis imperat, ille facit.

In menses. XII à

IOACHIMO SANDRARTIO

pictos, & Bavarum Ducis Filio
 inscriptos.

C Vi patriis vernans crescit virtutibus atas,
 Et pietas certam spem facit ipsa sui:
 Accipe Zodiaci menses & sidera, Princeps,
 Et toto Solis tramite sospes age.
 Qui puer imperii tot signis emicat, illi
 Fas est Signiferi tot famulare faces.

I A N V A R I V S.

I Anus adest, geminoque bifrons sua lumina Phœbo
 Objicit. hinc veteri proximus, inde novo.
 Frigidus humentem profundit Aquarius Vrnæ,
 Et liquidas stringit vis glacialis aquas.
 Sulcatus ferro fluvios, portamur ab unâis.
 Dum gelidus solem querit in igne senex.
 Penite, mortales, veteris tot nomina culpa.
 Hic veniens aliis moribus, annus eat.

F E B R V A R I V S.

E N fervent calidæ, cœli sub Piscibus, olla.
 Et dapibus gaudet fœta culina suis.
 Cruda jacent passim laxis obsonia mensis.
 Materies laudis quanta, Magire, tua est.

Qui Curios simulant, jam Bacchanalia vivunt.

Et Stygio vultu dissimulatur homo.

Vera loquar : quisquis ficto sub damone prodit

Stultitiam, multum damonis intus habes.

M A R T I V S.

M Artius hic à Marte animos & nomina sumit.
Inchoat hoc veteres Itala terra dies.

Ver oritur pellitque trucidis tot tadia vitæ.

Et captura maris piscibus ampla datur.

Pellitur in scopulos puppis, totum æstuat æquor.

Et socio tonitrus fulmine summa ferit.

Dum medium lampas Titania scindit Olympum,

Virtutis medium nos teneamus iter.

A P R I L I S.

T Erribilis cœlo vernantem trudit Aprilem

Taurus & adstrictam frigore solvit humum.

Gramina jam campis redeunt, tot floribus hortus

Pingitur & superum munere ridet ager.

Prima suam Daphnis vocat ad mulcralia Nisam,

Dum violas calathis colligit ille suis.

Sed tu Nisa cave, occultam ne forte per herbam

Tentet inexpertam Daphnis inire viam.

M A I V S.

N Vnc Melibœe tuæ gliscant in Doride flammæ,

Dumque virent passim prata, virete duo.

Sol est in geminis. gaudent hoc sidere nuptæ,

Et faciles spondent astra benigna thoros.

Cœlum, terra, dies omnes noctesque procantur,

Dum tulipam digitis demetit Ida suis.

Lesbii

*Lesbia cur tacitum nutrit sub pectore vulnus?
Dissimilis matri non cupit esse sua.*

I V N I V S.

D*Um Cancris chelis Phœbeos implicat ignes
Signifer & summum lux vehit alma diem,
Lanigeras tondet pecudes intonsa senectus.
Et nunquam querula veller a carpit ovis.
Quas geritis domini vestes hæc lana fuere,
Materiam fastus sordida prabet ovis.
Iunius est. assurge puer, dumque atheris alta
Sol habet, in recti vertice fige pedem.*

I V L I V S.

P*One premit Titan Nemeæ terga Leonis,
Et ferus exsuccos Sirius urit agros.
Pascua diffusis rescantur gramina campis,
Pabulaque hinnitu belliger optat equus.
Nunc pisces fluviis, gaudet falconibus ather,
Et spoliis ær totus & unda patet.
At tu Nympha tuis pisces quæ retibus abdis,
Effuge amatoris retia vafra tui.*

A V G V S T V S.

T*Riptolemi jam dona vides Cererisque beata,
Quasque ferax messes colligit omnis ager.
Fasciculos Corydon densis adstringit aristis,
Et tot fasciculis horrea plena tument.
Adspicit hæc virgo, & cuperet non virgo vocari.
Et fœtus etiam gignere posse suos.
Curia, Palladiæque vacant hoc mense cathedra,
Cumque facit tellus maxima, nil facimus.*

S E P T E M B E R.

Libra dies noctesque pares suspendit in astris,
 Et medio Phœbus cernitur ire gradu.
 Poma dat autumnus, morbisq; alimenta ministrat,
 Prunaque, quam spectas, rustica Chloris amat.
 Venantur Bavarumque duces, Bavarumque ju-
 ventus,
 Et fugiens mediis præda tenetur aquis.
 Aëris aura tepet. qui sidera respicis, ignes
 Concipe, non tepida relligione, pios.

O C T O B E R.

Scorpius adversi dum spectat sidera Tauri,
 Pone sequi Caprum Philliridenque videt.
 Ecce, novum potat noster Silenus Iacchum
 Et sociis risum spongia plena facit.
 Grus, anser, merula & turdus, fringilla, scolopax
 Advolat in cupidam victima crebra gulam.
 Tempestas anni varia est. ea pessima non est,
 Fercula quæ denti fert peregrina meo.

N O V E M B E R.

Iam nova Nobilium mensis obsonia fumant,
 Pabulaque in luxum frigida præta ferunt.
 Iam damæ, lepores, cervi, sunt præda molossis,
 Et profuga laqueis tot capiuntur aves.
 Lapsa cadunt folia arboribus. Chironque superne
 Flaminaque & pluvias ejaculatur aquas.
 Venator toto canibus venare Novembri,
 Securus, num sit mœcha marita domi.

D E C E M B E R.

D Elitet in tenebris, dum lux Phœbea fatiscit,
 Cereaque exanguis lumina portat anus.
 Nec tamen illa latens Iudæum porca Decembrem
 Arguit, hos jugulos horret Apella sacer.
 Sus immunda placet nobis. his vivimus extis,
 Dummodo cœnosum proluat unda pecus.
 Optima sus, quoties tua testamenta resignas,
 Me dic hæredem suminis esse tui.

D I E S.

P Vlchra dies pulchram forma fulgente juventam
 Exhibet. ô vitæ dulcis amica mea.
 Irradiat semet radiis, mundumque videndum
 Objicit, inque oculos quæ latuere, rapit.
 Solis fida comes surgit cum sole, caditque
 Præcipitatque suas sole ruente faces.
 Si natura diem nobis concessit, in ipso
 Fas est justitiæ nos habitare die.

N O X.

L Anguida, dormitans hæc fœmina noctis imago
 Sideribus vestes undique picta suas. (est,
 Cingunt demissam Lethæa papavera frontem
 Et pueris juxta membra sopore jacent.
 Interea pernox ferali carmine bubo
 Ingemit, & toto missat in orbe quies.
 Evigila è tenebris anima, & dum cœlica versas,
 Displiceat vitæ nox scelerata tus.

In Incendium Templi
AMSTELODAMENSIS.

I.

A Mstela, dum subitis flagrant tua templa fa-
villis,

Et pereunt uno sacra laresque foco ;
Dum nudata suo fumant fastigia tecto,
Horrescitque aliis ipsa ruina minis ;
Creditur hac vultu nobis dixisse sereno
Relligio & dictis vix gemuisse suis :
Tunc vigui, cum nulla humilis mihi conderet orbis
Culmina, nec pulchro fornice culta fui.
Cum templum spelunca fuit, latebraque ferarum,
Araque de viridi cespite staret inops.
Cum silvis latuere pii, cryptisque fideles,
Et mediis Christi vox resonaret agris.
At postquam nitidis fastu sum tradita templis,
Et Regum impensis tam preciosa fui ;
Et meus augustis voluit me claudere cultor
Sedibus, & cœtus hic habitare meos :
Defeci, miseraque mihi cultusque decorque
Languit & formæ vis veneranda mea.
Cordibus intepui, & dum comta, superba frequen-
Decessit studiis gloria vera piis. (tor,
Audiuit mea verba Deus. flagrare penates
Iussit & in cineres nobile vertit opus.
Discite mortales, tectis secernere Numen.
Nec lapides summum claudere posse Deum.
Illa malos justosque capit domus. intus honestum
Quæ colit & Christum possidet. una Dei est.

I I.

T Ecce ruunt, cecidere trabes, tabulata, corona,
 Sacratæque Domus Area nuda patet.
 En, Veri domus illa fuit. nunc cernitur illud.
 Sublato flammis tegmine, nulla latent.
 Adspicit ex altis hac rudera sedibus æther.
 Et sacrum irradiat Luna diesque locum.
 Hactenus humano sonuit sub iudice verum,
 Et potuit diis terra favere piis.
 Nunc, quicumque soles mystes cœlestia fari,
 Hic poteris, Cœlo iudice, vera loqui.

I I I.

N Elugete Novi, Cives, dispendia Templi.
 Hoc locuples vobis dextera reddet opus.
 Flagravere trabes. alias speramus ab Arcto.
 Et cupiunt silva nunc magis esse pia.
 Exiliunt ultro terris Borealibus orni.
 Et facili pinus casâ labore ruit.
 Ardua, vix ullis percussa securibus, ilex
 Labitur, in sacros officiosa lares.
 Hælugete magis, Cives, dispendia : flammis
 Exuri priscum non potuisse nefas.
 Heret adhuc animis veteris contagio vitæ.
 Nostraque ab ignavo frigore corda stupent.
 Si magis in cœli cultum pietate calemus,
 Utiliter nobis arserit ista Domus.

I V.

Cum gravis in Solyma muros incumberet Assur,
 Arsit adorando Fabrica structa Deo.
 Nec perit tunc salva Fides. stetit illa superstes
 Ignibus atque isto luxit in igne magis.

Ardeat & foeda jam sit vicina ruina

*Hæc Domus, & lapidum corruat alta strues;
Stant, queis nixa fuit, meliori sorte columna.*

Quæque domum librant, fulcra stupenda manent.

Hinc omen dextrum capimus. stant salva piorum

Dogmata, stat nullo mobilis igne Fides.

Inconcussa jacent salvis fundamina muris.

Et Pietas in quo nostra recumbat, habet.

Nitimur unanimes Christo. si machina mundi

Ardeat, hoc possum tutus abire Deo.

V.

Quid gemitis pavida matres? quid pectora
mœsta

Tunditis? & lachrymis tingitis ora piis?

Non gravis est jactura boni. decussa caluptria est;

Et Superum facies spectat aperta domos.

Iam colitis sine nube Deum, sine tegmine cœlos.

Sic flamma, sic vos erudiere faces.

V I.

Arsit sola suis Ecclesia nostra favillis.

Nec facta est damno proximior nocens.

Tot circum innexi flamma caluere penates.

Et tamen in nullam sævit illa domum.

Vndique salva atque incolumis vicina mansit.

Noxaque communis non fuit, horror erat.

Nam quæ vera cupit censerî Ecclesia mater,

Noxia filioli non cupit esse suis.

V I I.

Dum vera in terris calidis Ecclesia rixis

Queritur, & veri templi locusque Dei:

Iamque aliis Latia suspendit ab urbe salutem;

Alter

*Alter amat mentis libera sensa sue:
 Dum bellis, dum Regum, armis hæc ipsa probantur,
 Et potior victrix creditur esse fides:
 Ridet cuncta Deus quærulæ molimina turbæ,
 Et veram, mediis litibus, igne probat.*

VIII.

Non Aurora domum sacram, non Vesper ad-
 ussit,
*Sed medio flamma sævit ira die.
 Sol tragicus spectator erat: spectabilis urbi
 Res erat, intentis civibus, arsit apex.
 Tot testata fuit Majestas testibus iram.
 Nec voluit populos ista latere suos.
 Supplicium commune fuit. si nostra fateri
 Crimina non pudeat, publica culpa fuit.*

IX.

In ORGANA exusta.

Qua toties cecinere Deum, quæ carmine sancto
 Tot placuere piis organa, lapsa jacent.
*Summa nocent imis. pars hæc male sævit in illam.
 Inque mali partem cuncta ruina rapit.
 Igne tubi, pulchri flamma periire canales,
 Ordinumque suis qui sonuere, silent.
 Æstuat in dulces rabies Vulcania cannas,
 Aptaque centenis vocibus ora liquat.
 Confunditque sonos omnes & barbara miscet,
 Materieque artem tollit iniqua suam.
 Redde melos solitum Iubal, tot redde loquelas.
 Fac iterum nobis docta metallâ loqui.
 Sic plus in templis Deus & diuina placebunt.
 Ipsa voluptates Sacra decenter amant.*

X.

In exultum SUGGESTVM.

Hic arsit Christi studiis & vocibus umbo.
 Nunc ardent flammis pulpita sacra malis.
 Hinc nostri tonuere patres, & fulmina quisque
 Torsit in humanum religiosa genus.
 Mulciber in sedes & sellas fulminat istas.
 Et ferus hic partes cuncta vorantis agit.
 Tu flammis lymphis & toto flumine, Civis,
 Obrue, & iratas in tua sacra faces.
 Et quos non audis fundi suggestibus altis,
 Auditor, monitus, à ratione cape.

X I.

In CORONAS & LAMPADES
liquefactas.

Quæ populis luxere faces, grandesque corona.
 Rudera sunt, fœdo despicienda situ.
 Æra fluunt: squalent, quæ mox fulsere, metalla:
 Atque aliis facibus disperiere faces.
 Quid fiet? tenebris miseri vivemus in ipsis?
 Et nulla civis lampade flectet iter?
 Amstela, quæ longè facibus præluceat istis,
 Fax micat, & certam monstrat ad astra viam.
 Illa Dei Lex est, palantis regula vitæ.
 Illa præit pedibus lux veneranda tuis.
 Decepere faces alios. hæc nescia fraudum est,
 Errantesque suo discutit igne faces.

XII.

IN SEPULCHRA ruinis adaperita.

Quis furor in sacris? turbant incendia Manes.
 Et placidos aperit crebra ruina rogos.
 Marmora dissiliunt. inque ipsa cadavera lapsæ
 Desuper, horribili sorte, steterè trabes.
 Credibile est aliquem è tumulto (si cura quietos
 Sollicitat) tales ingeminasse sonos :
 Parcite, mortales, cineres violare sepultos.
 Non hîc impietas, quod sibi querat, habet.
 Quid patriam, quisquis facis hæc, inquiris in urnam?
 Aut pacata tuæ conjugis ossa cies?
 An, Iudex metuende, venis? & corpora poscis?
 Meque resurgentem vis tibi, Chrîste, dari?
 Omnia collucent flammis. hæc ultima mundi
 Perditio est. summum sistimur antè Deum.
 Saxa crepant, sua frustra vomunt monumenta. pia sçq;
 Exuvias altè flamma profana vorat.
 Dixerit hæc. sed nos qui vivi vidimus ista,
 Dicimus, extremum hæc antevenire diem,
 Atque has venturæ flammæ præcludere flammæ.
 O homo, quam grandi nunc monitrice sapis.

XIII.

Curritis & totam, Cives, confunditis Urbem.
 Et cunctos Templi publicus ardor agit.
 Hi scalas validis librant cervicibus. illis
 Dissecat adstrictas crebra securis aquas.
 Scanditis & celsis altè laquearibus undas
 Fertis & immenso luditur igne labor.
 Cunctorum pereunt opera. subvectus in auras
 Auxiliatricem respuit ignis opem.

Sistite præcipites operas. exstinguier ignis
 Nescit & excelsa vertice flamma furit.
 Quid cœlos urnis petitis? demissior hîc vos
 Plusque nocens animis flamma, perurit humi.
 Ardet amor lucri cupidis in mentibus. ira
 Æstuat & facibus cœca libido suis.
 Huc agiles properate, istas exstinguite flammæ,
 Huc omnes sanæ fundite mentis aquas.
 Expedi hos frigere focos. nil flumina profunt.
 Pabula peccatis tollite, frigus erit.

XIV.

IN TURREM & CAMPANAS
 lapsas.

Labitur ex alto turris, tot salva per annos.
 Et lapsu Manes contremuere pii.
 Campana cecidere, pia pro gente loquaces.
 Nec, quod jam populis æra loquantur, habent.
 Nempe, luunt pœnas Superis. a coetibus absunt,
 Et procul, in templi vertice, quæque sonat.
 Immemoresque Dei, crebra nos voce lacesunt,
 Et memores summi Numinis esse volunt.
 Hinc mediis lapsa templis damnantur inesse,
 Vox ubi damnatis publica jure silet.

XV.

IN EFFIGIEM CÆSARIS IN VITRIS
 exustam.

Exusti periere duces. & Cæsaris illud
 Augustum in vitris desit esse caput:
 Quam leve, si vitreus Cæsar subducitur urbi.
 Aureus in nummis restat adhuc Carolus.

Accen-

XVI.

Accendit Latium Didonis flamma poetam,
 Et Phrygii incaluit Principis igne Maro.
 Flamma fuit, quæ vesanos accendit Orestas.
 Vrit amatores Cypria flamma suos.
 Nos quoque, dum sacris ludunt incendiis templis,
 Vrimur, & vates improba flamma facit.
 Attamen in flammis sapimus. quia frigora prosunt,
 Carmina frigoribus frigidiora damus.
 Dum desunt latices, constrictaque flumina, forsan
 Exstinguunt istas frigora nostra faces.

In

TEMPLI GALLICI

Et Aulici Incendium, quod accidit Hagæ
 Comitum, me spectante.

Vidimus infandis Superum flagrare favillis
 - Limina terribiles vidimus igne focos.
 Rudera sunt delubra Dei, laquearia sordes,
 Quæque precum fuerant atria, sunt cinerum.
 Quæ populum Christique gregem campana vocabat,
 Liquitur, inque suo funere muta silet.
 Organa, quæ modulis recreant coelestibus aures,
 Fœda situs vultus occulere suos.
 Quæ circum monumenta Ducum suspensa nitebant,
 Virtutum memores disperiere nota.
 Ex alto cecidere enses, calcaria, crista,
 Depictosque furens flamma peredit avos.
 Auria periere patris subsellia, quæque
 Religiosa sedet Patria, fumat humus.
 Optima vaticinor. Pietas incendia fecit,
 Vt flammis caleant pectora nostra piis.

Vt

Vt cedat fersale gelu, quod strinxerat omnes.

Et fervens animi dissipet aura nives.

Forsitan & sacris gliscent in vatibus ignes,

Et novus athereis mentibus ardor erit.

Forsan ab his facibus frendens exurit error,

Et verum facie splendidiore micat.

Forsitan his ipsis vicinior Aula calebit

Ignibus, inque Deum pronior ibit amor. (tem,

Aut Batavum præmissa acuent hæc fulmina Mar-

Flammaque Cantabricos acrior uret agros.

Si malè vaicinator, tu Civis, disce: piorum

Posse quati flammis limina, stare pios.

IN NVPTIAS

Ornatissimi, doctissimiq; viri

D. IOHANNIS BLAEV.

I.V.D. Et Mathematicorum studiorum
cultoris ferii;

Et laudatissima Virginis

GEERTRVDIS VERMEVL.

Quam tibi nunc alia gliscunt sub pectore cura;
Quam speciem, Blavi, vultus amantis habet.

Quam tibi vita prior jam fastiditur; & illi,

Conjugis ignari qui periere, dies.

Nil tibi cum libris, vel sicca cortice charta est.

Nec vigiles lassat pagina crebra manus.

Præla jacent. cessant opera. nec dextera solers

Ordinat ingenii docta reperta tui.

Non jam flammiferos, claro cum patre, penates,

Et spatiis scribis sidera quaque suis.

Pleias ubi, radietque sua cum conjugè Cepheus,

Æmula vel Sponsa Cassiopæ tua.

Ipsæ

Ipse suis te subduſtum cervicibus Atlas
 Sentit, & ingenti preſſus ab axe gemit.
 In terris alii ſurgunt tibi, Sponſe, labores.
 Altera adeſt ſtudioſa Sphæra parata tuiſ.
 In qua flammeolos Sponſa mireris ocellos,
 Atque aliam videas luxuriare Comam;
 Collaque, & in pulchra fulgentia Cingula pallâ.
 Quasque ſibi Virtus nexuit ipſa Deas.
 Si tibi prâgrandem verſat Ptolemæus Olympum,
 Et longo perſtat terra quieta ſitu:
 Si tibi prâgrandem ſiſtit Copernicus æthram,
 Et novus hic gyro nos brevior rotat:
 Tertia Sphæra tua eſt. qua jam tibi nubilus adſtat.
 Sphæra novi motus, Sphæra quietis amans.
 Hunc orbem, Vir doctè, tuiſ virtutibus orna.
 Hic Veneres omnis pone Cupido tuas.
 Quodque rei caput eſt, Tu, Blavi, volve puellam.
 Et dic: Sphæra meiſ volvitur iſta jocis.
 Quare polos, axemque vigil. dumque omnia laudas;
 Tota tibi fiat femina Zodiacus.

In effigiem

G V S T A V I

Suecorum Regis.

HÆc Martiſ facies, hæc magni Regiſ imago eſt.
 Talia Guſtavus belliger ora tulit.
 Se major Natura fuit, cum gigneret illum,
 Et ſtatuit poſthac gignere nolle parem.
 Vnus Pellao juveni ſi ſuccubat orbis,
 Huic orbem poterant ſuccubuiſſe duo.

In effigiem

F R E D E R I C I

AVRANSIORVM PRINCIPIS

equo insidentis.

Quem procerum votis, populi quem voce petebas,
 Fortuna columnen suscipe, Belga, tua.
 Talis erat Cyri facies, cum vinceret urbes.
 Hac species Pyrrhi belligerantis erat.
 Talis Pellao sonipes surrexit alumno,
 Et magno domiti frenduit orbis hero.
 Auriacos hic portat equus. natumque patremque.
 Hic decus invicti fratris & ora vides.
 Tres coiere Duces, & quæ divisa beatos
 Efficiunt, uno in Principe mixta fluunt.
 Collige Roma tuos vario ductore triumphos,
 Imperii finis Tigris & Ister erunt.
 Promovit Fredericus iter. jam pugnat ad Indos.
 Ignotoque procul sidere bella gerit.
 Surgunt cum Phæbo tituli. cum mergitur ille,
 Occiduis victrix gloria surgit aquis.
 Horret Iber, miratur Arabs, formidat Hydaspes,
 Istaque longinquus nomina Persa colit.
 Nec satis est pugnasse Ducem. respublica felix
 Pacata laudem religionis habet.
 Libertas secura domi, quæ vicinus, inquit,
 Non tua sunt, Princeps, commoda. civis erunt.

In effigiem Nobiliss. viri

PETRI HOOFT

Prætoris Goilandia & Satrapæ
Muydenfis.

Suspice, Belga, virum, tragico quo vate paratis
Coepit & Arstoo scena sub axe loqui.
Gallia quem titulis, Batavus tot fascibus ornat,
Et dominum gaudet Muyda præsse sibi.
Qui patrias scripsit Veneres. Cyprumq; Gnidumque
Transtulit in terras, Amstela clare, tuas;
Sceptraque Borbonii vitamque & fata recenset,
Et tantum dictis grandibus implet opus.
At cum gesta leges nostris quoque bella sub oris,
Victaque Nassorviâ regna ducesque manu:
Dic, illum quæ nos facimus, sic scribere; tanti
Vi fuerit, Reges succubuisse tibi.

In effigiem celeberrimi viri

GERARDI VOSSII.

Cerne Palatina, lector, miracula terra.
Quem suus haud una perficit arte labor.
Sufficit acta dies aliis, non sufficit illi.
A solida studiis tempora nocte petit.
Quid non exequitur scriptor? nos sponte fatemur,
Non alia scribi secula posse manu.
Et puer & juvenis chartis impalluit & vir,
Et nunc non alium se cupit esse senex.

In

In effigiem Cl. viri & Medici

SAMVELIS COSTERI.

C Vi toties molli recitata est fabula socco,
 Qui tragicum Bataro carmine scripsit epos;
 Serius adspicitur, vultumque Machaonis orbi
 Exhibet, & Cois legibus agra iuvat.
 Ista sales fundit gravitas, vindexque bonorum
 Arguto solos verberat ore malos.

In effigiem Nobiliss. viri

CONSTANT. HUGENII

Equitis, quinque liberis stipatam.

P Ingeris, Hugeni, propriis permixtus Achivis,
 Parsque tui totum cingit amica patrem.
 Autor honorat & sobolis circumspicis omnes.
 Dissimilesque tibi persimilesque vides.
 Splendida concordēs exornant atria fratres
 Quatuor, & vultu Tyndaris una suo.
 Hac thalami fortuna tui, & spes tota nepotum est.
 Hac dominum cingunt sidera quinque Iovem.
 Assideat matrona Iovi, perfecta tabella est.
 Mater ubi, soboles prostat & ipse pater.
 Non aliam, Hugeni, matrem, nec quare novercam;
 Ne lava adspiciat, quos negat esse suos.

In effigiem Clariss. viri

CLAUDII SALMASII.

G Allia quo nuper, jam sidere Leida superbit.
 Præluceat magnis artibus ista Pharos.
 Hac sunt perspecti, Lector, compendia mundi.
 Fronte sub hac Pallas prodigiosa latet.

Partimur

*Partimur doctrinam alii. hic se tota recondit.
Immensosque habitat mens spaciofa lares.
Scribite scriptores. cui pagina scripta Solini est,
Iudice me, scripti circulus orbis erit.*

In effigiem

P E T R I V Æ N I I.

Syndici Hagensis, à filio sculptam.

Talem decrepita Batavum vixisse senecta
Vidimus & trepidis consuluisse reis.
Ha ruga sapuere Deo, patriaque, suisque.
Hac facie, Vani maxime, Zeuxis eras.
Non simplex est forma viro. Themidemq; Fidemque,
Et non corrupti Nestoris ora vides.
Pingitur à nato genitor. res mira. parentis,
Qui genuit, facta est dextra lima sui.

In effigiem

N I C O L A I C O P E R N I C I.

Natura novus iste faber fuit. athera, terras
Restituit magna cum ratione senex.
Quam calcamus humum, mediis suspendit in astris,
Et Luna comites altius ire cupit.
Mercurius priscis migrat de sedibus. ipse
Immensi medium Cynthius orbis habet.
Hunc circum raptamur & omnis machina mundi.
Immotoque hominum quilibet igne calet.
Inversa est rerum facies. humana quid ultra
Mens queat? hic nostri terminus ingenii est.
Cuncta sibi constant, luces noctesque, minorque
Est labor, hoc cœlos constituisse modo.
Confudit mundum Ptolemaus gentibus. unus
Hic verum potuit reddere. quis potior?

In effigiem

TYCHONIS BRAHE

Dani.

I Nicola terrarum summis habitavit in astris,
 Semideumque inter sidera vixit humi.
 Emensus Phœbi cursus Lunæque Iovisque
 Transulit in terras astra Deosque suas.
 Utque oculis totum humanis exponat Olympum,
 Æmula natura Sphæra reperta fuit.
 Quæ terras, quæ tecta Deum, fluctusque coercet.
 Et spacio mundum dat brevior capere.
 Dic mihi, spectator, Tycho, qui supputat astra,
 Quique locis pernox ordinat illa suis,
 Qui lapsus astrorum omnes signavit & ortus,
 Num meruit cœli Iupiter esse sui?

In effigiem

GVILIELMI IOH. BLÆV,

Astrologi & Typographi celeberrimi.

H Ipparchos antiqua suos si prædicat atas,
 Sosigenem Memphis religioſa colit:
 Cantaber Alphonso, Cimber Tychone superbit,
 Atque aliquid tantæ Sarmatæ laudis habet:
 Cæsius hoc omne est Batavis. quem fulgida dudum
 Vranix lumen credidit esse suum,
 Et toties istis nixus cervicibus Atlas,
 Vestaque, quam tabula jam manus una gerit.
 Ære emittur parvo mundus, quis venditor? hic est.
 Hic minimâ docuit sidera puppe vehi;
 Portari Oceanum ratibus, portusque viasque,
 Littora, & immensis dissita regna plagis.
 Navita, quid noctu gelidas inquiris in Arctos?
 In puppi ante oculos Arctos iterque patent.

In

In effigiem

SIMONIS EPISCOPII

exulis.

Quem tu Leida prius, Synodus mox ipsa loquen-
tem

Audit, hoc vultu vivit Episcopus.

Vivit & externis pandens sua lumen Gallis,

Exoptat Patriæ tempora blanda sue. (doctis,

Tempora dant precium, rapiunt quoque tempora

Ludit & in magnis fors malesana viris.

Res levis exilium est. grande hoc: mens nescia prævi.

Hac duce securus vixit ubique domi.

In effigiem

TROMPII,

Archithalassi.

Adspice victoris vultus & prælia Trompi,
Et cinctum rostris Belga tuere caput.

Nos quoque Pompeios stantesque in puppe Cimones,

Intrepidumque mari Timoleonta damus.

Hic alia Salamine, alia stant Aulide classes,

Atque alias alius poscit Iäson opes.

Flamma furit. tabulata ruunt & transtra forique,

Et mediis Chalybum fluctibus æra tonant.

Hostibus immixtus trucibus trux hostis inerrat.

Nec nebula Hispanum dedecus atra tegit.

Pro Batava pugnant Zephyri, cœlumque Deusque,

Parvaque vis valido perniciofa Tago est.

Classica Trompiadem celebrant; lituique tubæque,

Nec moritura Ducum præmia victor habet.

Attilios dic, Roma, tuos. nos diximus illum,

Briela cui patriam, Duna trophæa dedit.

In

In effigiem
A D R I A N I S P I G E L I I,
 Medici & Anatomici apud Patavinos
 celeberrimi.

Quem terris Bruxella dedit, Patavique Lyceum
 Obstupuit grandi Palladis ore loqui,
 Talis erat Veneto radians Spigelius auro,
 Talis erat, vivum quem volet ipsa salus.
 Exuviis latè nostris clarescit & extis.
 Materies fama fulgida sectus homo est.
 Hunc Italis Belgæ dedimus. novus iste Machaon
 Luxit in Ausonio fax peregrina solo.
 Non querimur, Patres Veneri. nunc redditis illum.
 Inter scripta sibi frustra superstes agit.
 Emeruere Duces servato cive triumphum.
 Hic in dissecto cive disertus orat.

In effigiem
A L B E R T I B A N N I I,
 I U R I S C O N S V L T I
 & Musici summi.

Qui Themidem ad leges, cantum revocavit ad
 artem
 Bannius, hoc vultu conspiciendus erat.
 Muta sonos numerat facies. cantare videntur
 Omnia, frons, oculi, dextera, labra, genæ.
 Sic reor: audiri Cherubinos inter & ipsos
 Angelicos aliquid discere posse choros.
 Scilicet in verbis vis est inventa canenti.
 Hoc plus antiquis Musica nostra sapit.
 Latitiæ dator in terris, cantillat in astris.
 Quoque homines olim, jam canit ore Deum.

In

In effigiem Serenissimæ Palatinorum
Principis

I V L I A N Æ L O Y S Æ,

matris Frederici Electoris &
Bohemiæ Regis.

A Vriaci soboles, titulis illustris avisque,
Magnorum genitrix suspicienda Ducum;
Exhibet hos vultus populis. Veneranda Loysa est.
Inque oculis princeps semina numen habet.
In nato Regum thalamos suspexit & ostrum.
Sceptraque quæ dederat sors, violenta rapi.
Inconcussa malis, non fecit, sentiit hostes.
Imperii rectrix relligiosa sui;
Immiscet Superis Fratres Bellona, suumque
A gemino robur vindice Belga capit.
Sed dum sceptrâ thorosque rotat Fortuna ducesque,
Immotæ Princeps vim pietatis amat.

In effigiem

M A R I Æ,

Regis Britannorum Filix, uxoris Celsissimi
Principis G V L I E L M I Auran-
fiorum Principis.

P Rincipis hæc Maria facies. sic filia Regis
Cernitur, & reges inclita spirat avos.
Auriaco jam nupta Duci, lux maxima Belgis
Emicat, & terris gaudet adesse suis.
Crescit & id magnos adolescit Sponsa nepotes,
Nassoviosque dabit mater adulta Duces.
Publica res amor est. sed regum ducere natas,
Non thalami res est sola, sed imperii.

In effigiem

M A X I M I L I A N I,

Serenissimi Ducis Bavariae, &c.

Quisquis in imperio leges, in legibus equum
 Asseris, & cives moribus ipse facis,
 Suspice, quem spectas Bavarum. tot nomina recti,
 Tot virtutum apices Maximilianus habet.
 Irradiat priscos majorum gloria fasces.
 Qui se jure ducem, plus ratione probat.
 Pralucet titulis pietas, Regumque coronas,
 Sceptraque conjugis miscet avita suis.
 Bella gerit, gladiumque Aquilis impendit & Istro,
 Dum grave momentum Caesaris esse putat.
 Et tamen hæc pacis studiis se bella tubasque
 Tradere, si posset, vellet imago loqui.

In effigiem Celsissimi Principis

G V I L I E L M I,

FREDERICI ARAUSIORVM

Principis Filii.

Qui prius imbellem thalamis induxit amorem,
 Cum data Nassovio regia Sponsa fuit,
 Cernitur his ipsis Princeps cataphractus in armis.
 Et patriis crescens moribus, illa quatit.
 Spirat avos patruosque Duces generosa Juventus.
 Et patrem ante annos, noster Iule, refers.
 Fortè etiam nova per Batavos tibi conditur Alba,
 Romanosque ex te Iuliadasque dabis.

In effigiem

E L I Z A B E T H Æ

Electoris Palatini & Regis Bohemiae Filiae.

Adspecte sceptriferæ germen venerabile gentis,
 Cujus in innumeros purpura currit avos,
 Regnantis neptim Caroli. quam, Rege Bohemo
 Patre, Palatini nominis aula vehit.
 Irradiat pulchros majestas Cimbrica vultus,
 Totaque cognatum supputat Arctos ebur.
 Pingite tibi Tamesis Venerem, tu Rhene Minervam.
 Hac eadem pingi numina fronte volent.
 Pingite Castalidum veneranda exempla sororum,
 Fulgeat has inter Castalis illa deas.
 Si natale solum & possessum deficit ostrum,
 Hoc regale, suis posse carere focis.
 Sceptrorum satis una gerit, quæ sceptrum meretur.
 Hoc quoque dissimulans, regnat Eliza magis.

In effigiem

A D O L P H I N A S S O V I I

Cæsaris.

Cæsaris augustum gessi diadema. mihi que
 Imperii septem vota dedere decus.
 Non tulit Austriacus, solioque excussit Adolphum,
 Et rapuit fasces ira furorque meos.
 Posteritas fuit ulta nefas: lux altera Iulæ
 Alberto vidit cedere Nassovium.
 Altera lux Iulæ, seris venientibus annis,
 Albertum vidit cedere Nassovio.

*Cum mediis Morinūm ruerent hostilia campis
 Agmina & Austriaci succubuisse duces.
 Discite vos etiam scelere abstinuisse potentes.
 En, notat admissi posthuma poena diem.*

In effigiem

RENATI de CHALON,

Principis Auriaci.

PRo Carolo miles pugnasti Casare. mox te
 Gallia pro Carolo succubuisse dolet.
 Nassovium facis Auriacum, sobolique tuorum
 Auriaci donas sceptrā vetusta soli.
 Magne Renate, tuas iterat Chaloniam laudes,
 Dum vultus iterat terra Batava tuos.

In effigiem fortissimi Herois

GISBERTI HOGENDORPII,

Militum Tribuni & Moguntiae nuper
 Gubernatoris.

PRussia quem Gothiis pugnātem vidit in ar-
 mis,
 Et timuit rapido Sarmata vectus equo ;
 Cum multo madidum Gustavus sanguine corpus
 Crudaque bellaces cerneret ora viri ;
 Quem tua, magne Ducum, clades & funera, Tili,
 Per populos fama splendidiore vehunt ;
 Ipsa cui claros devicta Moguntia fasces
 Tradidit & regni sceptrā verenda sui ;
 Talis Hogendorpi facies. sic cernitur orbi.
 Talis Hyperboreas duxit in arma manus.
 Objice sic pictum castris hostilibus. ipsa
 Casareos jam mox pellet imago Duces.

In effigiem

ABRAHAMI DOMINICI,

Leovvartii, Concionatoris in Frisiis
paludibus.

SI pingi possent pietas, facundia, candor,
 Et non fucata religionis amor,
 Hac species, hac forma foret. Leovvartius isto
 In Frisiis jam nunc cernitur ore suis.
 Plura loquar. magni pandit mysteria Christi,
 Oblitumque Dei fulminat in populum.
 Quæque sibi privata putat, sunt carmina, Musæ.
 Quàm vates gleba deteriore latet.
 Nec satis est, Hebræa loqui. magis illud, amari.
 Utque hominem fas sit vivere, posse loqui.
 Hæc, Abrahamæ, doces. mihi pro doctore tabellæ.
 Nam, quem non loquitur, spirat imago Deum.

In effigiem

CORNELII BOII,

Advocati & Poëtæ eximii.

Qui Themidi loquitur Phœbum, vatesque tri-
 bunal
 Concutit & trepidos asserit ore reos,
 Talis Boyus agit. VValachrêm cui fluctus & aquor,
 Et patriam dulces dant Heliconis aquæ.
 Exuvias hic vatis habes. nihil adspicis ultra.
 Mentitur verum tota tabella virum.
 Sed Rhodopen, raptasque nurus Silonque pererra.
 Non alibi Boyum cernere, Belgæ, potes.

In effigiem præstantissimæ Virginis
 A P O L O N I Æ à V E E N,
 sculptam à fratre.

S Culpis Apollineam, frater germane, sororem.
 Et tamen hîc nullam sculpis Apoloniæ.
 Sculpe oculos, exsculpe manus, exsculpe capillos,
 Hoc, quod dextra nequit sculpere, Apolonia est.

In effigiem & obitum
 E V E R H A R D I vander S C H E V R E N,
 Iurisc. & Advocati Ultrajectini.

S Vspice, quem pacis studiis secrevit alumnum
 Illa reis nimium litigiosa Themis.
 Maluit arbitrio dirimi, quam jure, querelas.
 Et facilis stricto prætulit æqua foro.
 Dum trahit invisas Minois Curia causas,
 Abrumpit lentis jurgia grata rogis:
 Nunc Themidis nunc juris habes placidissima, Scheu-
 Præmia & æthereo iudice salvus abis. (ri,
 Quique boni civis partes patronus obisti,
 Post obitum Superis desinis esse reus.

In effigiem
 M. Z V E R I I B O X H O R N I I.

A Dspice Palladii vultum spectator ephebi,
 Claraque facundis vocibus ora stupe.
 Ipsa senum velox sapientia prævenit annos.
 Et spatiis ætas fallitur acta suis.
 Vir loquitur, scribitque senex vernante juventa,
 Et Satyra mores liberiore notat.

*In Batavis prætexta sapit. sub sidere nostro
Pene puer fatur mascula verba Cato.
Pingitur imberbis, qualem se pingit Apollo.
Quantum est, ipsa etiam fronte referre Deos.*

In effigiem Nobilissimi viri

TH. GRASWINCHELII,

Eq. Fisci Holl. Advocati.

Adspice, non quem Cirrha dedit, sed Belgica va.
Cui sacrum ætherea Phocide fluxit epos. (tem.
Principis Hebraei numeros & verba disertus
Fatur, & ad Latii pleetra Sionis opus.
Palladis augustas implet Sapientia chartas,
Gorgoneasque timet livor & ira minas:
Regia seu pulchris majestas scribitur ausis,
Seu Veneti sedes imperiosa soli.
Publica cum dubias aperit facundia causas,
Isto Mercurium credimus ore loqui.
Ipsa dedit Nemesis gladios, Astra a bilancem,
Et Batavum tali vindice jura valent.
Cingitur his patria famulans insignibus ætas,
Et Superos gaudet conciliasse sibi.
Desine pro rostris mirari, Belga, loquentem.
Cum tot numinibus rem Theodorus habet.

In effigiem Clariss. Rotterod. Ecclesiastæ
& Medici

FRANCISCI LANSBERGII.

Cernitur elinguis, cujus facundia cives
Attonitos tenuit, Rottera, sæpe tuos.
Cernitur exanimis, vitam qui reddidit agris.
Et celeres jussit tardius ire dies.

Virtutum tuba, coelestis praeceptor honesti.

Maxima quo timuit Roma loquente loqui.

Cernitur imbellis, qui fratrum bella vetabat.

Et pacis rupto federe suasit opus.

Lansbergi, sanare animas & corpora noras,

Et gemina nobis causa salutis eras.

Sic totus tibi debet homo. Te vindice nostri,

Vna homini sospes pars fuit, una Deo.

In effigiem Reverendi viri

P. S. Y L V I I,

Amstelodamensium Ecclesiastæ.

Cujus adorandum docuit facundia Christum,
Et populis veram pandit ad astra viam,

Talis erat Sylvi facies. audivimus illum

Amstelii isto civibus ore loqui.

Hoc Frisiis praecepta dedit. pietasque sub illo,

Relligioque diu vindice tuta stetit.

Praluxit veneranda suis virtutibus aetas.

Eruditque ipsos fessa senecta senes.

Simplicitatis amans fucum contempsit honesti.

Nec sola voluit fronte placere bonis.

Sic statuit : Iesum vita meliore doceri

Rectius & vocum fulmina posse minus.

Amstela, sis memor extincti. qui condidit urbem

Moribus, hanc etiam post sua fata docet.

In effigiem Reverendi viri

G E R A R D I A N S L O

Theologi.

Qui patrie mores & perdita secula damnat,
Innocua fretus relligione senex,

Qui

*Qui mundum meliore volet splendescere vultu,
 Et Christum studio fervidiore sequi;
 Cedit in exemplum Batavis. sic pingitur Anflo,
 Sic pietas vultus exhibet ipsa suos.
 Ut si forte loqui cesset grandæva senectus,
 Ad populum præsens possit imago loqui.*

In effigiem Clarissimi viri

IOHAN. VTENBOGARDI
 rum exulis.

Q*Vem pietas cœlo, rerum prudentia terris,
 Tutaque commendat simplicitate fides:
 Cujus Arausiæ tonuit facundia templis,
 Et potuit lituos inter & arma loqui;
 Hic silet, atque aliqua præbet se parte videndum,
 Ut totum cupias posse videre virum.*

In locum Anatomicum recens

AMSTELODAMI
 exstructum.

Q*Vi vivi necuere, mali, post funera prosunt,
 Et petit ex ipsa commoda morte Salus.
 Exuvia sine voce docent. & mortua quamvis
 Frustra, vetant ista nos ratione mori.
 Hic loquitur nobis docti facundia Tulpi,
 Dum secat artificii lurida membra manu.
 Auditor te disce. & dum per singula vadis,
 Crede vel in minima parte latere Deum.*

I N N V P T I A S

Spectatissimi viri
 NICOLAI PANCRASII,
 Et lectissimæ Virginis
 PETRONELLÆ de WAERT.

Perdiderat sacros feralis flamma penates,
 Istaque Vulcani damna furentis erant.
 Spectabant mœsti miseranda incendia cives,
 Quique steterè diu, disperiere Lares :
 Tunc Cithæra, sui furis offensa mariti,
 Accendit Paphias officiosa faces.
 Si flammis, ait, ille suis veneranda perussit
 Culmina & in summos sævit igne Deos,
 Conjugis officium est, tantos lenire dolores,
 Conjugis est, aliis ignibus esse bonam.
 Non mea crudeles sanctis penetrabilibus ignes
 Inferet aut Superùm subruet ira domos.
 Mitius ingenium est Veneri. tu tela, Cupido,
 Suffice, tu tædas porrige, Nate, meas.
 Flagrent his facibus soboles magnique penates
 Consulis & totam, flamma, perure domum.
 Vrat Amor jam Pancrasium. dum consulit Vrbi
 Et civi Genitor se ratione probat,
 Exemploque regit; victrix Erycina triumpho,
 Et, non invito Consule, læta loquor.
 Ardet Sponsa meis, populo gaudente, favillis,
 Et facili Sponsum blanda calore fovet.
 Non hæc attonitos reddent incendia cives,
 Plaudit ad has ipsas urbs spaciola faces.
 Scilicet his poterit facibus flammisque renasci
 Consul & à sera posteritate coli.
 Vitalis Fax ista patri matrique nepotes,
 Et generi vestro nomina digna dabit.

*Sic non, Sponsa, tibi Sponsum, sed civibus optas,
 Amsteliusque parens vis peperisse tuis :
 Sic dum; Sponse, tuis amplexibus abditur uxor,
 Ardet inoffensis publica causa focis.
 Has, Cives, has, Sponse, cave restinguere flammæ.
 Non opus hic gelidis, Amstela noster, aquis.
 Ignibus his flagrate diu. sperataque vobis
 Et patriæ & patri commoda flamma ferat.*

In Maximi Viri

PHILOMUSI
 MVSAS IVVENILES.

I Tala gens, Batavos quæ quondam Martia fra-
 Imperiique tui socios erecta vocasti ; (tres
 Iam Batavos vatum socios fratresque tuorum,
 Post tot secla, voca. Cirrha concludimur una,
 Pegaseisque simul populi conspergimur undis,
 Et Phœbi communis amor nunc incitat acrem
 Ausoniam, nunc vult Musis adsuescere Belgam,
 Dum Latios Arctoa vehunt præconia patres,
 Nostraque Senensi applaudit fiducia vati.
 Illustris Philomuse, tuæ generosa loquela
 Verba placent ; seu per grandes angusta cothurnos
 Sensarapis, lenique elegos diffundit ab ore
 Calliope, seu per Lyrici modulamina cantus
 Vectus honoratam compellat purpura Romam,
 Et magnis fatur patribus, patrumque cathedræ
 Annuit, & summis Urbanum destinat astris.
 Prisca superstitio, venerandi nescia Christi,
 Infames tonat ore Ioves, Venerisque profanus
 Perstrepit illecebris Helicon, mentitaque multum
 Pagina Pieriam meruit decerpere laurum,
 Et lethi calcare domos. Hoc sanctior ævo
 Nascitur Aoniæ felix opulentia venæ,

Et gaudet meliora loqui. non fabula vari
 Priamides canitur, fictæque insanus Elise
 Æneæque furor, vel versa in corpora formæ.
 Longe alios vultus Italûm sapientia terris
 Exhibet, & totum pietas facit ipsa pœtam;
 Canaque religio, Clariûs dum splendida fulget
 Artibus, atque alte Phœbeos imbibit ignes,
 Sacrosancta canit, solumque in carmine mutat
 Materiam, & studiis Senam cœlestibus implet.

Felix Sena viro, quem cum produceret Orbi
 Tot vatum Lucina parens, sua flumina large
 Castalii fudere lacus, risere Camœna,
 Et teneræ cœpere hederam prætexere fronti,
 Et melius posthac nobis promittere carmen;
 Mirata puerile decus, lususque iuventa,
 Et consummati roburque & numen epheli.
 Legi grandis epos Bembi: placuere furores
 Naugerii, Strossæque patris, magnique Maronis
 Æmula Sinceri rabies post illa, labanies
 Restituis, Philomuse, Deas, patriæque pœtæ
 Infers immortalè jubar. Tibi sufficit una
 Ad famam validis animosa Tragoedia nervis,
 Et fatum, Pompeje, tuum. quem Corduba Magnum
 Dixit, Sena facit magnum, & dum damnat Achillæ,
 Voces pro Latio & pro te, Romane, loquentis
 Approbat, & generi defendit mascula causam.
 Quæ, si non Superis, saltem placuisse Catoni
 Creditur, & si non armis, ratione triumphat.
 Hac te scena dabit seculo, quantum illa meretur!
 Quam cerni vult luce palam! quin pulpita scandis
 Itala & orchestram conjux Cornelia pulsas?
 Indignata tui crudelia fata mariti,
 Decussumque caput Romæ. quo tota cadente
 Libertas collapsa fuit, fœdoque Quirites
 Servitio sensere suæ dispendiæ culpæ,
 Et sicas acuit Bruti vindicta feroces.

Magne

*Magne vir, his olim coëptis agnoscimus omnes
 Ingenii momenta tui, juvenisque virile
 Conditi opus, tragicoque exurgis clare theatro.
 Dic juvenes Musas, quas mecum dicis adultas,
 Phoebe pater, senique graves praevertere curas.
 Hac avi sors lata mei est, spectare potentum
 Carmina Pieriasque faces. nunc esse beatam
 Auguror Italiam, cum te Respublica vatem
 Repperit, & grandi rerum prudentia causa
 Applicat, & tali vult sub rectore pacisci,
 Bellorumque truces furias componis Apollo.*

Æ N I G M A T A.

Liber.

Magna mihi rerum vis est, vis maxima vocū,
 Et tamen hic vili venditur ære labor.
 Ignarus doceo, credor sine voce magister.
 Cum prosum, taceo: non sapiens, sapio.
 Sapius exuror, dominis peccantibus, insons
 Victima, nec culpa conscius ipse mea.
 Vestior exuviis, vinclis constringor ahenis,
 Et tandem tineis vermibus esca teror.

Eadem vox.

Integra si fuerim, potero placuisse Latinis,
 a Principium tollas, displiceam Batavis.
 a Iber.

Farcimen.

Tota mihi teretem mentitur forma cylindrum;
 Et fata in medio sus mihi ventre latet.
 Quam me Belga colit, tam me fastidit Apella;
 Heu quam dissimili spernor amorque fide!
 Non mihi supplicium, non mors decernitur una.
 Mergor aquis, flammis torreo, ore voror.

Osculum.

P Rima mihi lepidis blanditur portio dictis,
 Posterior fœdo vilis odore mihi est.
 Prima trahit vitæ causas, exhibilat illas
 Ultima. (crede) fuit, qui caret alterutro.

Colus.

C Ingit lana caput, contortaque viscera corpus,
 Parte mei moveor, parte quiesco mei.
 Quos sine me nudos paupertas detegit artus,
 Hos opibus per me dextera fulta tegit.
 Lingua, manus, digiti, factò glomerantur in uno:
 Decedens capiti gloria finit opus.

Ocrea.

H Oc decus, hos habitus prisca petiistis Achivi,
 Maonidæque meo nomine charta tumet.
 Bos, vitulusque fui, quæ carpsi gramina, calco:
 Et premo, quæ timui, colla minacis equi.
 Me fastus documenta sui cupit esse Batavus,
 Et Martis propriam nunc studiosus amat.

Pluteus.

Q Va fueram duris infesta bipennibus ilex,
 Nunc domini custos abdita seruo mei.
 In me demorso vates sacer ore recumbit,
 Ingeniique sagax expedit ausa sui.
 Aonidum me lassat opus. laus unica nobis,
 Doctorum celebres sustinuisse manus.

Navis.

I Nnatat Oceano; cœlo spectatur in ipso:
 Ventre premit laxo cœrula, dente vadum.
 Rostratas meruit bellis infracta coronas;
 Et spoliū ē diti Colchide grande tulit.

a Tolle

a Tolle caput, volitat; **b** sublato ventre tyrannis
Annuit; audaces **c** tota pererrat aquas.

a avis. **b** vis. **c** navis.

Bubo.

Inguina sollicitat, miserosque exasperat artus;
Cecropiâque frequens visus in urbe fuit.

Ægida depingit: doctis insignia præbet:

Stultitia pariter symbolon, & Sophia.

Impatiens Phœbi, mundo ludibria debet:

b Nominibusque simul terret, & **c** ominibus.

a Bubo tumoris est species apud Medicos.

b βῆ. **c** Statius: Feralia bubo Damna canens.

Curro.

Dividor, & membro Sapiëntia crescit ab **a** uno:
b Irato reliquum frendeat ore canis.

a cur quærendi est adverbium.

b β, canina littera est.

Portus.

Adspectio Solem **a** mutilus, **b** navalia totus,
Sola potest lasum flectere **c** cauda Iovem.

a ortus, **b** portus, **c** thus.

Ovis.

ME Graii petiere duces: mactavit Apella:
Et toties Superis victima grata fui.

Muta Redemptorem refero: sine crimine, eundem.

Prata meis resonant templaque nominibus.

Mille meas Siculo Corydon in monte sorores.

Ducit, & ingenium simplicitate probat.

Exuvius nitet aula meis: quid stercora damnas?

Stercora delitiis sunt mea mixta tuis.

Annu-

Annulus.

Optima forma mea est, Megara laudata magistro.

Principium passim, finis ubique mihi.
Fulgeo, claudio, premo, medeor, promitto, corono,
Gestor, cador, amor, do capioque fidem.

Currus.

Traximus Hippolytum, distraximus Heclora magnum:

Et belli quondam pars scelerata fui.
Falcatum me Persa cupit: sine falce Batavus,
Sustinui stantes altius a Æmilios.
Persephonen rapui: scindant vada carula puppes,
In Batavis etiam pontus b arena mihi est.
a stantes in curribus Æmilianos.
b notatur currus velifer Principis Mauritiū.

Penna.

Aeris quondam volitans in nubibus hæsit,
Et refluus eadem viva natavit aquis.
Magnificas procerum decorat, sed mortua, mensas,
Et tremulam summo vertice Teuto quatit.
Præteritos reddit, præsentis prorogat annos,
Invidiam feri temporis una domat.
Absentis loquitur, lædit rostrata, juvatque:
Dumque aliis vitam foenerat, ipsa caret.

Sus.

Mactatur Cereri, a Romanaque federa firmat,
Arcadibus multum culta, b perosa Phariū.

a Virg. Cæsa jungebant federa porca.
b Sus Ægyptiis abominationi erat.

Sordet

*Sordet c gemma, rosa: d capiti si littera desit,
Grajugenis fiet, quod fuit Ausoniis.*

*c Proverbium est sacrum : Margaritas non esse
projiendas porcis.*

d vs Græcis idem, quod Latinis sus.

Pileus.

M*E gaudet pugnax capiti circumdare a Sparta.
Græcia me testem nobilitatis habet.*

b Libertas per me Latia portenditur urbi :

c Istaque Romanus premia servus amat.

Me Brutus, me Galba suo spectavi in are :

Ipse meum vindex pugio fulcit onus.

a Lacones pileati pugnabant.

b patet ex Bruti numismatis.

*c servi manumissi Imperatoris triumphantis cur-
rum pileati sequebantur.*

Venter.

a*O**pprobriū Creta: tonitrus domus: abdita vitæ
Regia : b Mennenī fabula ; meta gula,*

*a Κρήτες αἰὲς ψόυσαι, κατὰ θνεία, γαστέρες
ἀργαί.*

*b Mennenius orator Romanus fabula de Ventre
populum Romanum in urbem revocabat.*

Manus.

N*Oxia sum, si bella geram : a si proluor, insons:
b Viribus, c auxilio, d religione probor.*

*a Gestus abluendarum manuum innocentiae si-
gnum erat. Deuter. cap. 21.*

b Manus pro robore & potentia sumitur.

*c Hinc proverbium manus manum fricat. & a-
pud Græcos τὴν χεῖρα ἐπιβάλλει, manum
admovere.*

*d Multa Iovem manibus supplex orasse supinis.
Virgil.*

Oscula

*Oscula do supplex : mihi me permiscet Achates,
e Rhetoribus laxor, claudor Aristoteli.*

e Zeno Rhetoricam palmæ, Logicam pugno comparabat.

Barba.

a *Q*uid Thetis ipsa Iovi? **b** Cynico nonaria vellit?
*Quaque virum pariter res facit, atque
c caprum?*

a Apud Homerum Iliad. α, Thetis Iovi barbam vellicat.

b Persius: Si Cynico barbam petulans nonaria vellicat. *c* Lucretius barbigeras capellas vocat.

Aqua.

M E sitiens vates; me torrida prata biberunt.
a Pindarica ferio barbita prima lyra.

Credor Aristoteli pars corporis; b omne Thaleti.

c Sto, moveor: Tiphyn stans fero, mota ratem.

a Ἄνευ ὕδατος ὕδατος.

b Thales Milesius omnia ex aqua constare dicebat. *c* Glacie constricta.

Toga.

P Er me Grajugenium populis discernitur a Auson,
b Bilbicus raram me volet esse sibi.

c Arma odi, terrensq; sagum: d peto candida fasces.

Pulla rogum, latum pura e tyrocinium.

a Romani togati. Græci palliati incedebant.

b Martialis: Lis nunquam, toga rara.

c Cedant arma togæ.

d Toga candida induebantur, qui magistratum ambiebant. unde Candidati dicti.

e Puram togam induebant tyrones forenses, ipso tyrocinii die. Lucan. lib. 7. Pura venerabilis æque, Quam currus ornante toga.

Zona.

Zona.

a **V**irginitas dilecta mihi est; vinculumque jugale.
b Templam mihi mediâ Cecropis urbe patent:
 Ætheris immensos etiam determino tractus.
 At, me qui sociam perdidit, **c** Iruus erit.

a Homerus: Ἀστὴρ ἢ παρσηνίλος ζώνη.

Catullus: Qui zonam soluit diu ligatam.

b Athenis sanum fuit Solvizoniæ Dianæ sacrum.
 vid. Apollonium Argon.

c Ibit eò quo vis qui zonam perdidit. Horat.

Adamas.

Divites mea grata mihi est: damnatur amica.
 Si libeat, **a** verbum, mox quoque **b** nomen
 ero.

a amas. **b** adamas.

Leo.

a **A**ysonias traxi, populo spectante, quadrigas,
b Pelidæque meus vultus & ira fuit.
c Partem hominum apposuit stomacho pater ipse
 Prometheus,

d Indomitusque licet, parco tamen domitis.

a Antonius leonibus triumphavit.

b Hom. de Achille: Λέων δ' ὡς ἀνέχεται οἶδεν.

c Horat. Infani leonis Vim stomacho apposuisse
 nostro.

d Ovid. Corpora magnanimo satis est prostrasse
 leoni.

Marmor.

Iam **a** Superos ad spectat ovans: jam **b** tartara
 lugens

Respicit, objectis triste cadaveribus.

a colossos marmoreos intellige.

b marmora sepulchralia.

Sapius

*Sæpius c illachrymat, d lachrymis sed flexile nullis.
Dant Ligures, nescit Belgica, Roma colit.*

c Etiam nunc marmora plorant. Ovid.

d Ad surdum lachrymas nequicquam emittere marmor.

Tabacum.

Non bibor, & bibor, & populo sum potus, &
haud sum.

Mandor ab Occiduis, nec tamen esca fui.

Cum bibor, ipsa sitis crescit. sum victima vulgi.

Torqueor, incidor, torreo, uror idem.

Consedere viri, & conspecto munere Divum,

Qualibet exitio est dextra reperta meo.

Pars in frustra secant, pars igni humentia siccant

Corpora, pars flammæ admovent, atque faces.

Otia qui fugiunt, in nobis otia perdunt,

Et magnâ peragunt sedulitate nihil.

Quo capior, perdor. quo claudor, pello ab ore,

Nostræque mox diffat fercula, quisquis amat.

Quæ mihi, quæ nitidos aperis, matrona, penates,

Premia tam clari sputa laboris habe.

Canis.

Prapositus Laribus, Romæ Capitoliæ Gallis
Prodidit, & facti crimina morte luit.

Hunc Cynici coluere patres. miraris? a acutis

Cum verum toties colligat ille modis?

Littera vesanum testabitur una b furorem:

Signæque qui c fidei, nulla pudoris, habet.

a Vide Lipsium in epistola de Canibus.

b R.

c Canis, fidei & impudentiæ symbolum.

Asinus.

Asinus.

PArte mei quidam Phrygios supereminet omnes,
Solaque litigium corporis umbra parit.

Vapulo, contemnor, nec, cui contemnimur, à me

Diffidet, ingenio proximus ille meo est.

Aurículas nostras quis non habet? accipe sacrum

a Phœbe tibi, vel me sume b Priape tibi.

Si stolidum plebs esse putat; cur turgida queso

Doctorum nostris scrinia sunt c titulis?

Si vocat ignavum: cur lassant tergora merces?

d Nec statuam spernit Martia Roma meam?

a Τέρπετ' ἀλιπαρὰ Φοῖβον ὀνοσφάζει,

Exhilarant Phœbum pingues epulæ ex asino.

b Etiam Priapo sacer asinus.

c De Asino scripsit Apulejus, aliique.

d Vide Pier. in Hieroglyphicis.

Nasus.

CÆsar gibbosum, a Cynicus me ostentat aduncū,

Et vates de me nomina grandis habet.

Hac qui parte valent, credam magis esse b sagaces.

Emunctum quisquis me volet, ille sapit.

a Proverbium, naso aliquem suspendere, pro irridere. Persius:

Callidus excusso populum suspendere naso.

b Hominem acri judicio præditum dicimus emunctæ esse naris, & apud Oneirocritas, qui se magno naso per somnium viderit, magna in rebus agendis prudentia & sagacitate fore promittitur.

Lingua.

Quam a noceo, quam prosum eadem! sum pessima rerum,

a Anacharsis rogatus, quid esset in homine pessimum, quidque optimum, Lingua, respondit.

Opti-

*Optimaque: b Ausonio pulsa, recepta solo.
Mercurio sum sacra deo, Samiusque magister
Alligat imperio tempora nostra suo.*

*c Fulvia, quid fodis exanimem? manet illa superstes;
Suspendis rostris dedecus ipsa tuum.*

b Rhetores Romæ aliquando prohibiti sunt aperire ludum.

c Fulvia, Antonii uxor exsectam Ciceronis linguam acu perfodisse perhibetur, & rostris affixisse.

Oculus.

Nomine lascivo placuerunt nostra Catullo,
Nomine laudatur virgo puerque meo.
*Si vivam, pateo; moriar, si claudar. a Α'θήνη
Me glaucum, b nigrum Graja puella velit.*

a Γλαυκῶπις Α'θῶνη.

b Apud Græcos in precio erant nigris oculis præditæ.

Quercus.

*a Augusti stetit ante fores intersita lauris,
b Signaque servati splendida civis habet.*

*c Triptolemus latis illam mutavit aristis;
Quique hominum fuerat, jam cibus ille suum est.*

*a Ovid. Postibus Augustis eadem fidissima custos
Antè fores stabis, mediamque tuebere quercum.*

b Corona civica ob cives servatos è quercu erat.

c Virgil. Triptolemus pingui glandem mutavit arista.

Lepus.

Quot timidum vexant a Hecuba, lassantque
fugacem,

Exspacior propriis dum ποδῶν ὠκὺς agris.

a canes. Hecubam enim in canem mutatam fingunt poëtæ.

Me comedat Marcus, formosum Gellia dicet :

Quin pulpamento discet amare meo.

b Martialis : Si quando leporem mittis mihi ,
Gellia, mandas,

Formosus septem, Marce, diebus erit. &c.

c Pulpamento vis effœminandi inesse creditur.

Terentius : Tute lepus es , & pulpamentum
quæris?

Vulpes.

ME fecit natura vasfram, sed fabula Davum :

Cauda Philistæos depopulatur agros.

Nostra leonina si jungas tergora pelli,

Quæ nequit virtus, perficit illa dolus.

Corvus.

a *I*mpatiens sobolis, **b** venturos nunciat imbres ;

c Scenæque sub tali tristia voce vocet.

d *Hæc quoque Romanus non spernat nomina ductor.*

Barbara vox quamvis, ingeniosa e gula est.

a Corvi pullos suos , si quando volandi potesta-
tem assecuti fuerunt , nido expellere dicun-
tur.

b Corvus imbrium augurium habet.

c Proverbium apud Græcos Comicos usitatissi-
mum, Εἰς ἡγεγνας.

d Messala Corvinus.

c Refert Plutarchus , corvos, si quando in urnas
immissis capitibus aquam sorbillare neque-
unt, lapillos conquirere , iisque in urnam in-
jectis, assurgente aquâ, sitim explere.

Capra.

CUm mihi sint similes Satyri, Panesq; quid unus

a Æpolus absimilem se dolet esse mihi ?

a Locus est Theocriti.

Æpolus inscendi videat si quando capellam,

Liquitur obtutu, quod non caper ipse creatus.

Cur

*Cur sculpor priscis b Augusto Casare nummis ?
Cum mætor c Baccho, diliger una d Iovi?*

b Augustus sub Capricorno natus nummos argenteos excudi iussit cum capricorni imagine.

c Capra Baccho immolabatur, quia vitibus noxia.

d Iovem à capra nutritum Poëtæ fabulantur.

Mola.

B *Rachia spirantes lassant immania Cauri,
Primaque sum mensæ, prima ministra gula.
Ala alam festina premit, paribusque rotata
Viribus, antevenit nulla, priorque gradu est.
Quid procul intentos arces industria fures?
Hac domus, hac domino regia fure patet.*

Olor.

A *Dspice a fatidicum, quin me mirare b poëtam:
Ad vada Mæandri cum cano dulce melos.
Induit ipse meos Orpheus & Flaccus honores,
c Gaudet & augurio navita sæpè meo.
Quin ego purpureis frenatus colla capistris,
d Lascivam Venerem per loca iussa traho.
e Candida decrepitæ similis mihi forma senectæ est.
Sed dubito, num sit Lesbica candidior.*

a ob præfagia mortis.

b Notum, poëtæ cygni symbolo & appellatione significari.

c Auguria lege apud Virgil. lib. I. Æneid. & Cælium Calpurn. lib. de naut.

p Fingunt poëtæ Veneris currum è cygnis trahi.

e Ovid. Iam mea Cygneas imitantur tempora plumas,

Inficit & nigras alba senectæ comas.

Pavo,

Pavo.

DEformis pedibus, plumis formosior, Irin
 Æmulor, & a Samia sum sacer usque Deæ.
 Cum gradior, quid me dicis matrona superbam?
 Non gressus formæ convenit iste tue.
 Cum gradior, quid iniqua pedes virguncula dam-
 Si mihi pes, sordent vultus & ora tibi. (nas?
 a Pavo Iunoni facer.

Gallus.

AVroram clarâ consuetus voce vocare,
 Post sua gavisus præliæ victor ovat.
 Non capiti crista, pedibus calcaria desunt,
 Sola gula rabies a non finit esse virum.
 Non valeant ipsi contrâ me stare b leones,
 Illicet infamis sed meminere fugæ.
 a solent enim castrari, ut pinguescant, in gulæ
 gratiam.
 b Ad cantum galli fugit leo.

Loca Bataviæ, unde cespes eruitur.

DIc, quibus in terris pereunt sua rura colonis,
 Ipsaque concepto fomite flagrat humus?
 Et mox effossi vectantur navibus agri,
 Naiadesque natant nunc, ubi Vesta stetit?

Cuculus.

OMnia cum a timeam, b sociis cum ridear, ecce,
 Credor c adulterio spurcior esse meo.
 Tempora verna fero, repetitaque carmina canto.
 Quid rides? similis tu quoque fortè mihi es.
 a Cuculus avium timidissimus.
 b ludibrium debet avibus & hominibus.
 c Adulteræ uxoris maritum cuculum vocamus.

aa

Cicada.

Cicada.

Si cythiso pascuntur apes, ego visito rore.
 Et mea, si dubitas, carmina Thyrsis amat.
 Thyrsi Musa placet, soli nocitura magistra;
 Vatis hac merces debita, certa fames.

Anas.

a **T**ota nato; **b** sine fronte, natus; **c** inversa
 mederi

Te volo: **d** pluralis, sed sine fronte, strepit.

e Lambda facit Lanas, flatrantum murmura ranas.

Adde **g** suam Argolicam, pars mea nasus erit.

a anas *b* nas *c* lana *d* nates *e* adde *l*, erit lanas,

f præfige litteram caninam. *g* ad syllabam nas,
 adde *ſ*, erit nasus.

Culter.

Pars bove, sed stricto constat pars altera ferro.
 Totus taurinis abditur exuviis.

Non uno nocet ille modo. pungitque, secaturque,

Istaque ruricolūm postulat arma furor.

Formica.

Adspice fecundis inimicum messibus hostem.
 Et piger exemplum sedulitatis habe.

a Agricolis pluviā, **b** seruo mala fata Neroni

Nunciat, at **c** diti prosperiora Midæ.

d Si pennata volet, Veneri jam prompta medetur.

Credimus hoc nasci semine Myrmidonas?

a Vide Suetonium in Nerone.

b Midæ dormienti formicæ in os tritici grana
 congersere, ex quo ditissimum fore prædi-
 ctum est.

c Satyrias in excitare creduntur formicæ alatae.
 Galenus in libro secretor.

d Nota est fabula de formicis in homines muta-
 ris. hinc ἀπὸ τῶν μυρμηκῶν Μυρμιδόνες
 ἐκλήθησαν.

Culex.

Culex.

QValia terribili resonant fera classica cantu,
 Terrificos edit a buccina nostra sonos.
 Sum pecudum custos, somni gravis hostis, & oti,
 Et propero, noctu quo properabit amans.
 Labra, manus, oculos, & eburnea colla pererro,
 Quin magis abstrusa parte latere velim.
 Meque aliquis poterit longè sentire volantem.
 Hei mihi, dum lumen depereo, pereo.

^a Martialis lib. 8 Epigram. de phiala : Illa po-
 test culicem longè sentire volantem &c.

Pediculus.

^a **G**Raculus interitu : pedibus sed gloriator Auson.
 Quæq; animi domus est, est domus illa mihi.
 Ut vigilent homines, vigilo : sum filius oti.
 Corporaque infesto regia dente neco.
 Dum capior, perdor ; dum non capior, tibi servor :
 Ferculaque antiquis præbeo phtheiophagis.
^b Pignora cur nasci vobis in visa doletis ?
 Nasctitur è quorum corpore tale pecus.

^a Græcis φθέρω à φθείρω, corrumpo.

^b Aristippus, causante quodam, quod filium,
 quasi non ex se natum projiceret : An vero,
 inquit, ignoramus, & pituitam & pedicu-
 los gigni, quæ tamen, ut inutilia, quam lon-
 gissimè projicimus. Laertius in vita Aristip-
 pi.

Papilio.

Non hanc bruma rigens, sed torrida conspicit
 æstas,
 Candidulæque, licet stercore surgat, avem.
^a Mellificis infesta apibus, sit præda juventa
 Ludicra, dum toto clauditur à petaso.

^a Columella papilionem apibus exitio esse scri-
 bit lib. 9. cap. 14.

^{a a} 2

^b Cur

b *Cur celerem Cancri chelis, Auguste, moraris?
Præcipiti gaudent sceptrâ, ducesque mora.*

b Augustus Cæsar pro symbolo habuit papilionem, cancri marini chelis prehensum, ut ostenderet, Principibus convenire lentam festinationem.

Concha.

Non animal, non planta vocor, vicinior illi.
Tardigradam mediis testa moratur aquis.
Me legis Oceani spoliû a dux magne Quiritum,
Nereidesque ista personuere tuba.
Officiû mirare duplex: do fercula mensis,
Exuviasque petit spurca latrina meas.
a Caligula.

Grus.

a **M**E Palamedis avem: ne natam Strymone
specta.
Cui gula mandenti gaudia longa facit.
Occurrit parvis nobis bellator in armis.
Doctaque litterulas ordine penna facit.
Me veniente solo sulcos inducit arator,
Me fugiente ferox frigora portat hyems.
Ibycus ut periit, veni justissimus ultor.
Discitur exemplo cura fidesque meo.
a Vide Lucanum lib. 5.

Bombyx.

PEnè nihil fueram: jam longum tendor in orbem:
Nunc eo: mox pennâ liberiore volo.
Iam lateo tectis: mox rursus liberor iisdem:
Nunc dapibus potior: nunc dapibus careo.
Iam piger incedo lentè: jam fila laboro:
Iam Veneris posco gaudia: jam fugio.
Vixi, & quem dederat cursum natura, peregi.
Fataque dum subeo plurima, sponte necor.
Quod-

*Quodque prius fueram, rursus dissolvor in ovum,
Principio fini conveniente suo.*

In librum clarissimi viri

IOHANNIS BEVEROVICII,

de Calculo vesicæ & renum.

T Raximus è saxis rigida primordia vitæ,
Istaque nascendi semina Pyrrha dedit.
Hinc documenta damus, qua simus origine nati,
Et præfractum aliquid quilibet intus habet.
Quid mirum! occultis rigeant si viscera saxis,
Et medio lateat plurima ventre silex.
Principiis duris nati, succrescimus iisdem,
Suppliciumque ferox mens truculenta parat.
Non satis est vitius irasci sidera. de se
Ipse capit pœnam, qui sibi peccat, homo.
Dic lapides, Beverovici, describe lapillos.
Dic quibus hos gignat flamma calorque lotis.
Forte malis poteris tantis, vir docte, mederi
Et minus à medica seviet arte malum.
At lapides causasque simul tunc crede repelli,
Cum sibi peccator desinet esse lapis.

In picturam

S A N D R A R T I I,

qua Iesum Servatorem, Annam, Mariam,
Ioannem & Iosephum exhibebat
Electrici Bavarix.

S Vblimis Bavarum Princeps, qua lumina coram
Cernis, adorando chara fuere Deo.
Hos vultus exemplar habes sanctique bonique.
Grandis ubi sociâ Filia matre sedet.

*Hic Annam Mariamque vides, tua nomina. qua
 Proxima nominibus stant speciosa piis. (nunc
 Considet has inter matres venerandus Ioseph,
 Et tacita versat mente salutis opus.
 Adspice, ut impositum gremio tibi monstret Iesum,
 Præviis ille gravi religione puer.
 His ducibus, magna Electrix, dum vivis, honestum
 Credimus hac oculis exposuisse tuis.*

Ad Nobilissimum virum

D. G O D E F R I D V M
 H A E S T R E C H T I V M,

à nephreticis doloribus convalescentem.

H Vmani generis genitor, tot prima virorum
 Materies vati creditur esse Lapis.
 Deucalion post terga mares, sed Pyrrha puellas
 Iecit & è saxis gens mala nata sumus.
 Non hac, Haestrechtii, nos fallit fabula. verùm
 Fabula quos lapides finxerat, esse reor.
 Moribus, ingenio præduri nascimur, & nos
 Virtutum indociles arguit iste Lapis.
 Corpora si spesces, latitant hic saxa. dolensque
 Exemplo poterit quilibet esse tuo.
 Tot lapides intus nutris, Godefride. sed istis,
 Natura validius munere, liber abis.
 Quid mirum? quem fecit amor, quem Gratia mol-
 Vexari saxis non cupit aqua Salus. (lem,

In obitum Illustriss. Herois
HENRICI CASIMIRI.
 COM. NASSOVIAE,
 Frisiae Gubernatoris.

Quò, Casimire, ruis? densum quò ferris in ho-
 stem?

Et medios inter truderis acer equos?
 Laberis & fatale latet sub pectore telum,
 Visurumque necat glans inimica Ducem.
 Sic Decios inter fulges, clarissima quorum,
 Fuso pro patria sanguine, fama viget.
 Exuvias servat Frisius. devotaque Marti
 Dextra, sub hoc ipso pulvere bella ciet,
 Et pugnas, Heros, alias & praelia spiras,
 Auriacumque voles & tua castra sequi.
 Tu frater, Guilielme, pios ulciscere manes,
 Et cum Belgarum fascibus, arma cape.
 At geminos, tu Belga, stupe Mavortis alumnos,
 Quorum hic bellator nascitur, ille cadit.

In obitum honestissimæ matronæ

A L E T H Æ,
 amplissimi Consulis
GERBRANDI N. PANCRAAS
 conjugis.

Felix Aleida, quæ faventis Amstelæ
 Decora vixti sedibus,
 Recti, pudoris & modestiæ, & pia
 Exemplar innocentia;
 Tot Gratiarum mater inter Gratias,
 Matrumque mater optima:

na 4

Quam

Quàm nunc beatis mixta cœtibus Deum
 Tueris, & totam capis
 Æternitatis orbitam & Christo comes
 Deforme fastidis solum,
 Inter furores totque vultus criminum
 Tumultuantis machina.
 Marita nuper fascibusque Consulis
 Illustrior Pancrasii,
 Iam Consulatus vecta terrenos super
 Trabeasque & ora civium,
 Plus dignitate, plus honoribus nites,
 Majoris imperi capax.
 Nec prolis expers, sedibus cœlestium
 Pia parentis nomina
 Et signa transfers, teque subductam tuis
 Thalamoque donas ætheri.
 Hic Sanctitatis totque virtutum chorus,
 Decensque sexum Comitatus,
 Et illa morum prædicanda Lenitas,
 Et rara sæclo Castitas,
 Facesque calcans litium Concordia,
 Pandunt beatorum domos,
 Et sempiterna fronde cingunt verticem,
 Laudesque colligunt tuas.
 Aleida, quàm nos impediti vinculis
 Mortalitatis, longius
 Distamus à te. mille mercantum globis
 Permista nuper, adspicis
 Feliciores Angelorum exercitus,
 Et gloriosos ordines.
 Nec jam tumescens fluctibus tuas ferit
 Neptunus insolens domos
 Et limine arcet hospitem malus tuo,
 Ratesque tectis admovet.
 Non timida matrum corda terret Æolus,
 Et vis furentis Africi.

*Secura nescis quot sit agritudinum
 Hic noster orbis atrium.
 Vbi nos profusis busta lachrymis pii,
 Cineresque tingimus tuos,
 Mæstumque vates confecro tibi melos,
 Fatique testem naniam.
 Et nulla quamvis deditum pectus Deo
 Perverterit fama sitis,
 Vivis superstes, invidisque dentibus
 Oblivionis eximis
 Sublime nomen consularis femina,
 Et matris optima decus.
 Quiesce conjunx digna conjugis tui,
 Et qua sepulta conderis,
 Resurge melior. ecce porrigunt manum
 Tibi Redemptor & Salus.*

In Poëmata Maximi viri,
D. SIMONIS BEAUMONTII,
 Nuper Reip. Middelburgensis in Walachris,
 nunc Rotterodamensis in Batavis,
 Syndici dignissimi.

HÆc docta magni Musa Bellimontii est.
 His illa chartis ludit, osque Teutonum
 Miscet Latino, turbidisque è fluctibus,
 Vbi VValachrus udo civis emergit salo,
 Madidasque quassat belliger Leo jubas,
 Apollinarem lata percutit chelyn.
 His sæpe Triton torvus allusit jocis,
 Acremque dictis glaucus adpersit salem.
 Neptunus alga tectus horridum caput
 Hac è tridenti verba suspendit suo,
 Marisque tum legenda porrexit diis.
 Narravit illa Doris alma Tethyi,

aa 5

Meli-

Melicerta claro Phorbadi, Nereus senex
 Matri Amphitritæ, Protæus Palæmoni.
 Cum sacra ponto Najadum fecit chorus
 Panopæa virgo conchulis strepentibus,
 Galatæa virgo rombulo rotatili,
 Lasciva Spio mugiente buccino,
 Petulans Calypso tinniente cymbalo,
 Variisq; Iole clara turbinum sonis,
 Simonis hymnos intulit mensis deum,
 Nymphisq; jussit præcini sororibus.
 Posuere fluctus aquora, & ne carminum
 Auram suam foretè differrent Noti,
 Siluere venti. Sensit ipse navita
 Feliciores classibus portus dari,
 Turgere vela laxius, sublimibus
 Aplustre malis explicari latius,
 Sub vate tanto. Quæ procellarum fuit
 Invisa sedes, sævientis Æoli
 Carcer domusq; naufragæ gentis parens,
 Zelanda tellus, hoc canente Phocis est,
 Clarosq; facta, & Cyrrha & aula Castalis,
 Aganippidumq; terra & arx Pimpleidum,
 Valachæque Athenæ, & Aonum dives solum.
 Dum castra campis explicat Neptuniis
 Nerei propago, & Martia natant trabes,
 Geminumque Solem jungimus commerciis,
 Ridet poëta tot conatibus peti
 Mundi pusillum. dum minamur Vespere
 Belgæ potentes, aureamque Colchidem
 Prædamur avidi, gaudet otio suo
 Frui serenus, Colchis ipse tum sibi,
 Opesq; & aurum. Dum petax lucro manus
 Inheret uni, nescias recti manus
 Musæ flagellant. Dum per ambitus leves
 Strumæ vagantur, dignitatum hirudines,
 Viles honorum spongia, pleni spei,

Folles inanis gloria. Beaumontius
Virtutis unum nomen inclytum putat,
Famamque honesti. dum ferocis Belgii
Orchestra crudis immadescit cadibus,
Sine cade mactat, bella, pacem cogitat
Apollo noster. dum cada verum strues
Mavors cruentus colligit, sternit duces,
Lauros reposcit, ara tympanis ciet,
Magnus Senator Rotter & Cyrrham movet
Blando tumultu, cantibusque personat
Heliconis arces. Seu cubilibus melos
Geniale dictat, seu triumphat Principum
Ducumque dignus praeo, seu se praeificam
Bustis suorum commodat, seu dulcibus
Epos jocosum dividit sodalibus,
Aut sacra fatur, & severa civibus
Consultus aequi. Sic verenda possidet
Astraea vatem, Pieris juris patrem,
Ut mutuis sororient amplexibus
Clarae sorores. Inter astus publicos
Et civitatum commoda atque incommoda
Scribit disertus, Curiamque civibus
Musisque donat. Talis olim Tullius
Patribus vacabat Consul, & suo domi
Vates Arato; jamque fasces Pollio
Regniue formas, jam parabat carmina
Legenda sceptris. Ecce, vatis ad modos
Auscultat undans Mosa, Merva proximus
Haeret sub urbis mœnibus, Nymphae canunt,
Ripa loquuntur, plectra vates sentiunt,
Et o; Erasmi mite pulchrius nitet.

IN LIBROS XII
M A V R I T I A D O S,

Clarissimi viri

FRANCISCI PLANTE,

nuper apud Brasilienses Ecclesiastæ.

D*Vm tuus adversos acer bellator in hostes
Dux ruit, atque alio sidere bella gerit,
Nassoviaque volant per barbara regna phalanges,
Et circum attonitis gentibus, horret Iber;
Tu Phœbi, Franciscæ, tubam non Martius inflas,
Quaque Deum, lituos voce ducesque canis.
Buccina celestis fidei, jam buccina belli es.
Et placida pacis præco cruenta sonas.
Vt jaculis pistorum tuus trux accola vultu
Militet, & nudus corpora victor ovet.
Vt victos laniet crudis sub dentibus artus,
Tantaque victorum præmia ventre gerat,
Et credat potuisse mori, quos vincere nollet,
Et vita fieri pabula membra ducum.
Scilicet ignorant Samii præcepta magistræ
Et sapidis vesci carnibus esse nefas.
Ista per Occiduos narras pugnata recessus,
Quaque cadit Titan curribus, exoreris,
Et vates vexilla levas. calique minister
Victrices memoras Numinis esse manus.
Mauritium tua Musa vehit, quem vexerat Orbis.
Famaque carminibus spargitur ampla tuis.
Quas lauros meruere, domi meruere, Camilli.
Quas noster, voluit promeruisse foris.
Æmulus Æneadum, Drusi que, per aquora Martem
Vexit & ignoto fixit in orbe pedem.*

Hespe-

*Hesperiasque accidit opes, Batinique Tagumque
 Exiit, & puppes, magne Philippe, tuas.
 Iam nostra fundunt dulcissima sacchara canna,
 Et Batavum versat barbara dextra molas.
 Iam procul hinc victis cives habitamus in oris,
 Nostraque Pantagonum facta farina fuit.
 Clauditur hoc uno Pellei gloria mundo,
 Herculei Gades meta laboris erant.
 Implet Nassavius geminos & militis huius
 Æthiopum longè gloria transit aquas.
 Tippi novos orbes aperi. si tertius esset
 Hoe etiam posset littore stare Comes.*

E L E G I A

Ad Illustrem virum

D. W I L H E L M V M
 ADOLPHVM CROSECQ.

Serenissimæ Hassiæ Comiti à consiliis, & ejus-
 dem in celebri Conventu Monasteriensi Ple-
 nipotentario, cum post afflictam valetudi-
 nem Sospes ad Batavos rediisset.

Optime Nobilium, prisca virtutis imago,
 Hassia quo gaudet gentibus ore loqui,
 Seu tua, Crosecqui, veterem facundia Catum
 Asserit & patrii regna decusque soli;
 Seu mediis loqueris pacis consulta Cheruscis,
 Consiliisque juvas grandia coepta tuis;
 Cur subducte meis oculis tam grata moraris
 Tempora, & à Batavis longius hospes abes?
 Iam te Chaucorum in visa tenere querela,
 Et Frisiis harens belliger Hessus agris;

bb

Iam

Iam fera languenti, lævo sub sidere, febris
 Morborumque graves incubuere mora.
 Sapius ad nostras pervenit lethifer aures
 Nuntius & fati prodigia fama tui.
 Tunc miser indolui toties, gemuique feroces
 Stamina Parcarum præsecuisse manus.
 Increpuique Iovem & vitæ tot Numina nostra.
 Et tibi Diva Salus parcere iussa fuit.
 Nunc periere mala voces & nescia veri
 Nuntia. plus faciles sensimus esse Deos.
 Incolumis salvusque mihi jam cerneris, & quæ
 Ægra fuit nuper dextera, sana datur.
 En iterum lati mensis accumbimus isdem,
 Et bibimus reduci vina falerna tibi.
 Et veteres longè, Batavo gaudente, dolores
 Pellimus & quicquid triste ferumque fuit.
 Nunc juvat Æmilie grandes memorare labores,
 Sumptaque in Austriacos Principis arma tua.
 Cum Gallo quid Cattus agat, cum Casare Gallus,
 Belgica quas socias jungat amica manus.
 Nunc Bavari crebras, media inter pocula, pugnas
 Pingimus, & pugna pars, procul hoste, sumus.
 Aut spectata Patrum, jactamus nomina, quæ nunc
 Destinât Europa pax veneranda sua.
 Aut in Palladias animam diffundimus artes,
 Et loquimur pedibus carmina fulta suis.
 Sublimemque Heliconæ tuâ conscendimus ausis,
 Quo ruit ingenii vis animosa tui.
 Hic tibi inexhaustis manat Sapientia rivis,
 Castaliasque bibis non saturatus aquas.
 Teutonicumque potes pleno mihi fundere cæmæ
 Flumine, & hæc nullo nata labore loqui.
 Publica sic mîsces privatis commoda curis.
 Et pulchras obeunt Mars & Apollo vices.
 Et Batavo nunc orator, nunc esse poëta
 Crederis, & studio disparesæpe places.

Maximè

Maxime vir, faciles currant tibi lenius anni,
Nec malus afflictum te velit esse dolor.
Quin potius vacuam rugis exporrige frontem.
Crede mihi, his poteris vulubus esse meus,
Et pulchra meruisse fidem amplexusque serena
Virginis, aut vidua basia casta tux.
Blanditias Citheraa cupit. non illa Catones
Eligat. austeros nescit amare Deos.
Aut quibus ille niger turbat praeordia sanguis,
Et Veneres moerens odit habere suas.
Hac iterum te lege velim. dic ire caballos,
Dic celeres nitidis curribus ire rotas.
Tunc lateri me junge tuo. consorsque bonorum
Claudat honoratum virgo decora latus.
Imus & augustam pariter raptamur in urbem,
Et properant currus, quò nequiere pedes.
Et, mox optatis silvarum abscondimur umbris.
Et foliis circumfundimur & tiliis,
Ne noceat Titan capiti. tunc Principis illic
Obvia fit bigis forte quadriga tuis;
Aut reginarum vultus spectamus & ora,
Aut socios secum quos trahit aula duces.
Faunorum passim latebras scrutamur, & illic
Quid Corydon faciat Nisaeque, scire parum est.
Inde domum reduces, siccas damnamus arenas,
Et sitis affuso pellitur agra mero.
Et fit coena brevis, finitque hac gaudia vesper,
Quaeque venit placido nox peramica pede.
Dic age, Crosecqui: melior num vita Deorum est?
Aut meliore putas ludere sorte Iovem?
Hac mihi stat regum titulis praelata voluptas,
Ista sodalitii gratior aura tui est.
Latitæ dator, in Batavis agnosce poëtam,
Qui tibi morosus vel gravis esse nequit.
Dum rident coeli facies, annusque, diesque,
Temporibus nolo degener esse meis.

Ad Illustres & generosos Dominos
Barones

O X E N S T E R N I O S

Patruelles, Propempticon.

Q Vos facit illustres bellatrix Suecia, & ipsa
Erigit in laudes Parrhasis Vr̃sa suas,
Iamque hinc nobilitas, illinc doctrina perennes
Nuncupat & patria vult superesse diuos,
Spes Sueonum, Decus Arctoum, surgentia regnis
Astra, iuventutis fulgidioris honos:
Tyndarida gemini, veluti cum Castore Pollux,
Et consanguinei biga sodalitiū:
Ite meis reduces Musis & Apolline nostro,
Et comes ambobus gratia vatis eat.
Gratia, quam vestri peperit clementia vultus,
Et favor & studiis promior aura meis.
Credite, meredit præsens fortuna superbum,
Et per vos possum plus placuisse mihi.
Glorior heroum mensis accumbere & inter
Tot Batavos vestrum me tetigisse latus,
Et tectis cyathisque humilem maduisse sub isdem.
Et Rhenense pari lege bibisse merum.
Seu Regina sua sensit secunda saluti
Pocula dari, & vatem non renuisse suum:
Seu nostros pleno Proceres immersumus auro,
Et potuit nobis Belgica tota bibi.
Seu pater Auriacus, seu mœnibus Amstela turgens:
Convivas voluit nos benè velle sibi.
Tunc narrata fuit stantis sententia cœli,
Quæque queat totum vis agitare solum.
Num medio rutillet lampas Phœbeia centro,
Inque procul positam lumina vibret humum.
Sic lepidas docto sermone fefellimus horas,
Et sapiens nimium mensa gravisque fuit.

Nec

Nec satis hoc : patuit grandis facundia Vossi,
Et latè celebris sensimus ora senis.
Atque hominem, qui cuncta capit, verique recessus
Et contenta libris omnibus, intus habet.
Gallia si visa est vobis, plus mentis in illo est.
Illa potens armis prævalet, hic calamo.
Si teneri visa est facies innoxia Regis,
Hic aliquid, Phæbo iudice, Regis habet.
Palladius dudum scriptus Dictator in artes,
Fulget Apollinei fax speciosa chori.
Qui dum fercla mihi, dum vobis fercula latus
Sufficit, officium Palladis esse reor,
Et nos excepiſſe Deam. Vos dicite Suedis,
Cum dapibus libros doctaque scripta dari.
Et veteres inter voces desuetaque nobis
Verba, trahi vinis prandia nostra novis.
Ite duo, & cum Parrhasium desertis in orbem
Carmina & hæc Musa dona pusilla mea,
Plus Patribus, plus Axelio promittite, cum me
Pertrahet in thalamos regia nupta suos.
Et qui Gustavum cecini, te, Filia, dicam,
Maxima Semideum filia digna thoro.
Forte, procellosum dum vos conscenditis aquor,
Hæc tetricos fallat pagina lecta dies.
Aut si displiceat, cum fastidita movebunt
Æquora vos salsis fluctibus, evomite.

In Nobilissimi viri,

CONSTANTINI HUGENII

Equ. Zulechemi Domini, & Celsissimo
Arausionensium Principi à consiliis
& secretis.

DIES FESTOS.

Silete noctes Attica & vos Vesperæ
Siculis feroces, vosque noctes & Dies
Scribentis Ascræ. insanientis Graciæ
Silete festa, quæis Eleusis tollitur,
Vel Roma fœdis dissoluta gaudiis,
Colit Lupercal; seque Baccho devovet
Lascivientis fœx profana Romuli.

En, Christianis Vesperæ, Noctes, Dies
Alii refulgent, & fugatis noctibus
Cacutientis seculi, crepusculum
Illustre mundi devius mortalibus
Cœleste lumen fundit & sacrat Deo.
Zulechemus Aula cultor & Celsi ducis.
Divina fatur, & salutis principes
Sacrosque nobis tot dies loqui facit.
Qui nuper orbi tot diserta prodidit
Commenta vates, ingenique fulgetra,
Qui curtum & acre in multiformes nenas
Epigramma torsit, & per impetus breves
Saliens, acutam provocavit Bilbilim:
Satur latini masculique spiritus,
Latique doctis expeditus vocibus;
Iam verba donat Belga Belgis matribus,
Decusque grandis Hoofdia in lucem rapit,
Sacerque linguam mutat & facundiam.

Nunc

Nunc Solis illam mystici illustrat die,
 Causasque prodit ter verendi nominis,
 Solemque Soli ab ipso Sole foenerat.
 Egressus annum, ceu renascens Virbis,
 Novum salutat, hospitemque corporis
 Animum reformat, induitque vestibus
 Recti, pudoris, juris, innocentie,
 Humanitatis, gratia & modestia.
 Dum vagientis quarimus cum Regibus
 Cunas Iesu, & stella pralucet Magis,
 Sequitur satelles noster, & per invias
 Vias eunti stella fit puer Deus.
 Sol ora condit, occidente Cynthio
 Æternitatis, sed medentem crimini
 Crucem tuetur, qui suum dolet nefas,
 Diemque pœnis horridum placat sibi.
 Ruentis iram & savientis Angeli
 Evadit iustus, qui cruenta limina
 Nihil merentis victima tabo madent.
 Hoc Pascha vatis. Illa gentibus fuit
 Aurora felix, qua sepultum reddidit
 Vita parentem & morte mortem contudit.
 Mox raptus altè nubiumque curribus
 Vetus poëta, se potentis vindicis
 Infert triumphis, seque adunari cupit.
 Ceu Sponsa Sponso, filius suo patri,
 Capitique membra, miles optimo duci,
 Fraterque fratri, palmes ipsi vineæ.
 Hinc lapsum ab alto Flamen omnes occupat.
 Variisque linguis dum loqui facit Patres
 Bissæ, in ipso Vate fit miraculum,
 Vnoque Batavis ore diversum sonat,
 Grajusque Grajo, Belga Belgis, Ausoni
 Respondit Auson, Celta genti Celtice.
 Prasæpe sanctum, pauperes Christi lares,
 Deforme tectum sospitatoris Dei,

Supplex adorat, sordidisque culcitris
 Vna quiescens, invenit sibi locum,
 Quicumque fastum damnat hoc fœno suum,
 Opesque querit indigum juxta Deum,
 Tandem patescit mensa, quæ det pabula
 Anima labanti, & sanguine occultam setim,
 Famemque carne pellat indomabilem.
 Donat seipsum corpus & simul datur.
 Idemque sanctis pluribus corpus datur.
 Quin plus farina vescimur. mens digerit;
 Quod dens nequivit, intrat os pium Ceres
 Stupenda, mentes esca fracti corporis.
 Res tota vera est, discrepamus in modis.
 Hos discrepantes dulcis uni Charitas.

Hæc sacra scribis Autor Hellephanties;
 Dumque Orbis orbi donat orbis frustula,
 Strenisque amoris vincula stringit vilibus,
 Tri summa donas, quemque cuncti poscimus,
 Quo cuncti egemus, involutus fasciis,
 Cadens, resurgens, tot repertus Regibus,
 Tot dona mittens, Strena mittitur Deus.

Ad Amplissimum virum

SILVEST. DANCKELMAN,

Territorii Lingensis Iudicem.

Linga potens, Batavum bellis illustris & armis,
 Per varias Martis capta, recepta vices,
 Nassovia dos prisca domus, quæ juncta Cheruscis
 Innocuis Amasis læta rigaris aquis?
 Non jam belligeras in proxima rura phalanges
 Evomis, & Frisio vis gravis esse solo.
 Neutra places, motusque truces & prælia nescis.
 Nec veteri nobis more cruenta nocet.

Nempe

Nempe alio felix jam possessore triumphas.
 Et tua Pieridum mœnia cultor habet.
 Bella legit, sed nulla cupit. turmasque Quiritum
 Volvit, at has terris gaudet abesse suis.
 Totus in historia veterum est, Romamque recenset,
 Et transacta Ducum tempora mente notat.
 Dum paci, vacat Astræ, & Marvortia quondam
 Limina vult Themidi jam patuisse sua.
 Sunt Phœbi, quas fulmineus Mars condidit, arces.
 Claraque Bellonæ regis, facta Claros.
 Mutaſti Lingæ faciem, Vir magne, Ducumque
 Area judiciis annuit aqua tuis.
 Quæ fuit Auriaci statio, quæ regis Iberi,
 Iudice tam facili, jam quoque Linga mea est.

Ad Ampl. doctissimumque virum
 IOHANNEM INGELIVM,
 Advocatum & Poëtam insignem.

I Ngeli, mea quo toties sub iudice Musa,
 Affata est Batavos officiosa suos;
 Sume tui versus irritamenta furoris,
 Et tibi non sprete carmina vatis ama,
 Tu placidum Vechtæ vacuus modularis ad amnem.
 Grata tuis quoties otia queris agris.
 Nos medias inter, Phœbo indignante, paludes
 Scribimus, & nostrum sordet & horret epos.
 Illic Cirrha tibi est, illic cantillat Apollo
 Suavius, & iersum fundit ab ore melos.
 Cum voci citharam, cum barbita cantibus aptas,
 Quæque canis, sequitur ludere docta manus.
 Cum tua Terpsichore, cum docti Filia patris
 Orphea vult plectro detinuisse suo.
 Sperne fori rixas, mercantum sperne tabernas,
 Sperne nimis trepidis limina tarda reis,

*Optime, quas nescit decidere Curia lites,
Abrumpunt modulis Tuscula vestra tuis.*

Ad

GERARDVM NIENDALIVM

de Nuptiis Ultrajecti disputaturum.

Dvlces conjugii tabula primævaque mundi
Fœdera, non ullo dissocianda die,
Iam litis sunt caussa foro. queis jungimur omnes,
Disjurgunt totas oscula casta scholas.
Et de basiolis nunc disceptare Cupido
Audet & in partes optima Cypris abit.
Cur? quia Niedalio Paphii placuere furores,
Et validus quinta prole superbit amans,
Hoc Citherea cupit dici sub Præside caussam,
Et pro se expertum basia stare virum.
Vos Themidis juvenes thalamos defendite verbis.
Rem Veneris melius, qui pater audit, aget.

I N O B I T V M

— Illustris ac Eruditionis fama celeberrimi viri

HVGONIS GROTTII,

Serenissimæ Suecorum Reginae, apud
Christianissimum Regem,
cum viveret,

L E G A T I.

Sistite cantandi rabiem, celeberrima, Musa,
Numina & afflictam dilacerate chelyn.
Pegaseos subverte apices & culmina & omnes,
Queis passim coleris, subrue, Phœbe, domos,
Et Claron & Pataram Tenedonque, & quicquid
Et toto sacrum Vatribus orbe fuit. (amœnum
Vile


Vile poëtarum est, prostrato Principe, nomen,
 Et tuus Illustri funere marcet honos.
 Diva Themis, sileant leges & rostra, feroxque
 Damnet & attonitos negligat hora reos.
 Iam Minœ carent. justique interpres & aqua
 Vult tibi, vult profugis legibus ire comes.
 Gallia, qua Gothicis misces tua tela sarissis,
 Iam caussas, Gothico cum Iove, litis habet.
 Cur, Terhys malesana, furis? tibi nexa refringens
 Vincula, liberius per Mare stravit iter.
 Nunc jus omne tuum, Mavors, rescinde. furori
 Do veniam. tanti destina juris obit.
 Optima Pax, terris nimium crudelibus exi.
 Ille tuus, laeso Numine, doctor abit.
 Belgica, Hyperboreis irascere fluctibus. & tu,
 Æole, flagranti crimine, conde caput.
 Barbarus es. docto claram Pharon eripis orbi.
 Sceptraque præcelsa mentis egere facis.
 Infelix Europa, tuo pars ista dolori
 Additur & decori deficiis ipsa tuo.
 Nec laudum jam vestigia per regna, per urbes,
 Gentibus hunc monstras, Delfa superba, virum.
 Doctrinaque facem cunctis ostendis Athenis,
 Et nostro exortum grande sub axe jubar.
 Exequias comitatur Arabs, Chaldeus & Assur.
 Hebrausque suum suspicit autor opus.
 Cunctorum vox hujus erat. tot scripserat annis,
 Et puer hæc dixit, quæ stupuere senes.
 Quo quondam latuit tenebroso carcere, fulgens
 Et celebris capta Palladis Aula fuit.
 Hic secura suas mens exspatiata per artes,
 Tot veterum secum sola recoxit opes.
 Reddita libertas. angustis finibus, ingens
 Quem Fama spatium non capit, arca capit.
 Tunc Batavum spissis Solem latuisse tenebris
 Vidit & obstupuit Sol pater ista geri.


Tunc


Tunc Vahalis tunc Mosa ipsi jurasse salutem
 Creditur & ventos increpasse truces,
 „ Et dixisse: vehis contractum capsula Magnum.
 „ Qui mox, in Sueonum commoda, major erit.
 Et fuit, & tanta motus ac pondera caussa,
 A sera voluit posteritate legi,
 Posthuma nascentes ibunt in secula libri.
 Et tua pralustris pralia, Belga, leges,
 Excussumque Tagi Dominum, partosq; triumphos,
 Assertamque inter busta necesque Fidem.
 Lux Prisci, lux ille Novi, se subtrahit Ævo.
 Scriptoremque necant tempora scripta suum.
 En, Moses sine nube patet, sine tegmine Christi
 Pagina, & hoc totus discitur ore Deus.
 Non, Groti, me teste, viges: te purpura dudum
 Extulit & Regum crevit honore tuus.
 In te Borbonius nostra miracula terra,
 Et Patria potuit fata notare tus.
 Docta Caledonia tetigisti scepra corona,
 Parrhasiumque tibi, Maxime, favit ebur:
 Quem venerata fuit totis Sapientia castris,
 Undique tot mundi Regibus horror eras,
 Et sacrum caput Augustis. quo sospite forsan
 Bella suum poterant dedidicisse nefas.
 Indoluit sors læva tuisque asperrima rebus,
 Invidiam in partes traxit iniqua suas.
 Subductamque suis, non jam subduxit Olympo.
 Vnius spoliū sed sinit esse Dei.

F I N I S.

Jacobo cattio de odoribus
hispanis. pag. 254 - in eius
proedum - 257 in Sugge-
ta poma 229 -







F655
B141P

